

UTL AT DOWNSVIEW



D RANGE BAY SHLF POS ITEM C  
39 11 05 05 16 009 5

JN  
9711  
H38  
v.2

Haydar, 'Alī ibn Emīn  
Dürer ül-hükkām şerh-i  
mecellet ül-aḥkām

PLEASE DO NOT REMOVE  
CARDS OR SLIPS FROM THIS POCKET


---

UNIVERSITY OF TORONTO LIBRARY

---

3333/2

8/F/21



Digitized by the Internet Archive  
in 2010 with funding from  
University of Toronto



Haydar, 'Ali ibn Emīn

الجزء الثاني

من

درر الحکم شرح مجله الامم

Dürer ü-l-hükkām

(شرح الكتاب الثاني اعنى الاجاره)  
serh-i mecellet ü-l-ahkām

مؤلفی

در سعادت بدايت محكمه سى رئيس اولى ومكتب حقوق

وملكيه شاهانه مجله معلمى

فضيلتو حيدر افندى

اولجه مكتب حقوق شاهانه طلبه سنه تقرير اولنمشد

فتواخانه عاليده متعدد علماء كرام وفقهاء فضائل اتسام حضراتى طرفندن  
تدقيق وقبول وتحسين بيورلدندن صكره معارف نظارت جليله سرك  
فى ۱۰ تشرين ثانى سنه ۱۳۱۴ تاريخلو و ۶۲۰ نومرولى رخصتنامه سيله  
طبع اولنمشد.

استانبول

(آ. آصادوريان) شركت مرتبيه مطبعه سى — باب عالى جاده سنده

نومرو ۵۲

۱۳۱۶

JN  
9711  
H38  
v. 2



صفحه

۲	تمليك، ياتمليك عين ياتمليك منفعت ياجانا ياعوضله اولور
۳	اجاره نك مشروعيته دليلار
۹	تعريف اجاره اوزرينه سو آل وجوابلر
۱۲	لزوم اجاره اوزرينه سو آل وجواب
۱۴	مبدأ اعتباريله تقسيم اجاره
۱۸	اجر مثلك تقديرنده اوچ شينه نظر اولنور
۱۹	اجر مثلى اخبار، شهادت شرعيه قبيلدن دكلدر
۲۴	معدلاستغلال اوچ شيدر
۲۸	قياس اولان اجاره نك عدم جوازيدر
۳۱	معقود عليه اعتباريله اجاره ايكي نوعدر
۳۴	اجيرك اقسامى
۳۷	اجير خاص ايله مشتركه دائر بعض مهم ايضاحات
۴۳	اجير مشترك اجرتة استحقاقى نه ايله در
۴۴	اجير خاصك اجرتة استحقاقى نه ايله در
۴۷	مستأجر ك استيفا ايده چكى منفعت نصل منفعتدر
۵۵	لاحقه؛ نوع منفعتده اختلافه دائردر
۵۶	مستعملينك اختلافيله مختلف اولان شيلرده تقيد معتبردر

- ۵۷ مستعملینك اختلافیه مختلف اولیان شیرده نقید لغودر
- ۵۹ شیوع مقارن عقد اجاره‌ی افساد ایدر
- ۶۳ بناسی بر کیمسه‌نك عرصه‌سی دیکرینك اولورسه یالکیز  
بنا آخره ایجار اوله بیلور
- ۶۳ شیوع طاری عقد اجاره‌ی افساد ایتمز
- ۶۸ بدل اجاره‌یه کفالت جائزدر
- (باب ثانی؛ عقد اجاره‌یه متعلق مسائل بیاننده اولوب درت)  
(فصلی حاویدر)
- (فصل اول؛ رکن اجاره‌یه دائر اولان مسائل بیاننده در)
- ۷۰ اجاره ایجاب وقبول ایله عقد اولنورسه ده انعقادی ساعه  
فساعه در
- ۷۱ اجاره‌ده ایجاب وقبول هانکی لفظلرله وقوعبولور
- ۷۵ مستقبل صیغه‌سیله اجاره منعقد اولماز
- ۷۶ ایجاب وقبول مکانبه و اشارتله ده اوله بیلور
- ۷۷ تغاطی طریقله ده اجاره منعقد اولور
- ۷۸ اجاره‌ده سکوت رضا وقبول عد اولنور
- ۸۱ غاصبک سکوتی مستأجرک سکوتی کیدر
- ۸۲ بعدالعقد تبدیل یا تزیید و یا تنزیل بدل ایله یکیدن بازارلق  
اولنسه عقد ثانی معتبردر
- ۸۳ عقد اول باقی اوله رق تزیید و تنزیل
- ۸۵ اجاره مضافه هم صحیح و همده لازمدر.



- ۸۸ بعد عقد الاجاره بشقه سی اجرت نه قدر ضم ایتسه آجر  
فسخ اجاره ایده من
- ۹۱ مال یتیم و مال وقف حقنده بو خصوصده کی استثنا
- ۹۴ اجاره ده غبن فاحشك . مقداری
- ۹۶ مال وقف ایجار اولاند قد نصکره تزايد اجرت
- ۱۰۱ لاحقہ ؛ انفساخ یا فسخ اجاره یی موجب اولیان اعدار  
بیاننده در
- ۱۰۴ مستأجر مأجوره مالک اولیجق اجاره نك حکمی قالماز
- ۱۰۵ اجاره نك انفساخنی موجب اولان احوال
- ۱۱۳ لاحقہ نك مبحث اولی ؛ فسخ اجاره یی مجوز و انفساخ  
اجاره یی موجب بعض اعدار شرعیه بیاننده در
- ۱۲۰ مبحث ثانسی ؛ اقاله اجاره یه متعلق مسائل بیاننده در
- ۱۲۴ (فصل ثانی، اجاره نك شرائط انعقاد و نفاذی حقنده در)
- ۱۲۶ اجاره مریض
- ۱۳۰ اجاره فضولی
- ۱۳۲ اجاره فضولیده اجازتده ایکی وجه وارد
- ۱۳۵ (فصل ثالث: صحت اجاره نك شرائطی حقنده در)
- ۱۴۱ اجاره ده منفعت مانع منازعه اوله جق وجهله معلوم  
اولمق شرطدر
- ۱۴۶ اراضی استیجارنده منفعتك معلومیتی



- ۱۴۸ استیجار طریق
- ۱۵۱ منفعت مقدور الاستیفا اولمق شرطدر
- ۱۵۳ ( فصل رابع؛ اجاره نك بطلان وفسادی حقندهدر )
- ۱۵۵ اجاره باطله ده استعمالك ايله اجرت لازم اولماز
- ۱۵۸ اجاره فاسده ده اجرت لازم اولور .
- ۱۶۰ اجاره فاسده ده لازم اولان اجرت نه مقداردر
- ۱۶۷ اجاره فاسده ده بالعلم والرضا اجر مثلدن زیاده اجرت ویرلسه استرداد اولنه من
- ۱۶۸ لاحقہ نك مبحث اولی؛ شرطله اجاره حقندهدر
- ۱۷۲ مبحث ثانسی، طرفینك صحت وفساد اجاره ده اختلافلرینه دائردر
- ( باب ثالث؛ اجرتہ متعلق مسائل بیاننده اولوب اوچ )
- ( فصلی حاویدر )
- ۱۷۲ ( فصل اول؛ بدل اجاره حقندهدر )
- ۱۷۳ ثمن اولغله صالح اولمیان شیرلر اجرت اوله بیلور
- ۱۷۸ عین اولان اجرتك قبل التسليم هلاکيله اجاره منفسخ اولور
- ۱۸۰ ( فصل ثانی، اجرتك سبب لزومنه و آجرك اجرتہ )
- ( کیفیت استحقاقنه دائر اولان مسائل بیانندهدر )
- ۱۸۳ عقد مطلق ايله اجرت لازم اولماز

صیغه

- ۱۸۶ بونك اوزرينه اولان سؤال و جواب
- ۱۸۸ تعجيل ايله اجرت لازم اولور
- ۱۸۹ اجاره مضافهده بو خصوصده اختلاف واردر
- ۱۹۰ اجاره منجزهده شرط تعجيل ايله اجرت لازم اولور
- ۱۹۳ استيفای منفعتله اجرت لازم اولور
- ۲۰۰ اجاره صحيحهده منفعتنه نمکن ايلهده اجرت لازم اولور
- ۲۰۶ اجاره فاسدهده ايسه بالفعل انتفاع شرطدر مگر که مال وقف اوله
- ۲۰۸ من غير عقد وبلا اذن استعمالك حكمی
- ۲۱۱ تعجيل وتاجيله دائر نه شرط اولنسه او، معتبردر
- ۲۱۲ تاجيل شرط ايديلورسه بونك حكمی
- ۲۱۳ اجاره مطلقه نك حكمی
- ۲۱۷ لاحقه؛ سوت انانك اجرتنه دائردر
- ۲۱۹ كرا وقت تسليمدن اعتباراً ايشلر
- ۲۲۲ مأجور ايله انتفاع بالكلية فوت اولدقهده اجرت ساقط اولور
- ۲۲۸ لاحقه؛ غصب مأجور ايله سقوط اجرتنه دائردر
- ۲۳۲ مدت اوزرينه قايق استيجاری حقنده کی مسئله
- ۲۳۳ يالكز مرمت مقابلنده خانه إيجاری عاریت قیلنددر
- ۲۳۵ لاحقه؛ استيجاره وكالته دائر بعض مسائل بیانندهدر

(فصل ثالث؛ اجرت ایچون اجیرك مستأجر فیہی حبس)

(ایدوب ایدہ مامسی حقنדה در)

۲۳۶ عملنده اثر اولان اجیر اجرت مؤجلہ دکلہ مستأجر

فیہی حبس ایدہ بیئور

۲۳۸ اثر دن مراد نہ در

۲۴۲ عملنده اثر اولیان اجیر مستأجر فیہی حبس ایدہ من

(باب رابع؛ مدت اجارہ یہ متعلق مسائل بیانندہ در)

۲۴۴ اجارہ دہ مدت اوزونده اولور قیصہ دہ اولور

۲۴۵ وقفك ایجارنده شرط واقفہ اتباع واجبدر

۲۴۸ مدت اجارہ نك مبدئ حین عقدہ تعیین اولنان وقتدن

اعتبار اولنور

۲۴۸ حین عقدہ تعیین اولنمامشہ وقت عقددن اعتبار اولنور

۲۵۰ آیک ابتداسنده ایجارك حکمی

۲۵۱ آیک برازی کچمشیکن بر آیلق ایجارك حکمی

۲۵۲ آیک برازی کچمشیکن شو قدر ایلق ایجارك حکمی

۲۵۴ آیک برازی کچمشیکن هر ایلنی شو قدرہ دنیلہ رك

ایجارك حکمی

۲۵۵ ایک برازی کچمشیکن بر سنہ لک اولہ رق عقدا جارہ نك حکمی

۲۵۷ هر ایلنی شو قدر غروشہ اولق اوزرہ ایجارك حکمی

۲۵۸ صبرہ مسئلہ سیلہ بو مسئلہ یانندہ کی فرق

صیغه

۲۶۲ هر سنه لکی هر هفته فی هر کونلکی دیهرک ایجار اولنسه  
ینه حکم بویله در

۲۶۴ مستاجر اجیری نه قدر ایشلده جکمنده عرف بلده یه  
باقیلور

۲۶۶ هانکی کونلر اولدینی بیسان اولنقمسزین اون کون  
ایشلمک اوزره اجیر استیجارینک حکمی

۲۶۷ (باب خامس؛ خیارات حقنده اولوب اوچ فصلی حاویدر)  
(فصل اول؛ خیار شرط بیاننده در)

۲۶۷ امام شافعی اجارده خیار شرطی تجویز ایتمامشدن سببی

۲۷۳ مدت خیار وقت عقددن اعتبار اولنور

۲۷۳ مدت اجاره نك مبدئ خیارك سقوطی وقتندن معتبردر

۲۷۵ شو قدر ذراع یا دونم اولق اوزره استیجار اولنان یرك

زائد ویا ناقص حقیقه سی خصوصلرنده اجاره نك حکمی

۲۷۷ بر ایش فلان وقته قدر کورمک اوزره شو قدر غروش

اجرتله استیجارك حکمی

۲۸۰ اتی شیده ایکی یا اوچ صورت اوزرینه اجرتك تردیدی

صحیحدر

۲۸۶ نفی واثبات طریقله تردید اجرتله دائر

(فصل ثانی؛ خیار رؤیت حقنده در)

۲۸۸ مستاجر ایچون خیار رؤیت واردر



- ۲۸۹ مأجورك رؤیتی منافعك رؤیتی كیدر
- ۲۹۰ خيار رؤیتله فسخ اجاره حكم حاكم يارضاى طرفینه  
موقوف دكلدر
- ۲۹۱ محلك اختلافیه ذاتاً مختلف اولان عملده اجيرك خيار  
رؤیتی واردر
- ۲۹۲ (فصل ثالث؛ خيار عيب حقنده در)
- ۲۹۴ خيار عيبه مأجورك ردی حكم حاكم يارضاى آجره  
محتاج دكلدر
- ۲۹۵ موجب خيار اولان عيب ايكي قسمدر
- ۲۹۹ منفعتك استيفاسندن مقدم مأجورده حادث اولان عيب  
وقت عقدده موجود كیدر
- ۳۰۰ عيبك حدوتی وقتنده مستأجرك صورت خياری
- ۳۰۲ قبل الفسخ آجر عيب حادثی ازاله ایدرسه مستأجرك  
حق فسخی قالماز
- ۳۰۴ مستأجر اجاره‌ی خيار عيبه فسخ ایده‌جکی وقتده  
آجرك حضوری شرطمیدر
- ۳۰۸ قسم ثانی عيب بولنوبده بلافسخ ساكن اولسه اجرتدن  
برشی ساقط اولماز
- ۳۰۹ ايكي خانه بردن استيجار اولندقدده برينك انهدامی  
چيننده مستأجر ايكسنى بردن ترك ایده‌بيلور

صیغه

- ۳۱۰ شو قدر اوطه اولق اوزره استیجار اولسان خانهك  
اوطه لری ناقص چیقسه بونك حکمی  
( باب سادس؛ مأجورك انواع و احکامی بیاننده اولوب )  
( درت فصلی حاویدر )
- ۳۱۳ مسكن استیجارنده من له السكنیك تعیین لازم دكلدر  
۳۱۴ مشغولك ایجاری صحیحدر
- ۳۱۸ اراضی استیجارنده نه اكه جكنی تعیین لازمدر  
۳۲۲ زرعك ادراكندن مقدم مدتك انقضاسنك حکمی  
۳۲۶ برای زراعت اعاره اولنان ارض  
۳۲۷ منازل استیجارنده مایعمل فهانك بیان شرط دكلدر  
۳۲۸ تمه قنات ونهر وطریقك اجاره سی حقنده  
۳۲۸ خانه مأجور ایله کیفیت انتفاع  
۳۴۰ لاحقه مأجورك ویرکوسی حقندهدر  
۳۴۱ باذن الآجر مستأجرك یادینی تعمیراتك حکمی  
۳۴۴ مستأجر عقار مأجورده بنا یارسه یا اغاج دیکسه اجاره  
نك انقضاسنده آجر اوج وجهله مخیردر  
۳۵۰ مجله یه ایراد اولمنسی محتمل براعتراض ایله آنك جوانی  
۳۵۵ لاحقه؛ بیع بالاستقلاله متعلق مسائل بیانندهدر  
۳۵۹ ( فصل ثانی؛ اجاره عروض حقندهدر )  
۳۶۴ البسه استیجارنده لابی تقیید مفیددر

- ۳۶۷ ( فصل ثالث؛ اجاره حیوان حقننده در )
- ۳۶۸ فلان محله قدر ديه استکرا اولنان دابه يولده بيتاب  
قالورسه نه ياييله جنی
- ۳۷۲ لاعلى التعین بر حیوان استیجاری جائز اولماز
- ۳۷۳ اجاره حیوانده واريله حق یرک تعیینی لازمدر
- ۳۷۴ تعیین اولنان یرک اسمی ایکی محله اطلاق اولندیغی حالده  
نه ياييله جنی
- ۳۷۶ مکارینک اذنسنز معین محلی تجاوزک حکمی
- ۳۷۹ معقود علیه اولان محلك غیری بر یره کتمه نك حکمی
- ۳۸۲ کیديله جاك محلك یولی متعدد اولسه هانکی یولدن  
کیديله جکی
- ۳۸۴ معین بر مدت ایچون استیجار اولنان حیوان، اومدتدن  
زیاده استعمال اولنه ماز
- ۳۸۷ رکوب ایچون استکرا اولنان حیوانه یوک یوکديله من
- ۳۸۸ راکبی تعیین اولنان حیوانه بشقه سی بینه من
- ۳۹۰ لاحقہ؛ اردافه دائر مسائل بیاننده در
- ۳۹۶ راکب تعیین ویا تعمیم اولنمسه اجاره فاسد اولوو
- ۴۰۰ بلاذن کرا حیوانی ضرب اولنه ماز
- ۴۰۲ یوک ایچوک استکرا اولنان حیوانه بینيله بیلور
- ۴۰۳ یوک ایچون استکرا اولنان حیوانه نصل یوک یوکديله بیلور

صیغه

- ۴۱۴ مأجورك نفقه سی آجر اوزرینه در
- ۴۱۵ ( فصل رابع؛ اجاره آدمی بیانده در )
- ۴۱۹ استیجار علی الکفاله صحیح دکلر
- ۴۲۱ آجر مقاوله سی اومقمزین بالطلب ایفای خدمتک حکمی
- ۴۲۳ یوکی نقل ایچون ایکی شخص استیجار اولنشیکن مجموعی  
برسی نقل ایتسه حکمی
- ۴۴۴ اجرت مقابلنده لالی التبعین بر مال ویرمک اوزره  
عقد اجاره نک حکمی
- ۴۲۸ خدمه به ویریلان بخشیش اجرتنه محسوب ایدلمز
- ۴۲۹ استاد استیجاری
- ۴۳۱ امام یا مؤذن استیجاری
- ۴۳۴ طاعت ایچون استیجار آدمی باطلدر
- ۴۳۶ اجیر نه وقت یرنده بشقه سی قوللانه من
- ۴۴۱ لاحق؛ حال، امره مخالف و بولده توقف ایتسند نطولانی  
یوکلک تافی
- ۴۴۳ یوک قونیلان محک اجرتی حقنده در
- ۴۴۵ دلالة اجرت ویرمک لازم کلوب کیمان مواد
- ۴۴۸ اوراچینر وسوت انا حقنده کی مسائل
- ۴۵۰ لاحق؛ مستأجر ایله اجیر بیتده کی اختلافه دائر در
- ( باب سابع بعد العقد آجر و مستأجرک وظیفه و صلاحیتلرینه )  
( دائر اولوب اوچ فصلی حاویدر )



صَحیفه

- ۴۵۱ ( فصلی اول؛ تسلیم مأجور حقننده در )
- ۴۵۲ مأجورك تسلیمی نه دیمکدر.
- ۴۵۶ مشغولاً ایجارده تقریغ بولند قجه کرا ایشلمز
- ۴۵۷ مأجور خانه تسلیم اولنوبده بر او طه سی تسلیم اولنمز سه
- حکمی
- ۴۵۸ ( فصل ثانی؛ بعد العقد عاقدینک مأجورده تصرفلرینه داردر )
- ۴۵۸ مستأجرك قبل القبض مأجورده تصرفاتی
- ۴۶۱ آجرك اجرتده تصرفاتی
- ۴۶۸ مستأجرك اذننمز آجر مأجوری صاتسه بونك حکمی
- ۴۷۱ لاحقہ مأجورك بیهی صورتننده اجرتنك کیمه عائد
- اوله جفی
- ( فصل ثالث؛ رد و اعاده مأجوره متعلق مواد بیاننده در )
- ۴۷۲ اجاره منقضیه اولورسه مستأجره نه لازمدر
- ۴۷۵ مأجورك رد و اعاده سی کیمه عائددر
- ( باب ثامن؛ ضمانات بیاننده اولوب اوچ فصلی حاویدر )
- ۴۸۲ ( فصل اول؛ ضمان منفعت حقننده در )
- ۴۸۲ بلا اذن استعمال ایله اجرت لازم اولوب اولیه جفی
- ۴۹۲ تأویل ملك ایله استعمال اولسان مالده اجرتك لزوم
- وعدم لزومی
- ۴۹۴ تأویل عقد ایله استعمالك حکمی

صغیرک استخدای	۴۹۶
(فصل ثانی مستأجرک ضمانی حقنده در)	
مستأجر یدنده مأجور امانتدر	۴۹۸
مأجورک مستأجر یدنده تلفندن صکره استحقاقنه دائر	۴۹۹
مأجور مستأجر یدنده تلف اولورسه نه اوله جفی	۵۰۰
مستأجرک خلاف معتاد حرکتی تعدیدر	۵۰۴
مشروطک مافوقنه تجاوز موجب ضماندر	۵۰۹
اجاره نك انقضاسنده مأجورک حکمی	۵۱۰
(فصل ثالث؛ اجیرک ضمانی حقنده در)	۵۱۱
اجیرک ضماننده کی اختلاف الائمهیه دائر ایضاحات مهمه	۵۱۱
اجیرک تعدیسی نه دیمکدر	۵۲۰
اجیرک تقصیری نه دیمکدر	۵۲۶
اجیر خاص امیندر	۵۲۹
خسته لمان حیوانک اجیر یا غیرسی طرفندن ذبحی	۵۳۲
اجیر مشترک، فعلندن متولد ضرری ضامن اولور	۵۳۴
اجیر مشترکک اجیرینک عملی اجیر مشترکه مضافدر	۵۳۸
لاحقه، اجیرک ضمانی وسائر حقنده مسائلی بیاننده در	۵۳۸
خاتمه؛ آجر ایله مستأجر بیننده اختلافه دائردر	۵۴۰









— الجزء الثاني —

من

# درر الحکم شرح مختصر للاحكام

( شرح الكتاب الثاني اعنى الاجاره )

مؤلفی

در سعادت بدايت محكمه سی رئیس اولی و مکتب حقوق  
و ملکیت شاهانه مجله معلمی  
فضیلتو حیدر افندی

اولجه مکتب حقوق شاهانه طلبه سنه تقریر اولنمشدر

فتواخانه عالیده متعدد علماء کرام و فقهاء فضائل اتسام حضراتی طرفندن  
تدقیق و قبول و تحسین بیورلدقدن صکره معارف نظارت جلیله سنک  
فی ۱۰ تشرین ثانی سنه ۱۳۱۴ تاریخلو و ۶۲۰ نومرولی رخصتنامه سیله  
طبع اولنمشدر .

استانبول

( آ. آصادوریان ) شرکت مرتبیه مطابعه سی — باب عالی جاده سنده

نومرو ۵۲

۱۳۱۶

## بِسْمِ اللَّهِ الرَّحْمَنِ الرَّحِيمِ

نحمدك اللهم حمدا يتوالى • وصلاة وسلاما على نبي الهدى •  
وعلى آله واصحابه هم كالنجوم و هم يهتدى •

### ﴿ كتاب ثانى ﴾

يعنى برنجى ماده ده كتابلره منقسم اولدينى كوستريلان مجله  
احكام عدليه نك ايكنجى كتابى

[اجارات حقنده] يعنى اجاراته متعلق مسائل واصطلاحات  
فقيهيه بيانده [ اولوب بر مقدمه ايله سكز بابى ] ومن حيث  
المجموع ايكوز آلمش سكز ماده يى [شاملدر].

مجله اعيانك بعوض تملكندن يعنى بيعدن فارغ اولدقدن  
صكره منافعتك بعوض تملكينه يعنى اجاره يه شروع و برنجيسى  
ايكنجيسينه تقديم ايلدى • زبرا اعيان منافع اوزرينه مقدمدر  
تكمله فتح القدير فى اول الاجارة. التملك على ضربين تملك  
منفعة و تملك عين وكل على وجهين اما ان يكون ببدل او غير  
بدل فتملك العين ببدل هو البيع و تملك العين بغير بدل هى  
الهبة والصدقة والوصية وما اشبه ذلك واما تملك المنفعة ببدل  
فهى الاجارة و تملك المنفعة بغير بدل هى العار يه شبلى على الزيايى  
ثم من محامن الاجارة دفع الحاجات بقايل من العوض ولهذا

قيل ان الفقير ينفع بفلوسه من الاستحمام مثل انتفاع الغني  
بصرف الوفه لاستحمامه عبد الحليم

اجارده معقود عليه منعت اولوب منعت ايسه معدوم  
اولديغدن قياس اولان عدم جواز ايكن احتياج ناسه بناء  
تجويز ايدلمش و بونك مشروعتي ، كتاب ، سنت واجماع امت  
ايله ثابت اولمشدر هدايه . احتياجك تقريرى ٤٢٠ ماده شرحنده  
بيان اولنور .

كتاب ، شعيب عليه السلام دن حكايه طريقيه ولان « انى  
اريد ان انكحك احدى انبى هاتين على ان تاجرني ثمانى حبيج  
آيت كريمه سى اولوب بزدن اوليكى امترك شريعتلىرى ، نسخ  
اولندينى ثابت اولمدقچه بزه دخى شريعت اولور . خصوصاً  
بونلك شريعتلىرى بزه لاعلى وجه الافكار حكايه اولنور ايسه .  
« فآتوهن اجورهن » و « لوشئت لاتخذت عليه اجرا » آيت  
كريمه لرى دخى اجارهنك مشروعيته دلالات ايدر تكمله فتح  
القدير وزيامى فى اول الاجاره .

سنت ، عليه الصلاة والسلام حضر تلىرينك اعطوا الاجير  
اجره قبل ان يحف عرقه . و من استأجر اجيرا فليعلمه اجره  
قول شريفلىردر هدايه فان الامر باعطاء الاجر دليل على صحته  
تكمله فتح القدير .

اجماع امته كلانجه هر عصر وهر مصر اهلى اجارهنك صحته  
اتفاق واجماع ايلمشدر در تكمله فتح القدير .

اجارات اجاره‌نك جهی اولوب تعریفی چون ٤٠٥ ماده‌یه‌باق .  
 اجارات لفظنك جمع اوله‌رق ذکرى اجاره‌نك انواع مختلفه‌سی  
 بولندیغنى اول امرده اکلانق ایچوندر . زیرا اجاره بر اعتبار  
 ایله ٤٠٦ و ٤٠٧ و ٤٠٨ ماده‌لرده کی اقسامه یعنی اجاره لازمه  
 واجاره منجزه واجاره مضافیه انقسام ایستیکی کی دیگر بر  
 اعتبار ایله دخی ٤٢١ ماده‌ده کی انواعه یعنی منافع اعیان و عمل  
 یعنی منافع بی آدم اوزرینه وارد اولان اجاره‌یه تنوع ایدر  
 تکمله فتح القدیر .

کذلک منفعتک جهت معلومیته دخی اجاره تنوع ایله .  
 زیرا منفعت اجاره‌نك بر نوعنده بیان مدت ایله معلوم اولور .  
 « ٤٥٢ » ماده‌ده اولدینی کی . و دیگر نوعنده عملک بیانیه  
 معلوم اولور . « ٤٥٥ » ماده‌ده اولدینی مثلاً . و بشقه بر نوعنده  
 دخی اشارت ایله معلوم اولور . نته‌کیم ٤٥٦ ماده‌ده بیان  
 اولمشدر تکمله فتح القدیر .

تفصیلات آنه‌دن اکلایشیلور که اجاره باشلوجه اوج اعتباریه  
 انقسام و تنوع ایدر .

### ﴿ مقدمه ﴾

یعنی کتاب ثانینك مقدمه‌سی

[ اجاره‌یه متعلق اولان اصطلاحات ] فقهیه [ بیاننده ]  
 اولوب اون الی ماده‌دن عبارت [ در ]

اصطلاحات لفظی ایچون کتاب اولک ابتداسنده ایضاحات ویرلش اولغله اورایه مراجعت اولنه.

بو مقدمه ده مذکور مواد، ابواب و فصول آیه ده مسطور مواد و مسائلده کی بعض الفاظک معالرینی اکلاتق ایچون اولوب یوقسه احکامی حاوی دکلدر. بناء علیه بو مقدمه ده کی موادک محاکمه مابه الحکم و فصل منازعانه مابه التطبيق اتخاذه محل یوقدر. نته کیم متن مجله نک برنجی ماده سنده «اشته محاکمه معمول به اوله جق مسائل فرعیه بوجه آنی ابواب و فصولده ذکر اولنه جق مسائلدر» دینلمسیله بوکا اشارت اولندیغی اورا ده شرحاً بیان ایدلمشیدی.

مجله نک سائر کتابلرنده کی مقدمه لر دخی بوکا مقسیدر.

### ﴿ ۴۰۴ ماده ﴾

[ اجرت، کرا یعنی بدل منفعت ] یعنی عین مأجور ایله انتفاع ویا اجیری استخدام تمیز دیگرله منفعت اعیان و منفعت آدمی مقابلنده ویریلان عوض [ وایجار ] بر شیء [ کرایه ویرمک و استیجار ] بر شیء [ کرا ایله طوتمق دیمکدر. ] الاجرة ما یتحق علی عمل الخیر بحر.

اشبو ماده ایله اوچشی یعنی اولاجرت و نانیاً ایجار و ثالثاً استیجار تعریف اولنوب برنجیسی اسم اولدینی کبی ایکنجیسی آجر و اوچنجیسی مستأجر ایله قائم مصدر درلر.



﴿ ۲۰۵ ماده ﴾

[ اجاره ] لفظی همزه نك كسر ياه اولوب [ لغت عربده ]  
تعريفی ماده آفوده سبق ایدن [ اجرت معناسنه در. ] دكانك  
اجاره سنی آلام كلامنده اولديني كي. يعني اجاره دخي اجرت كي  
لغة بدل مفتدن عبارتدر تكمله فتح القدير.

[ نقط ] لفظ اجاره [ ايجار ] يعني كرايه ويرمك [ معناسنده  
دخي استعمال اولمشدر. ] زيرا مصداقك بعضي بعض آخر  
مقاسمه اقامه اولنور و آجرت الدار اجارة اي اكرتها دنيلور  
جمع الانهر قال الواحدى عن المبرد يقال آجرت دارى ومملوكى  
غير ممدود وممدودا والاول اكثر اجارا واجارة رد مختار.

يعني اجاره نك ايكي معناسى اولوب برى معنای لغويسيكه  
اجرتدر ديكرى معنای مستعمل فیهى كه ايجار اولوب معنای ثانى  
معنای اوله سبب ومعنای اول مسببدر. عنوان بحث اجاره نك  
اصطلاحات فقهیه سی بیاننده ايكن بو ماده ده لغت معناسى بيان  
اولمشى استطراد و اجاره نك لغت معناسندن آتيده كي معنای  
اصطلاحی به نقلنده كي مناسبته تلميح و اشارت ايجوندر كه اجرت  
يعني كرا معناسنه اولديني صورتده كي نقل نقل اسم المسبب الى السبب  
وايجار معناسنه اولديني تقديرده كي نقل مذكور نقل اسم العام الى  
الخاص اولور.

اجاره [ اصطلاح فقهاده ] عيندن شريعت و نظر عقلا ده

مقصود اولان [ منفعت معلومی ] یعنی جنسا و قدرا معلوم  
اولان بر منفعتی [ عوض معلوم ] یعنی جنسا وصفه معلوم اولان  
بدل [ مقابله سنده ] آخره [ بیع ] و تمليك [ ایتك دیمکدر ] که  
مذکور بدل ۴۶۳ ماده شرحنده بیان اولدینی اوزره عین  
و دین اوله بیله چکی کبی معقود علیک غیری جنسیدن اوله رق  
منفعت دخی اولور .

۴۲۰ و ۴۲۱ ماده لردن مفهوم اولدینی اوزره عمل دخی  
منفعتدن معدود اولدیغندن بو تعریف ۴۲۱ ماده ده بیان اولنان  
ایکی نوع اجاره نك ایکسینه دخی شامل اولور .

تعریفده منفعت تعبیریه عینک بیع و هبه سی تعریف مذکور  
خارج قالدینی کبی نکاح دخی خارج قالور . زیرا نکاح ایله مملوک  
اولان شی، عین حکمنده در . حتی اجاره آنجق موقت اوله رق منعقد  
اولدینی حالده نکاح بالعکس بیع کبی آنجق مؤبد اوله رق منعقد  
اولوب نکاحده توقیت جائز اولماز تکمله فتح القدیر و مجمع الانهر  
عوض تعبیریه دخی اعاره خارج قالور مجمع الانهر

ینه منفعت تعبیریه اشارت اولندیکه بر کیسه درزی بی شو چوخه دن  
پالو دیکمک اوزره استیجار ایتسه شو شرطه که او پالطونک قولاری  
درزیدن اوله و یا خود بر دولکری بنا ایچون استیجار ایلمسه  
شو شرطیه که کر بیج و طوغله دولکردن اوله اجاره فاسد اولور .  
زیرا اجاره ، بیع عین دکلدر بحر .

شرحاً اشارت اولدینی وجهله اجاره ده کی منفعت شریعت

ونظر عقلا ده عیندن مقصود اولق شرطدر در منتقی و بحر .  
 حتی برکیمسه ناس کندوسنک آتی بولندیغنی ظن ایتسونلر  
 ایچون خانه سی قیوی اوکنه باغلامق ویا آرقسنه طاقوب  
 کتورمک اوزره برآتی استیجار ایتسه اجاره جائز وامور  
 مذکوره ده استعمال ایتسه بیله اجرت لازم اولماز وقولهم ان  
 الاجرة نجب فی الفاسدة بالاستفاعة محله فیما اذا کان النفع مقصودا  
 رد مختار . زیرا بونده مقاصد شرعیه مفقود ومنفعت معدومدر  
 رد مختار . خلاصه ، منفعتک یالکمز مستأجره کوره مقصود اولسی  
 صحت استیجارده کافی دکلدر رد مختار . والمراد من المنفعة  
 المنفعة المقصودة من العین حتی لو استأجر ثابا لیسطها ولا بنام  
 اودابة لیربطها فی فناءه ویظن الناس انها له او یجعلها جندیة بین  
 یدیہ او آنیة یجعلها فی بینه یجعل بها ولا یستعملها اودارا  
 لایسکنها لکن لیظن الناس انها له ملکا او عبدا علی ان لایستخدمه  
 او دراهم یضعها قالاجارة فی جمیع ذلك فاسدة ولا اجرة له  
 ولو استعار دراهم لیجعل بها كانت عاریة لاقرضا فالعاریة  
 تخالف الاجارة فی اشتراط کون المنفعة مقصودة بحر .

تعریفده «منفعت معلومه» دینلدی . منفعتک معلومی اول  
 کتابده اجمالا بیان اولندیغنی اوزره بعضا بیان مدت ایله اولور .  
 منازلی سکنی واراضی بی راعت ایچون استیجارده اولدیغنی  
 کبی . وبعضا تسمیه ایله اولور . بویاجی بی یا درزی بی شو روبه بی  
 بویامق یا دیکمک ایچون استیجارده اولدیغنی کبی . وبعضا دخی

تعیین و اشارت ایله اولور . شو آدمی، بو یوکک فلان محله نقلی  
ایچون استیجارده اولدینی کبی تکمه فتح القدير . بونک تفصیلاتی  
۴۵۲ و ۴۵۵ و ۴۵۶ ماده لرده کلور .

منفعت و عوضک معلومیت ایله تقييد اولملرينک سببی ۴۵۰  
و ۴۵۱ ماده لر دن منفهم اولوب فقط اجاره نك تعريف مذکور ی  
اوزرینه بروجه آتی نقض اجمالی ایراد اولنور . شویله که :

اجاره نك بو تعريفده منفعت « معلومه » و بدل « معلوم »  
قیدلریله تقييد اولنمیديغدن منفعت و یا بدل مجهول اولقی سببیله  
فاسد و ۴۵۰ و ۴۵۱ و ۴۶۰ ماده لر ه موضوع بحث اولان  
اجاره فاسده تعريفدن خارج قالدینی حالده ۴۲۹ ماده موجینجه  
شیوع اصلیدن طولایی فاسد اولان اجاره تعريف مذکورده  
داخل اولور . بناء علیه بوراده معرف اولان اجاره صحیحه در  
دینلور ایسه مار الذکر شیوع اصلی و کذا شرط فاسد دن  
طولایی فاسد اولان اجاره نك تعريفده دخولی ملابس سببیله  
تعريف مذکور اغیارینی مانع اولماقی جهتیله منتقض اولور  
شرنباللی اجاره شرعیه آنجق اجاره صحیحه اولوب ائمه مذهب  
دخی آتی یعنی اجاره صحیحه یی تعريف ایتدکلرندن معرف  
اولان یالکزر اجاره صحیحه در . اجاره فاسده یه اجاره شرعیه نك  
تعریفی صادق اولماز دیمشدر . و بوراده معرف اولان اجاره  
صحیحه ایله فاسده دن اعم اجاره اولمله آنف الیان اجاره لرك  
تعريفده دخولی . ضرر دکلدر دینلور ایسه بدل و یا منفعت مجهول

اولمق ویا بلا بدل ایجار اولمق سببیه فاسد اولان اجاره تعریفدن خارج قالمغه تعریف مذکور افرادینی جامع اولماز درر وجمع الانهر .

تعریف ، اجاره صحیحه و فاسدهیه شامل اولوب اعتراض مذکور وارد اولسون ایچون منفعت «معلومه» و بدل «معلوم» قیدلریله تقید اولمیه رق تنویرده اولدینی کی «منفعتی عوض مقابله سنده بیع ایتمکده دینه لیدیکی صورتده دخی بلا بدل وقوع بولدیغندن طولایی فاسد اولان اجاره ینه تعریفدن خارج قالور . ائمه مذهب رحمهم الله تعالی اجاره یی مجله ده مذکور اولدینی وجهله تعریف یعنی بدلی معلوم و عوضی دخی معلوم قیدلریله تقید ایتدکارندن مجله ده دخی اولوجهله تعریف ایدلمشدر شرنباللی .

بو تعریفده (عوض) قیدی ذکر اولنیور . زیرا بلا عوض وقوع بولان اجاره فاسد اولور .

مثلا بر کیمسه دیگر کیمسه یه شو خانه می یا شو خانه مک منافعی بلا عوض ایکی آی مدتله سکا ایجار ایتدم دیوب اوکمنه دخی قبول ایتسه اجاره فاسد اولور . یوقسه عاریت اولماز . لانها عقد خاص لتملیک المنفعة کالو قال بعثک هذه العین بغیر عوض کان باطلا او فاسدا لاهیه رد مختار و بحر آتفا ذکر ذکر اولندینی وجهله معرف اجاره صحیحه ایله فاسدهدن اعم اجاره اعتبار قلندینی حالده بونک تعریفدن خروجی مضر درر .



بو وجهه مجاناً وقوعبولان اجاره ، هندیه نك بیاننه و بحر  
رائق صاحبك خانیه دن نقلنه كوره اجاره فاسده اولدینی کی  
بزازیده كتاب عاره نه لایققد الاعاره بالاجاره حتی لوقال  
آجرتك منافعهاسنة بالاعوض تكون اجاره فاسده لاعاریه دیمشدر.  
حالبوکه درمختار كتاب عاره ده آجرتك داری شهرأ مجاناًلفظیه  
عاریت منقده اوله جنی بیان اولنمشدر. نته کیم عاریت مجرد  
خانیه دن نقلا دینلمشدرکه «آجرتك هذه الدار شهرأ بالاعوض  
كانت اعارة ولو لم يقل شهرأ لاتكون اعارة رد مختار.

### ﴿ ۴۰۶ ماده ﴾

[اجاره لازمه] آتی باب خامسده بیان اولنان [خیار شرط  
وخیار عیب وخیار رؤیتدن عاری اولان] یعنی کندوسسنده  
مارالذکر خیارلردن هیچ بریسی بولنمای [اجاره صحیحه] یعنی  
باب تاینك فصل ثانی وثالثده بیان ایدیلان شرائط انقضاء  
ونفاذ وصحتی جامع اولان اجاره [درکه] ۴۴۱ ماده ده بیان  
اولدینی اوزره [طرفیندن] یعنی آجر ایله مستأجردن یا مالک  
[بریسی بالاعذر بونی فسخ ایده مز.] هندیه فی الباب الاول

۱۱۴ ماده ده باق . مکرکه اجاره استمکتاب کی استهلاك عین  
اوزرینه واقع اوله . اولخالده صاحب ورق آتی بالاعذر فسخ  
ایده بیلور اشباه «۴۴۳» ماده شرحنه باق .

بونده ( طرفیندن بریسی ) دنیلمسسیله اشارت اولنیورکه

طرفین بالتراضی عقد اجاره‌ی فسخ و اقاله ایده بیلور لر . نته کیم  
۱۶۳ ماده شرحنده اشارت اولندی کی ۴۴۳ ماده شرحنده  
دخی تفصیل اولنور .

کذلک بو ماده ده (بلاعذر) دتیلیمس یله اشارت اولنور که  
برای عذر طرفیندن یالکز بریمی فسخ اجاره ایده بیلور .  
نته کیم ۴۴۳ ماده ده متناً و شرحاً ایضاح اولنور .

اجاره لازمه ، اجاره غیر لازمه مقابلیدر که کندوسنده  
مارالذکر خیاراتدن بریمی بولسان اجاره غیر لازمه  
دینور . ۱۱۵ ماده یه باقی . فان کان فی العقد « فی الاجارة »  
خيار لا ینفذ فی مدة الخيار هندیه فی الباب الاول ملخصاً

سؤال اولنور که اجاره علی حسب حدوث المنفعة ساعة  
فساعة منقذ اولور . ای لان المنفعة لاتصلح محلاً للضافة لانها  
معدومة لیست فی مقدور البشر شلی . بوحالده مستأجر ساعت  
ثانیه ده انعقاد اجاره دن اول رجوع ایتمه مقدر اولملیدر .  
حالبوکه مثلاً بر آیلق اوله رق بر خانینی استیجار ایتسه بلاعذر  
آی تمام اولمدن فسخ ایده مز . جواب ویریلور که اضافت عقدده  
مأجورء منفعت مقامنه اقامه اولنمشدر آنجق عقدک من حیث الملك  
والاستحقاق عمل و اثری منفعتک حال وجودنده ثابت اولور .  
یعنی ایجاب و قبولک صحتی ایچون حق انعقاد اجاره ده عین مأجور  
منفعت مقامنه اقامه ایدلمش اولوب یوخسه حق ملکده دکل  
« لان الملك يتأخر الى حدوث المنفعة شلی » لان العقد لا بدله من

من محل لانه شرط للصحة لقول الفقهاء المحال شروط ومحل العقد هنا المنافع وهي معدومة والمعدوم لا يصاح محلاً فجعلت الدار محلاً باقاً منها مقام المنافع بحر

اقامة العين التي هي سبب لوجود المنفعة كالدار مثلاً مقام المنفعة في حق صحة الايجاب والقبول ثم انعقاد العقد في حق المعقود عليه على حسب حدوث المنافع واقامة السبب مقام المسبب اصل شايع في الشرع كاقامة السفر مقام المشقة واقامة البلوغ مقام كمال العقل تكمله فتح وعي . والمراد من انعقاد العلة ساعة فساد في كلام مشايخنا على حسب حدوث المنافع هو عمل العلة ونفاذها في المحل ساعة فساد لا ارتباط الايجاب والقبول كل ساعة وان كان ظاهر كلام مشايخنا يوهم ذلك والحكم تاخر من زمان انعقاد العلة الى حدوث المنافع ساعة فساد لان الحكم قابل للتراخي كافي البيع بشرط الخيار بحر

### ﴿ ٤٠٧ ماده ﴾

[اجاره منجزه] برمالی [وقت عقد] اجاره [دن اعتباراً] مدت معلومه ايله آخره [ايجار] ايتكم [در] كه بو اجاره ماده آتیه ده بیان ایدی لان اجاره مضافه نك مقابلیدر . برخانه بی بوقدر مدت ایچون شوقدر غروش شه شمیدین اعتباراً ايجار کبی . ٤٨٥ و ٤٨٦ ماده لره باق .

منجزه جیمک تشدیدله اولوب تنجیزدن مأخوذ اسم مفعول صیغه سیدر .

﴿ ۴۰۸ ماده ﴾

[ اجاره مضافه ] بر مالی وقت عقددن صکره [ کله جک بر وقت معیندن اعتباراً ] مدت معلومه ایله [ ایجار ] ایتک [ در. ]  
[ مثلاً کله جک فلان ایک ابتداسندن اعتباراً بر خانه بوقدر مدت ایچون شوقدر غروشه ایجار اولنسه اجاره مضافه اوله رق ]  
مدت مذکوره ایچون [ منعقد اولور . ] ۴۴۰ مادهیه باقی در مختار فی البیع فی مایبطل بالشرط الفاسد ولا یصح تعلیقه .

کذلک بر کیسه بیک اوچیوز اون بر سنه سی محرمی غره سنه خانه سی بر ایاق اوله رق ایجار ایتدکن صکره مذکور خانه سی تاریخ مذکوره سنه مذکوره صفری غره سندن اعتباراً شوقدر ای مدته دیگر بر شخصه ایجار ایتسه اولکی ایجاره اجاره منجزه و ایکنجی اجاره اجاره مضافه اوله رق منعقد اولور تقیح . و بوصورته موجر خانه یی اولاً صاحب محرمه تسلیم ایدر و انک مدتی منقضیه اولدقدن صکره صاحب صفره تسلیم ایلر هندیه فی الباب الثالث .

۸۲ ماده شرحنده ذکر اولندی اوزره اجاره وقت مستقبله

اضاقی صحیح اولان عقوددن بریدر .

اولکی ماده ایله شو ماده دن منفهم اولور که اجاره مبدأ اعتباریله ایکی یه منقسم اولوب قسم اول اجاره منجزه و قسم ثانی اجاره مضافه در . برده اجاره معلقه قسمی « کان اجر داره

ان قدم زيد، عقلاً موجود ايسه ده ۸۲ ماده شرحنده ايضاح اولنديني اوزره تملكاتك تعلقي باطل اولديغندن واجاره دخي تملك منفعت و اجرتدن عبارت ايدوكندن بوقسم اجاره‌نك شرعاً وجودى يوقدر. نته كيم ۴۴۰ ماده شرحنده بيان اولنور رد مختار فى البيع فى وما يبطل بالشرط الفاسد .

كرك اجاره منجزه وكرك اجاره مضافه اجاره لازمه اوله بيله چكى كې غير لازمه دخي اوله بيله چكندن بونلر هر وجهله اجاره لازمه لك قسيمى يعنى انك مقابلى صابيلماز .

❖ ۴۰۹ ماده ❖

[آجر] برمالى اخر كيمسه يه [اجاره يه ورن كيمسه] ديمك [در] كه آجره يعنى اول كيمسه يه [ضم ميم] واسم فاعل صيغه سى [يله موجر دخي دينلور.]

يعنى اول كيمسه يه آجر دينديكى كې مكارى وموچر دخي دينلوب اما مواجر دينلمسى خطا و قبيحدر زيايى فى اول الاجاره اما خطوه فانه من باب افعل لامن باب فاعل واما قبيحه فانه يستعمل فى موضع القبح شبلى .

مقدمه ده ذكر اولنديني اوزره الفاظ اصطلاحيه نك بيانى مقصود بالذات اوليوب باب اولدن اعتباراً كله جك اولان مسائله وسائل اولديغنه مبنى بيان اولتمقله بو اوج اصطلاحدن يالكز بريس نك ذكريله بالاكتفا ديكرلر ترك ايديلهرك مسائل آيه ده اكا كوزره استعمال اولنسه ايدى اخصر اولور ايدى .



﴿ ۴۱۰ ماده ﴾

[مستأجر] ضم یم و [کسر جیم ایلہ] اسم فاعل صیغہ سی  
اولوب مالی یاخود اجیری [استیجار ایدن کیمسه] دیمک [در،]  
ایکیمسه یعنی آجر ایلہ مستأجرہ ظرفین دینور. « ۴۰۶ »  
مادہ دینلدیکی کی.

﴿ ۴۱۱ ماده ﴾

[ماجور کرایہ ویرلان شیدر] کہ ماجورہ [جیملرک] یعنی  
موجر و مستأجرده کی جیم حرفلربنک [فتحیلہ موجر و مستأجر  
دخی دینلور.] یعنی کرایہ ویرلان شیمہ ماجور دینلدیکی کی  
اسم مفعول صغیر لریلہ موجر و مستأجر دخی دینلور. ماجور  
اجر یاآجردن اسم مفعول اولوب بودہ طلب یا ضرب بایندندر  
زیای فی اول الاجارہ.

۴۰۹ مادہده کی موجر ایلہ مادہ آفہده کی مستأجرہ رسم  
خطده انباسی دفع و ملتزم اولان اختصارہ رعایت ایچون  
[ماجور] ایلہ اکثفا و مسائل آتیہده دخی اولوجهله استعمال  
ایدیلہرک دیکر لر یعنی موجر ایلہ مستأجر ترک اولنسه ایدی  
اخصر و مناسب اولور ایدی.

﴿ ۴۱۲ ماده ﴾

[مستأجر فیہ] یمک ضمی و جیمک فتحیلہ اسم مفعول

صیغه سی اولوب اجاره آدمیده [ اجیرك عقد اجاره ایله التزام ایلدیکی عملی ] آنده [ ایفا ایچون مستأجر طرفندن کندوسنه ] یعنی اجیره [ تسلیم اولنان مالدر ] که بو مال « مایحذت فیہ العمل » دخی اطلاق اولنور.

[ البسه دیکمک اوزره درزی به ویریلان قماش ] ویا بویاتقی اوزره بویاجی به ویریلان جبه [ ونقل ایچون حماله ویریلان حموله ] یعنی یوک ویا یقامق ایچون جامه شویه ویریلان کوملک [ کبی ] که بومثالدرده مستأجر فیہ قماش وجبه وحموله وکوملکدر. زیرا اجیر، عملی یعنی مثلاً خیاطه بی قماشده ایقاع وایفا ایدر.

اما مثلاً کیسه دیکمک ویا اورمک ایچون درزی به ویریلان ساعت ویا دیکمک ایچون درزی به ویریلان قماشک مافوف بولندی بی بوغچه « مستأجر فیہ » و تعبیر دیکرله « مایحذت فیہ العمل » صایلمز تنقیح. زیرا بومثالدرده اجیر که درزیدر عملی که خیاطه در ساعتده یا بوغچه ده ایفا ایتمیوب کیسه یا قماشده ایفا ایدر.

### ﴿ ۴۱۳ ماده ﴾

[ اجیر ] بر عملی ایفا ایچون کندی [ نفسی کرایه ویرن کیسه در ] که آتی ۴۲۲ ماده ده ایکی قسمه تقسیم اولنمشدر. خدمتکار و نجار وسائر عمله کبی.

### ﴿ ۴۱۴ ماده ﴾

[ اجر مثل ] یعنی بر مال یا بر آدمک اجر مثلی [ بیغرض ]

ایکی عادل [ اهل ] خبره [ و ] ارباب [ وقوفك ] اول مال، زمان  
و مكان اجاره ده مساوی اولان دیگر نسبه و یا خود اول ادم  
کنه و سنه ممائل بولان دیگر کیمسه به نسبت و اعتبار اوله رق  
اول مال و یا آدم ایچون نقوددن اوله رق [ تقدیر ] و تعیین  
[ ایتدکاری اجرتدر ]

خلاصه. اجر مملک تقدیرنده اوچ شیئه نظر اولنق لازمدر  
۱ اجاره منفعت اوزرینه وارد اولدقده منفعت مأجوره مساوی  
دیگر شیئه منفعتنه و ۲ اجاره عمل اوزرینه وارد اولدقده  
اول عملده اجیره ممائل دیگر بر شخصه و ۳ زمان و مكان  
اجاره به نظر ایدمک لازمدر رد مختار فی الاجارة الفاسده.  
مثلا فاسد اولان اجاره ادمیده اجر عملی ایتام ایتدکده او  
عملک اهلی بیننده معروف اولان اجر مثلی لازم کلور کفوی.  
زیرا اجرت، منفعت، عمل، زمان و مملک تفاوتله متفاوت  
اولور.

واجرت نقوددن تقدیر اولنور. یعنی اجر مثل دراهم  
ودنایر جنسندن تعیین اولنوب یوقسه مسمی جنسندن تعیین  
اولتماز اشباه فی الکلام فی اجرة المثل

مثلا اجر مسماسی بغدادی اولان اجاره نک فسادی جهتیه  
اجر مثل لازم اولدینی تقدیرده بغدادین تقدیر اولنوب آلتون  
و یا کموشدن تقدیر اولنق لازم کلور رد مختار فی الاجارة الفاسده  
اجر مثلی تقدیر ایدن اهل خبره متفق اولدقلری صورته

فہاواجر مثل مفتاوتا تقدیر اولندی فی تقدیرده وسطی لازم کلور .  
مثلاجر مثلی بعض کیمسه لر اون ایکی وبعض کسان اون  
وبعض اشخاص اون برغروش تقدیرایتسه لر وسط اولان اون  
برغروش ویرلمسی اقتضا ایدر من الحل المزبور واشباه فی الکلام  
فی اجرة المثل

مجلده بیغرض دینلمسندن دخی اکلاشیله جنی اوزره مخبرک  
صاحب غرض اولماسی لازمدرکه حتی اخباری ایله عمل  
اولنه بیلسون . ۱۷۰۰ء ماده یه باق کفوی فی الاجارة الفاسدة .  
بو ماده ده بیان اولان تقدیر ، شهادت شرعیه قیلمندن دکلدر .  
بو صورتده بونده لفظ شهادت شرط اولمادینی کی امام اعظم  
وابی یوسف رحمهما الله تعالی یه کوره نصاب شهادت دخی  
شرط دکلدر . اما امام محمد رحمه الله تعالی یه کوره نصاب شهادت  
شرطدر . بو ماده ده بو ایکی مذهبدن قنغیسی اختیار اولندیقنه  
دائر بر کونا قید و اشارت یوقدر اهل وقوفک اخبارلری قبول  
اولنان بعض مسائل شرعیه بروجہ آتی بیان اولنور .

۱ متولی وقفی واسمه افک بیانسه کوره وصی مال یتیمی  
آخره ایجار ایتدکد نصکره برکیمسه ، حقیقوبده ایجار مذکور  
غین فاحش ایله وقوعبولدی دیو ادعا ایتدکده بو کی دعوا ی  
مجرده ایله اجاره نک عدم صحتنه حکم اولنه میوب بلکه اهل بصر  
و امانتنه یعنی ارباب وقوفه مراجعت اولنور . آنلر اجاردنک

غبن فاحش ايله واقع اولديغنى اخبار ايدر لر ايسه حاكم اجاره يي  
فسح ايدر اشباه وحموى .

۲ وصى، مال يتيمى مبلغ معلوم مقابلنده آخره صاندقد نصكره  
نقصانه صانديغى بيانيله مشتریدن ثمن مسمان زياده طلب ايتركده  
ارباب وقوفدن سوال اولنورده آنلك اول مال ايجون تقدير  
وبيان ايتدكلى قيمت قبول اولنور . بو تقدير وبيانده لفظ  
شهادت شرط دكلدر على افتدى .

اما اجر مثلك مقدارنده مدعى ايله مدعى عليه يئنده  
اختلاف اولمغله حكما فصلى لازم كلسه يعنى مدعى اجر مثل  
ايكى آلتوندر ديو ومدعى عليه آنجق بر آلتوندر ديو اختلاف  
ايتدكلى تقديرده اجر مثل مذكورك اثباتنده اهل وقوفك  
بدون لفظ الشهادة اخبارلى كافى اوليوب بونده لفظ شهادت  
شرطدر .

حاصلى بو اخبار، شهادت شرعيه اولمغله شهادتده معتبر اولان  
شروط بونده دخی آراندق لازم كلور . « ۱۶۸۵ » ماده يه  
ومواد تاليه سنه باق .

طرفين اجر مثل ايجون شاهدلى اقامه ايتسه لر زياده يي  
مثبت اولان طرفك يئنه سى ترجيح اولمق لازم كلور . « ۱۷۶۲ »  
ماده يه باق .

مال صاحبي اجر مثلى بروجه بالا ايكى شاهد ايله اثبات  
ايدمه مسه اجر مثلك مقدارنده سوز مستأجر كدر .



مثلاً مال صاحبی مالک اجر مثلی یوز غروشدردیو دعوی  
و مستأجر الی غروشدردیو زیاده بی انکار ایتدیکی حالده مال  
صاحبی او مالک اجر مثلی یوز غروش اولدیغنی بروجه بالا ایکی  
شاهد ایله اثبات ایدمهسه سوز الیدن زیاده اولمدیغنه  
یمینله مستأجر کدر. ۸۵ ماده یه باق. یوقسه بمض کیمسه لک  
او مأجوره مثلاً بشیوز غروش اجرت ویرملری او مأجورک  
اجر مثلی مبالغ مذکور اولدیغنی اثبات ایدمه من. زیرا بو بشیوز  
غروش اجر مسمی اولوب اجر مسمی ایسه ماده آتیه شرحنده  
ایضاح اولنه جنی اوزره اجر مثله مساوی اوله بیله چکی کبی  
آدن زیاده یا نقصان دخی اوله بیلور خیریه فی الاجارة.

ایضاحات مذکوره دن مستبان اولورکه بر خدمتکارک اجر  
مثلی خدمتکاران اداره سنک شوقدر غروشدردیو شهادتنامه  
ویرمسیله ثابت اوله میه جنی کبی بر دکانک اجر مثلی دخی او  
دکانده اقامت ایدن شخصک منسوب اولدیغنی اصنافک لونجه  
هیئتک شهادتنامه سیله دخی ثابت اوله ماز.

خلاصه، اجر مثل سائر دعوالرکبی یامدعی علیک اقرار ایله  
تحقق ایدر و یاخود مدعی نک شهادت شرعیه ایله اثبات  
ایتمسیله ثابت اولور و یاخود لدی التکلیف مدعی علیک یمیندن  
نکولیه متبیین اولور قال فی الخیریه والمبرة فی ذلك ای فی اثبات  
اجر المثل للبنية التي هي إحدى حجج الشرع الثلاث انتهى

وقال في الاشبه لان القاضي لا يقضى الا بالحجة وهي البينة  
او الاقرار او النكول انتهى.

### ✽ ۴۱۵ ماده ✽

[اجر مسمى حين عقد] اجاره [ده ذکر و] طرفین بینلرنده  
[تعیین اولنان اجرتدور.]

مثلاً بر کیمسه یوز غروش اجرتله بر دکان ایجار ایتدکده  
مبالغ مذکور یوز غروشه ه اجر مسمى ه دینلورکه اجر مسمى  
بعضاً اجر مثل اوله بیلجکی کبی بعضاً زیاده ویا نقصان دخی  
اوله بیلور. شویله که اجر مثلی یوز غروش اولان بر مال یوز  
غروش اجرت تسمیه سیله ایجار اولندقدده اجر مسمى اجر مثله  
مساوی اوله جنی کبی یوز الی غروشه ایجار اولندقدده اجر  
مسمى اجر مثلدن زیاده والی غروشه ایجار اولندقدده اجر  
مسمى اجر مثلدن نقصان اولمش اولور.

بناءً علیه بر کیمسه نك بر مالی مثلاً بوز غروشه استیجار  
ایتمسی او مالک اجر مثلی یوز غروش اولدیغنی اثبات ایچون  
کافی اولیوب بلکه اجر مثلك اثباتی ماده آفدهده بیان اولنان  
وجهله در خیریه فی الاجارة، شوجهتله اجر مسمى ایله اجر مثل  
بیننده بحسب التحقق عموم وخصوص من وجه بوانور.

اجر مسمى، ۱۵۳ مادهده مذکور ثمن مسمى واجر مثل  
۱۵۴ مادهده مسطور قیمت حکمنده اولمغله اشبو ۴۱۵ ماده

تقديم يعنى ۴۱۴ ماده تأخير قيلنمق سياقه انسب ايدى.

❖ ۴۱۶ ماده ❖

[ ضمان ] تلف اولان [ بر شيئك ] يعنى بر مالك بدلنى  
اوده مكدور. يعنى اول مال [ مثليادن ايسه مثلى و قيمياتدن ايسه  
قيمتى ] مال صاحبه [ وير مكدور ].  
مثلا بر كيمسه ديكر ك بر كيله بغدادى اتلاف ايتد كده بدلنه  
بر كيله بغدادى يا خود بر كيمسه ديكر ك آتى استهلاك ايلد كده  
قيمتى وير مكه « ضمان » دينور كه ۷۹۱ ماده شرحنده دها زياده  
تفصيل اولنور.

مثلى، ۱۲۵ مادهده و قيمى ۱۴۶ مادهده تعريف اولمشدر.  
اشبهاهك كتاب القضاة والشهادات والدعاويده تقويم  
متلفده واحد عدلك قولى قبول اولنه جنى ذكر اولمشدر.  
مثلا بر كيمسه ديكر ك مسنهك مالى اتلاف ايتد كده او ك مسنه  
مذكور مالك قيمتى يوز غروش ايدو كنى ادعا ايتديكى حالده  
اول كيمسه اولقدر اولديغى انكار ايلسه مثلا الى غروش قيمتى  
بولنديغى درميان ايتسه عادل بر كشينك تاف اولان مالك قيمتى  
شو قدر اولديغى حقهدهكى قولى قبول اولنور. فى البحر عن  
البرازيه انه يحتاج الى تقويم عدلين لمعرفة النقصان فيحتاج الى  
الفرق ثم استثنى من التقويم تقويم نصاب السرقة فلا بد من اثنين  
جموى .

﴿ ۴۱۷ ماده ﴾

[معد للاستغلال] اوج نوع شیردر درمختار.

برنجیسی ایجار ایدمک یعنی [کرایه ویرمک اوزره اعداد  
وتعین اولمش شیرکه فی الاصل] یعنی اساساً [کرایه ویرمک  
اوزره یاسلمش] و [یا] فی الاصل کرایه ویرمک اوزره  
[آلمش خان و خانه و حمام و دکان کبی عقارات ابله کرا عربه سی]  
تراموای دخی بوقیلندر [و کرا بارگیری] و کرا دره سی [مثلاً]  
منقولات و حیوانات اولان [شیلدر].

صدر فقره ده کی «معد» اعداددن اسم مفعول اولوب  
حاضر لائمش دیمکدر.

اشبو فقره دن اکلاشیلدینی اوزره (معد للاستغلال) لق  
عقاره مخصوص اولیوب بارگیر و دوه و اوکوز و عربه مثلاً  
حیوانات و منقولاتدن دخی بولنه بیلور. بناء علیه بونلرک  
استعمالیه دخی ۵۹۶ ماده وجهله اجر مثل لازمکلور.  
هر نقدر بعضیلر معدللاستغلال اولق عقاره مخصوص صدر  
دیمش ایهده بو طوغری اولدیغندن مجله بوکا التفات  
ایتمامشدر رد مختار.

[و] ایکنجیسی [برشیتک علی التوالی] یعنی بربری آردنجه  
اولق اوزره تکمیل [اوج سینه ایجار اولمش] اول شیتک  
[معدللاستغلال اولدیغنه دلیدر.] یعنی بوده معدللاستغلالدر.

فقط مال صاحبك وفاتی ویا آخره صاتمسی ایله بونوع معدلاستغلاللاق  
یاطل اولور . مکرکه مشتری کرایه ویرمک اوزره آلمش اوله .  
اوحالده فقره سابقه ده کی معدلاستغلال قیلمدن اولور .

مثلا برکیمسه بر مالی تکمیلا اوج سنه علی التوالی ایجاره  
ویردکده او مال اول کیمسه ایچون معدلاستغلال اولوب فقط  
اول کیمسه آنی بو اوج سنه صکره دیکرینه صاتسه اکر  
مشتری معدلاستغلال اولمق اوزره آلماش ایسه اومال بوصاتشله  
معدلاستغلاللاقدن چیقارده مشتری دخی یکیدن علی التوالی اوج  
سنه کرایه ویردکده اولوقت معدلاستغلال اولور در مختار .

مجله دن اکلاشیله جنی اوزره بر مال بر ویا ایکی سنه ایجار  
ایله معدلاستغلال اولمش اولمیوب بلکه تام اوج سنه ایجار ایله  
معدلاستغلال اولور . یعنی تام اوج سنه ایجار اولندقدن بوندن  
صکره سیچون اومال معدلاستغلال اولمش اولور در مختار و بزازیه .  
فقط کندوسی بالذات امور زراعت ایله مشغول اولیان  
برکیمسه نك، اهالیسی غیرك اراضی سنده زراعتی اعتیاد ایتمش  
اولان بر قریه ده مملوک اراضیسی بولنسه مذکور اراضی  
معدلاستغلال اولور . حتی بر شخص آنی زراعت ایتدکده  
صاحبی متعارف اولان اجرئی مطالبه ایده یلور . ۵۹۶۵ ماده یه  
باق رد مختار .

[و] اوجنجیسی [برکیمسه نفسیچون] یعنی کرایه ویرمک  
اوزره اولمیرق [یادرمش اولدینی بر شیئتک معدلاستغلال

اولدیفنی ناسه اخبار واعلام [ یعنی بیلدیرمک ] ایله [ اول شی  
[ معدلاستغلال اولور . ] رد مختارده « ولو بنی لنفسه ثم اراد  
ان یعده فان قال بلسانه وینحبر الناس صاره دیو بو اوچمنجی قسم  
ذکر اولمشدرد . معدلاستغلالی استعمال ایدن اوزرینه اجر  
مثل لازم اولمسی آنک معدلاستغلال اولدیغنه مستعملک علمی  
لاحق اولمسی شرط اولدیفنی جهتله بونده اخبار واعلامی ذکر  
ایلدی .

بو مادهده معدلاستغلال اولان مال ایله اولمیان مال بیننده  
من حیث الذات فرق بیان قلندیفنی کبی ۵۹۶ مادهده دخی  
مذکور مالار بیننده من حیث الاحکام فرق ایضاح اولنیور .

#### ﴿ ۴۱۸ ماده ﴾

[ مسترضع ] ضادک کسریله اسم فاعل صیغهسی اوزره اولوب  
[ اجرت ایله سوت آنا طوتان کیمسه ] دیمک [ در . ] که سوت  
آنایه مرضعه دینلور .

#### ﴿ ۴۱۹ ماده ﴾

[ مهاییه ] مفاعله بابندن اولوب افة برقاچ کیمسهنک بر امر  
اوزرینه اتفاق و آنک اوزرینه تراضی ایتملرندن عبارتدر .  
مهاییه لسان شرعده شرکا و حصه داران ینلرنده اصولی اوزره  
[ تقسیم منافعدن عبارتدر . ] مهاییه همزه ایله قرائت اولنه بیلهجکی



کبی همزه نك الفه تبديل ايله مهيايه او قونسی دخی بر لغته  
جائزدر رد مختار فی القسمة .

[مثلاً برخانه ده] مناصفة [مشارك اولان ایکی کیمسه بر سنه  
بری و دیگر سنه دیگری] ویا آتی آی بری و دیگر آتی آی  
دیگری ساکن و یا خود اولوجهله غیره ایجار ایلمک مثللو بر  
صورتله [مناوبه استفاع ایتک اوزره] اول ایکی شریک جانبندن  
رضالریله ویا حاکم طرفندن مشارکاردن بریسنک طایله جبراً  
[قرار ویرلمک کبی .] بو منالده مذکور اولان مهائیه « زمانا  
مهائیه » دنیلدیکی ۱۱۷۶ ماده ده ذکر اولنیور رد مختار فی القسمة  
مهائیه کتاب اجارده یالکز ۴۲۹ ماده نك فقره اخیره سنده  
ذکر اولندیغی جهته بو مقدمه ده تعریفه حاجت مس ایتدیکی  
حاله ۱۱۷۴ ماده ده دخی تکرار تعریف و مواد تالیه سنده  
اندن بحث ایدلمشدر .

## ﴿ باب اول ﴾

یعنی کتاب اجاره نك برنجی بابی

اجاره یه دائر [ضوابط عمومیه] و اجاره نك تقسیمانی [بیانده]  
اولوب ۱۳ ماده یی حاوی [در .]  
ضوابط ، ضابطه نك جمعی اولوب ضابطه ۱ ماده یی تعقیب  
ایدن مقاله ثانیه شرحنده بیان اولنمشیدی .

﴿ ۴۲۰ ماده ﴾

[اجاردهه مقود علیه] یعنی مبیع [منفعتدر].

منفعت ایسه فی الحال یعنی وقت عقد اجاردهه معدوم اولوب  
عقدك ایلروده موجود اوله جق اولاهه مضاف قلمنسی صحیح  
اولدیغندن ۲۰۵ ماده حکمنجه قیاس اولان اجاردهه عدم  
جوازی ایدیسه ده شدت احتیاجدن طولایی یعنی برای ضرورت  
تجوز قلمشدر هدایه وزیلعی فی اول الاجاره ۲۳ ماده به  
و شرحنه باق.

احتیاجك تقریری شودرکه انسان بعضاً اشترایتمک ایچون  
پاره بوله میه جنی اعیانك منسافنه محتاج اولور عینی. فان کل  
اجد لا یقدر علی داریسکنها و حمام یغتسل فیها و ابل یحمل انفاله  
الی بلد لم یکن یبلغه الا بمشقة النفس مجمع الانهر. بناءً علیه بو  
انسان استیجاره محتاجدر. نته کیم صاحب اعیان دخی اعیانی  
صائمقمزین پاره الده ایتمه محتاج اولور عینی. بناءً علیه بو صاحب  
اعیان دخی ایجاره محتاج و مجبور اولور. بو تقریر ایله منافع  
اعیان اوزرینه وارد اولان اجارهیه احتیاج ثابت اولدی.  
و فقیرك ماله و غنیک ایسه اعماله احتیاجی واردر. بونکله دخی  
منافع عمل اوزرینه وارد اولان اجارهیه احتیاج ثابت اولدی.  
ایشته احوال مذکوره ده اجاره جائز اولسه ایدی ناس اوزرینه  
امر، ضیق اولور ایدی.

بو ماده ماده آتیه به توطئه و تمهید ایچون کتورلمشدر.  
اجارده ده معقود علیک منفعت اولسی هر نوع اجاره به عام  
بر کیفیت اولغله بو ماده حقیقه ضابطه در.

اشبو ماده دن اکلاشلدینی اوزره اجاره، منافع اعیان اوزرینه  
واقع اولسی لازم اولغله قصدا استهلاك المین اوزرینه وارد  
اولان اجاره صحیح اولماز. یعنی باطل اولور خیریه فی الاجاره.  
مثلا بالی اولامق ویا ترلا صولامق اوزره حوضی و حیوان  
نات رعی ایتمک اوزره اوتلاغی یعنی اوتی ویا آغاج و حطب  
کسمک ایچون قوری بی ویشیله انتفاع ایتمک اوزره باغ و باغچه بی  
استیجار ایتمک صحیح دکلدر. استأجر ارضا لیابن فیها فالاجارة  
فاسدة وان كان للتراب قيمة ضمن قيمة التراب والابن لاه غاصب  
وان لم يكن للتراب قيمة لاشئ علیه والابن له وان نقصت الارض  
ضمن نقصانها ويدخل اجر مثل الارض في نقصانها والا فلا  
شئ علیه بزایه.

مثلا بر قریه اهالیسی قدیمی مرعارینی خارجدن بعض  
کسمنلره حیوانلرینی رعی ایچون ایجار ایلسلر ایجار مذکور  
صحیح اولماز.

و مستأجر بلا امر الآخر باغ و باغچه ایتدیگی مصرفی  
آجردن جبرا اله مز. لیکن آجرك دخی مذکور مصرفی ویرماسی  
لایق دکلدر فتاوی ابی السعود

و کذا خرجتمق اوزره دراهم و دنانیر و بیک ایچون مکایلات

وموزونانی ویا با اقلربنی آلق ایچون توت اغاچلربی و طوزینی  
طوبلامق اوزره مملجه بی یعنی طوز کوانی استیجار ایتک صحیح  
اولماز هندیه و تحقیق، نته کم رکیمه سه بالطو دیکمک اوزره بر  
درزی بی استیجار ایتسه شو شرطله که او بالطونک بر قولی دره  
زیدن اوله جائز اولیه جنی ۴۰۵ ماده شرحنده بیان ایدلدی.

کذلک برکیمه قیرقوب یوکنی المق ایچون قویونی استیجار  
ایتسه صحیح اولیوب قرقه رق استهلاک ایلدیکی بوکک بدلنی قویون  
صاحبنه ویرر نتیجه و هندیه. و کذلک برکیمه سودندن انتفاع  
ایتمک اوزره اینکی استیجار ایتسه جائز اولماز خیریه فی الاجاره.  
بوکا قیاساً ۵۶۲ ماده ده جوازی مذکون اولان سوت  
آنانک استیجاری دخی جائز اولماق لازم کلور. زیرا اجاره  
مذکوره عین اولان اینک استهلاکی اوزرینه وارد اولور فصار  
کاستیجار البقرة والشاة اشرب لبنها والبدتان لیثا کل ثمرته. لیکن  
ناسک احتیاج و تعامللرینه بناءً استیجسانا تجوز قلنمشدر رد  
مختار ۳۲ و ۳۶ ماده لره باق. و دلیلله قوله تعالی فان ارضعن  
لکم فآتوهن اجورهن والایجامع فی ذلک وجرى التعامل به  
فی الاعصار و تحقیقها نقد یرد علی التریبه واللبن تابع لها تکمله  
بحر.

اجارده معقود علیه منفعت ایتسه ده منفعت معدوم اولدیغندن  
عقد، محل منفعت اولان اجیر یا خرد عین مأجوره مضاف قلنمسی  
لازمدر. یعنی بو وجهله محل منفعة مضاف قلنور ایتسه اجاره

بالاجماع جائز در. اما محل منفعت مضاف قلنمیو بدنه نفس منفعت  
مضاف قلنور ایسه بو عقدك سختنده اختلاف اولمش اولمله  
۴۳۴ ماده شرحنده تفصیل اولنور زبلی و بحر

﴿ ۴۲۱ ماده ﴾

[معمود علیه اعتباریه] عقد [اجاره ایکی نوعدر . نوع  
اول، منافع اعیان اوزرینه وارد اولان عقد اجاره اولوب ایجار  
اولنان شیئه] یعنی مثلاً اقسام ثلثه آتیهد کی خانه و اراضی  
والبسه و اوانی و حیوانه [عین مأجور] و عین ماجر [وعین  
مستأجر دخی دینلور].

بو فقره یعنی « ایجار اولنان شیئه الخ » فقره سی ۴۱۱  
ماده ده عمومیت اوزره مرور اتمکله بوراده تکرار اولدیغی  
جهتله نوع اول، منافع اعیان اوزرینه وارد اولان عقد اجاره  
در، دینلمکله اکتفا اولنسه کفایت ایدو ایدی.

[و] اجاره نك [اشبو نوع اول] ی بوجه آتی [اوج قسمه  
تقسیم] و هر برینه آرو آرو مثال ایراد [اولنور .] شویله که  
[قسم اول، اجاردر].

[خانه] و خان و حمام و دکان [و اراضی] و دکرمن [ایجاری  
کبی]. ۱۲۹ ماده یه باق.

[قسم ثانی، اجاره عروضدر].

عربه و [البسه] و اسلحه و حلیات [و اوانی] و چادر و سائر

امتنه [ایجاری کبی.] ۱۳۱ مادهیه باقی.

۵۳۴ ماده ایله مواد تالیه سنده دخی بوندن بحث ایدیله جکدر.

[قسم ثالث، اجاره حیواندر]

اسب واستر و حمار و دوه و او کوز ایجاری کبی.

۵۳۸ ماده ایله مواد تالیه سنده بوندن بحث اولنه جقدر.

بوقسمك مثالی ظاهری اولمغله متن مجله ده ایراد اولنماشدر.

[نوع ثانی] منفعت آدمی بولنسان [عمل اوزرینه

وارد اولان عقد اجاره اولوب بونده] یعنی عمل اوزرینه

وارد اولان اجاره ده [شخص ماجوزه اجیر دینلور.] ۴۱۳

مادهیه باقی.

ماده آفنده «اجاره ده معقود علیه منفعت» ایدوکی بیان

اولنش اولمغله بوماده ده اجاره نك منافع اعیان ایله عمل اوزرینه

وارد اولان دیو تقسیمی تقسیم الشئ الی نفسه والی غیره اولور

دینیله من. زیرا بو تقسیمك معناسی شرحا اشارت اولندیفی

وجهله اجاره بعضاً منفعت اعیان و بعضاً منفعت آدمی اوزرینه

وارد اولور دیکدر نکهله فتح. نته کیم ۴۵۵ ماده ده منفعتك

معاومتی تعبیریه معلوم اولور که عمل اوزرینه وارد اولان اجاره

دخی منفعت اوزرینه وارد اولور.

[اجرتله عمله و خدمه طوتمق کبی.]

عمله، ایشچی معناسنه اولان عاملك و خدمه خدمتچی معنا.

سنه بولنان خادمك جمعیدر.



درزی و دولکر و جامه شوی و کاتب مثللو [ حرف و صنایع اصحابی ] و مرضعه بی [ استیجار ایتک دخی بو قیلدن ] یعنی اشبو نوع تائینک جزئیاتندن [ درکه مثلاً قماش درزیدن اولمق اوزره البسه کسیرمک ] ۳۸۸ ماده ده بیان اولدینی و جهله [ استصناع اولدینی کبی درزی یه قماش و یرو بده البسه دیکیرمک دخی عمل اوزرینه وارد اولان ] عقد [ اجاره دیمکدر . ]  
 هندیه فی الباب الاول

قماش درزیدن اولمق اوزره البسه کسیرمک خصوصه  
 اجاره دینلمدی . زیرا ماده آنفه سرخنده ایضاح اولدینی  
 اوزره اجاره استهلاك العین اوزرینه وارد اولماز .

حانک کسری و رانک فتحیه اولان ( حرف ) صنعت  
 معناسنه اولان حرفتک جمعی اولدینی کبی صنایع دخی صنعتک  
 جمعی و حرفتک عطف تفسیریدر .

بو فقرده ( قماش درزیدن اولمق اوزره البسه کسیرمک  
 استصناع اولدینی کبی ) کلامی استطراداً ایراد اولمش و محل  
 لایقی بیوعتک استصناع فصلی بولمش اولمغله اوراده یعنی محله نک  
 ۳۸۸ ماده سی شرحنده بیان ایدلمشیدی هندیه فی الباب  
 الحادی والثلاثون

اجارده نک اشبو ایکی نوعی و آنک اقسام و احکامی بو  
 کتابک باب سادسینک فصل اول و ثانی و ثالث و رابعنده بیان  
 و تفصیل اولنور .

﴿ ۴۲۲ ماده ﴾

[ اجیر ایکی قسمدر . ] زیلعی فی باب ضمان الاجیر  
 [ قسم اول ، اجیر خاصدرکه یالکز مستأجره ایشلمک  
 اوزره ] دیو مقید اوله رق [ طوتیلان اجیردر . ]  
 مستأجر بوراده مطلق اوله رق ذکر اولمسیله اکلایلورکه  
 کرک واحد اولسون وکرک متعدد اولسون اعمدر رد مختار . بو  
 صورتده بو تعریف ۴۲۳ مادهده ذکر اولنان اجیر خاصک ایکی  
 قسمنه دخی شامل اولور .

[ آیلقلی ] ویا ییلقلی [ خدمتکار ] واوسته لرك قلفه لری  
 وسوت آنا [ کبی ] وتلمیذ القصار والنجار وجميع الصنائع اجیر  
 وحد انقروی .

بو تعریفدن دخی اکلایلدیغی اوزره اجیر خاص مدت  
 اجاردهده بشقه سی ایچون عمل ایده مز . لان منافعہ فی المدة  
 صارت مستحقه له زیلعی . حتی عمل ایدوبده مستأجر اولک  
 عمانده تقصیر ایلر ایسه بشقه سی ایچون اولان عملی مدتجه  
 مستأجر اوله ایتدیکی تقصیراتی مقیداری اجرتدن تنقیص  
 ایدیلور در مختار .

مثلا سوت آنا نفسی بر کیمسه یه ایجار ایتدیکی کبی  
 آنک معلوماتی اولقمسزین دیگر بر شخصه دها ایجار ایدرک

ایکسینک چو جغنی مدت مشروطه ده ارضاع و مدت اجاردی  
اکمال ایتدکده ایکسیندن اجرتنی تکمیلأ اله بیلور ایسه ده  
برینه ارضاعده تقصیر و مدت اجاردنک بر قسمنده تخلف  
و غیوبت ایتدکده اولقدر یعنی مدت تخلف و غیوبتی و تقصیری  
مقداری اجرتدن تنزیل اولور . اما اول کیمسه نك معلوماتی  
اولنجه اجارء ثانیه یی فسخ ایده بیلور رد مختار .

[ قسم ثانی ، اجیر مشتر کدر که مستأجر دن بشقه سنه  
ایشامامک شرطیله مقید ] یعنی بالکمز مستأجره ایشامک اوزره  
دیو مخصوص [ اولیان ] وشو جهتله مدت اجارده مستأجر دن  
بشقه سی ایچون دخی عمل ایتکه مقتدر اولان [ اجیردر . ]  
بو اجیر مادامکه بشقه سی ایچون عمل ایتکه مقتدر در  
و بشقه سیچون عمل ایتک کند و سنه متمتع دکلدر بشقه سی ایچون استر  
عمل ایتسون استر ایتسون هر حالده اجیر مشتر کدر زیلعی فی باب  
ضمان الاجیر . [ مثلاً ] بتمک وصیی و و قفک قیمی و [ حال و دلال  
و درزی و ساعتچی و قیو محبی و ایسه کله قایقچیسی ] و پوسته  
و اپورجیسی [ و کرا عربه جیسی و قریه چو بانی ] و حلاج  
و بویاجی و جامه شوی و چولخه و بربر [ هپ ] یعنی بونلرک کلیسی  
[ اجیر مشتر کدر که ] عملدری [ بر شخصه ] یعنی بالکمز مستأجره  
[ مخصوص اولیوب هر کس ] یعنی او شخصه ایشادیکی مدتده  
مثلاً دیگر بر کمنه [ ایچون ] دخی [ ایشلیه بیلور لر . ]  
تکمله بجر .

نته کیم بر کیمسه کندی خانه سنده دیکمک اوزره بر درزی یی  
 بر مدت ایله موقت اولیه رق استیجار ایتدکده اول درزی او  
 مدته بشقه سی ایچون عمل ایتسه بیله اجیر مشترک اولور رد مختار.  
 کذا بر کیمسه کندی معلوم قیونلرینی رعی ایتمک اوزره شو  
 قدر غروشه بر آی مدته دیکرینی استیجار ایتدکده اول اجیر  
 اجیر مشترک اولور . مکرکه فقره آتیه ده بیان اولنه جغی کبی  
 کبی مستأجر ( بشقه سنک قیونلرینی رعی ایتامک اوزره )  
 دیو مقید اوله رق استیجار ایتش اوله هندیه فی الباب الثامن  
 والعشرون .

[ فقط بونلردن ] یعنی حمال ودلال مثللو اجیر مشترک  
 اولنلردن [ بری فلان وقته قدر یالکز مستأجره ایشلمک اوزره ]  
 دیو مقید اوله رق [ استیجار اولندقدده اول مدت ظرفنده  
 اجیر خاص اولور . ] زیر ابو تقدیرده مدت مذ کورده اجیرک  
 منافعه حصرا مستأجر مستحقه اولوب بشقه سنک منافع مذ -  
 کوره یه مستحقه اولمی متمتعدر .

نته کیم بر کیمسه مدت معلومه ده حیوانلرینی رعی ایتمک  
 اوزره بدل معلوم ایله بر چوبانی استیجار ایدوبده کندوسندن  
 بشقه بر کمسنه نک حیوانلرینی رعی ایتامسینی شرط ایتدکده  
 مذ کور چوبان اجیر خاص اولور .

[ كذلك بر حمال یاخود عربیه جی یا قایقچی فلان محله قدر  
 بشقه سنه ایشلمیوب مستأجره مخصوص اولمق ] یعنی یالکز مستأجره

ایشلمک اوزره استیجار اولندقدہ [ اول حال ویا عربه جی ویا قایقجی ] اورایه وارنجیه به قدر اجیر خاص اولور .

اشبو ایکی قسم اجیرک یعنی اجیر خاص ایله اجیر مشترک کندولرینه مخصوص آرو آرو حکملری بولنوب آتی ۴۲۴ و ۴۲۵ ماده لر ایله بو کتابک باب ثامننک فصل ثالثندہ بیان اولنه جنی جهتله بوراده بینلرینی فرق و تمیز ایتک لازم اولوب بو ماده دن مقصود اولان دخی فرق مذکور ی اکلا تمقدر .

خلاصه ؛ اجیر خاصک حکمی تصریح ایدیله رک استیجار ایدی لان اجیر مشترک اجیر خاص اولدینی کی اجیر مشترک حکمی تصریح ایدیله رک استیجار ایدی لان اجیر خاص دخی اجیر مشترک اولور هندیه فیما ذکر ورد مختار .

و برده اجاره آدمی یالکیز عمل اوزرینه وارد اولوب مدت ذکر اولمز ایسه « اجیر » مشترک اولوب اجرتہ استحقاقی ۴۲۴ ماده ایله در . زیرا عمل معلوم اوزرینه بلا بیان مدت اجاره صحیحدر . و بزى کوملک دیکمک یا بو یوکی فلان محله نقل ایتک اوزره استیجار کی . اما مدت اوزرینه اجاره ، بلا بیان نوع العمل صحیح دکلدر .

ایشته شو ایکی قسم اجیر بیننده من حیث الاحکام فرق بولندینی جهتله من حیث الذات بینلرنده بوانان فرق مزید توضیحنه بوجه آتی ابتدار اولنور . شویله که عقد اجاره ده عمل ایله مدت بینی جمع و عقدک ایرادی صحیح اولور وجه

اوزره عمل توضیح ایله کده اجاره ینه صحیح اولوب بونده بوجه آتی انواع اربعه واردر.

نوع اول، اولاً عمل بعده مدت ودها صکره اجرت ذکر اولنه رق عقد اجاره ایلمکدر . بو اجاره امامین رحمهم الله تعالی یه کوره جائز اولور . بو تقدیرده معقود علیه عمل واجیر، مشترک اولور . یوقسه معقود علیه مدت اولماز .

مثلاً مستأجر اجیری بر روباسنی بویامق اوزره مطلقاً بون ویاخود بو کون اقشامه قدر شو قدر غروشه استیجار کی . ایشته بو مثالده « بویامق » عمل ، « بو کون » مدت ، « شو قدر غروشه » اجرتدر .

حتی بو مثالده بویاجی یعنی اجیرایشی اول کون اوکله وقتی اکمال ایتسه تکمیل اجرتی اله جنفی مثللو اول کون اکمال ایدمه مزایسه قرداسی کون دخی اکمال ایله اجرت اخذ ایدمه بیلور . لان المعقود علیه هو العمل لانه المقصود وهو معلوم و ذکر اليوم للتعجیل فیکانه استأجره للعمل علی ان یفرغ منه فی اول اوقات الامکان فیحمل علیه تصحیحاً للعقد . واقعا بوضوئرتده امام اعظم رحمه الله تعالی فساد اجاره یه قائل اولمشدر . لان المعقود علیه مجهول لان ذکر الوقت یوجب کون المعقود علیه هی المنفعة و ذکر العمل یوجب کون العمل هو المعقود علیه ولا ترجیح لاحدهما علی الاخر فتتفع المستأجر فی وقوعها علی العمل لانه لا یتحقق الاجر الا بالعمل لکونه اجیراً مشترکاً



ونفع الاجير في وقوعها على المنفعة لانه يستحق الاجرة بمضى  
المدة عمل او لم يعمل ففسد العقد زيلعى .

نوع ثانی، اولاً مدت صکره عمل بعده اجرت ذکر ایدیلهر  
عقد اجاره اولمقدر . بو اجاره دخی عند الامامین صحیح اولوب  
بو حالده معقود علیه مدت واجیر، خاص اولور . مکرکه کلامنک  
آخرنده مستأجر اجیر مرقومک مشترک اولدیغنه دلالت ایده جنک  
کلام ذکر ایده تکملهء بحر . بو کون اقشامه قدر بویوکی  
بورادن فلان محله نقل ایتک اوزره شو قدر غروشه ویاخود بر  
آی معلوم قویونلری رعی ایلیمک اوزره یوز غروشه  
استیجار کی .

نوع ثالث، اولاً عمل صکره اجرت بعده مدت ذکر  
اولمقدر . بو تقدیرده معقود علیه عمل واجیر مشترک اولور .  
لتمام العقد بذکر الاجر ثم ذکر الوقت للتعجيل رد مختار  
بتغییر مکرکه مستأجر ، اجیر مرقومک خاص اولدیغنه دلالت  
ایده جنک بر سوزی کلامنک آخرینه علاوه ایده تکملهء بحر  
ومجمع الانهر . معلوم قویونلری رعی ایتک اوزره یوز غروشه  
بر آی مدته بر آدم استیجاری کی .

نوع رابع . اولاً مدت صکره اجرت بعده عمل ذکر  
اولمقدر . بو صورتده معقود علیه مدت واجیر خاص اولور .  
لتمام العقد بذکر الاجر ثم ذکر العمل لبيان العمل في  
ذلك الوقت . بو نوع ثالث ورابع وجهله اجاره بالاتفاق صحیحدر

رد مختار . ایشه بو اجیر خاص اولور . مکرکه مستاجر، اجیر  
مرقومک اجیر مشترک اولدیغنه دلالت ایده جک سوزی  
کلامنک آخیرینه علاوه ایده . ارع غنمی و غنم غیرى دیمک  
کبی تکملهٔ بحر . بر آی شوقدر غروشه معلوم قویونلری رعایتکم  
اوزره چوبان استیجاری کبی .

نته کیم اوزرینه عقد اجاره نك ایرادی صحیح اولور وجه  
اوزره عمل توضیح ایدلمسه اجاره ینه صحیح ومدت اوزرینه  
واقع واجیر (اجیر خاص) واجرته مستحقاق ۴۲۵ ماده ایله اولور .  
بو کون بو خانه ده دولکرلک ایتکم اوزره شوقدر غروشه بر آدم  
استیجاری کبی . لانه ماذکر العمل علی وجه یجوز افراد العقد علیه لانه  
لم یبین مقدار و ما لم یکن مقدار العمل معلوما لایجوز افراد  
العقد علیه فانه عقد العقد علی المدة و کان ذکر البناء لیسان نوع  
العمل هندیه .

### ❖ ماده ۴۲۳ ❖

[ اجیر خاصک مستاجری بر شخص ] اولمسی جائز  
[ اولدیغی ] و بو تقدیرده اجیر خاصه « اجیر وحد » دینلدیکی  
[ کبی ] اجیر خاصک مستاجری [ شخص واحد حکمنده اولان  
متعدد شخصلر ] اولمسی [ دخی ] جائز [ اوله بیلور . ]  
ایضاحات آنفهدن کلاشیلور که اجیر خاص دخی ایکی نوع اولوب  
نوع اول، اجیر وحد ونوع ثانی اجیر غیر وحد در رد مختار .

متعدد شخصلرک شخص واحد حکمنده اولمی، وقوعبولان  
عقدک واحد اولسیله حاصل اولور، نتهکیم تفریع آتی بوکا  
دلالات ایدر.

[ بناء علیه ] بر کیمسه یالکز کندوسنک حیوانلرین رعی  
ایتمک اوزره چوبان استیجار ایتدکده چوبان یالکز اول  
کیمسه نک اجیر خاصی یعنی اجیر وحدی اولدیغی کبی [ بر قریه  
اهالیسی کندولرینه مخصوص اولمق ] وبشقه سنک حیوانلرین رعی  
ایتمک [ اوزره عقد واحدايله بر چوبان استیجار ایتدکلرنده  
اول چوبان ] مذكور قریه اهالیسنک [ اجیر خاص ] ی  
[ اولور . ]

کذلک ایکی یا اوچ شخص یالکز کندولرینک حیوانلرینی  
رعی ایتمک اوزره بر چوبان استیجار ایتدکلرنده اول چوبان  
اجیر خاص اولوردر مختار

اجیر خاصک، خاص اولمی خصوصنده تخصیصه نص ایدلمی  
لازمیدر. یوخسه تخصیصه نص ایدلمی لازم اولیوب عدم  
تعمیم کافیمیدر. طحطاوی ایکنجی جهتی بالاخیار دیمشدرکه  
وفیه انه اذ استأجر شهرالرعی الغنم کان خاصاً وان لم یذکر  
التخصیص فلعل المراد بالتخصیص ان لا یذکر عموماً سواء  
ذکر التخصیص او اهمله فان الخاص یصیر مشترکاً بذکر  
التعمیم انتهى رد مختار.

[ اما ] اول قريه اهاليسی ويا او شخصلر مذکور چوبانك  
[ کندولرندن بشقه سنك حيواتی دخی رعی ایلمسنی تجویز  
ایتدکری ] یعنی کندوسنه مخصوص اولمق اوزره استیجار  
ایلمدکری [ صورتده اول چوبان اجیر مشترک اولور . ]

خلاصه : اجیرك خاص یا مشترک اولمسندن نظر و اعتبار  
مستأجرینه اولمدیغندن مستأجری شخص واحد اولان اجیر  
بعضا خاص بعضاً مشترك اوله بیله چکی کبی مستأجری متعدد  
شخصلر اولان اجیر دخی بعضا خاص بعضاً مشترك یعنی عقد  
اجاره یه کوره مختلف اولور ،

نتیجه کیم بزاییده شویله محرردر واجیر الواحد قد یكون  
لرجلین بان استأجر ارجلا شهرا لیرعی اغنامهما انتهى .  
تعریف مذکور دن اکلاشیله جنی اوزره اجیر مشترك علی  
اشخاص متعدده دن درعهده ایده بیلور . مثلاً درزی بر کیمسه نك  
البسه سنی دیکمکی تعهد ایتدیکی کبی دیگر بر کیمسه نك وفلان  
شخصك البسه لرینی دیکمکی دخی تعهد ایده بیلور . برینك  
ایشنی تعهدی دیگرینك مصاحتنی التزامنه مانع اولماز .  
لان المعقود علیه فی حقه العمل او اثره فیکان له ان یتقبل  
من العامة لان منافعه لم تصر مستحقة لواحد فن هذا الوجه  
سمى مشتركاً . اما اجیر خاص ، اشخاص متعدده دن یعنی  
کندوسنی عقد واحدا یله استیجار ایدنلرک بشقه سندن اومدنده  
عملی درعهده ایده مز . لان منافعه فی المدة صارت مستحقة

للمستأجر والاجر مقابل بالمنافع ولهذا يبقى الاجر مستحقا وان نقض عمل الاجير رجل آخر بخلاف مالو نقض الاجير بنفسه رد مختار بتغير ما .

بالاده رد مختاردن نقلا بيان اولنديغی اوزره مستأجری شخص واحد اولان اجير خاصه ( اجير وحد ) دینلور . اما مستأجری ایکی ویادهای زیاده اولان اجير خاصه ( اجير وحد ) دینيله مز « هر تقدیر بزایه نك بیانی بوکا موافق دكل ایسه ده » شو حالده هر اجير وحد اجير خاص اولوب اما هر اجير خاص اجير وحد اوله میه جعندن اجير وحد اخص مطلق اولور .

#### ❖ ماده ۴۲۴ ❖

[ اجير مشترك اجرة استحقاقی عمل ] یعنی نه ایش ایچون استیجار اولنش ایسه اول ایشی بالفعل ایشلمسی [ایله در] . لان الاجارة عقد معاوضة فتقتضى المساواة بينهما فمالم یسلم المعقود علیه للمستأجر لا یسلم له العوض والمعقود علیه هو العمل او اثره علی ما بینا فلا بد من العمل زیلعی رد مختار . و عملی ایفایتدکده اجرة مستحق اولور . « ۴۶۹ » ماده یه و شرحه باق . بو صورتده اجیرك عملنده اثر وار ایسه خیاط کی اجرة استحقاقی عملدن فراغ ایله برابر معقود علیهی مستأجره تسلیم ایله اولور . اما حال کی عملنده اثر یوق ایسه عملدن فراغ ایله

اجرتہ کسب استحقاق ایلر رد مختار .

نتہ کیم ۴۷۵ مادهده و شرحنده بوکا دائر بعض ایضاحات اعطا اولنور . یوقسه اجیر مشترک اجیر خاص کی یا لکز عملہ حاضر بولنمسیلہ اجرتہ کسب استحقاق ایدہ منر . وشو حالده طرفین عملک ایفا اولنوب اولندیغنده اختلاف ایتسہلر سوز مع الیمین مستأجرک وینہ آجر کدر . لانه یدعی الایفاء والمستأجرینکر تنقیح وفتاویٰ ابن نجیم .

مثلا اجیر عملی ایفا ایلدیکنی ادعاوا جرتنی طلب ومستاجر عملک ایفا اولندیغنی انکار ایندکده سوز مع الیمین مستاجرک وینہ آجر کدر . «۷۶» مادهیه باق .

اجیر مشترک اولان چوبان رعی ایشملده اولدیغنی حیواناتک حادث اولان فروغنی یغنی دوللرینی رعی ایتمکه مجبور دکدر . لتعلق العقد بالمسمى فلا یزید علیه تکملہ بحر وبرزایه فی نوع فی المتفرقات .

### ❖ ۴۲۵ ماده ❖

[ اجیر خاصک اجرتہ استحقاقی مدت اجاردهده ] استیجار اولندیغنی [ عمل ] ی ایفا [ ایچون حاضر ] واولوجهله نفسنی تسلیم ایتسی ومذکور عملی ایفایه متمکن ومقتدر [ بولنمسیلہ ] برابر مدت اجاردهنک مرووری ایله [ در . ]



واجير خاص بو وجه اوزره نفسنی تسليم ايتد کده اجرته  
مستحق اولور . « ٤٧٠ » ماده يه باق .

مثلا بر سنه مدته شو قدر غروشه استيجار اولنان بر  
اوشاق افنديسنه آلتی آی خدمت ايدوب بعده آريلوب آخر  
دياره کتد کدنصکره سنه تمام اولوب بعده عودت ايتسه اجر تندن  
آلتی آيه اصابت ایدن مقداری آله بيلور . افنديسی تمام ييللق  
خدمت ايتديکی جهته آلتی آيلغی ويرم ديه من بهجه .  
بوندن اکللا شيلور که اجير خاص مدت اجاره نك بعضيسنده  
عمل ايجون حاضر اولوب بعضيسنده حاضر اولسه حاضر  
اولدینی مدتک اجرته کسب استحقاق ايلر .

مجله نك ٥٦٨ ماده سی بو فقره دن تفرع ايدر .

[ يوقسه ] اجير خاصک اجرته کسب استحقاق ايتسنده  
[ بالفعل ايشلمسی شرط دکدر . ] لان منافعه فی المدة صارت  
مستحقه له والاجر مقابل بها فيستحقه مالم يئمه من العمل  
مانع حسی كالمرض والمطر ونحو ذلك مما يمنع التمكن من  
العمل زياعی .

بناءً عليه اجير خاص اولان چوبان ينده بولنان حيواناتک  
بر مقداری مدت اجاره ده هلاک اولسه بيله متباقيسنی رعی ايتمکه  
اولدقچه وحتى عماديده تصريح ايدلديکنسه کوره حيوانات  
مذکور دنک کليسی هلاک اولسه بيله رعیه حاضر بولندقچه تام  
احر تي آلور رد مختار .

واجب متعدد اولدقده یعنی بر کیمسه مثلاً کندوسنه قیو  
 حضر ایتک ایچون بش عمله یی الی غروش یومیه ایله استیجار  
 و آنلر دخی عمل ایتدکده بعضیی دیگرندن ریاده عمل ایتسه  
 بیله اجرت عدد رؤسه تقسیم یعنی هر برینه اوزر غروش اعطا  
 اولنور فقط بونلردن بری خسته لنوبده اصلا عمل ایده مسه نظر  
 اولنور . اکر بینلرنده شرکت یعنی مذکور عملی قبلده  
 اشتراکری وار ایسه خسته لئانک اجرتدن حصه سی  
 ساقط اولمیوب تکمیلآ آنور . « ۱۳۸۹ » ماده یه باق .  
 و اکر اشتراکری یوغیسه مریضک اجرتی ساقط اولور .  
 اما بر کیمسه یکر می کیله بغدادی یوکتتمک اوزرد ایکی حیوان  
 استیجار ایتدکده هر برینه اوزر کیله یوکتتمسی لازم کلور ایسه ده  
 بریسنه زیاده یوکلدر ایسه اجرت اجر مثلرینه کوره تقسیم  
 اولنور . لان التفاوت بین الدابتین تفاوت فاحش یختلف الاحر  
 بمثله و التفاوت بین الاجراء فی عمل واحد تفاوت یسر فلا یعتبر  
 هندیه فی الباب الثامن عشر

[ فقط ] احیر خاص مدت اجارده [ عملدن امتناع  
 ایدمهز . و ] امتناع [ ایدر ایسه ] نفسی تسلیم ایتمامش اوله جغندن  
 [ اجرتیه مستحق اولماز ] نته کیم اجیر خاص بر عذرده منی عمل  
 ایدمه مسه اجرتیه مستحق اولماز .

مثلاً بر کیمسه نک ابنیه انشاسی چون طو تدینی اوسته یا غمور دن  
 طولانی عمل ایدمه مسه نفسی مستأجره تسلیم ایدمه مدیکندن

اجرت آله میه جنی کی بیلقلی خدمتکار بر آی خسته لنوب خدمت  
ایده مسه اول ایک حصه سنی آله من بهیجه و مجمع الانهر .

اجیر خاص ، رعی ایتمکده اولدینی حیواناتک فروغنی یعنی  
دوللرینی دخی رعی ایتمکه مجبوردر . اجیر مشترک بوکا مجبور  
اولدینی ماده آنفه شرحنده بیان اولنغله بو جهته دخی بینلرنده  
فرق واردر بزازیه فی نوع فی المتفرعات .

۱ — مستاجر، اجیر خاص اولان چوباننسک رعی ایده  
ایده بیله جکی مقدار حیواناتی تزیدد ایده بیلور. لان المستحق علیه  
الرعی بقدر ما یطیق لارعی اغنام بعینها تکمله بحر. اما قدرتندن  
زیاده یعنی چوبانک رعی ایده میه جکی مقدار تزیدد ایده من  
بزازیه ورد مختار .

### ❖ ماده ٤٢٦ ❖

[ عقد اجاره ايله منفعت ] معینه یعنی انای عقدده مشروط  
بولنان منفعت [ مستحق اولان کیمسه ] یعنی مستاجر ۱ [ عیناً  
اول منفعتی ] ۲ [ یا منلی ] یعنی اول منفعتک ضرر جهتنجه  
مساویسنی ۳ [ یا خود ] اول منفعتک ضرر جهتنجه [ مادونتی  
استیفا ایده بیلور . ] لان التعیین فی العقود یجب حکمه اذا کان له  
منه فائدة و اذا لم یکن له فیه فائدة سقط التعیین شلی .  
وبو وجهله اولان استیفا ايله اجر مسمی لازم کلور .

[ اما ] اول كيمسه مذکور منفعتك [ ما فوقه تجاوز ]  
 يعنى مذکور منفعتدن بيوك و ضررى زياده منفعتى استيفا [ ايد مزنو ]  
 رد مختار. زيرا موجر بر شيئه راضى اولدقده آنك مثلنه ياما دوننه  
 عادة ودلالة رضى بولنش اولوب اما اندن ضرر ليسنه رضى  
 بولنش اولماز تكمله ببحر. فى اصله ان كل مايوهن البناء اوفيه ضرر ليس  
 له ان يعمل فيها الا باذن صاحبها وكل مالا ضرر فيه جازله بمطلق  
 العقد واستحق به زياعى و برده متفاوت اولميان شيدتقيدك فائدهسى  
 يوقدر تكمله ببحر والقياس ان يضمن بالحمل عليها خلاف الجنس  
 كيف ما كان لانه يتصرف بالامر فليس له ان يخالف الا ترى  
 ان الوكيل بالبيع بالف درهم لو باع بالف دينار لا ينفذ بيعه  
 وحه الاستحسان ان التقيد انما يعتبر ان لو كان مفيداً ولا فائدة  
 فى هذه المسئلة فى التقيد بكر حنطة ومنع كر من شعير بل الشعير  
 اخف منه فكان اولى بالجواز حتى لو سمي مقداراً من الحنطة  
 فحمل عليها من الشعير مثل ذلك بالوزن ضمن لان للتقيد به  
 فائدة لان الشعير يأخذ من ظهر الدابة اكثر مما تأخذه الحنطة  
 فصار كالمحمل عليها مثل وزنه تباهكذا ذكر ذكره فى النهاية  
 وعزاه الى المبسوط ثم قال ذكر شيخ الاسلام فى شرحه انه  
 لا يضمن استحساناً وقال هو الاصح لان ضرر الشعير فى حق  
 فى حق الدابة عند استوائهما وزناً اخف من ضرر الحنطة لانه  
 يأخذ من ظهر الدابة اكثر مما تأخذ الحنطة فيكون اخف  
 عليها بالانبساطا وقال به كان يفتى الصدر الشهيد زياعى .

٥٥٩ و ٦٠٥ ماده لر بوماده نك فر عايريدر . بوجاهه خلاف  
 مأذونيت مافوقه تجاوز ايدوبده مأجور تلف اولديغي حالده  
 ضمان لازم كلوب ضمان لازم كلديكي شيئك اجرتي لازم  
 كلز « ٨٦ » ماده يه باق . واما الساحة فينبغي الاجر فيها رد مختار  
 شو قدر واركة اول كيمسه مستحق اولديغي منفعتك مافوقه  
 تجاوز ايتديكي يعنى مأذون اولديغي شئ ياپديغي ومدت  
 اجاره منقضى اولديغي حالده مأجوره برضر ترتيب ايتيوب  
 مأجور سالماً آجره تسليم ايدلسه بعض مواضعده ينه يالكز  
 اجر مسمى لازم كلور . اما ديكر بعض مواضعده غصب اولوب  
 معد للاستغلال دكل ايسه اجرت لازم كلز . ومعد للاستغلال  
 ايسه اجر مثل لازم كلور . نته كيم بو ماده ده وماده آتیه ده  
 ويريلاه جك ايضاحات دن مستبان اولور .

اختلاف منفعت ، حيوانه تحميه يده يا نقل ايله اولور . يا نقل ايله  
 اولماز نقل ايله اولان اختلاف منفعت كر حنطه يرينه كر شعيرى يوكلتمك  
 يا كر شعير يرينه كر حنطه يي يوكلتمك كي كه اولكي صورت جائز ويكنجى  
 صورت غير جائزدر . نقل ايله اولمايان اختلاف منفعت يوز قيمه  
 بموق يرينه يوز قيمه يا خود دهها آز تيمور يوكلتمك كى . بو  
 صورتده ضمان لازم كلور . لان الضرر ههنا ليس للثقل لكن  
 للجنس الا ترى ان القطن ينسبط على ظهرها والحديد يجتمع في  
 مكان واحد وعلى هذا اذا استأجرها ليركبها هو فركبها من  
 هو مثله فى الثقل او اخف ضمن لان اختلاف الركوب ليس هو

بالثقل وانما هو بالحلق في الركوب الا ترى ان ثقل البدن الذي يحسن الركوب لا يضر بالدابة والحفيف الذي لا يحسن الركوب يضر بها شاي .

[ مثلا ] دروننده [ تیمورجیلک ] صنعتی [ ایشلمک اوزره استیجار اولانان دکانده مستأجر ] ۱ تیمورجیلک ۲ ویا [ مضرتده تیمورجیلکه مساوی ] ۳ و [ یاخود اندن اهون ] دیگر [ صنعتی ] مثلا عطارلق [ اجرا ایده بیلور ] .

بو مثالده بر رقیله اشارت اولنان فقره بوماده نك بر رقیله اشارت اولنان فقره سنه مثال اولوب متن مجله ده ذکر اولمامسی ظهورینه مبنیدر . وایکی رقیله اشارت اولنان فقره ایکی رقیله اشارت اولنان فقره سنه و اوچ رقیله اشارت اولنان فقره اوچ رقیله اشارت اولنان فقره سنه مثال و بناء علیه لف و نشر مرتبدر . کذا بر کیمسه کندوسنك بش کیله بغداینی یوکتتمک اوزره استیجار ایلدیکی حیوانه غیری بر کیمسه نك بش کیله بغداینی یوکتته بیلور . لان الضرر علی الدابة واحدشلی .

کذا بش کیله بغدای یوکتتمک اوزره استیجار ایتدیکی حیوانه بش کیله سیسام یوکتته بیلور شلی . و کذا بر کیمسه بغدای طحن ایتمک اوزره استیجار ایلدیکی دکرمنده بغدای طحن ایده ایده بیله جکی کبی ضررده بغدایه مساوی ویا اندن اهون شی طحن ایده بیلور . اما اندن ضررلیسنی ایده مز . ایدر ایسه غاصب اولور .



[ و بر کیمسه ] دروننده [ ساکن اولمق اوزره استیجار ایلدیکی خانده ساکن اولیوبده اشیا وضع ایده جک اولسه جائز اولور ] ده آجر منع ایده مز . وقول تاج الشریعة لوص علی السکنی لیس له ان یعمل غیرها کما سیأتی لیس بظاهر لانه لو عمل غیرها بما هو انفع من السکنی بان حزن فیها برا او غیره یجوز لان التقید فیما لایتنفات لایعتبر تکمله بحر .

مثالک بو « و بر کیمسه ساکن اولمق اوزره الخ » فقره سی بو ماده نک اوچ رقبه اشارت اولنان فقره سنه آروجه بر مثالدره . کذلک بر کیمسه بش کیله بغدادی یوکلتمک اوزره استیجار ایلدیکی حیوانه بش کیله آرپه یوکلته بیلور . زیرا آرپه بغدادین دها خفیدر . حتی بو صورتده اجر مسمی لازم کلور بزازیه فی النوع الاول فی السادس فی الضمان . لانه لافائدة فی اجازه کر خطه ومنع شعیر بل الشعیر اخف منه فکان اولی بالجواز تکمله بحر . لان الشعیر اقل لحفته فقد استوفی اقل مما شرط و علی هذا اذا استأجر ارضا یزرع فیها نوعا فزرع نوعا آخر ضرره اقل من المسمی شای .

[ اما ] بر کیمسه [ عطار اقی ایتک اوزره استیجار ایلدیکی دکانده ] یا ساکن اولمق اوزره استیجار ایتدیکی خانده [ تیمور جیلک ایشایه مز . ] تیمور جیلک ایدمه جکی کبی قصار لک دخی ایده مز . نته کیم مذکور دکان یا خانه بی صویا او کوز دکرمانی انخاذ ایلده مز . لان فی نصب الرحا واستعمالها فی هذه الاشیاء ضررا ظاهرا لانها

توهن البناء فيتقيد العقد بما ورائها دلالة .

ال ذكر منته كلنجه، مذكور ذكر منك نصبي خانة فيه مضر  
ايسه منع اولنور . والا منع اولنماز . وعليسه الفتوى . زیرا  
توابع سکناندرد . وعلى هذا له تكسير الحطب المعتاد للطبخ  
ونحوه لانه لا يوهن البناء وان زاد على العادة بحيث يوهن البناء  
فليس له ذلك الا برضا صاحب الدار وعلى هذا ينبغي ان يكون  
الدق على هذا التفصيل فان القليل منه لا يستغنى عنه وقد جرت  
العادة بان يدق اهل كل دار ثيابهم في منازلهم ولا يوهن ذلك  
القدر منه البناء زيالى .

اذا استأجر بيتا على ان يعقد فيه قصارا فاراد ان يعقد  
فيه حدادا فله ذلك ان كان مضرتهما واحدة او مضره الحدادة  
اقل لانه لا يباحق منه ضرر زائد فكان له ذلك وان كان اكثر  
مضرة لم يكن له ذلك لتحقق الضرر وكذلك الرحي والمسلم والحربي  
والمستأمن والحر والمملوك التاجر والمكاتب كلهم سواء في  
الاجارة لانه عقد يتوصل به الى اقامة المصالح الدنيوية وكل  
واحد من هؤلاء يملك اقامة مصالح دنياء ولانه نوع تجارة وكل واحد  
منهم يملك التجارة زيالى وشابى . شوقدروار كه اول دكانده يا خانده  
تيمور جيلىك ايشليو بدد كنى يا خانة بى سالما آجره تسليم ايتسه استحسنانا  
اجر مسمى لازم كاور . وجه الاستحسان ان المقود عليه هو السكنى وفي  
الحدادة واخوانها السكنى وزيادة فتصير مستوفيا للمعقود عليه  
فيجب عليه الاجر بشرط السلامة فصار نظير مالو استأجر

دابة ليخمل عليها قدرا معلوماً فزاد عليها وسلمت الدابة فانه  
يجب عليه الاجر والقياس ان لايجب لان هذا العمل غير داخل  
تحت العقد بحر. لكن سالما تسليم ايده ميوب عملي سبيله بنا  
منهم اولسه ضمان لازم كلور بو صورته مستأجره اجرت  
لازم كلز. لان الضمان والاجر لايجتمعان بحر.

بو « اما عطارلق الخ » فقره سى بو ماده نك « اما ما فوقه  
تجاوز ايد مز » فقره سنه مثالدر.

كذلك بر كيمسه بش كيله آره يوكتمك اوزره استيجار  
ايلديكى حيوانه بش كيله بغداى وياخود اللى قيه بغداى يوكتمك  
اوزره استكرا ايلديكى حيوانه اللى قيه تيموروا كر پيچ يوكته مز.  
لان الشعير يأخذ من ظهر الدابة اكثر ما تأخذ الخنطة  
تكمله بحر وتنقيح. لكن رد محتارده لوعين قدرا من الخنطة  
فحمل مثل وزنه شعيرا جاز فلا يضمن لو عطبت استحسانا  
وهو الاصح لان ضرر الشعير فى حق الدابة عند استوائهما  
وزنا اخف من ضرر الخنطة لانه يأخذ من ظهر الدابة اكثر مما  
تأخذه الخنطة فكون اخف عليها بالانسياط بخلاف ما اذا حمل  
مثل وزن الخنطة قطنا لانه يأخذ من ظهرها اكثر من الخنطة  
وفيه حرارة فكان اضر عليها من الخنطة فصار كما اذا حمل  
عليها تبا او خطبا وكذا لو حمل مثل وزنها حديدا او ملحا لانه  
يجتمع فى مكان واحد من ظهرها فيضرها ديو مذ كوردر.  
وكذلك بر كيمسه اللى قيه بغداى يوكتمك اوزره استكرا

ایلدیکی حیوانه الی قیه پموق یوکلته مز . زیرا پموق حیوانک  
ظهرینی بغدایدن زیاده اشغال ایدرک ایراث حرارت ایلیه جکی  
جهتله حیوانه مضر در تکمله بحر .

فحاصله ان الشیثین متی کان فی کل واحد منهما ضرر فوق  
ضرر الآخر من وجه لا یتفاد من الاذن فی احدهما الاذن  
فی الآخر وان کان اخف ضرراً من وجه آخر زیلعی و تکمله  
بحر . نه کیم ۵۵۹ ماده ده متناً و شرحاً ایضاح و تفصیل اول نور  
ود مختار و تنقیح . و كذلك بر کیمسه فلان نوع شی زرع ایتک  
اوزره استیجار ایلدیکی ارضه اول نوع شی ویا مضر تده ا کا  
مساوی ویا آندن اخف شی زرع ایده بیلور . زیرا مخالفت  
مذ کوره خیره مخالفت اولغله مستأجر غاصب اولماز . و بناء علیه  
اجر مسمی لازم کلور رد مختار . اما آندن اضر نی زرع ایده مز .  
ایدر ایسه غصب حکمنده اولغله ۵۹۶ ماده ده بیان اولنانلردن  
اولینجه اجرت لازم کلیوب جمیع نقصان ارضی ضامن اولور .  
۹۰۷ « ماده یه باقی .

حتی بر کیمسه بغدای زرع ایتک اوزره استیجار ایلدیکی  
ارضده یونجه یاقناء و بطیخ و بادنجان زرع ایتسه نقصان ارضی  
ضامن اولوب اجرت لازم کلز . زیرا بونلرک عروقی منتشر  
و کثرت سقیه محتاج بولندیغنه بناءً ارضه مضر در . بو صورتده  
بو حال مع اختلاف الجنس شره مخالفت اولور . بخلاف مالو  
اردنی غیره او زاد علی المحمول المسمی حیث یضمن بحسابه

لتلفها بما هو مأذون فيه وغيره فیضمن بقدر ماتعدی لاتحاد الجنس زیلعی. شو قدر وار که مذکور ارض ۵۹۶ مادده بیان اولمانلردن ایسه اجر مثلی لازم کلور . نته کیم اوراده شرحاً ایضاح اولنور رد مختار .

کذا بر کیمسه فلان نوع شی زرع ایتک اوزرد بر سنه مدته بر ارضی استیجار وزراعت ایتدیکی حالده اکین نابت اولسه ویا خود نابت اولدقدن صکرده آفت اصابت ایتسه تدرار او نوعی زرعه وقت مساعد اولمینجه ضرر جهتنجه اکامساوی ویا آندن اهون اولان شی زرع ایده بیلور . لان رب الارض رضی له ظاهر ا اما آندن ضرر لیسنی زرع ایده مز . لان رب الارض لم یرض الا بالمسمی او بما هو مثله او دونه بلکه ارض یدنده طور دینی مدتک اجرتی اعطا ایله برابر ارضی صاحبنه رد ایدر انقروی .

## لاحقه

نوع منفعتده اختلافه دائر در

۱ — مستأجر بو وجهه له منفعت مشروطه نك ما فوقه تجاوز ایدمه جکی جهته له موجر ایله نوع منفعتده اختلاف ایتدکلرنده « ای فقال المستأجر استأجرتهما للحدادة والآجر يقول للسكنی دون الحدادة شلبي » یعنی، موجر مأجورده معقود

علیه اولان منفعت فلان نوع ایدی دیو ادعا و مستأجر بشقه بر  
نوع ایدی دیو دعوی ایتدکده سوز مع الیمین موجر کدر . کالو  
انکر اصل العقد فان القول له فکذا اذا انکر نوعاً منه وینه  
مستأجر کدر . لاثباتها الزیاده در مختار و تنقیح و تکمله بحر .

﴿ ۴۲۷ ماده ﴾

[ هرشی که ] آنک قوللانام-ی [ مستعماینک ] یعنی  
قوللانانلرک [ اختلافیه ] منفعت و مضر تجیه [ مختلف اوله  
آنده ] یعنی اول شیئک ایجارنده و قوعبولان [ تقید ] مفید  
اولدیغندن [ معتبردر ] ده مستأجر اول تقیدک خلافتیه کیده مز  
کیدوبده اول سی تلف اولسه ضمان لازم کلور «۶۰۲» ماده یه باق .  
حیوانه بنمک والبسه کیمک و امام ابی یوسف رحمه الله تعالی یه  
کوره چادر قوللانمق کبی رد مختار

[ مثلاً بر کیمسه نک رکوبی ایچون ] یعنی اول کیمسه نک رکوبی  
ایله تقید ایدیله رک [ استکرا اولنان آته ] مذکور تقیدک  
خلافتیه اوله رق [ بشقه سی ] اجاره و یا اعارة [ ارکاب اولنه مز . ]  
عبدالحلیم . زیرا اوسته آدمک بنمسندن عجمی آدمک بنسی  
آته زیاده مضر تلی اولدیغندن آته رکوب راکبک اختلافیه مختلف  
و بناءً علیه تقید مفید و مخالفت تعدی اولور فر ب خفیف جاهل اضر  
علی الدابیه من ثقیل عالم رد مختار . شو حالد بشقه سی ارکاب اولنوبده  
حیوان تلف اولسه اول کیمیه یه یعنی دافعه و کذا مستأجر ده ضمان



لازم کلوب فقط ۸۶ ماده یه مبنی اجرت ایله ضمان اجتماع ایتیه جکندن اجرت لازم اولماز و فی المنبع ان للموجر ان یضمن الدافع او المدفوع الیه ایهما شاء ولو کان المدفوع الیه مستأجرا یرجع الدافع ومستعیرا لایرجع عبد الحلیم . و کذا تلف اولسه ده اجرت لازم کلمز . لانه یكون غاصبا ومنافع الغصب غیر مضمونة رد مختار کذلک البسه کیمک کیانک اختلافیه مختلف اولدیغندن برکیمسه نک لبسی ایچون استیجار اولنان البسه بشقه سنه الباس ایدیله مزرد مختار چونکه بر تاجرک کیمسیله قصابک کیمسی بیننده فرق بولوب قصابک کیمسی البسه یه مضردر : چادر دخی امام ابی یوسف رحمه الله تعالی یه کوره البسه کیدردرر . زیرا ناس نصبنده وضرب اوتادنده واختیار مکان نصبنده مختلف اولور . فلو استأجر فسطاطا ودفعه الی غیره اجارة او اعارة فغصبه وسکن فیها فهاک ضمنه عنده شلبي . امام محمد رحمه الله تعالی یه کوره خانه کیدر زیاهی

۵۳۶ ماده ایله ۵۵۲ و ۵۵۳ ماده لرك فقرات اخیره لری بوندن تفرع ایله دیک کی ۵۵۱ ماده نک فقره اولیسی دخی بو ماده نک فرعی ومثالك عینی اولوب مذکور ۵۵۱ ماده نک فقره مذکور سنک آیروجه ذکری تکراردر .

### — ۴۲۸ ماده —

[ هرشی که ] انک قوللا نلمسی [ مستعملینک اختلافیه ]  
مضرت ومنفعتجه [ مختلف اولیه انده ] یعنی اول شیئک ایجارنده

وقوعبولان [ تقييد ] مفيد اولمديغندن [ لغودر . ] سکنایچون  
خانه لر کي .

[ مثلاً بر کیمسه نك سکناسی ایچون ] یعنی اول کیمسه نك  
سکناسیله تقييد اید یهرك [ استیجار اولنان خانه ده ] کندوسی  
ساکن اولیوب اول کیمسه نك ۴۲۶ ماده موجبنجه استیفایه  
مقتدر اولدیغی منفعتی استیفا ایچون [ بشقه سی ] اجاره  
یا اعارة اسکان اولنه بیلور تنقیح . زیرا تقييد مذکور  
مفيد دکادر . چونکه سکناده تقاوت یوقدر . اما  
دینلورسه که خانه ودکانده سکنی تیمورجلك یادکر منجلك  
صنعتی اجرا ایله دخی اولور بوايسه مضردر بوصورته تقييد  
مفيد اولور دیر زکة تیمورجلك و خانه دروننده بنایه وهن کتوره جلك  
درجه ده خلاف عادت اودون یارمق کي بنایه مضر اولان  
استعمالات عادتک وعرفك دلائيله خارجدر . ۶۲ ماده یه  
باق رد مختار ونکمله بحر . بوصورته مستأجر اول خانه یی  
تیمورجی دکانی یا دکر من اتخاذایده مز . مکرکه مالک صراحة  
راضی اوله یاخود عقد اجاره ده شرط ایدیه تنویر .

۵۲۸ ماده دخی بوماده نك فرعیدر .

نته کیم اول کیمسه مذکور خانه ده هم کندوسی ساکن  
اوله بیلیر و همده غیرینسی بوجه مذکور اسکان ایده بیلیر .  
زیرا کثرت سکان خانه یه مضرت ویر میسوب بلکه جالب  
منفعتدر . وبر خانه ده اوطورلیوب خالی براغلدقه خراب

اولور هندیه ورد مختار. « ۱۰۸۱ » مادهیه باق.

شو ماده ۵۸۷ ماده نك حكمنی مع زیاده افاده ایتكده  
اولدیغی جهتله مار الذکر ۵۸۷ ماده نك بو ماده مفادندن زیاده  
بر معناسی یوقدر .

کذا بر کیمسه فلان نوع حبوباتی کندوسی زرع ایتك  
اوزره استیجار ایلدیکی ارضی او نوع حبوبات یا دها اهونی  
زرع ایلک اوزره بشقه سنه ایجار اید بیلور . اما اول کیمسه  
کندوسنك استیفایه مقتدر اولدیغی منفعتی استیفایچون مأ -  
جوری بشقه سنه اجازة یا اعارة ویره مز . قال فی الهندیه فی الباب  
الخامس عشر ولو استأجر ارضا ليزرعها حنطة فزرعها رطبة  
ضمن مانقصها ولا اجر له انتهى . مثلاً بر کیمسه سکناسیچون  
استیجار ایلدیکی خانہ یی تیمور جبلک مثللو بنایه وهن وضرر  
کتوره جک شیلری آنده ایشایه جک کسسنه یه ایجار ایدمز .  
نته کیم ۴۲۶ ماده ده بیان اولدیغی اوزره کندوسی او یولده  
تصرف ایدمیه جکی کی .

### ❖ ماده ۴۲۹ ❖

شیوع مقارن عقد اجاره یی افساد ایدر . ولوکه آجر  
حصه مأجوری بیان اید .

بناءً علیه بر کیمسه خانہ ویا دابه سنك نصف ویا ثلث شایغی  
آخره ایجار ایتسه صحیح اولیه جغی کی [ کرك قابل تقسیم  
اولسون وکرك ] قابل تقسیم [ اولسون ] وکرك ملک اولسون

کړک وقف اولسون [ برکیمسه ] کندوسیله دیگر کمسینه پیننده  
 مشترک اولان عقار ویا منقول مالده کی [ حصه شایعه سنی  
 شریکه ] یعنی اول کمسینه [ ایجار ایده بیلور ایسه ده آخره  
 ایجار ایده مز ] بوراده مشاع، مطلق اوله رق ذکر اولنمسیله  
 مستبان اولور که موجر : کړک مأجورک کلیسنه مالک ایکن او  
 مأجورک مثلاً یالکز نصفی ایجار ایتسون وکړک مأجورک مثلاً  
 یالکز نصفه مالک اولمغله مذکور نصفی ایجار ایتسون اعمدر.  
 یعنی ایکی صورتده دخی اجاره جائز دکلدر . واقعاً ایکنجی  
 صورتده ایکی روایت وار ایسه ده اظهر اولان عدم جوازدر که  
 مجله نک. اطلاقدن دخی بوا کلاشیلور رد مختار .

بوراده یعنی « حصه شایعه سنی شریکه ایجار ایله بیلور »  
 فقره سنده کی حصه شایعه مطلق اوله رق ذکر اولنمندن مستبان  
 اولور که حصه شایعه سنک کړک کلیسنی وکړک بمضیسنی شریکه  
 ایجار ایتدکه اجاره جائز اولور هندیه فی الباب السادس عشر.  
 بو صورتده حصه شایعه یی آخره ایجار ایتسه فاسد اولوب  
 مستأجر آنده ساکن اولدقده اجر مثل لازم اولور . « ۶۲ »  
 ماده یه باقی . وهو الصحيح وقيل لا ینعقد حتی لا یجب الاجرا صلا  
 رد مختار . زیرا شیوع اصلی امام اعظم رحمه الله تعالی غندنده  
 اجاره یی افساد ایدر . چونکه اجاره عین مأجور ایله انتفاع  
 ایچون مشروع قلمش اولوب حصه شایعه نک یالکز اوله رق  
 تسلیمی ممکن اولمغله منفعت مقدور الاستیفا اولماز و بناء علیه

اجازة فاسد اولور . « ٤٥٧ » ماده يه باق بخلاف المبيع فان المقصود فيه الملك الانرى انه يجوز بيع الحش ونحوه ولا يجوز اجازته تكمله بحر . حصه شايعه نك مشاركه ايجارى جائز اولدى . زيرا بو تقديرده منفعتك كليسى شريك مستأجر ك ملكنده حادث اولور . بعضيسى مالك حقيقى حكميله حادث اوله جنى كى بعضيسى دخى بحكم الاجازة حادث و بناء عليه منفعت مقدور الاستيفاء اولور ولا عبرة لاختلاف السبب عند اتحاد الحاجة تكمله بحر . كذلك بر كيمسه كندوسيله ديكر ايكى شريكى بينده اثلاثا مشترك اولان مالد كى حصه شايعه يعنى اوچده بر حصه سنى شريكى بولنان اول ايكى شخسه ايجار ايدى بيلور ايسده كندوسى ويا وكيلى آخرد ايجار ايدميه جكى كى يالكز ير شريكنه دخى ايجار ايدمز انقروى . شو قدر واركه بر كيمسه قابل قسمت اولان مالدن حصه شايعه سنى آخرد ايجار ايتد كدن صكرده ولو كه مجاس عقددن مؤخر بعد التقسيم والافراز حصه ممرزدى مستقلا مستأجرده تساييم ايتسه صحيح اولور رد مختار « ٢٤ » ماده يه باق . ولو ابطالها الحاكم ثم قسم وسلم لم يجز رد مختار ينبغى ان تجوز اجازة بالتعاطى اذا لامانع منه بعد فسخ الاولى رحى رد مختار اقول بل لا ينبغى اذا كان التعاطى ميئنا على الاجازة المفسوخة انظر ٥٢ مادة

كذا بر كيمسه بر خانه سنك نصف شايعى وديكر خانه سنك تكمىانى آخرد ايجار ايتد كده تكميل ايجار اولنان خانه ده اجاره صحيح اولور ايسده ديكر نده اولماز هنديه فى الباب السادس عشر .

اجاره مشاعی عدم جوازینہ دائر اولان شو و ماده امام اعظم رحمہ اللہ تعالیک مذہبی اولوب اما امایین رحمہما اللہ تعالی مشاعک اجارہ سی نصیینی بیان اتمک شرطیله جائزدر کړک شریکنه ایجارایتسون و کړک اجنبی به کړک قسمته محتمل اولسون و کړک اولسون اما نصیینی بیان اتمه جائز دکلدردیمشلدرد هر تقدیر زیلعی مشار الیهمانک قولدرینی ترجیح ایامش ایسده مجله امام مشار الیهک قولنی ترجیح ایتشدرد مختار .

لہما ان للمشاع منفعة وتسليمه ممکن بالتخلیه او بالتهایؤ فصار کما اذا استأجر من شریکه او من رجلین وکالعاریه و اذا جاز اعارة المشاع فاولی ان تجوز اجارته فان تأثیر المشاع فی منع النبرع اقوی من تأثیره فی منع المعارضة الا ترى ان هبة المشاع لا تجوز و بیع المشاع یجوز تکمله بحر

[ فقط ] اول کیمسه [ بعد المهایه نوبتی ] یعنی نوبتده تکمیل خانہ بی آخره [ ایجار ایدوبیلور . ]

یونقره وجهله اولان اینبارده مأجورک کلیسی آجریکینده بولندرق مستأجره کاملاً تسلیمی ممکن واستیفای منفعتہ اقتدار متحقق اولهرق اصلاً شیوع اولیوب فقره مذکورہ مال مشترکک کیفیت و طریق ایجارینی ارائه ایدیور .

قابل قسمت اولان ۱۱۳۹ و ۱۱۴۰ ماده لرده و قابل قسمت اولیان ۱۱۴۱ ماده ده و مهایه ۱۱۷۴ ماده و مواد تألیه سنده و حصه شایعه ۱۳۹ ماده ده بیان اولمشدر .



ماده آتیه ایه حسن مقابله حاصل اولمق ایچون اشیو  
ماده نك سرلوحه سی شرحا یازلدیفی اوزره تحریر اولنسه احسن  
اولور ایدی .

۱ — بناسی برکیمسه نك عرصه سی دیگر بر شخصك ملکی  
ویا بناسی ملك و عرصه سی وقف اولان بر خانه نك یالکز بناسی  
اجنبی به ایجار اولنیه یلوب بونده شیوع یوقدر رد مختار  
وانقروی .

نته کیم صاحب بنا صاحب عرصه یه ایجار ایتدکده  
بونده دخی شیوع اولمامغله بالاتفاق صحیحدر و بنا ملك  
وعرصه وقف اولوبده متولی بنا مالکنك امر یه ایجار ایتسه  
اجرت بنا و عرصه اوزرینه منقسم اولوو رد مختار و در  
متقی

﴿ ۴۳۰ 》 ماده ﴿ 》

[ شیوع طاری ] یعنی بعد عقدالاجاره عارض اولان  
شیوع سابقا بلا شیوع وقوعبولان [ عقد اجاره یی افساد  
ایتمز ] ۵۶۹۵۵ ماده لره باقی درر فی الاجارة الفاسدة .

[ مثلاً برکیمسه ] تکمیل [ خانه سنی ایجار ایتدکدن  
صکره ] مذکور خانه نك [ نصف حصه سی بر مستحق طرفدن  
ضبط اولنسه ] ده مستحق مذکور نصف حصه سنده اجاره یی  
مجیز اولمامغله عقد اجاره یه شیوع طاری اولسه مذکور  
خانه نك [ باقی ] نصف [ حصه شایعه ] سی [ حقنده ] بدل

ایجادن نصف حصه سیله [ اجاره ] صحیح اولمق اوزره  
[ باقی قالور . ]

بالاستحقاق عارض اولان شیوع شیوع مقارنمیدر طاریمیدر  
بوکا دائر بحث الی بشنجهی ماده شرحنده ذکر اولمغله اورایه  
مراجعت اولنه .

تهذیبده شو یله محرردر « والشیوع الطاری لایفسدها  
اجماعا کما اذا آجر کلها اثم تفاسخا فی النصف اومات احدها او  
استحق بعضها یبقی فی الباقی » تکمله بحر

کذا برکیمسه خانه سنی تکمیلا ایجار ایتدکن صکره طرفین  
نصفنده اجاردی فسخ و اقاله ایتسه لر باقی حصه شایعه حقنده  
اجاره صحیح اوله رق باقی قالور . اجاره مشاعده حیلله بودر .

رجلان آجرا درهما من رجل جاز وان فسخ احدهما برضی  
المستأجر اومات لا تبطل فی النصف الاخر تکمله بحر .

کذاک ایکی کیمسه مشترک خاندلرینی بر شخصه ایجار  
ایدو بدو بری وفات ایتمکله حصه سنده اجاره منفسخ اولسه  
حیاتده اولانک حصه سنده اجاره باقی قالور . فان رضی وارث  
المیت وهو کبیر ان یکون حصته علی اجارة ورضی المستأجر جاز  
وان کانت اجارة المشاع لکنها من الشریک تکمله بحر .

نته کیم ایکی شخص بر خانه استیجار ایدو بدو بری وفات  
ایتمکله حصه سنده اجاره منفسخ اولسه حیاتده اولانک حصه سنده  
اجاره باقی قالور تکمله بحر و رد مختار و انقروی و هندی و شرنبلالی

❖ ماده ٤٣١ ❖

[ ايکى ] ويا زياده [ شريك برلکده ] يعنى عقد واحد ايله  
 [ مال مشترکى ] يعنى مذکورايکى ويا زياده شريك بيننده مشترک  
 اولان مالى [ شخص آخره ايجار ايدہ بيلورلر ] . ١٠٦٩ ماده يہ  
 باق بزايہ فى الثانى فى صفتها فى نوع آخر فى الضياع . و بواجارہ دہ  
 شيوع يوقدر . حتى بو صورتہ مذکور ايکى شريکدن برى  
 فوت اولمق . لابسہ سيالہ حصہ سندہ اجارہ منفسخ اولسہ حصہ  
 باقيہ دہ اجارہ صحيح اوله رق قاله جفى مادہ آنفہ شرحندہ ايضاح  
 اولمشيدى درر . بومادده برلکده يعنى عقد واحد ايله دينامسى  
 على التراخى ايجاردن احتراز ايجوندن يعنى ايکى شريکدن برى  
 مشترک مالده کى حصہ سنى برکمنه يہ ايجار ايتدکن صکرہ ديکر  
 شريك دخى آرو عقد ايله اکا ايجار ايتسہ تفريق صفقہ دن  
 طولايى اجارہ فاسد اولور . نته کيم ٤٢٩ ماده دن اکلا شيلور ،  
 و مال مشترک تکميانى صاحب لرندن يالکيز برى آخره ايجار ايتسہ  
 بونک حکمى ١٠٧٧ ماده دہ کلور .

بو مادده شخص آخرک واحد اولمى امر لازم اوليوب  
 مادہ آتیه وجهله متعدد دخى اوله بيلور . بوسورتده شخص  
 آخرک مفرد اوله رق ذکرى متعدد دن احتراز ايجون دکادر .  
 بنابرین ايکى شريك برلکده اوله رق يعنى عقد واحد ايله مال  
 مشترکى ايکى کشى يہ يعنى بو مالى ايکيکزه ايجار ايتدک ديو عقد  
 واحد ايله بطريق الاجتماع ايجار ايتمک جائزدر .

و برده « آخره » قیدی احترازی اولیوب مثلاً اوچ شریکک  
ایکیسی مال مشترکی او بر شریکه ایجار ایده بیله جکی ۴۲۹  
مادهده و شرحنده بیان اولندی .

❖ ۴۳۲ ماده ❖

[ بر شیء ایکی ] و یا زیاده [ کشی یه ] یعنی بر مالک کلیسی  
بر آدمک ملکی اولوبده مثلاً « بو مالی ایکیکزه ایجار ایتدم »  
دیو تکمیلانی ایکی کیمسه یه عقد واحد ایله بطریق الاجمال  
[ ایجار ایتک جائزدر . ] و بونده مانع اجاره اولان شیوع  
یوقدر . لان العقد اضعف الى الكل ولا شیوع فیه وانما الشیوع  
یظهر لتفرق الملك فیما بینهما تکمله بحر قال فی مجمع الانهر  
لان التسليم بقع جملة ثم الشیوع لتفرق الملك بینهما طار انتهى .  
و مستأجر لرذن هر بری مال مذکورده منفعتک نصف شایعنه  
مالک اولور هندیه فی الباب السادس عشر من الاجارة وان  
اراد احدهما ان ینبی فی وسط الحانوت حائطا لم یکن له ذلك من  
المحل المزبور . حتی بو وجهله ایجار اولنان دکانک فلان طرفه  
بری وفلان سمتنه دیکری اوطور مق اوزره شرط ایتسه لر  
شرط مذکور کان لم یکن حکمنده اولور . وان کان هذا  
الشرط مع الآخر فسد العقد هندیه فی الباب الثالث والعشرين .  
و بوجه بالا بالاشتراك مستأجر لرذن بریسی یانه شا کرد آله حق  
اولدقده دیکری مانع اوله ماز . مکرکه آکا یعنی شریک دیکره  
ضرر بین بولنه اوله ماز مانع اوله بیلور . و كذلك ان کان احد

احد المستأجرین اکثر متاعا من الآخر هندیه فی الحمل المزبور.  
« ۲۰ » ماده یه یاق .

مثلا برکمه مستقل خانه سنی ایجاب واحد ايله ایکی کمسنه  
یه ایجار ایدوبده آنلرده معاقبول ایتسه لر اجاره صحیح اونور .  
زیرا عقد واحددر . حتی اول ایکی کشیدن یا لکر بریسی قبول  
ایتسه ۴۲۹ ماده حکمنجه شیوع اصلی یه مبنی اجاره جائز اولماز .  
وبرده بوبده تفرق صفقه واردر ، اما بوشیٹک نصفی سکلونصف  
دیگری نی سکا و یا خود بومالک ثلاثی سکا و ثلثی سکا ایجار ایتدم  
دیو بطریق التفصیل مثالا ایکی کشی یه ایجار ایتک جائز دکلدر .  
چونکه بونده دخی شیوع واردر رد مختار و تنقیح

و کذا شوحانه می ایکی کزده سویا ایجار ایتدم دیسه سویا لفظی  
تفصیل منرله سنده اولمغله اجاره فاسد اولور رد مختار

[ و ] مذکور ایکی مستأجر دن [ هر بری اجرت دن کندو  
حصه سنه عائد اولان مقداری و یروب یکدیگره ] یعنی مستأجر لردن  
بری دیگرینه لازم کلان اجرته [ کفیل اولمدقچه ] مجرد اشتراک  
استیجار ایلملریله [ برینک ] بدل ایجار دن اولان دیندن [ حصه  
سی دیگر دن انه ماز . ] چونکه بلا سبب مشروع دیگرک مالی  
انه ماز . « ۷۹ » ماده یه باق .

بونده کی حکم بدل ایجاره مخصوص اولیوب ثمن مبیعدو قرضده  
دخی حکم بویله در . « ۱۱۱۳ » ماده یه باق .

قرضه مثال : برجماعت واحد دن استقراض ایدوب قرضی

ایچلرندن فلانه ویرمسنی مقرضه امر ایتلریله اودخی مبلغ مذکوری  
آکا ویرسه مقرض اندن یالکز حصه سنی طلب ایده بیلور بزازیه  
ورد مختار فی القرض

اصل ماده نك مثالنه کذیجه برکیمسه خانه سنی عقد واحد  
ایله شهر ی ایکی یوز غروشه اوله رق ایکی کشی یه مناصفه ایجار  
ایتد کده صحیح اولوب مبلغ مذکور ک یوز غروشی برندن و یوز  
غروشی دیگرندن استیفا ایدر، یوقسه برینک حصه سنی دیگرندن  
طلب ایده مزین نتیجه سی فی الاجاره. مکرکه بری دیگرینه کفیل اوله  
اوحالده کفیل اولاندن اجرتک نصفی اصالة و نصف دیگر ی  
کفالة اوله رق مجموع اجرت مطالبه اولور. ٦٤٤ و ٦٤٣  
ماده لره باق.

نته کیم اول ایکی کشی یکدیگرینه کفیل اولسه لر نصفی اصالة  
و دیگر نصفی کفالة اوله رق هر بری مجموع اجرت ایله مطالبه  
اولور ٦٤٦. ماده یه باق. ثمن مبعه کفالتده دخی حکم بویله  
در. یعنی برکیمسه ایکی کیمسنه یه بیک غروشه برمال صانوب هر  
بری آخرک ذمتنه لازم کلان مبلغه کفیل اولسه بایع مبلغ مذکوری  
دیلد یکنندن آله بیلور. یعنی هر بری ثمه میبعک نصفی اصالنه  
و نصف دیگر ی کفالة ضامن اولور هندبه فی الباب الثلث عشر  
من الدعوی.

١ — مجله ده یکدیگره کفیل اولد قجه دینلمسندن دخی  
مستفاد اولور که بدل اجاره یه کفالت جائزدر. بدل اجاره کرک



معجل و كرك مؤجل اولسون . وكذا بدل اجاره كرك استيفای  
 منافع ابله ذمت مستأجرده واجب اولمش اولسون و كرك هنوز  
 واجب اولمش اولسون . حواله بدل اجاره ده دخی حكم بو  
 یله در . ۴۶۷ ماده شرحه دخی مراجعت اولنه . « ۶۳۱ »  
 ماده یه باق انقروی فی الفصل الثانی من الكفالة

## ﴿ باب ثانی ﴾

یعنی کتاب اجاره نك ايكنجی بابی

[ عقد اجاره یه متعلق ] اولان [ مسائل بیاننده اولوب  
 ددرت فصلی ] و اوتوز ماده یی [ حاویدر . ]

## ﴿ فصل اول ﴾

یعنی باب ثانی نك برنجی فصلی

[ ركن اجاره یه دائر اولان مسائل بیاننده ] اولوب  
 ۱۱ ماده یی حاوی [ در ۰ ]  
 ركن اجاره ، ایجاب و قبوله دینور که ماده آتی هده بیان  
 اولنور . ببعده اولدینی کی . « ۱۴۹ » ماده یه باق هندیه فی الیاب  
 الاول من الاجارة . اجاره نك حکمی بیع کی ملکیتدر . یعنی  
 مستأجر ك منفعته و آجر ك بدل اجاره یه مالك اولمسیدر .  
 ۳۶۹ ماده یه باق . قال فی الهندیه و اما حكمها فوقوع الملك  
 فی البدلین ساعة فساعة الا بشرط تعجيل الاجرة انتهى .

﴿ ۴۳۳ ماده ﴾

[ بیع کبی اجاره دخی ] عقد اجاره یه موضوع اولان لفظ ایله وقوعبولان [ ایجاب وقبول ایله منعقد ] وتام [ اولور . ] بدون القبول اجاره منعقد اولیه جفته آنی مسئله تفرع ایدر . شویله که برکیمسه درزی یه شوجبه می شوقدر غروشه دیک دیوبده درزی اجرت استتم دیدیکی حالده ینه دیکویرسه اجاره منعقد اولمیدینی جهتله درزی عملنده متبرع اولوب آرتق اجرت آله منر بزازیه فی الثانی فی صفتها فی النوع الاول کان بینهما خلطة اولمیکن خانیه .

اجاره ایجاب وقبول ایله عقد اولنور ایسه ده ۴۰۶ ماده شرحنده ذکر اولنمدینی وجهله انعقاد اجاره ساعه فساعه در . واجارده عقد وقوعبولور وانعقاد ، عقددن صکره ومؤخرا حادث اولور والعلل الشرعیة مغایرة للعالم العقلیة فی جواز تفکاکها عن معلولاتها فجاز ان یقال العقد وجد والانعقاد تراخی الی وجود المنافع ساعه فساعه ای ولا یجوز ان یقال الکسر وجد والانکسار تراخی وهذا هو رأی بعض مشایخنا فی تفسیر قول ائمتنا ان عقد الاجارة تنعقد ساعه فساعه علی حسب حدوث المنافع نعم یجوز ان یقال للعقد انعقاد قبل حدوث المنافع فی حق المتعاقدين دون الانعقاد فی حق الحكم هكذا فی الفتح وحکم العقد وهو الملك یقبل الفصل عن العقد کفی انبیع بشرط الخيار زیلی .

اجاره بوجھله ایجاب وقبول ایله منعقد و تمام اولمسی  
اوزرینه شومسئله تفرع ایدر . شویله که مستأجر ، برسنه لک  
اولمق اوزره استیجار ایتدیکی خانہ یی موجر آکا تسلیم ایتدیکی  
جهتله برآی مرور ایتدکن صکره بالمحا که تسلیم لازم کلسه  
مستأجر یاقی سنه ایچون قبضدن امتناع ایدمیه جکی کبی موجر  
دخی تسلیمدن امتناع ایدمیز . فقط مبیع قبل التسلیم بعصبسی  
هلاک اولسه مشتری بعضیسنک قبول وقبضنده مخیر اولدیغنه  
ومنافع مبیع کبی اولوب برآیلق منافمک تانی بعض مبیعک تلفی  
کبی اوله جغنه کوره بونده دخی مستأجر مخیر اولمق لازم  
کلوردی دیو سوآلنه جوابا دینا ورکه بیعده معقود علیه واحد  
اولوب بعضیسی قبل القبض هلاک اولنجه باقیسی تعیب ایتمش  
اولور . اما اجاره عقد متعدددر . زیرا بونده اجاره علی حسب حدوث  
المنافع ساعة فساعة منعقد اولور . بوجهتله کچن مدته عقدک  
انفساخی مستقبلده دخی استحقاق انفساخی اقتضا ایلمز شلی .

ماده ۴۳۴

[ اجارده ایجاب وقبول ] موجر مثلاً شو خانہ می آیلنی  
ویا هر آیلنی شو قدر غروشه اولمق اوزره نسکا [ ایجار ایتدم و ]  
یا [ کرایه ویردم و ] مستأجر دخی [ استیجار ایتدم و ] یا  
[ قبول ایتدم کبی عقد اجاره ایچون مستعمل ] و ماضی معناسنه  
[ اولان سوزلر ] ی سویلمک ایله [ در . ] هندیه فی الباب  
الاول من الاجاره محله بیعده یعنی ۱۶۹ ماده ده شومتاعی

سکا یوز غروشه صاتم دیدیکی یعنی مبیعی کوستردیکی حالدہ بورادہ مأجوری کوسترک شوخانہ می ایجار ایتدم دیمدی . لعل سببی شودرکہ مسئلہ اختلافی اولدینی جہتلہ ایکی قولہ دخی شمولی قصد ایلدی . اختلاف مذکور بروجه آتی بیان اولنور . شویله کہ : بعض علما ایجاب وقبول محل منفعت اولان عینہ مضاف قلنمق شرطدر یعنی شوخانہ می شوقدر غروشه ایجار ایتدم دیو ایجار اولنور وبووجهلہ عین مأجور منفعت مقامنہ اقامہ ایدلمک لازم کلور . زیرا محل ، عقدک شروطندن بولنمغله عقد ایچون بر محل لازم اولوب محل عقد ایسہ منافع اولدینغہ ومنافع دخی معنوم ایدوکنہ منبی محل عقد اولہ میہ جنی جہتلہ خانہ ، منفعت مقامنہ اقامہ اولنمق صورتیلہ عقد خانہ یہ مضاف قلندی . بوصورتدہ عقد اجارہ منافعہ مضاف قلنسہ یعنی مثلاً بوخانہ مک بر آیلق منافعی شوقدر غروشه سکا ایجار ایتدم دینلسہ اجارہ صحیح اولماز دیمشلدردر . دیگر بعض علما دخی عقد اجارہ ، نفس منفعتہ اضافت ایدلمکله دخی صحیح اولور دیمشلدردر . قال الولو الجی الاجارۃ اذا اضيفت الی منفعة الدار تصح شلی . بوصورتدہ شوخانہ مک بر آیلق منافعی شوقدر غروشه سکا تملیک ایتدم دیو عقد اجارہ صحیح اولور . بزازیہ وچوق کتب فقہیہ دہ بوایکی قول دخی ذکر اولنمشدر بحر وتعلیقات ابن عابدین علیہ وندیہ .

بیعدہ اولدینی کی اجارہ دہ دخی ایجاب وقبول آرو آرو

شخصدن اولق لازمدر . يعنى شخص واحد عقدك طرفينى  
تولى ايدى من . « ۱۶۷ » ماده شرحه باق . بناء عليه متولى نفسى  
وقف ايچون ايجار ايله اجرت اخذ ايتسه جائز اولماز . مكر كه  
حاكم امريله اوله . كذا متولى وقف اراضى يي كندو ايچون  
استيجار ايتسه جائز اولماز . مكر كه حاكمدن استيجار ايدى ويا وقفه  
خيرلو اوله انقروى فى الوقف القاضى اذا استاجر الصغير او عبده  
لنفسه يجوز ان فعل الوصى ذلك يجوز عند الامامين لو بلاغبين  
والاب لو آجر ماله او نفسه من ابنه الصغير او استاجر مال الصغير  
او نفسه لنفسه يجوز لانه يملك الشراء وان لم يكن انفع فكذا  
اجارته بزايه .

بوماده درت صورت واردر .

ايجاب قبول

ايجار ايتدم .	استيجار ايتدم	صور اربعة مذ كورده نك جمله سيله اجاره منعقد اولور .
ايجار ايتدم .	قبول ايتدم	
كرايه ويردم .	استيجار ايتدم	
كرايه ويردم .	قبول ايتدم	

متن مجله ده كى ( كى ) لفظيله دخى اشارت اولنديغى اوزره  
اجاردهده ايجاب و قبول الفاظ مذ كورده يه منحصر دكلدر .  
چونكه كتب فقهيه ده ذكر اولنديغى وجهله عاريت وهبه  
وتمليك لفظلريله دخى اجاره منعقد اوله جنى كى بعض علما بيع  
لفظيله دخى منعقد اولور دپمشردر . چونكه عوض مقابلنده كى

عاریت اجاره اولوب اما عکسی بویله دکلدر . یعنی بلا عوض اجاره عاریت اولماز . « ۴۰۵ ماده » شرحه باق درر .

مثلا بر کیمسه دیگر کمسنه یه شو خانه می فلان آیده شو قدر غروشه سکا اعاره ویاخود شو خانه مک فلان آیده کی منا - فغنی شو قدر غروشه سکا هبه ایتدم دیوباه او کمسنه دخی قبول ایتسه اجاره منعقد و صحیح و بر کیمسه بو خانه مک بر آیلق منفعتی شو قدر غروشه سکا تملیک ایتدم دیسه اجاره جائز اولدینی کی بر کیمسه دیگر کمسنه یه شو خانه مک بر آیلق منافعی شو قدر غروشه سکا صاتم دیوب اوده قبول ایتسه بعض علمایه کوره اجاره منعقد اولور هنده فی الباب الاول . ووجه شیخ الاسلام الجواز بان یجمله مستعارا للتملیک مجازا لان ملک الید سبب للملك المنفعة فیکون من قبیل ذکر السبب و ارادة المسبب و لایق اولان بو وجهه بیه بیع لفظیه انعقاد اجاره نک جوازینی ترجیح ایتمکدر عبد الحلیم . اما دیگر بعض علمایه کوره بیع لفظیه اجاره منعقد اولماز . لان بیع المعدوم باطل فلا یصح تملیکا بلا فظ البیع و الشراء درر و شر نبلا لی . كذلك صاحب درر نقله کوره حرا اولان بر کیمسه دیگر کمسنه یه فلان ایش ایچون فلان آیده شو قدر غروشه نقسمی سکا صاتم دیسه ده او کمسنه دخی قبول ایتسه اجاره منعقد اولور « ۳ » ماده یه باق .

و كذلك بر کیمسه دیگر کمسنه یه بو خانه نک هر ییلغی بر لیرایه در راضی اولدکی دیسه ده اوده اوت دیمکله اول کیمسه



دخی اناختارینی اکا ویرسه اجاره منعقد اولور لسان الحکام.  
بیعه اولدیغی کبی اجاره ده دخی قبل القبول ایجابک تکراری  
ایجاب اولی ابطال ایدوب ایجاب ثانییه اعتبار اولنور. «۱۸۵»  
مادهیه باق .

مثلا آجر. شو خانه مک بر ییلغی بیک غروشه ایجار ایتدم  
هر آیلغی یوز غروشه اولمق اوزره دیو ایجار ایتدکده ییلده بیک  
ایکیوز غروش لازم کلور . وهر آیلغی یوز غروشه لفظیه ییلغی  
بیک غروشه قولی منفسخ اولور . شو قدر وارکه آجرک هر  
آیلغی یوز غروشه دیمسی تفسیرده غلط اوزرینه منبی ایسه ینه  
ییلده یالکز بیک غروش لازم کلور . بو صورتده آجر ایجابک  
فسیخی قصد ایتدم دیو دعوی و مستأجر غلطی ادعا ایتدکده  
سوز آجرکدر بزازیه فی الثانی فی صفتها فی تفریعات علی الاجاره  
الطویه وهندیه فی الباب الثامن .

### ❖ ماده ۴۳۵ ❖

[ اجاره دخی ] ۱۶۹ و ۱۷۰ مادهلرده سبق ایدن [ بیع  
کبی ] و ماده آنفده کچدیکی مثالو ایکی طرفدن اولان [ ماضی  
صیغه سیله منعقد اولوب ] ایکی ویا یالکز بر طرفدن سویلنیلان  
[ مستقبل ] ویا امر [ صیغه سیله منعقد اولماز. ] «۱۷۱ و ۱۷۲»  
مادهلره باق لسان الحکام.

[ مثلا ] طرفیندن [ بری ] بوخانه یی شو قدر غروشه سکا  
[ ایجار ایده جکم دیوب دیکری استیجار ایتدم یا خود ] طرفدن

[ بری ] بو خانه بی شو قدر غروشه بکا [ ایجار ایت دیوب دیکری  
 استیجار ایتدم دیسه ] اشبو [ ایکی صورتده دخی اجاره منعقد اولماز .  
 لسان الحکام . زیرا « استیجار ایتدم » و « ایجار ایتدم » صیغه لری  
 ماضی ایسه لرده « ایجار ایده جکم » صیغه سی مستقبل و « ایجار  
 ایت » صیغه سی امر در . بوندن ا کلاشیلور که مثال ممثلدن فضله  
 شی افاده ایدیور . فقط مستقبلده امر دخی داخلدر یعنی مستقبل  
 تعیری امره دخی شاملدر . نته کیم مجمع الانهر صاحبک  
 بیوعده « ولان الماضی ایجاب وقطع والمستقبل عدة او امر »  
 دیوبیانی بوکا دلالت ایدر .

❖ ماده ۴۳۶ ❖

[ اجاره ] دخی بیع مثللو [ مشافهه ايله ] وقوع بولان  
 ایجاب وقبول ايله منعقد [ اولدینی کبی مکاتبه ايله و دلسزک  
 اشارت معروفه سیله ] وقوع بولان ایجاب وقبول ايله [ دخی  
 منعقد اولور . ] ۶۹ و ۷۰ و ۱۷۳ و ۱۷۴ ماده لره باق اشباه  
 مثلا بر کیمسه نک دیگر کمسنه یه فلان خانه نک برسنه لکنی  
 شو قدر غروشه استیجار ایتدم دیو مکتوب یازوبده او کمسنه  
 دخی مذکور مکتوب یدینه واصل اولدینی مجلسده ایجار ایتسه  
 صحیح اولور .

کذا دلسزک رک یازو یازمق بیلسون و کرک بیلمسون اشارت  
 معروفه سیله مالی آخره ایجار و آخرک مالی استیجار ایده  
 ییلور . اما مذکور اشارت معروفه دکل ایسه معتبر اولماز .

نته کیم دلسز اولیا نك اشارتی دخی معتبر دکلدر . بناء علیه  
متن مجله ده « دلسز » و « اشارت معروفه » دینلدی .

❖ ۴۳۷ ❖ ماده

[ تعاطی طریقه ده دخی ] ۱۷۵ ماده ده ذکر اولندیغی اوزره .  
بیع منعقد اولدیغی کبی [ اجاره ] ده [ منعقد اولور . ] مجمع الانهر  
زیرا جواز اجاره رضا اعتباریه اولوب یوقسه صورت لفظ  
ایله دکلدر . طرفدن تعاطیه تراضی بولندقدده اجاره نك دخی  
جوازی لازمکلور . ووجه انعقادالبيع بالتعاطی ان المعنی وهو  
الدالة علی التراضی بشمل الكل وهو الصحيح عبدالحلیم . و بوجهیه  
بالتعاطی وقو عبولان عقد اجاره ده ۴۵۰ و ۴۵۱ ماده لر ده کی  
شروط معتبردر در مختار

[ نته کیم شفاها ] یعنی لقردیله [ بازارلق اولقسز بن یولجی  
و اپورینه ] و شمندوفر واغوننه [ واسکله قایغنه و کرا بار کرینه  
بنك ] و بر بردطراش و حجات ایتدیرمك و حمامه کیرمك [ کبی که ]  
بومثلوموادده [ اجرت معلوم ایسه اولقدر و ] اجرت معلوم  
[ دکل ایسه اجر مثل اعطاسی لازمکلور . ] ۴۳ و ۴۶۲ و ۵۶۵ .  
ماده لر دباق . زمانمه تراموای و شمندوفر اجر تلری مواقع و مواضعه  
کوره معلومدر

کذا برکیمسنه غیر معین اوانی استیجار ایتدکده ۴۴۹ ماده یه .  
مبنی صحیح دکل ایکن آجر برنوع آوانی بی مستأجره تسلیم  
ایدوب اوده قبول ایتسه تعاطی طریقه اجاره مبتدئه اولق

اوزره منعقد و صحیح اولور درمختار و هندیه فی الباب الاول.  
 تعاطی ایله اجار دنگ انعقاد بیعده اولدیغی کی طرفیندن  
 اعطایه متوقف دکلدر • « ۱۷۵ » ماده شرحنه باق  
 تعاطی صورتیله انعقاد اجار دنگ بر صورتیده شود در که  
 بر کمسه قیم و فقدان سنه لك شو قدر غروشه بر خانه استیجار  
 اید و بده سنه مذکوره مرورند نص کر داول کیمسه ایکنجی سنه  
 ده بغیر عقد بر مدت ساکن اولوبده قیم مستأجر دن بر مقدار  
 اجرت السه سنه ثانیه نك کلیسی ایچون اجاره منعقد اولور  
 یوقسه یا لکزر مأخوذ اجرتدن حصه ایچون منعقد اولماز درمختار  
 ﴿ ۴۳۸ ﴾ ماده

[ اجاره ده سکوت رضا و قبول عد اولنور ] درمختار

۴۷۲ ماده نك فقرة ثالثه سی بوماده نك فرعیدر .

۶۸ ماده نك فقرة اخیره سنه باق .

[ مثلاً بر آدم ] هر [ شهریه ] سی [ الی غروش کرا  
 ایله ] ۴۹۴ ماده وجهله [ بر دکان استیجار اید و بده ] مذکور  
 کرا ایله [ بر قاچ آی ] آند [ ساکن اولد قدن صکره آی باشنده  
 آجر ] بعد ازین مذکور دکان کرا سیچون آیده [ اگر التمش  
 غروشه راضی اولور ايسهك ] بو دکانده [ اوتور ] التمش غروشه  
 راضی [ اولماز ايسهك ] بودکانی براق دید کده مستأجرانی رد  
 ایله التمش غروشه راضی اولم دید کدن صکره [ مذکور ] دکانده  
 مستمراً اوتورسه [ و آجر ارتق ایلدشك ایتسه ] کافی السابق

اللی غروش کرا لازم اولور [ بزازیه فی الفصل الثانی فی النوع الاول. زیرا مستأجر، موجرک ضم ایتدیکی زیاده بی قبول ایتدیکنی اعلان ایتدکدن صکره موجرک سکوتی و مستأجری دکانده ترکی اولیکی اجرتیه رضاسنه دلیلدر. تقریر مشروحدن اکلاشیلورکه مثالك بوفقره سی سکوت و موجر جانبندن اولانه مثالدر .

[واکر] مستأجر [ برشی دیمیوب ] یعنی موجری رد ایله التمش غروشه راضی اولمام دیماش [و] امتعه واشیاسنی نقل ایده بیله جک قدر مدت مرور ایتدیکی حالده [ دکاندن حیقیمیوبده مستمرأ اوتورمش ایسه ] ۶۷ ماده نك فقره اخیره سنه مبنی بدل احارمیه اون غروش زیاده ایلمش اوله جغندن مذکور آیدن اعتبارأ [ شهریه التمش غروش ویرمسی لازم کلور . ] هندیه فی الباب الثامن . شوقدر وارکه مستأجر آجرک اول کلامندن صکره امتعه واشیاسنی نقل ایده بیله جک مدت ایچون یالکز اجر مثل ویرر . و آندن صکره کی مدت ایچون شهریه التمش غروش ویرمسی لازم کلور .

خلاصه و موجرک التمش غروشه راضی اولور ایسه ک اوتور والایق دیمی مستأجر طرفندن قبول یارد ایله جوابی اقتضا ایدرایکن مستأجرک سکوتی ایله برا بردکانده اوتورمسی زیاده رضاسنه دلیلدر . چونکه راضی اولمامش اولسه ایدی صراحة رد ایدردی .

صورت مذکورده آجر بر مدت صکره مستأجر دن التمش

غروش کرا استدیکنده مستاجر آجره ( سنک بروجه مذکور  
مقدما کرا استدیکچی بن ایشتمدم که سکوت ایله التمش غروشه  
راضی اولمش اولهیم ) دیسه مستأجر صاغر ایسه تصدیق اولنور  
. والا اولماز عملا بالظاهر درمختار  
مجاهه نك بومثالی بومادهیه وسکوت مستأجر طرفندن اولانه  
مثالدر .

[ کذلک ] مثال مذکورده [ دکان صاحبی ] یعنی آجر  
بعد ازین [ یوزغروشه ] راضی اولور ایسه ک اوتور اولماز ایسه ک  
دکانی براق دیوب [ ومستأجر ] دخی [ سکسان غروشه ]  
راضی اولورم [ دیسه و ] بونک اوزرینه دکان [ صاحبی ]  
سوزنده اصرار ایتیب یعنی سکوت ایدرک [ مستأجر ]  
بر اغوب اودخی دکاتده ساکن اولسه [ یکریمی غروش اجرت  
ضم ایدمش اولدیغندن مذکور آیدن اعتباراً ] سکسان غروش  
اجرت [ ویرمی ] لازم اولور . [ بوفقره دخی بوما دهیه  
وسکوت ینه آجر طرفندن اولان مثالدر .

[ واکر طرفین ] یعنی آجر ایله مستاجر مثال مذکورده  
[ سوزلرنده ] یعنی دکان صاحبی یوز غروش سوزنده ومستاجر  
سکسان غروش لقر دیستده [ اصرار ایلدکلی حالده مستاجر  
اودکاتده ] ساکن اولور ایسه [ اجرت تسمیه ایدلمکترین ساکن  
اولدی دیمک اولغله ۴۶۲ ماده یه بناء ] اجر مثل [ اعطای  
لازم کلوو . ] زیرا انقضای مدت اجاره سببیه عقد اول



منفسخ اولدیغی حالده طرفینک اصراری ملابسہ سبلہ عقد نانی  
منعقد اولدی و دکان ید مستأجرده بلا عقد قالدی . و دکان  
ایسہ معدل الاستغلال اولغله اجر مثل لازم کلدی و برده مستأجر  
اجاره نیتله ساکن اولدی انقروی .

مثالک بو فقرہ سی استطرادی اولوب ثنیمه للفائده ذکر  
اولنمشدر .

غاصبک سکوتی قبول و رضاده مستأجرک سکوتی کیدر .  
مثلا : بر کیمسه خانه سنده غصبا اوتوران کمنه یه خانه می  
بوشالت واکر بوشالتمز ایسه ک هر ایانی شو قدر غروشه ایجار  
ایتدم دیسه ده غاصب یعنی او کمنه بوشالتمز سه نظر اولنور .  
غاصب اول خانه او کیمسه نک ملکی ایدوکنی اکر انکار ایدر  
ایسه او کیمسه ملکیتی اثبات ایتسه بیله اجر مسمی لازم کلیه جکی  
کی اکر مذکور خانه او کیمسه نک ملکی ایدوکنی اقرار ایدوب  
فقط اجرتہ راضی اولمز ایسه کذلک اجر مسمی لازم اولمز . لانه  
صرح بعدم الرضى وهل يجب اجر المثل و سیائی فی الغصب  
انه يجب فی الوقف و مال الیتیم و المعدل الاستغلال و لک ان نقول  
اذا انکر المالك فی المعدل الاستغلال لایکون غاصبا ظاهرا سائحانی  
ای فلا یلزمه اجرة لما سیائی انه لو سکن المعدل الاستغلال بتأویل  
ملك لایلزمه اجر رد عتار .

اما صورت ثانیسه ده سکوت ایدر یعنی اجرتہ راضی اولمز  
دیمز ایسه بو ماده حکمنجه رضا و قبول عد اولنه رق اجرت

لازم كلور . لوجود الالتزام بسبب عدم التفريغ مجمع الانهر  
هذا هو الصحيح مع انه تعليق بعدم التفريغ درمختار في البيع  
ولعل وجه صحته انه لما كان التفريغ واجبا على الغاصب في الحال  
فاذا لم يفرغ صار راضيا بالاجاره في الحال كانه علقه على القبول  
فقبل رد مختار

بجمله ده آي باشنده دنيلدي . زيرا آجر مثال مذكوره كي  
سوزي اي باشنده ديموب بلکه ۴۹۴ ماده نك اوچنجي فقره -  
سندھي مدت كچد كد نصكره ديسه و مستأجر دخی برشی ديموب  
دكانده ساكن اولسه اول اي اچون اولكي اجرتدن بشقه  
برشی لازم اولماز .

نته كيم موجر مدت اجاره ده بوسوزي سويله سه ده مستأجر  
سكوت ايلسه زياده اجرتيه رضا عد اولماز .

مثلا بر كيمسه خانه سني بر سه نه مدته ديكر كسه نه به اجار  
ايتد كد نصكره اوچنجي آيده موجر شوقدر زياديه راضي اولور  
ايسه ك اوتور والاجق ديسه ده اوده سكوت ايلسه زياده ي قبول  
ايلمش اولماز . زيرا اجاره ذانا منعقد اولمش اولديغندن سكوت  
ايله تكرار منعقد اولدي ديلمز و يا خود مستأجر سكوت ايله  
ضم اجرتيه راضي اولديغنه حكم اولماز . نته كيم ماده آتیه  
شرحندن منفيهم اولور .

﴿ ۴۹۹ ماده ﴾

[ بعد العقد بذاك ] یعنی عقد اجاره ايدلد كد نصكره بدل

اجاره‌نك [نبدیل و یا تزید و یا تنزیلی ایله تکرار بازارلق] و عقد  
اجاره تجدید [اولندوقده] عقد اول منفسخ و [عقد ثانی معتبردر].  
تقول بهجه . نته کیم ۱۷۶ ماده ده ذکر اولندیغی اوزره بیعه  
دخی اوله ایدی . مثلاً برکیمسه بر دکانی شهریه کموش پاره یوز  
غروشه ایجار ایتدکنصکره التون پاره یوز غروشه و یا خود  
سیم یوز یکریمی و یا سیم طقسان غروشه ایجار ایتسه عقد اول  
منفسخ و عقد ثانی معتبردر .

نته کیم برکیمسه خانه‌سنک بر ییلاغی اون ایکی آلتونه دیگر  
کسنیه ایجار ایتدکنصکره بر شخص آخر موجره بر آلتون  
زیاده ویرمکه آکا ایجار ایدوب بعده ینه اوکسنه برلیرا زیاده  
ایتمکه موجر آکا یعنی اوکسنیه ایجار ایلمسه اجاره اولی  
منفسخ و اجاره ثانیه معتبر اولور من الحل المزبور .

مجله ده تزید ایله دینلمسی وعد تزیددن احتراز ایچوندور .  
یعنی تزید اولتیوب فقط تزید وعد اولنسه حکمی یوقدر .

مثلاً برکیمسه سکه مغشوشه مقابلنده مکاریدن بر حیوان  
استیجار ایله یولده کیدرکن مکاری سکه خالصه ایسترم دیدیکنده  
و یا خود اجرتک تزیدی طلبنده بولندیغنده مستأجر و ایستدیکک  
کی یا پارم و یا خود چنان کنم که تو خواهی دیسه وعد مجرد  
اولدیغندن بر شی لازم کلز . « ۸۴ » ماده شرحه باق هنده فی  
الباب الثامن .

بو ماده ده اجرتک تزید و تنزیلی ایله بازارلق دینلمکه

ایسه ده بازارلقسز یعنی عقد اول باقی اوله رق دخی تزید  
وتزیل اولنور. شو حالده تکرار بازارلق تعبیری قید احترازی  
دکدر. نته کیم بو اصول بیعه دخی جاری ایدی ۲۵۵ ماده  
باق. تزید مذکور بوجه آتی تفصیل اولنور. شویله که  
مستأجر اجرتی زیاده ایتدکده زیاده اگر مجهول ایسه  
صحیح اولماز. ۴۵۰ ماده به باقی. اگر معلوم ایسه نظر  
اولنور. مأجورک جنسندن زیاده ایدر ایسه صحیح اولماز.  
«۴۶۳» ماده شرحه باقی. وجنس مأجورک خلافتدن ومدت  
اجاره ده زیاده ایدر ایسه صحیح اولور. کرک مدت اجاره اولنده  
زیاده اینسون وکرک اوسطنده. «۲۵۵» ماده به باقی بزازیه فی  
الثامن من الاجارة فی اجارة الوقف.

بووجهله بعض مدت مرور ایتدکدن صکره زیاده اولندقه  
قیاس اولان زیاده باقی مدت ایچون اولمقدر. فقط امام محمد  
زیاده مذکوره کچن مدت ایله باقی مدت اوزرینه منقسم اولمسنی  
استخسان ایتمدر.

اما مدت اجارمنک کاملاً مرورندن صکره زیاده ایدر ایسه  
صحیح اولماز. زیرا محل عقد فوت اولمشدردر مختار ورد مختار.  
ننه کیم میبع تلف اولدقدن صکره ثمن میبعک تزیدی جائز  
اولدینی ۲۵۵ ماده شرحنده ایضاح اولمغله اورایه مراجعت  
اولنه. بوجه مشروح تزید اجرت جائز اولدینی کبی اجرتک  
حط وتزیلی دخی جائزدر. لان الخط من الموجر عبارة عن

ترك بمض الاجرة وهو جائز حموی. بونك تفصيلنه بوجه آتی  
مبادرت اولنور. شوبله كه آجر اجرتی حط وتنزیل ویا بر  
مقدارندن مستاجری ابرا ایتدكده نظر اولنور. اجرت اكر  
دین ایسه جائز اولور. و بو حط مدت اجاره ده وقوعبولور  
ایسه اصل عقده مانحق اولور. « ۲۵۶ » مادهیه باق. و مدت  
اجاره مرورندن صكره وقوعبولور ایسه اصل عقده مانحق  
اولماز حموی. اما اجرت عین ایسه ابرا صحیح دكلدر اشباه.

معلوم اولمیدركه زیاده ایکی وجهله اولور. برنجیسی  
مستأجردن اولوركه مجله ده بیان اولسان بودر. ایكنجیسی  
موجردن اولور. كتاب بیوعده بو ایکی مسئلهنك نظیری یعنی  
نمن میبعك تزید وتنزیلی ذكر اولندیفی کی میبعك زیاده سه نه  
دائر مسائل دخی ذكر اولندیفی حالد بوراده نه بو ایکی مسئله  
نده مأجورك تزیدینه دائر مسائل ذكر اولنماش اولغله تتما  
للفائده مأجورك تزیدی حقنده کی مسئله دخی بوجه آتی بیان  
اولنور. شوبله كه آجر مأجوری زیاده ایتدكده اكر مجهول  
ایسه صحیح اولماز. « ۴۴۹ » مادهیه باق. و اكر معلوم ایسه صحیح  
اولور. زیاده كرك جنس مأجوردن اولسون و كرك اولسون.  
« ۲۵۴ » مادهیه باق هندیه فی الباب الرابع عشر.

### ﴿ ۴۴۰ ماده ﴾

[ اجاره مضافه صحیح ووقتی ] یعنی مبدأ اجاره [ حلولندن ]

اول لازم اولور. [ ۸۲ ماده شرحنه باق رد مختار فی البیع فی وماتصح اضافته. شوقدرکه وقت مذکور کلمه دن اول مأجورک مسـتأجره تسلیمی لازم کلز . معلوم اوله که اجاره مضافه نـک محتمله فقها، اختلاف ایتـمـشـلـر . شیخ ظهیرالدین اجاره مذکورـه نـک عـدم جوازینـه وصاحب الحیط وصدور الاسلام ایسه جوازینـه قائل اولمشدر. ایمدی مجله ده « صحیح » عبارـه سیله قول ثانی ترجیح ایدلی . بوندن صکره فقها ، اجاره مذکورـه نـک لزومـده اختلاف ایتـمـشـلـر در . شویله که قاضیخان کبی بعض علماء اعلام اجاره مذکورـه نـک عـدم لزومـه قائل اولدقـلری حـالـده امام محمد رحمه الله تسالیدن بر روایتـده مشـارالیه لزومـه قائل اولمشـدر . ایمدی مجله ده . . . لازم اولور. دنیلـمـسیله بو ایکنجی قول قبول ایدلشدو ووجه اللزوم ان العقد انعقد فیما بین المتعاقـدین وان لم ینعقد فی حق الحکم فالآجر بالنقض یرید ابطال العقد المتعقد حقاً للمستأجر. فلا یقدر علی ذلك وعلى هذه الروایة یملک الآجر بالتعجیل فی هذه الآجره شبلی.

بو ماده ده ایکی حکم واردر . حکم اول اجاره مضافه نـک صحیح اولمسیدر عبدالحلیم. کقوله آجرت داری هذا غدا بکذا شهرا وما اشبهه فانه جائز رد مختار . بوکا آنی الذکر مسـئله تفرع ایدر .

شویله که بر کیسه سی استیجار ایتدم یارین بو البسه می



دیکمک اوزره دیو استیجار ایتدکده درزی بوکون دیکسه  
اجرت آله مز. زیرا اضافت صحیح اولمله وقت کله دن اولان  
عملنده درزی متبرع اولور هندیه فی الباب السادس  
حکم ثانی. اجاره مضافه نك لزومیدر. آتیده ذکر اولنه جنی  
اوزره اختلاف فقها بو حکمده در رد مختار بوکا دخی فقره  
آتیه تفرع ایدبور.

[بناء علیه احد عاقدین مجرد] اجاره نك [وقتی] یعنی مبدئی  
هنوز [کله دی دیو اجاره نی فسخ ایده مز.] تفریع مذکور دن  
مستفاد اولدینی اوزره بولزوم ایکی جانبنددر. یعنی هم موجر  
وهمده مستأجر طرفنددر زیرا ۱۱۴ ماده شرحنده اشعار  
اولندینی اوزره اجاره ایکی طرفدن لازم اولان عقوددندر.

کذلک وقتی کله دی دیو آجر مأجوری آخره بیع ویا هبه  
وتسليم ایتسه ۵۹۰ ماده ده ذکر اولندینی اوزره مستأجر حقنده  
نافذ اولمز. لان حق المستأجر ان لم یثبت حق ان یثبت

کذلک بر کیمسه حیوانی یارینکی کون استعمال اولنق  
اوزره بر کمنه یه ایجار ایتدکدن صکره دیگر بر شخصه ده  
ایجار ایتسه ۵۸۹ ماده ده بیان اولندینی اوزره ایجار ثانی معتبر  
اولمز. یعنی وقت کله دیکنده مستأجر اول، اجاره نانیه یی نقض  
ایلر بزازیه فی الفصل الثانی قبیل تفریعات علی الاجارة الطویلة.  
اجاره مضافه نك سختنده شبهه یوقسه ده لزومنده اختلاف اولنش  
یعنی بعض علما لازمدر وبعض علما لازم دکلدردیمشرا یسه ده

مجه قول اولی اختیار ایلمشدر قول ثانی به کوره اجاره مضافه نك  
وقتی کلدین موجر مؤجوری صاتسه نافذ واجاره باطل اولور .  
لانه لاحق للمستأجر حالا من المحل المزبور .

اجاره بو وجهه مضافه اوله رق صحیح اولدینی کبی فسخ  
اجاره دخی مضاف اوله رق صحیح اولور .

مثلا کله جك آيك ابتداسنده اجاره دینی فسخ ایتدم دیدکده  
مذکور آی ابتداسنده اجاره منفسخ اولور . ۴۹۴ ماده ده واکر  
اثنای شهرده شهر آئی ابتداسندن اعتبارا فسخ ایتدم دیسه  
شهر آئی حلولنده منفسخ اولور دیلمسی بوکا مبنیدر .

اما اجاره معلقه صحیح دکدر . زیرا تملیکاتک شرطه تعقیقی  
باطل اولوب اجاره ده ایسه منفعت واجرتک تملیکتی بولمغله  
بوده تملیکاتدن اولور رد مختار

مثلا بر کیمسه اکر فلان کیمسه کلور ایسه خانه می سکا  
ایجار ایتدم دیوبده او کیمسه کلیویرسه بیله اجاره نك حکمی  
یوقدوره «۸۲» ماده شرحنه باق .

### ﴿ ۴۴۱ ماده ﴾

[ اجاره صحیح ] و لازم [ اوله رق منعقد اولدقیدن صکره  
بشقسی اجرتیه قدر ضم ایسه ] ولوکه اضعاضا ضم ایسه [ آجر  
مجرد بونك ] و یاخود موجب فسخ اولمیان عذرلر [ ایچون اجاره  
دهنی فسخ ایده من ] کرک قبل مرور المده اجرتیه ضم ایدلسون

و كرك مدت اجاره نك بر مقدارى مرورندن صكره ضم ايدلسون  
اشباه فى الاجاره وحموى و مأجور كرك ملك اولسون و كرك  
وقف اولسون على افسدى . زیرا اجاره ، كرك منجره  
اولسون و كرك مضافه اولسون جابندن لازم عقد  
اولوب بناءً عليه احد عاقرين آنى بلا عذر فسخ ايده من .  
« ۴۴۳ » ماده يه باق . و قل الشافعى لانسوخ الاجارة  
بلا عذار الا بالعيب لان المنافع عنده بمنزلة الاعيان ومذهب  
شرح ان الاجارة غير لازمة ولكل واحد منهما فسخهما لانها  
اجيزت للضرورة كالعارية ولا حاجة الى اثبات صفة للزوم فينفرد  
كل واحد منهما بالفسخ من غير عذر كالعارية زيلعى

كذا بر كيمسه طاپوايله تحت تصرفده اولان ترلايى بغدادى  
زورع اتمك اوزره آخره ايجار ايتمشيكن نادم اولوب قبل تمام  
المدة فسخ ايده من فتاواى جديده

بو ماده ده ذكر اولندينى وجهله ضم اجرت موجر ايچون  
موجب فسخ اولمدينى كې اجرتك تنزيلي دخى مستاجر ايچون  
سبب فسخ اوله ماز .

مثلا اجاره صحيح اوله رقى منعقد اولدقدن صكره اجرت  
تنزل ايتسه يعنى مثلا شهرى المالى غروشه استيجار اولنان وقف  
ويا ملك مال يكرمى غروشه اينسه مستاجر فسخ ايده من  
تنقيح . زیرا مستاجر آكا رضى اولمش ايدى رد مختار  
كذلك مستاجر استيجار ايلديكى دكان مثللو ديكر دكانى ويا

دها ایوسنی اهون اجرتله بولسه ویاخود مکاری دهها زیاده  
اجرتله مشتری وطالبی بولسه اجاره‌یی فسخ ایده‌مز. لانا او  
جعلناه عذر اما سلمت اجاره اصلاً بزایه

و كذلك بر خانه‌ده مستأجراً اقامت ایدن کیمسه بشقه بر خانه  
صابون آغله اورایه نقل ایتک ایستسه اجاره‌یی فسخ ایده‌مز  
«۴۰۶» ماده‌یه باقی. شو قدر وارکه بر کیمسه مثلاً فلان محله  
قدر دوه استیجار ایتشیکن کندوسی دوه اشترا ایتدکده اجاره‌یی  
فسخ ایده‌بیلور. زیرا مستأجر خانه مأجوری بشقه‌سنه ایجار  
ایده‌بیلور. «۵۲۸» ماده‌یه باقی. امدومی ایده‌مز. «۵۵۱» و «۵۸۷»  
ماده‌لره باقی بزایه فی السابیع فی فسخها فی الفصل الاول والثانی  
من الاجاره

تفصیلات آنفهدن اکلایشیلورکه لزوم اجاره هم آجر همده  
مستأجر حقته ایه‌ده متن مجله یالکز آجر حقته‌کی لزومه  
دائر مسئله‌یی بیان ایدیور. حالوکه بیعه ایکی طرفدن لزومی  
بیان ایلمش ایدی. «۳۷۵» ماده‌یه باقی.

بوراده بیان اولنان منافع اعیانسه اوزرینه وارد اولان  
عقد اجاره‌نک لزومیدر. عملی یعنی منافع آدمی اوزرینه وارد  
اولان اجاره دخی كذلك هم مستأجر و همده اجیر حقته  
لازمدر.

بناءً علیه بر کیمسه بویامق ایچون بویاجی‌یه الیسه ویردکن  
صکره بویامه بکار و اعاده ایت دیو بویاجی‌یه امر ایدوبده

بویاجی دخی رد ایتیموب یدنده بلا تعدولا تقصیر تلف اولسه ضمان لازم اولمز. زیرا مستأجر یالکیز اوله رق بلا عذر فسخ اجاره یه مقتدر اولما مغله «یویامه» دیدکدنصره عقد اجاره ینه باقی اولدیغندن بلا تعدولا تقصیر تلفی موجب ضمان دکلدر در- مختار ورد مختار.

[ فقط ] وقفك ویا صغيرك مالنی ایجارك جواز وصحتده اجرتك اجر مثل ویا اجر مثلدن اکثر اولمسی شرط اولدیغنه بناءً [ وصی یا متولی ] یاخود بیت المال مأموری [ یتیمك ویا وقفك ] یاخود بیت المالك [ عقارینی ] ویا بشقه بر مالنی بووقفك غله سی كرك متوالینك اولسون كرك بشقه سنك اولسون [ اجر مثلندن نقصان ] یعنی غبن فاحش [ ایله ایجار ] وتسليم [ اینسه ] ۵۸ ماده یه مبنی [ اجاره فاسد اولوب ] مستأجر انقضای مدت ایله استیفای منفعت ایتدکده آنك اوزرینه بالغما ما بلغ [ اجر مثلك اكلی لازم كلور ]. علی ما اختاره المتأخرون من المشايخ حموی. اذ ليس لكل من المتولی وولی الصغير ولاية الحط انقروی. سواء كانت مدة الاستغلال ولم تكن احتياطاً في امر الوقف انقروی. اكر اجر مثل ضمان نقصان اكر ايسه. الا اذا انتقص المنزل بسكنی المستأجر وكان ضمان النقصان انفع لایتم والوقف او نقصها المزارعة وكان ضمان النقصان انفع فحينئذ يجب ضمان النقصان انقروی. نته کیم ۵۹۶ ماده شرحنده بیان اولنور، مذکور مال كرك منقول اولسون وكرك عقار اولسون یوقسه

اجر مثلك اكملی وصی ویا متولی اوزرینه لازم كلز كفوی  
 وخیریه. وقال ابو السعود فی الجواب بر روایتده نصف متولی به  
 ونصفی مستأجره تضمین اولنور فتاوی خانیسه ده قول اول  
 اصحاب حنفیه به اوفقدر امافتوی قول ثانی اوزرده در دیو مسطوردر  
 هامش انقروی. بو حالد بر آدم بو اجاره نك غبن فاحش ایله  
 اولدیغنی ادعا ایتسه مجرد دعوی مذکورده سیله بو اجاره نك غبن  
 فاحش ایله وقوعنه حکم اولنمییوب بلکه بوتقدیرده اهل خبره  
 وامانتك قولنه مراجعت اولنور حموی واشباهه بوصورنده اهل  
 خبره دن ولوکه بر آدم غبن فاحش ایله ایجار اولدیغنی اخبار  
 ایتسه شیخینه کوره کفایت ایدر. خلافا لمحمد رحمه الله تعالی  
 یوقسه بر ایضاح بالا بر کیسه، ایجار مذکور غبن فاحش  
 ایله ایدوکنی ادعا ایتسه بلا اخبار قبول اولنمز. زیرا اول کیسه،  
 اجنبی ایتسه مأجوری استیجار ایده جکی تهمتی ایله مهتم اوله جفی  
 کبی عاقد ایتسه استیخلاص ایله دیکره ایجار ایده جکی تهمتی ایله  
 مهتم اولور. ومع ان الاصل فی العقود الصحة رد مختار  
 ووقت ایجارده خصم شرعی یوغیکن ایکی کیسه نك اجر  
 مثیلله ایجار اولندی یولنده کی اخبار لری معتبر دکلدر. وبلکه  
 وصی یا متولی وقت عقدده بدل ایجار اجر مثل ایدوکنی اقرار  
 ایتسه بیله ینه اقرار مذکورك حکمی یوقدر، اجاره فاسد  
 اولور نیلمسندن دخی مستفاد اولورکه بو عقد قابل اجازت  
 دکلدر. یعنی مثلاً برولی صغیرك مالنی غبن فاحش ایله آخره



ایجار ایتدکدنصکره صبی مرقوم بالغ اولوب بو اجاره یه اجازت  
ویرسه نافذ اولماز لان هذا عقد لا یجیزله حالة العقد کفوی  
بو کی غبن فاحش ایله مال وقف ایجار اولندقدده ایش  
حاکمه دوشر ایسه حاکم اجاره یی فسخ ایلر بوندنصکره اجر  
مثل ویا اجر مثلندن زیاده ایله مستأجر اوله ایجار اولنه بیله چی  
کی شخص اخره دخی ایجار اولنه بیلوب یوقسه ه وقت عقدده  
اجر مثل ایله ایجار اولندیغی حالده بعد العقد اجرتک تزیادی  
صورتنده اولوب آتیده بیان اولنه جنی وجهله ه هر حالده  
مستأجر اوله تکلیف و آکا عرض اولنق لازم کلز حموی  
ورد مختار. ومتولی امین ایکن غبن فاحش ایله ایجاری سهو  
وغفلتدن طولای و قوعبولش ایسه متولی تولیتنده ایقا اولنوب  
اما متولی امین دکل ایسه تولیتدن اخراج اولنهرق دیکری تعیین  
قلنور کفوی .

بر متولی بو وجهله غبن فاحش ایله وقفی ایجار ایتسه ینه  
کندوسی قبل تمام المدة اجاره یی فسخ ایدرک اجر مثل ایله آخره  
ایجار ایده بیلور علی افندی. وکندو طرفندن تمام اولان شیئک  
نقضنه سعی ایتمک اولغله ۱۰۰ ماده حکمنجنجه سعی مردود  
اوله جفندن فسخ اجاره ایده مز دنیله مز . زیرا اجاره مذکوره  
تمام اولمامشدر. وتمام اولمادیغنه دلیل دخی مجله ده ذکر اولندیغی  
اوزره اجاره نک فاسد اولمسیدر .

شرحاً دخی اشارت اولندیغی وجهله مدت اجاره تمامیه

منقضی اولدوقده اجر مثل لازم کلوب اما مدت اجاره نك يالکتر بعضیسی مرور ایدوبده متباقی مدت ایچون طرفین بدل ایجاری اجر مثلنه ابلاغ ایتسه لر مرور ایدن مدت ایچون اجر مثل وباقی مدت ایچون اجر مسمی لازم کلور.

مجله ده کی نقصان تعیری غبن فاحش ایله تفسیر اولندی. زیرا یتیمک یا وقفک مالی غبن یسیر ایله ایجار ایدلسه فاسد اولماز. فلیس لامتولی ان یخرج الاول قبل انقضاء مدت الاجاره حموی.

و برده مجله ده غبن تعیری احترازیدر. چونکه یتیمک یا وقفک مالی اجر مثاندن زیاده ایله ایجار اولدوقده اجاره ینسه صحیح اولور.

اجاره ده غبن فاحش و تعیر دیکرله نقصان فاحش خمس مقداری یا دهها زیاده اولان نقصان اولوب غبن یسیر و تعیر دیکرله نقصان یسیر خمسدن دون اولان نقصاندر. یعنی اونده بر غبن یسیر و اونده ایکی غبن فاحشدر.

مثلا اجر مثلی اون ایکی غروش اولان مال یتیم اون بر غروشه ایجار ایدلسه غبن بسیر اولوب اما اون غروشه ایجار اولنسه غبن فاحش اوله جنی کی اجر مثلی اون غروش اولان بر مالی صبی ایچون اون بر غروشه استیجار اولنسه غبن یسیر اولوب اما اون ایکی غروشه استیجار اولنسه غبن فاحش اولور انقرونی.

بیت المال اراضیسی، وقف و ایتم اراضیسی کیدر. ۳۵۶۰  
 مادهنك فقره اخیردسنه باق. بناءً علیه بیت المال اراضیسی اجر  
 مثلندن دون بدل ایله یعنی غبن فاحش ایله ایجار ایدلسه فاسد  
 اولور. بونده ایجار وقف، مطلق اوله رق ذکرندن مستفاد  
 اولور که ایجار مذکور کړک اجاره واحده ایله اولسون کړک  
 اجارتین ایله اولسون اعمدر. حق برکیمسه متوالیسی اولدینی  
 وقفی اجر مثلندن نقصان فاحش ایله اجاره معجله ومؤجله ایله  
 برکسنه ویرسه اجاره فاسد اولور. بوتقدیرده اول  
 کیمسنه نك یرینه بر شخص متولی اولدقده اوکسنه یرینه اجر  
 مثلک تکمیلینی تکلیف ایلر. اکلندن امتناع ایتدکده  
 اجاره بی فسخ ایدهرک اوکسنه نك ویردیکی معجله دن  
 متصرف اولدینی ایامده اولان اجر مثلی مقداردن زیاده سی  
 رد ایدوب اجر مثل ایله آخره ایجار ایدر. فقره مذکورده نك  
 شرحی صرهنده اشارت اولندینی وجهله اجر مثلک اکللی  
 مستأجر اوزرینه لازم کلور یوقسه مستأجر المستأجر اوزرینه  
 دکل.

مثلاً متولی، وقفی غبن فاحش ایله برکیمسه یرینه ایجار  
 ایتدکدن صکره اول کیمسه دخی دیگرکسنه یرینه ایجار ایتسه اجر  
 مثلک اکللی مستأجر اوله یعنی اول کیمسه یرینه لازم کلور. یوقسه  
 مستأجر ثانی یرینه یعنی اوکسنه یرینه لازم کلر.

بونده ایجار تعبیری استیجاردن احتراز ایچون دکلر.

چونکه مال یتیم و مال وقفك غبن فاحش ايله ايجارى صحيح اولمديني كهي یتیم یا وقف ايجون بر شی استیجار اولندقدہ اجر مثلیله استیجاری لازم کلوب یوقسه وصی یا متولی اجر مثلندن زیاده فاحشه ايله زائد بر کرا تسمیه سیله یتیم یا وقف ايجون بر شی استیجار ایلسه صحیح اولماز . اما زیاده سیره اجاره نك صحتنه خال ویرمز . و کذا استیجارهم و شراؤهم ان کان علی المعروف جاز علی الصغیر والصغیره وان کان اکثر قدر مالا يتفا بن الناس فيه جاز علیهم ولا يجوز علیهما کفوی . بناء علیہ متولی عمارت مسجد ايجون اجر مثلندن فاحش فضله اجرت ايله بر دولنکری استیجار ايله اجرتی مال وقفدن تأدیہ ایلسه وقف ايجون اجاره منعقد اولوب نفسی چون منعقد اوله جغندن دولکره ویردیکی اجرتی ضامن اولور انقروی .

زیاده فاحشه ، خمس یا دها زیاده مقدار فضله اولان اجرت اولوب زیاده سیره ایسه خمس مقدارندن اقل اولان زیاده در . معلوم اوله که مجله نك بو فقره سنده وقفك وقت ايجارنده نقصان فاحش ايله ايجار اولنمی مسئله سی بیان اولنیور . اما متولی وقف عقاری اجر مثلیله و اجاره صحیحه ايله ايجار ایتدکدن صکره اول عقارک اجرتی هرکس رغبت ایده جک مرتبه تزايد ایتسه یعنی تزايد ایتدیکی زمانده اول عقارک اجر مثلی تزايد ایتدیکی مقدار اولسه متولی فسخ اجاره ایده رک و مستأجر امتناع ایدر ایسه حاکمه بالمراجعة فسخنی تحت حکمه آدی ره رق

فی الحال اولان اجر مثلیله قبول ایتدیکی حالدده مستأجر اوله  
و مستأجر اول، قبول ایتدیکی تقدیرده آخره ایجار ایدر.  
و حاکمه مراجعت وقوعنده حاکم بو اجاره بی فسخ ایدر. ولوکه  
اولجه اجر مثلیله ایجار اولمغله حاکم جنلی صحتیه حکم ایتش بولنه.  
لانه حکم غیر صحیح حموی زیرا اجرتک زیاده سیله فسخ حادثه  
اخری اولوب اولجه بونکله حکم واقع اولماش ایدی. و مستأجر  
اول اجر مثل مذکور ایله قبول ایدنجه بشقه سندن اخق اولور.  
فقط متولی فسخ اجاره ایتینجه حموی بر موضعه و کذا  
انقروی مقدا تسمیه اولئسان اجرتدن زیاده بر شی لازم کلز  
دیمش. واقعا تانار خانیه ده و اذا زاد اجر المثل يعتبر وقت العقد  
فاذا كان المسمى وقت العقد اجر المثل فلا يعتبر التغير بعد ذلك  
دیو بیان اولمش ایسه ده بو بیان خلاف مقتضایه ایدوکی ذکر  
اولمشدر حموی.

زیاده فاحشه ایله تزايد بحر رائقه ده و کذا تنقیح و خیریه ده  
اونده ایکی دیو تفسیر اولندیفی حالدده حصیریده اولکی بدل  
ایجارک نصفی مقداری دیو تصریح اولمش و علامه بیرى و حامدیه  
حصیرینک بیانی قبول ایلمشدردر مختار و تنقیح.

مثلا متولی بر وقف ارضی اوچیوز اون بر سنه سی محرمندن  
اعتباراً اوچ سنه مدت و وقت ایجارده اجر مثلی اولان سنوی  
بیك غروش اجرت ایله آخره ایجار ایتدکدن صکره اوچیوز  
اون بر سنه سی ختامنده اجر مثل سنویسی ایکیک غروشه

تزايد ايتسه متولى اجاره ي فسخ ايدهر ك سنوى ايكيك  
غروشه ايجار ايدهيلير. فقط متولى فسخ اجاره ايتدكجه  
مستأجر اوزرينه بيك غروشدن زياده برشى لازم كلز.  
وهل المراد انها يفسخنها القاضى او المتولى او يحكم القاضى  
جزم صاحب النفع الوسائل باثنائى وانما يفسخ القاضى اذا امتنع  
الناظر عنه.

فقط بو مسئلهك تفصيلاتنه بروجه آتى ايتدار اولنور.  
شويله كه بوجهله اجاره صحيحه ايله ايجار اولنان مأجور وقفك  
تزايد اجرتندن طولابى حاكم يا متولى فسخ اجاره ايتدكده  
وقت زيادهده مأجور ملك مستأجر دن خالى ايسه « مأجور  
خانه يا دكان يا بوش اراضى اولمق كى ، متولى ، مستأجر اوله  
عرض وتكليف ايلر. زياده عارضه ايله قبول ايدر ايسه غير.  
يسدن احق اولور. ووجهه ظاهر فان المسوغ للفسخ هو  
الزيادة فحيث قبلها الاول زال السبب المسوغ مع بقاء مدة  
الاجارة فيكون الاول احق من غيره وكذلك يكون الاول  
احق اذا انقضت مدة اجارته وكان له فى الارض عمارة او غراس  
وضعه بحق هامش تنقيح. وزياده مذكوره وقت قبولدن اعتباراً  
لازم كلوب يوقسه اولكى مدت اجاره دن اعتباراً لازم كلز.  
يعنى وقت فسخه قدر كچن مدت ايجون مستأجر آنجق اجر  
مسمى ويرر. ومستأجر اول قبول ايتز ايسه متولى آتى آخره  
ايجار ايدر. و مستأجر زياده اجر مثلى انكار ايله زياده ادعاسي



اضرار اولديغنى دعوى ايلسه زياده اجر مثل بينه ايله اثبات اولمق لازم كلور. زيرا سوز منكر و بينه مدعينكدر. و بر شيك حالى اوزره بقاى اصلدر. ۷۶ و ۵ ماده لره باق رد مختار.

و مأجور، ملك مستأجر ايله مشغول ايسه مثلا مأجور ارض اولوبده مستأجر ك آنده هنوز ادراك ايتدك اكنى بولنسه مدت اجاره كرك هنوز باق اولسون و كرك منقضى اولسون اكنى حصاد اولمديجه غيره ايجار اولنهماز. زيرا مأجورك ملك مستأجر ايله بحق مشغوليتي غيره ايجاره مانعدر. بحق دينلدى. زيرا بحق اولسه غاصبك و اجاره فاسده ايله مستأجر ك زرعى كى غيره اجاره مانع دكلدر. چونكه بومشغوليت مانع تسليم اولهماز. بو صورتده زياده عارضه مستأجر مرقوم اوزرينه ضم اولنورده وقت حصاده قدر بو وجهله ابقا اولنور. و وقت زياده دن اولكى مدت ايجسون اجر مسمى لازم كلور. و مأجور ارض اولوبده آنده مستأجر ك بناسى يا مغروسانى كى نهايت معلومه سى بولنميان شى ايله مشغول اولسه مدت اجاره هنوز باق اولدقده آخره ايجار اولنهميوب ارض مزروعه ده اولديغى كى مستأجر اوزرينه زياده ضم اولنور. اما مدت اجاره منقضى اولمش ايسه «مشا هرة ايجار اولنوبده شهر ك ختام بولمى كى»، متولى، زياده عارضه ايله قبول ايتدكده مستأجر اوله ايجار ايدر. ايتمز ايسه فسخ اجاره ايدرك غيره ايجار ايلز.

بو تفصيلاتدن صكره رد المختار صاحبي ديمشدر كه مستأجر

اوزرینه زیاده عارضه نك ضمی، مستأجر مرقوم زیاده مذکور.  
 رهنك ضمی قبول ایلدیکی صورتده اولوب اما قبول ایلمز ایسه  
 صیانه للوقف قلع اولنوب غیره ایجار اولنور. و برده ضم زیاده  
 ارضك اجرتی فی نفسها زیاده لندیکی صورتده اولوب اما مستأ-  
 جرك مثلا آنده بناسی سببیله اجرت زیاده انسه مستأجر اوزرینه  
 اصلا ضم زیاده ایدیلهمز. زیرا زیاده کندی ملککنده حاصل  
 اولمشدر. اما اجر مثلی تراید ایتدیکی حالده بعض کسسه لر تعنتا  
 ولغرض اجرتی زیاده ایتسه لر زیاده مذکوره یه التفات و فسخ  
 اجاره اولنهمز. بوضورتده مستأجر زیاده مزبور رهنك زیاده تعنت  
 واضرار اولدیغنه اقامه بنیه ایده جك اولسه بنیه قبول اولنوب زیاده  
 مذکوره قبول اولماز تنقیح. و تعنتا زیاده انجق بر یا ایکسینك  
 قبول ایده جکی زیاده دیو تفسیر اولمشدر حموی.

فقط بومسئله نك حکمی ملکده جاری اولماز. ولوکه ملک.  
 یتیمك اوله.

مثلا بر کیمسه ملک عقارینی بر سنه مدتله شهر یوزر  
 غروشه ایجار ایتدکن صکره اوچنجی آیده مذکور دکانك  
 بدل ایجار مثلی شهر ی اوچ یوز غروشه ترقی ایتسه بوندن طولانی  
 موجر فسخ اجاره ایده مز و شهر ی یوز غروشدن زیاده اجرت  
 طلب ایلهمز.

صدر مسئله ده اجاره صحیحه دینلدی زیرا اجاره، فاسده  
 اولور ایسه اشباهده مذکور اولدیغنه کوره متولی فسخ ایدرك

دیلدیکنه ایجار ایده بیلور. این بو صورتده مستأجر اوله تکلیف شرط دکلدر. اذلا حقله. اقول فی الغیائیه ولو آجره باقل و جب الاقل فان جاء آخر یسأجر با کثرقله الا ان یسأجره الاول باجر مثله انتهى وهو یفید انه یعرض علیه فیما اذا كانت الاجارة بدون اجر المثل مع انها فاسدة حموی

### « لاحقہ »

بو ماده فسخ اجاره نی تجویز ایتمیان و کندوسیه اجاره منفسخ اولیان اعذارک بیانی ایچون اولقله تمیماً للفائده اعذار مذکورہ نک بمضایرینک ذکرى مناسب کورلدی.

۱ — مستأجر فاسقدر خانه مأجورده زنا ولواطه مثللو منیات و محرماتی ایشلیور دیو آجر ویا قوکشولر فسخ اجاره ایده مزلر. بلکه مستأجره نصیح و پند ایله حال معروفه ارجاعه غیرت ایدیلور. آنجق جواهرده مذکور اولدینی وجهله ذات حضرت پادشاهی آنک خانه مذکوردن اخراجنده مصلحت مشاهده بیوردقلرنده اخراج بیوررلر انقروی

۲ — برکیمسه اوتوردینی خانه منهدم یا محترق اولقله دیگرینه ایجار ایتمش اولدینی خانه ده سکنایه محتاج اولسه ویا خانه مأجوری زیاده پاره ایتمکله صاتمق آرزو ایتمسه اجاره نی فسخ ایده مز بزازیه و هندیه فی الباب التاسع

کذلاک آجره دین لاجق اولوبده بیع مأجور ایله تأدیبه

ایتمنی آرزو ایسه اجاره‌ی فسخ ایده‌مز. شو قدر وارکه آجرک بشقه یعنی مأجورك غیری مالی اولیوبده تأدیة دین ایتمنی مذکور خانه‌ک صاتلمسنه متوقف اولنجه آجر حاکمه مراجعتله اجاره‌ی فسخ ایتدیره‌ک صانوب بورجنه ویرر. لانه یحبس به فیتضرر تنقیح. بودین کرک عیانا من الناس ثابت اولسون و کرک بیان یعنی بنیه ایله ثابت اولسون و کرک موجرک اقراریله ثابت اولسون . ۷۸ ماده شرحنه باق .

لمکن مستأجرک بروجه پشین آجره ویردیکی بدل اجاره مأجورك قیمتنی استغراق ایلر یعنی مأجور صاتلمسه ایده‌جکی پاره یعنی ثمنی آنجق آجرک مقبوضی اولان اجرت معجله‌یه کفایت ایدر ایسه بوصورته‌دیندن طولای مأجور صاتیله‌مز تنقیح. چونکه ۷۳ ماده شرحنده ذکر اولنه‌جفی اوزره بدل ایجارک استیفاسی ایچون مستأجرک حق حبسی بولندیغندن بو بیعک فائده‌سی اوله‌ماز .

۳ — بر کیمسه بر عمل ایچون نفسنی دیگر کمسنه‌یه ایجار ایتدکدن صکره مذکور عملی ترکله دیگر برایش ایشلمکی ایسته‌مه اجاره‌ی فسخ ایده‌مز. وان کان ذلك العمل ليس من عمله وهو مما يهاب به كانه الفسخ هنديه في الباب التاسع عشر

و بر کیمسه بر عمل ایچون بر دکانی استیجار ایتدکدن صکره آندن دها اهون فیئاته دها کنیش دکانی بولمغله اجاره‌ی فسخ ایده‌مز. فقط بشقه برایش طوته‌جق اولدقده اگر بو طوته‌جفی ایش اولکی دکانده یایلمق ممکن ایسه ینه فسخ ایده‌مز

ایسه ده ممکن دکل ایسه فسخ ایدہ بیلور تاتار خانیه

۴ — بر کیمسه فلان محله قدر دوه استکراه ایتیشیکن محل  
مذکوره استر ایله کتمسنی مراد ایتمکله اجاره یی فسخ ایدہ من  
هندي، فی الباب التاسع عشر.

۵ — مکاری یوله یعنی سفره کتہماکی قصدا یتسیلہ اجاره یی  
فسخ ایدہ من. زیرا حیواننک آرقہ سی صره کندوسی کتہمیوب  
خدمتجیسنی کوندرہ بیلور مجمع الانهر.

۶ — آجر بر عقاری ایجار ایتدکن صکره سفره کتہماکی  
قصدا یتمکله اجاره یی فسخ ایدہ من. زیرا آجرک غیبتندہ دخی  
مستأجر مأجور ایله انتفاع ایدہ بیلور هنديہ فی الباب التاسع  
عشر.

۷ — عقد اجاره کندوسیچون واقع اولیان کیمسه نیک  
وفاتیلہ اجاره منفسخ اولماز. اول کیمسه ولوکه عاقد اولسون  
من المحل المزبور. بناءً علیه حاکم ویا ولی ویا وصی صغیر ایچون  
ویا وکیل موکل ایچون ویا متولی وقف ایچون عقد اجاره  
ایتدکن صکره وفات ایتسه اجاره منفسخ اولماز. لبقاء المستحق  
عليه والمستحق حتی لومات المعقودله بطلت زیلعی

کذا فضولی بر مالی ایجار ایدوبده مال صاحبی مجیز اولدقن  
صکره وفات ایتسه اجاره منفسخ اولماز. اما قبل الاجازه فوت  
اولسه اجاره باطل اولور ۴۴۷ ماده یه باق من المحل المزبور.

۴۴۳ ماده ده «مسترضعک وقانیله اجاره منفسخ اولیوب»

دینامی بو مسئله فقهیه اوزرینه مبیدر .

۸ — اب، وصی ویا حاکم صغیرک مالی آخره ایجار ایدوبده  
صغیر مرقوم مدت اجاره ده بالغ اولدوقده اجاره بی فسخ ایده مز.  
اما اب، صغیری بریسنه ایجار ایدوبده مدت اجاره ده بالغ اولسه  
صغیر فسخ اجاره ایده بیلور خایه

﴿ ۴۴۲ ماده ﴾

[مستأجر ارث یا هبه] و تسلیم یا شراء صحیح یا شراء فاسد  
وقبض [کبی بروجهله عین مأجوره] کلا و یا بعضاً [مالک اولیجق]  
آندن صکره مالک اولدینی مقدارده [اجاره نک حکمی قالماز]  
هندیه فی الباب التاسع عشر و جامع الفصولین.  
زیرا بر کیسه اوزرینه کندی ملاکنده انتفاع مقابلنده  
اجرت لازم اولمز.

مثلاً مستأجر مدت اجاره ده مأجوری اشترا اینسه آندن  
صکره اجاره نک حکمی قالمیوب اجرت لازم کلز فتاوا ای ابن  
نجیم .

کذا مستأجر عین مأجورک بمضیسنه مالک اولیجق مالک  
اولدینی مقدارده اجاره نک حکمی قالماز بزازه فی السابیع فی  
فسخها .

حتی بر کیسه استیجار ایدرک زراعت ابتدکی اراضی بی  
دیکی کمنه ایله بالاشترک صاتون آلسه اجاره منفسخ اولور .



ووقت حصاده دکین اکین ابقا اولنوب اول کیمسه او کسنه به  
اراضینک اجر مثلنک نصفی ویرر انقروی  
کذلک آجره ماجورک ثلاثی مستأجره صاندقده ثلث مقدارنده  
اجاره منفسخ اولوب حکمی قالماز.

معلوم اولمیدرکه مستأجر مدت اجاره مرورندن صکره  
عین مأجوره مالک اولسه بدل ایجاری موجره ویرمسی لازم  
کله جکی کبی مثلاً بر سنه لک عقد اجاده اولنوبده آلتی آی تمامنده  
مستأجر، مأجوره مالک اولسه کچن آلتی آیلق بدل ایجاری  
موجره ویرمسی لازم کلوب اما کله جک آلتی آیک بدل ایجاری  
ویرمسی لازم کلز.

### ❖ ۴۴۳ ماده ❖

[ موجب ] (اسم مفعول صیغه سیله در) [ عقدک اجراسنه ]  
یعنی عقد اجاره نك مقتضاسی اوزره حرکته [ مانع اولور بر  
عذر ظهور ایتدکده اجاره منفسخ اولور ] هندیه فی الباب  
التاسع عشر

۵۸۰ ماده بو ماده نك فرعیدر. نته کیم مذکور ماده شرحنده  
ایضاح اولنور.

کذا شول بر عذرکه اول عذر ایله برابر معقود علیه استیفا  
ایدیله جک اولدقده نفسه یا ماله ضرر لاحق اوله بو عذر سیبیه  
اجاره فسخ اولنه بیلور. کل فعل هو سبب نقض المال او تلفه

فهو عذر لفسخ الاجارة كمالو استأجره ليحيطله ثوبه او ليقصّر  
او ليقطع او يبنّى بناءً او يزرع ارضه ثم ندم له فسخ الاجارة  
جامع الفصولين.

[مثلا دوكون ايچون] يمك پشورمك اوزره [بر آشي  
استيجار اولندقدده احد زوجين فوت اولسه] ويا زوجين مخالعه  
اولسه لر [اجاره] خودبخود يعنى بلافسخ [منفسخ اولور] زيرا  
بو تقديرده موجب عقدك اجراسى ممتنع اولور. چونكه مستأجر  
زوج اولوبده فوت اولسه وفاتيله اجاره منفسخ اولور. وزوجه  
فوت اولسه بو صورتده معقود عليهم استيفاسى زوجك مالنه  
ضررك لحوقى ايجاب ايدر. فان العقد ان بقى تضرر المستأجر  
باتلاف ماله فى غير الولية درر

كذا انسان كندى مالى اتلافه اجبار ايديله ميه جكندن احد  
زوجين فوت اولسه بيله اجاره فسخ اولنه بيلور. ولا يجبر  
على اطعام ماله لمن لا يشكره او يجزله ضررا كما هو مشاهد  
شرنبالى.

كذا بر كيمسه بنا انشا ايچون بر دولكر استيجار ايتسه  
ياخود ارضى زراعت ايچون بر چفتجي استكرا ايلسه ده صكره  
بنا يا زراعتدن نادم اولسه فسخ اجاره ايد بيلور. زيرا عقدك  
بقاسى مستأجرك مالنك اتلافى موجب اولور.

بوشرح متن مجله ميه منافى دكلدر. زيرا متنده «منفسخ اولور»  
تعبيرندن آكلاشيله جنى اوزره مجله ده بيان اولنان ، اجاره نك

بالا فسخ کندی کندینه انقساخی موجب اولان عذرلر در .  
 کذا بر کیمسه خانه سنی بناسنده خلل وار ظنیه هدم ایچون  
 بر اوسته استیجار ایتدیکی حالد بناده خلل اولم دینی ظاهر  
 اولسه اجاره منفسخ اوله جنی کبی خلل اولسه بیله آنفاً ذکر  
 اولنان سبیدن طولانی اجاره فسخ اولنه بیلور هندیه فی الباب  
 التاسع عشر

کذاک بر کیمسه فلان محله قدر کتمک اوزره استکرا  
 ایلدیکی حیوان ایله یاری یوله وارد وده خسته لمغله ایلرویه کتمکه  
 مقتدر اوله مسه اجاره یی فسخ ایله قطع ایتدیکی مسافه نک اجرتی  
 ویرر نتیجه .

کذاک بر کیمسه امتعه سنی فلان بلدییه نقل ایتک ایچون  
 دیگر کمسنه دن حیوان استکرا ایدوب امتعه سنی تحمیلأ او کمسنه  
 ایله معا کتمکده ایکن یوله بر محله حیدودلر امتعه مذکورده یی  
 نهب وغارت ایتکله اول کیمسه حیوانی او کمسنه یه تسلیم ایلسه  
 اجاره منفسخ اولوب یالکز اول محله قدر اولان اجرتک اعطاسی  
 لازم کلور . زیاده ویرمش ایسه فضله سنی استرداد ایدر فیضیه  
 و نتیجه .

[و کذا دیشی آغریان کیمسه دیشی چقارمق اوزره شو  
 قدر غروشه بر دیشجی ایله مقاوله ایتشیکن آغری زائل او -  
 لیویرسه اجاره منفسخ اولور .] در مختار چونکه بو صورتده  
 حکم عقدی اجرا ایتک آغریسی زائل اولان دیشک قلعنی

ايجاب ايدوب بو ايسه مستأجر ك نفسنه مضر اوله جغندن بو  
معامله شرعاً وعقلاً غير جائزدر. آغرى زائل اولسه دخی  
اوکيمسه اجاره يی فسخ ايدوبيلور. زیرا انسان کندی جسدینی  
اتلافه اجبار ايديله مز. لانه قدتيلف لهاته بالقاع کما قالوا فی القصاص  
يبردسن الجاني تحاشيا عن اتلاف لهاته بنزعه شر بناللی،  
کذا برکيمسه اعضاسندن برنده ظهور ایدن قروح آکله نک  
قطعی ایچون بر جراحی استیجار ايتدیکی حالده قطع ايتديرما -  
مکه قرار ویرسه فسخ اجاره يی موجب عذر اولور هنديه فی  
الباب التاسع عشر.

کذلك برکيمسه عرصه سنده طولا وعرضا وعمقا معلوم  
المقدار شو مقوله بر قونی حفر ایتک اوزره برکسنه يی استیجار  
ایدوبده اوکسنه بر مقدار حفر ایتدکن صکره قیا ظهور  
ایدوب بر وجهله حفری ممکن اولسه اجاره فسخ اولنوب اجر  
مسمادن حفر ایدیلان مقداره اصابت ایدن مقدار ویریلور  
نتیجه .

[کذلك] سوت انانک استیجاری مسترضع یعنی مستأجر  
ایچون اولیوب صبی ایچون اولدینی جهتمله [مسترضعک وفایله  
اجاره منفسخ اولیوب اما چوجفک یا خود سود انانک وفایله  
منفسخ] و حکمی منتهی [اولور].

بو فقرده ایکی حکم بیان اولنیور: حکم اول؛ مسترضعک  
وفایله اجاره منفسخ اولماز. بونک مسئله عمومیه سی ۴۴۱

ماده شرحك یدنجی فقره سنده بیان اولمشیدی .  
 حکم ثانی : چو چغک یا خود سوت آنک وفاتیه مفسخ  
 اولور .

و مثلاً ایکی سنه مدت ایچون سوت آنا استیجار اولمشیکن  
 بر سنه تمامنده چو چق وفات ایتدکده سوت آنا یا لکر نصف  
 اجرت الور انقروی .

و بر کیمسه ایکی چو چنی ارضاع ایتک اوزره بر سوت  
 آبی استیجار ایدوبده چو چغک بریسی فوت اولسه اجرتک  
 نصفی ساقط اولور . و مستأجر صبی متوفی یرینه دیگر صبی بی  
 اقامه ایده من هندیه .

کذلک بر کیمسه زراعت ایتک اوزره ترا استیجار ایتدیکی  
 حالد خسته لنوب زراعتدن عاجز قالدقده اگر بالذات کندوسی  
 زراعت ایدر مقوله دن ایسه اجاره بی فسخ ایده بیلور . دکل ایسه  
 ایده من انقروی . نته کیم بر کیمسه بر ای زراعت بر ارض  
 استیجار ایتدکده نصکره دیگر بر ارض زرع ایتک استسه اجاره بی  
 فسخ ایده من هندیه فی الباب التاسع عشر .

و کذلک معقود عابک تلفیه اجاره منفسخ اولور .  
 مثلاً بر کیمسه معین بر حیوان استیکرا ایتدیکی حالد  
 مذکور حیوان تلف اولسه اجاره منفسخ اولور . اما استیجار  
 ایدیلا ن حیوان معین اولیوبده آجر بر حیوان تسلیم ایتمش ایسه  
 اجاره منفسخ اولیوب آجرک بشقه حیوان ایله مستأجری محل

مقصوده اولاشدیرمسی لازم کلور هندیه فی الباب الثانی عشر  
ورد مختار ۵۳۸ و ۵۳۹ و ۵۴۰ ماده لره باق .

و كذلك اخذ واعطا ايجون دكان استيجار ایدن کیمسه  
مفلس اولدقده اجاره منفسخ اولور .

و كذلك ماليله درزيلك ايتمك اوزره دكاني استيجار ایدن  
درزينك افلاسيله اجاره منفسخ اولوب اما ايکنه سيله درزيلك  
ايتمك اوزره دكاني استيجار ايدنك افلاسيله منفسخ اولماز . لان  
رأس ماله حينئذ ابرة ومقراض فيعمل بالاجر فلايتحقق في حقه  
لعذر الا ان يظهر خيانة عند الناس فيمنعونه عن تسليم الثياب  
رد مختار .

و كذلك موجب عقدك اجراسنه محل قالمدقده اجاره  
منفسخ اولور .

مثلا حصاد زرع ايجون اورا قجيلري استيجار ايتيشيكن  
نزول برد واکل جراد کي آفت سماويه ايله اكين تلف اولسه  
اجاره منفسخ اولور . « ۵۸۰ » ماده يه باق . بو وجهله مدت  
اجاره تکميل اولمدين اجاره فسخ اولندقده آنجق مرور ایدن  
ايامه اصابت ایدن اجرت لازم کلور . يوقسه تکميل اجرت دکل .  
مثلا بر سنه تمامنه دك اللى کيله بغدادى مقابلنده بر مال استيجار  
اولندقده آتى آى تمامنده اجاره فسخ ايدلسه آنجق بدل  
اجاره نك نصفى اولان يکرمى بش کيله لازم کلور على افندى .



۱ — اجاره بر غرض اوزرینه مبنی اولوبده اول غرض  
باقی قالمسه منفسح اولور. شویله که مثلا برکیمسه بغدادده بولان  
مدیونندن اله جغنی المی ایچون اورایه کتمک اوزره بر اسب  
استیجار ایتدکن صکره مدیون کلیورسه اجاره منفسح اولور.  
لانها وقعت لغرض وقد فات ذلك الغرض هندیه فی الباب  
التاسع عشر .

### { فائده }

۳۷۵ مادهده مسطور اولدینی اوزره بیع نافذ لازمه  
طرفیندن بری دونه میوب اجاره ایسه بوکی اعذار ایله فسخ  
اولنه بیله جکندن بیع ایله اجاره بو جهته افتراق ایدر لر اشباه.  
اجاره نك عیب حادث ایله فسخی جائز ایکن بیعك مذکور  
عیب ایله فسخی جائز اولماسی و آتی الذکر بشنچی مسئلهده  
بیان اولنه جغنی وجهله احد عاقدنك وفاتی انفساخ اجاره نی  
موجب ایکن بیعك انفساخنی موجب اولماسی و بیعهه بایع  
عوضه مجرد عقد ایله مالک اولدینی حالد اجاره ده تعجیل یا  
شرط تعجیل یا استیفا یا استیفایه نمکن اولمدجه موجب عوضه  
مالک اولماسی و توقیت بیعی مفسد ایکن اجاره نی مصحح اولسی  
کی دیگر وجوه ایله دخی ینلرنده فرق واردر حموی و اشباه.

# { لاحقه }

ايكى مبحثى حاويدر .

## { مبحث اول }

فسخ اجاره يى مسوغ يا انفساخ اجاره يى موجب بعض اعذار شرعية بياننده در .

اجاره نك بعض اعذار اوزرينه فسخنك جوازىنى ايضاح ايدىلم : اجاره ده منافع ، مقبوضه اولمديغندن اجاره ده عذر قبل القبض مبيعه كى عيب كى اولمغله برأى عذر فسخ اجاره جائز اولدى . اذالمعنى يجمعهما وهو عجز العاقد عن المضى فى موجه الاتحمل ضرر زائدلم يستحق بالعقد وهذا هو معنى العذر وفى كل واحدمن الأمثلة التى ذكر عذر ظاهر وفى المضى ضرر بين فوق ضرر العيب فيجوزله الفسخ وهذا لان جواز هذا العقد للحاجة ولزومه لتوفير المنفعة على المتعاقدين فاذا آل الامر الى الضرر اخذ نافية بالقياس فقلنا العقد فى حكم المضاف فى حق المعقود عليه والاضامة فى عقود التملكيات تمنع اللزوم فى الحال كالوصية زيلعى .

۲ — بر كيمسه تحت استيجارنده اولان وقف اراضى وقفك اولديغنى انكار وناظر وقفى ايتبات ايدوبده اول كيمسه نك اراضى وقفده تملك سوداسنه دوشوب وقفى ضايع

ایده جکی اکلشیلور ایسه حاکم اجاره بی فسخ ایدرک مأجوری  
الندن آلور تنقیح .

۳ — هر اجاره که عینک بغیر عوض استهلاکی اوزرینه  
واقع اوله بوکی اجارده اجیرک فسخ اجاره یه حتی واردر  
هنده فی الباب التاسع عشر. نته کیم ۴۰۵ ماده شرحنده بیان  
اولندی.

مثلا کاغد و مرکب کانبدن اولمق اوزره برشی یازمق ایچون  
کاتب استیجار ایدلسه اول کاتبک فسخ اجاره ایله مقاوله اولنان  
شیئی یازمقدن امتناعه حتی واردر. و کرب الارض فی المزارعة  
ان کان العذر من قبله فله ان یفسخ الاجارة والمزارعة من  
غیر عذر ویخرج علی هذا الاصل جواب کثیر من الواقعات  
فیجب ان یحفظ من المجل المزبور .

۴ — مستأجر سفره کیتیمک استدکده اجاره بی فسخ  
ایده بیلور . کرب سفرده مکث ایتسون و کرب ایتسون . زیرا  
اجاره نک ابقاسنده مستأجر سفرده منع ایتیمک یاخود مأجور  
ایله انتفاعی اولمقسزین اجرتی اوزرینه لازم قلمق مثللو ضرر  
واردر. ضررایسه ممنوعدر. ۱۹۰ و ۲۰۰ ماده لره باق هنده فی  
الباب التاسع عشر. شو قدر وار که سفره قصد ایله فسخ اجاره  
رهمیه بر حیلله اتخاذه احتمالی بولمغله مستأجر سفری قصد  
ایدورم دیدیکی حالده آجر تکذیب ایتدکده کرخی و قدورینک  
بیانلرینه کوره مستأجر سفری قصد ایتدیکنه تحلیف اولنور.

قال في الذخيرة يقول القاضى للمستأجر مع من تريد السفر فان قال مع فلان وفلان فلقاض يسألهم ان فلانا هل يخرج معكم وهل استعدلاخروج فان قالوا نعم ثبت العذر والافلا وبعض مشايخنا قالوا القاضى حكم بزيه وثيابه لان الزى والسيما حجته يحكم بها عند اشتباه الحال على ما عرف في موضعه تنقيح بتغيير ما .

كذا مستأجر فلان محله كيتمك اوزره حيوان استكرا ايتديكي حالده كتمامسنى قصد ايتدكده ويا نصف طريقه وار- مشيكن ايلرويه كتمامسنى مراد ايلدكده فسخ اجاره ايدىيلور . لانه لو مضى على موجب العقد لزمه ضرر زائد لاحتمال كون قصده سفر الحج فذهب وقته او طلب غريمه فحضر اوالتجارة فافقر تنقيح .

وبو وجهله نصف طريقه فسخ اجاره ايتدكده قطع ايديلان مسافه ايله قطع اولنميان مسافه نك سهوات وصعوبى نظر اعتباره آلتهرق اكا كوره اجرتدن حصه ويرملك لازم كلوب ايكي طرف مسافهجه مساوى اولدينى كى سهوات وصعوبته دخى مساوى ايسه نصف مسمى لازم كلور . شو قدر كه مستأجر فسخ اجاره ايجون بهانه آراهده اولوب هر حالده محل المذكوره كیده جكنى آجر ادعا ايتدكده حاكم آجره « مستأجرى كوزتلهده كیده جك اولور ايسه حيوان ماجورى آرقه سى صره يديور » دير . وبو صورتله يديورسه تكميل

اجرتى آلور. ٤٧٠ ماديہ باقى بزازیہ فى السابع فى فسخها فى  
الفصل الاول ورد مختار.

٥ — عقد اجاره كنفوسيجون واقع اولان كيمسه نك  
وفاتيله اجاره فسخه حاجت قالميه رقى منفسخ اولور هندیہ فى  
الباب التاسع عشر.

سواء اجاز الوارث تلك الاجارة اولاد عبدالحليم حاشية الدرر  
اذا استأجر رجلان من رجل دارا فوات احد المستأجرين فان  
رضى الوارث بالبقاء على المقد ورضى العاقد ايضا اجاز هندیہ فى  
الباب التاسع عشر.

سكن المستأجر بعد موت المواجه قيل يجب الاجر بكل  
حال لانه ماضى على الاجارة والمختار للفتوى جواب الكتاب  
وهو عدم الاجر قبل طلب الاجرا ما اذا سكن بعد طلب الاجر  
يلزم بزازیہ قيل فى الاعمال التى لا تصح الاجارة بها وتصح.

فان قيل لما كانت الاجارة تجدد فى حق المعقود عليه  
بحسب ما يحدث من المنفعة ينبغى ان يعمل اجارة الوارث فيه  
لان العين الذى يحدث فيه المنفعة صار ملكه كفاى تصرف الفضولى  
قلنا انما لا يعمل اجازته لانه لم يتوقف على حقه عند المقد فلا  
يتوقف على اجازته والفقہ ما ينسب ان الوارث انما يقوم مقام  
المورث فى املاكه لا فى اقواله ولا فى عقودها التى عقد هالفه  
وعليه كما اذا وهب شيئا ومات قبل التسليم او وكل رجلا ببيع  
ماله فلم يبيع حتى مات الموكل فان الوارث لا يقوم مقام المورث

في هاتين المسألتين لما قلنا انه لا يقوم مقامه في اقواله كفايه.  
نته كيم مجله ده اما چوجفك وفاتيله منفسخ اولور دينلمسى  
بو مسئله اوزرينه مبنى بولنمشدر.

لان العقد ينقد ساعة فساعة بحسب حدوث المنافع فاذا مات  
الموخر فالمنافع التى تستحق بالعقد هى التى تحدث على ملكه  
وقد فات بموته فتبطل الاجارة لفوات المعقود عليه لان رقة  
العين تنقل الى الوارث والمنفعة تحدث على ملكه ولم يكن هو  
عاقدا ولا لاراضايابه واذا مات المستأجر فلو بقى العقد انما يبقى على  
ان يخلفه وارثه والمنفعة المجردة لانورث ولهذا لومات الموصى له  
بالخدمة لاننقل الى ورثته زيلمى . قال فى الكفاية اما الانفساخ  
فى صورة موت الآجر فلان المنافع التى تحدث على ملكه هو  
المعقود عليه وبموته تنتقل رقبته الدار ومنفعتها الى الوارث فيبطل  
الاجارة لفوات المعقود عليه لان تبديل الملك كتبديل المملوك  
الانرى انه لو باع الدار يرضا المستأجر بطلت الاجارة لانتقال  
الملك فيها الى غيره وفى موت المستأجر لو بقى العقد بعد موته  
انما يبقى على ان يخلفه الوارث والمنفعة المجردة لانورث الانرى  
ان المستعير لا يخلفه هذا لان الوارثة خلافته فلا يتصور ذلك  
الا فيما بقى وقتين ليكون ملك الوارث فى الوقت الاول ويخلف  
الوارث فيه فى الوقت الثانى كالعين واذا تعذر اثبات الارث  
تعين البطلان انتهى بتغير ما قال الاقانى وذلك لان الموخر  
اذا مات ينقل الملك منه الى ورثته وعقد الاجارة اقتضى



استيفاء المنافع من ملك المجر لا من ملك غيره فلو بقي عقد الاجارة يلزم استيفاء المنافع من ملك الغير وهذا لا يجوز وان مات المستأجر وقد عقد الاجارة لنفسه فكل ماله من المال انتقل الى ورثته وعقد الاجارة اقتضى ان تستحق الاجرة من مال المستأجر لا من مال غيره فلو بقي عقد الاجارة بعد موته تكون الاجرة مستحقة من مال غيره وهذا لا يجوز فتعين بطلان الاجارة لعدم امكان بقاءه شلي وقال الشافعي لا تبطل بموت احد هما ولا بموتهما لان المنافع عنده كالا عيان القائمة فكما لا تبطل في العين لا تبطل فيها زياحي.

يعنى عقد اجاره باقى اولسه منفعتيه ياخود اجرتيه غير عاقد اولان كيمسه نك يعنى وارثك عقد ايله مستحق اولمق لازم كلوب بو ايسه جائز دكلدر.

مثلا بر كيمسه بر سنه لك اولمق اوزره ديكر كيمسه نك خانه سنى استيجار ايتد كده هر قنغيمى فوت اولسه اجاره منفسخ اولور.

كذا بر كيمسه بر عقارى ديكر كيمسه دن استيجار ايله آخر شخصه ايجار ايتد كدن صكره وفات ايتسه اجاره اولى منفسخ اوله جنى كى اجاره ثانيه دخى منفسخ اولور تنقيح.

نته كيم مستأجر ايكي كيمسه اولوبده بريسى فوت اولسه يالكز وفات ايدنك حصه سنده اجاره منفسخ اولور. ديكر ك

حصه منه منفسخ اولماز. زیرا شیوع طاری عقد اجاره‌ی افساد ایتمز. «٤٣٠٠» ماده‌یہ باق ہندیہ فی الباب الثامن وان مات المواجه فی وسط الطريق فالمتأجر یرکبها علی حالها الی ان یملغ المکان اذا لم یکن ثمہ حاکم یرفع القضية لایہ کما یجوز فسخها بعذر یجوز ابقاءها بالعذر کمن استأجر سفینة شهرا وانقضت المدة فی وسط البحر ینعقد اجارة مبتدأة فلان یبقی اولى فاذا وصل الی ذلک المکان رفع الامر الی القاضی فان اکراها الحاکم الی مکانہ جاز وان رأى المصلحة فی البیع وارسال الثمن فعل وما انفق علی الدابة بلا امر القاضی فهو متبرع زازیه فی السابع فی فسخها فی الفصل الاول.

شو قدر وارکھ موجر السفینہ وسط بحردہ یا موجر الدابة وسط طریقده وفات ایتسہ محل آمنه وارنجیہ قدر اجاره منفسخ اولماز. زیرا اجاره اعذار ایلہ نقض اولئہ بیلہ چکی کبی اعذار ایلہ ابقا دخی اولنور. «٤٨٠٠» ماده‌یہ باق. نتہ کیم زرع ایچون اراضی ایجار اولندقدہ مدت اجاره‌ده واکین هنوز ادراک ایتسہ دن عاقدیندن یریبی وفات ایتسہ استحسنانا اجاره اجر مسمی ایلہ مدتک انقضاسنہ دکن باقی اولور بزازیہ «٥٢٦» ماده شرحنہ باق. وهو بخلاف ما اذا انقضت المدة وفيها زرع فانه یترک فی یدہ باجر المثل ہندیہ فی الباب التاسع عشر

اشتہ موجر مدت اجاره‌ده فوت اولہرق بروجہ بالا اجاره منفسخ اولمشیکن مستأجر مأجورده کافی السابق ساکن اولہرق

قالسه خانيه ده مذکور اولديغنه كوره اجرت لازم كلز . ولو كه معدلاستغالل اوله . مكره بعد الطلب يعنى موجر متوفانك وارثي اجرت مطالبه ايتدكدنصكره ساكن اوله . « ۴۷۸ » ماده يه باق . اما جامع الفتاواده ذكر اولنديغنه نظراً اجرت لازم كلور . زيرا مستأجر آن دنصكره اوراده سكيناسي حكم اجاره اوزرينه حر كندور .

۶ — اب ووصى مثلولر صغيري ايجار ايتدكلرنده صغير بالغ اولدقده اجاره يي فسخ ايده بيلوب اما ۴۴۱ ماده شرحنده كي ۷ مسئله ده بيان اولنديغني اوزره بونلرك يعنى اب ووصى مثلولرك وفائيله اجاره منفسخ اولماز بزازه في الثاني واقروى

۷ — بر كيمسه صانون آلهرق آخره ايجار ايتديكي مالك عيب قدبمنه مطلع اولدقده اجاره يي فسخ ايدرك ميبى خيارعيب ايله رد ايده بيلور . ۲۰ و ۲۷ ماده لره باق .

۸ — موجر اوزرينه دين ظاهري اولدقده اجاره منفسخ اولور . اكر ايفاي دين ايجون مأجوردن بشقه مالي يوغيسسه . دين مذكور كرك موجرك اقراريله ثابت اولسون وكرك يينه ايله ثابت اولسون . والد رهم دين قادح يفسخ به الاجاره واكل منه لا بزازه وكذا دين كرك قبل عقد الاجاره اولسون وكرك بعد عقد الاجاره اولسون . شو قدر واركه مستأجر ك بروجيه پشـين موجره ويرمش اولديغني اجرت يعنى اجرت معجله مأجورك قيمتي استغراق ايتسه اولخالده اجاره منفسخ اولماز .

زیرا مستأجر سائر غرمادن احق اولمغه فسخندد فائده یوقدر  
رد مختار

۹ — فسخ اجاره بی موجب بر عذر ظهور ایتدکده نظر  
اولنور . عذر مذکور ظاهر ایسه حکم حاکمه حاجت قالمیه رق  
احد عاقدین فسخ ایده بیلور . آغریان دیشک آغریسی زائل  
اولمسی واجد زوجینک فوتی و اختلاع مرئه کبی . ظاهر  
دکل ایسه حکم حاکم یا رضاء آجر ایله فسخ ایدیلور موجرک  
اقرار ایله ثابت دین کبی تنقیح . حتی لو باع الموجر دکانه  
قبل القضاء لایجوز لأن الفسخ مختلف فيه فیتوقف علی القضاء  
کالرجوع فی الهبة رد مختار .

متناً وشرحاً آنفاً بیان ایدیلان تفصیلاتدن آکلاشیله جنفی  
اوزره اجاره بعض اسبابه مبنی منفسخ اولور . وبعض اسبابه  
فسخ اولنه بیلور .

### {مبحث ثانی}

اقاله اجاره یه متعلق مسائل بیاننده در

۱۹ — بیع کبی اجاره دخی فسخ و اقاله اولنه بیلور .  
« ۱۹۰۰ » ماده ایله مواد تالیه سنه باق . والدار المشترکة بین اثنين  
اذا استأجره منهما ثم دفع مفتاحه الى احدهما انفسخ فی نصیبه  
خاصة لان دفع المفتاح دلیل الفسخ بزایه ۳۳ ماده یه باق .

مثلاً بر کیمسه دیگر کمنه دن استیجار ایلدیکی عقاری آخر  
بر شخصه ایجار ایتدکن صکره اول کیمسه ایله او کمنه اجاره نی  
اقاله ایتسه لر صحیح و اجاره اولی منفسخ اوله جنی کی اجاره ثانیه  
یعنی اول کیمسه ایله او شخص بیننده کی اجاره دخی منفسخ  
اولور. لان الاجاره بیع المنافع وهی تحدث شیئاً فشیئاً فالمستأجر  
یملك منفعة کل يوم بیومه فهی باقیة علی ملک المالك فتصح  
التقایل بینہ و بین المستأجر لانه لم یملك المستقبلہ و اذا انفسخت  
بالا قاله لم یبق له حق فبما يحدث من المنافع فی کل يوم بیومه  
فانفسخت الاجاره الثانیة لانها منبیهة علی الاولی حامدیه وابن  
نجیم. و آجر ایکی اولوبده مستأجر واحد اولمغله مستأجر مرقوم  
ایکی آجردن یالکز بریله اجاره نی فسخ ایتسه فسخ آکا یعنی  
فسخ ایدن آجرك حصه سنه مقصور اولور بزازیه

۱۱ — متولی ایله مستأجر اجاره نی اقاله ایتدکلرنده اجرت  
اگر مقبوض دکل ایسه صحیحدر یعنی وقف اوزرینه نافذدر .  
اما مقبوض ایسه وقف اوزرینه صحیح دکلدر انقروی و بزازیه  
فی السابع فی فسخها. لیکن شرط خیاریلله فسخ ، اقاله کی  
دکلدر. یعنی متولی وقفی مثلاً اوچ کون مخیر اولمق اوزره آخره  
ایجار ایدوب مدت خیارده فسخ ایتدکده فسخ مذکور صحیح  
اولور انقروی فی اجاره الوقف .

۱۲ — بدل اجاره آلتون اولمق اوزره استیجار اولسان

خانه ایچون مستاجر کموش پاره ویردیکی حالده مؤخرآ اجاره  
فسخ ایدلسه مستاجر آجردن آلتون آلور . « ۱۹۶ » ماده  
شرحنده کی ۳ مسئله به باق . شو قدر وارکه اجاره فاسد ایدسه  
ینه کموش آلور بزازیه فی الثانی فیما یکون فسخا . كذلك آجر  
دراهم اولان اجرت مقابلنده مستاجر دن مال صاتون آلدقدن  
صکره بر سبيله ایفای عمل متعذر اولمغله اجرتک ردی لازم  
کلدکده دراهمک ردی لازم کلور . یوقسه ملک دکل هندیه

۱۳ — مستاجر آجره « مأجوری بیع ایت » دیمسبيله  
آجر دخی « يك اير » دیسه مأجور صاتلمدقچه یعنی قبل البیع  
اجاره منفسخ اولماز بزازیه قبیل مسائل العذر

۱۴ — زراعت ایچون استیجار ایدیلان ارض ، زرع  
ایدلکدن صکره اکین هنوز ادراک ایتدن فسخ اجاره ایتسه لر  
مستاجر زرعی قلع ایله ارضی آجره تسلیم ایتسی لازم کلور .  
۵۲۶ ماده به قیاس ایدیلهرک اکینک ادراکنه دک مستاجرک  
اکیفی اجر منایله طور دیرمغه صلاحیتی یوقدر . لانه رضی به  
المستاجر حیث یقدم علی الفسخ اختیارا بزازیه

۱۵ — عقد اجاره بر وجهله فسخ اولندقدده ویا منفسخ  
اولدقدده مستاجرک بروجه پشین ویرمش اولدینی بدل اجاره دن  
استیفا ایتدیکی مقداری استیفا ایدنجه به قدر یدنده اولان  
مأجوری حبس و توقیف ایده بیلور . اجاره کرک صحیح اولسون



و كرك فاسد اولسون. وفي الاجارة الفاسدة للمستاجر حق الحبس لاستيفاء الاجرة المعجلة.


و آجرو فوات ايتد كده، مأجور مستاجر بدنده اولديني تقديرده مستاجر سائر غرمادن احق اولور. بناء عليه مأجور صاتيله رق بدل المذكور بتمامه مستاجر متاديه ايدلد كدن صكره متباقى غرمابه ويريلور. شو قدر واركة مأجور وقف ايسه حبس ايديله مز. و برده مستاجر هنوز ماجورى قبض ايتمدين موجر وفات ويا مدت اجاره منقضى اولسه ده حكم اجاره منتهى اولسه مستاجر پشين اوله رق ويرديكي اجرتى استيفا اچون مأجور اوزرينه احداث يد ايتمكه صلاحيتى يوقدر اجاره كرك صحيح اولسون و كرك فاسد اولسون رد مختار وانقروى و بزازيه فى الثانى فى مسائل الشيوخ.

۱۶ — مسئله آنقه وجهله مستاجر يدنده امساك ايتمك اوزره اولديني ماجور بلا اعدو لانتقصير تلف اولسه آله جنفى ساقط اولماز. وبو خصوص رهنه مقيس دكلار رد مختار و بزازيه لانه ليس برهن من كل وجه رد مختار .

۱۷ — بر كيمسه اله جنفى مقابلنده برخانه استيجار ايتد كدن صكره اجاره فسخ ايدلد كده مستاجر مذكور اله جنفى استيفا اچون مأجورى يدنده حبس ايد بيلور . و سائر غرمامن احق اولور. شو قدر واركة مذكور اجاره فاسد ايسه حبس ايد مز.

وسائر غرمادان احق اوله من بزازیه فی موت احد العاقدین  
وهندیه قبیل الباب الثالث واشباه .

۱۸ — الهجنی مقابله اولیه رق مدیونندن بر خانه استیجار  
ایله دینک بر مقداری اجرتله تقاص ایدلدکن ومدت اجاره  
منقضیه اولدقدن صکره آرتق اول کیسه نك باقی قلان الهجندن  
طولایی مذکور خانہ بی توقیف وحبسہ صلاحیتی یوقدر . ولو  
سکنها بعد مضي المدة لا اجر علیه فیما سکن بعد مضي المدة  
هنديہ قبیل الباب الثالث فان حبس العين من ليس له حق الحبس  
فهلكت ضمنها ضمان الغصب من المحل المزبور .



## ﴿ فصل ثانی ﴾

یعنی باب ثانینک ایکنجی فصلی

[اجاره نك شرائط انعقاد] ی [و] شرائط [نفاذی حقنده]  
ودرت ماده بی حاوی اولوب اولکی ایکی ماده شرائط انعقادہ  
وصکره کی ایکی ماده شرائط نفاذہ دائر [در] . [اجاره نك علی  
الاطلاق شرائطی درت نوعدر . نوع اول شرط انعقاد ونوع  
ثانی شرط نفاذ ونوع ثالث شرط صحت ونوع رابع شرط  
لزومدر . برنجیسی ۴۴۴ و ۴۴۵ ماده لرده وایکنجیسی ۴۴۶  
و ۴۴۷ ماده لرده موضوع بحث ایدلدیکی کی اوچننجیسی ۴۴۸

ایله ایتدار ایدن فصل ثالثده موضوع بحث ایدلمش و ۴۵۸  
ایله ایتدا ایدن فصل رابع دخی بالاده مذکور ۴۴۴ ماده  
واد تالیه سنک و فصل ثالث مذکورک فروعاتی حکمنده  
شدر. شرائط لزوم دخی اجاره نك خيار شرط و خيار  
و خيار رؤیتدن عاری اولمسیدر ۴۰۶ ماده یه باق هندیه .  
صورته خیاراندن بریمی بولنور ایسه اجاره لازم اولماز .  
۳ ماده یه باق .

﴿ ۴۴۴ ماده ﴾

[ اجاره نك انعقادنده عاقدینك اهلیتی یعنی عاقل ممیز  
لری ] یعنی اجاره نك انعقادنده رکنی اهلندن یعنی عاقل  
بزدن صدور ایتک [ شرطدر. ] بیعده اولدینی کی. بناءً علیه  
ون وصی غیر ممیزک اجاره سی منعقد اولماز.

۴۵۸ ماده بوماده نك فرعیدر. ۳۶۱ و ۹۵۷ و ۹۶۶ ماده لر

اما بلوغ انعقاد و یا نفاذ اجاره نك شرطی دکلدر. بناءً علیه  
عاقل مالی آخره ایجار ایتدکده مأذون ایسه منعقد و نافذ  
ور. دکل ایسه و لیسنك اجازتنه موقوفاً منعقد اولور. ۹۶۷  
یه باق هندیه .

کذا صغیر مأذون نفسی آخره ایجار ایله عملی ایفا ایدنجه  
ته مستحق اولور. واجرت صغیر مرقومه عائد اولور. شو

قدر وارکه بوصورتده صبی مستأجر یدنده تلف اولسه ولسی  
اؤنسز استعمال ایشی حسبله غاصب اولمغله ضمان لازم کلور.  
هنديه وبوصورتده اجرت لازم کلز. ۸۶ مادهیه باقی .

نته کیم صحت، یعنی مرض موت ایله مریض اولماق دخی  
صحت اجاره نك شرطی دکلدر . حتی مریض مرض موتنده  
اجر مثلندن اقل بر بدل ایله برمالی آخره اجارایته کل مالندن  
نافذ اولور انقروی . یالکز ثلث مالندن دکل . زیرا مریض  
مرض موتنده مالی اعاره ایته جائز اولمغله بواجاره نك جوازی  
بطریق الاولی اولور بزازیه قیل النوع الثلث فی الدواب .  
کذا عاقدك طائع عامد اولسی انمقاد یا نفاذ اجاره نك شرطی  
بلکه شرائط صحتنددر هنديه فی الباب الاول .

### ❖ ۴۴۵ ماده ❖

[ بیوعده ] یعنی انمقاد بیوعده ایجابک قبوله موافقتی  
ومجلس عقدک اتحادی شرط [ اولدینی کبی اجاره نك انمقادنده  
دخی ایجابک قبوله موافقتی ومجلس عقدک اتحادی شرطدر . ]  
نته کیم کتاب بیوعک باب اولنک فصل ثانی وثالثنده بیان  
وتفصیل اولندی .

خلاصه؛ اجاره ده کی ایجاب وقبول بیعه ده کی ایجاب وقبول  
کبی اولمغله اجاره نك ایجاب وقبولی بیعه ده آنلره دائر اولان  
مواد ومسائله تطبیق ایدیلور رد مختار فی اول الاجارة .

بوماده ایله مادهٔ آتیه شروط انعقاد اجاره‌بی بیان ایدیور.  
بویاکی ماده‌نک احکامندن بری فوت اولسه اجاره اصلاً منقذ  
اولماز.

✽ ۴۴۶ ماده ✽

[ آجر ایجار ایدم‌جکی شیئک متصرفی یاخود متصرفنک  
وکیل یا ] خود اب وقاضی و امینی مثللو [ ولیسی ویا وصیسی ]  
یاخود اول شیئک متولیسی یاخود متصرفندن مستأجر [ اولمق ]  
اجاره‌نک نفاذنده شرط و [ لازمدر . ] یعنی اجاره‌نک نفاذنده  
ملك وولایت شرطدر .

بناءعلیه فضولینک ایجاری ملك و ولایت اولمديغندن نافذ  
اولیوب مادهٔ آتیله ده بیان اولاندینی اوزره موقوف اولور.  
« ۹۶ » ماده‌یه باق . نته‌کم بیعه‌ده دخی بویله ایدی . « ۳۶۵ »  
ماده‌یه باق .

مادهٔ آتیله بوماده‌نک فرعیدر .

کذ موقوف علیه ناظر و متولی دکل ایکن وقفی ایجار  
ایتسه صحیح اولیوب مستأجره تعمیره اذن ویروبده اوده تعمیر  
ایتسه ۵۲۹ ماده موجبجه مستأجر مصرفنده متبرع اولور  
اتقروی وهندیه .

وکذا ایکی متولیسی اولان بر وقفی بر متولی دیگرینک  
اذنسنر ویا ایکی وصیسی اولان بر صغیرک مالنی بروصی دیگرینک

اذنفسز ايجار ايتسه نافذ اولموب ديكرك اجازتنه موقوف  
اولور نتيجه .

اشبو مادهدن مستفاد اولديني اوزره وكيلك واب ووصينك  
وقاضى وامينتك اجاره سي نافذدر . لانهم يلون البيع فالاجارة  
اولى بزازيه . وكيلك اجاره سنك نفاذى ۱۴۵۹ مادهيه مبنيدير .  
واجارة الوكيل نافذة لوجود الولاية وكذلك الاجارة من الاب  
والوصى والقاضى وامينه نافذة لوجود الانابة من الشرع هنديه .  
نته كيم ولى و وصى صغيرك منقول مالى وعقارنى ايجار  
ايدهبيلورلر بزازيه فى تفريعات على الاجارة الطويلة وهنديه  
ونتيجه .

ومدت اجارده صغير بالغ اولدقده اجاره يى فسخ ايدهمز .  
٤٠٦، مادهيه باقى هنديه .

كذا اب وجد يعنى ابو الاب و وصيلرى صغيرى مقتدر  
اولدينى اعمال ايجون ايجار ايدهبيله جـكلارى كفى صغيرك اب  
ووصيلرى اولمينجه حجر وتربيه سنده اولدينى ذى رحم محرمى  
دخى ايجار ايدهبيلور هنديه . ولايجوز اجارة غير الاب ووصيه  
والجد ووصيه من سائر ذو والرحم المحرم اذا كان له احد ممن  
ذكرنا ولو بالغ الصبي فى هذا كله قبل انقضاء مدة الاجارة فله  
الخيار ان شاء امضى الاجارة وان شاء فسخ هنديه .

فقط بو بابده اب و وصى الاب جد اوزرينه مقدمدر .  
٩٧٤، مادهيه باقى .



و کذا اب، کندی نفسی ویا مالی صغیر ولدینه انجار  
ایده بیله چکی کی ولدینی و ولدنک مالی نفسی چون استیجار  
ایده بیلور بزازیه و هندیه.

نته کیم بیعه ده دخی حکم بوجه مشروح ایدوکی ۱۶۷  
ماده شرحنده بیان اولندی. اما اب بالغ اوغانی کنه دیچون  
استیجار و او دخی عمل ایتسه اجرت الهیه خنی کی زوج  
کندوسنه خدمت ایتک اوزره زوجهنی استیجار ایتدکه  
زوجہ عمل ایتسه بیله اجرت الهمز.

مثلا برکیمسه زوجهنه خانه مک خدمتی کور سکا ملک  
منزلی و برهیم دیملکه زوجہ دخی بر مدت خدمت مذ کورهنی  
ایفا ایلسه منزل مذ کوری ویا اجر مثلی الهمز. نته کیم ۴۵۷  
ماده شرحنده بیان اولور فیضیه.

شرحاً اشارت اولندی و جهله بعض خصوصانده  
متصرفدن مستأجر بولان کیمسه نک دخی اجاره سی صحیحدر.  
۵۸۶ و ۵۸۷ و ۵۸۸ ماده لره باق.

فقط مستأجرک اجاره سی موجرندن استیجار ایلدیکی  
مدتک مثلی یا اقلی اینه اولوق لازمدر. و موجر اول یا مستأجر  
اوان فوت اولسه بیله یا خود عقد اجاره فیسخ اتمریله اجاره  
اولی و ثانیه منفسخ اولور هندیه.

فسخ لری کرک بالرضا اولسون کرک بالقضا اولسون و کرک

بعذر اولسون وكرك بغير عذر اولسون. ۴۴۳، ماده شرحك  
۱۰ مسئله سنه باق .

❖ ۴۴۷ ماده ❖

[فضولينك] برمالی [ايجاری] فضولينك سائر عقودی کبی  
[متصرفك اجازتنه و] اول ملك [متصرفي صغير ویا مجنون  
ایسه اجر مثیله ايجار اولدینی صورتده ولیسنك ویا وصیسنك  
اجازتنه موقوفاً منعقد اولور] ده دیلرسه فسح ایلر و دیلرسه  
مجیز اولور. ماده آنفیهیه باق . نته کیم بیعهده دخی حکم بویله  
ایدی: ۳۶۸، مادهیه باق .

وعندالاجازه حکمی افاده ایدر . نته کیم ۳۷۷ مادهده ذکر  
اولدینی وجهله بیعهده دخی حکم بویله در . بناءعلیه ملک  
ومتصرفی ، مستأجر منفعتك هیچ بر مقدارینی استیفا ایتدین  
اول، اجاره بی مجیز اولسه جائز و اجرت کندوسنك یعنی مالکك  
اولور. ولو آجر الرجل فرسه ثم استحق و اجاز المستحق  
الاجارة فان كانت الاجارة قبل استيفاء المنفعة جاز وكان الاجرة  
للمالك وان اجاز بعد استيفاء المنفعة لا تعتبر الاجارة والاجر  
للاقد هندیه فی الباب الحادی عشر تبغیرما .

و بر کیمسه بر مالی غصب ایدرک ايجار ایتدکن صکره  
مذکور ماله مالک اولسه اجاره نافذ اولور هندیه. غصب دارا  
فاجر ها ثم اشتراها من المالك فالاجارة الاولى ماضیه لوجود

شرائطها وان استقبلها فهو افضل بزازيه .

بومادده هاجر مثل ايله ايجار اولنديغي صورتده قيدنيك فائده سي ۴۴۱ ماده نك فقره استثنائيه سندن مستفاد اولور .

ايسته اجاره فضولي بي مال صاحبي مجيز اوله بيله چكي كي فسخ دخی ايده بيلور . حتی برکيمسه خانه نك فضولي اوله رق ايجار اولنديغي استماع ايترکده مجيز اولمام ديسه عقد اجاره بي فسخ ايتمش اولور .

بوجهتله آندنصرکه مجيز اولسه جائز اولماز . لان المفسوخ لايحاز بزازيه . ۵۱۵ ماده يه باق هنديه و بزازيه في مسائل الشيوخ .

[ فقط ] ۳۷۸ و ۳۷۹ ماده لرده سبق ايتديكي كي بوراده دخی [ اجازنك صحته درت شينك يعنى ] ۱ و ۲ [ عاقدین ] يعنى آجر فضولي ايله مستأجر [ و ] ۳ [ مالك ] ويا ولي يا وصى يا متولى [ و ] ۴ [ معقود عليهك ] يعنى منفعتك [ و بدل اجاره عروضدن اولديغي تقديرده ] بشنجي اوله رق [ آنك دخی ] وقت اجازته [ قيام و بقاسى شرط اولوب بونلردن بريسي ] يا ايکيسي يا اوچي يا جمله سي [ معدوم اولسه اجازت صحيح اولماز ] . هنديه و بزازيه .

عاقدین ايله مالکک، قیامی، برحیات اولمیری ايله اولدینی کی عروضدن اولان بدل اجاره نك قیامی دخی آنک موجود اولمسیله اولور نته کیم معقود علیه اولان منفعتک قیامی دخی مدت اجاره نك

عدم مروری ایله اولور. شو حالده منفعتك معدوم اولمی  
ایکی وجهله اوله بیلور.

وجه اول، مدت اجاره‌نك كاملا مروری ایله حاصل اولور.  
مثلا غاصب مال مقصوبی محرم ابتداسندن صفر غایه‌سنه  
قدر ایکی آی مدت ایله ایجار ایتدکن و صفر غایه‌سی حلول  
ایله مدت اجاره منقضی اولدقدن صکره مال صاحبی شو اجاره‌ی  
مجیز اولمیدر وجه ثانی، مدت اجاره‌نك بعضی‌سنك مروری  
ایله حاصل اولور.

مثلا بروجه مذکور ایکی آی مدت ایله ایجار اولدقدن  
و محرم غایه‌سی حلول ایتدکن صکره مال صاحبی صفر غره-  
سنده مجیز اولمیدر. وجه اولده اجازت صحیح اولماز. لان  
المنافع المعقود علیها قدا نعدمت هندیه فی الباب الاول. واجرت  
غاصك اولور. لانه هو العاقد والمنافع تقوم بمقده فکان الا  
جرله خانیه

وجه ثانیده مال صاحبی مجیز اولدقده قبل الاجازه وكذا  
بعد الاجازه اولان مدتك اجرتی دخی مال صاحبنه عائد  
ایدوكنه امام ابی یوسف رحمه الله تعالى قائل اولوب امام محمد  
رحمه الله تعالى ايسه، يالكز بعد الاجازه اولان مدتك اجرتی  
مال صاحبنه عائد اولدقغه ذاهب اولمش وخانیه ده فتوی دخی بونك  
اوزرینه ایدوکی ذكر اولنشدرد. لان الاجارة تنعقد ساعة فساعة علی  
حسب حدوث المنفعة فصحت الاجازة فيما بقى من المدة ولا تصح

فما مضى خانيه في الاجارة قبيل في فصل في اجارة الوقف .  
 مجله ده بو مسـئله ده شو ايكي مذهبن قنغيسي ترجيح  
 اولنديغنه دائر بر شي يوغيسه ده معقود عليه معدوم اولسه  
 اجازت صحيح اوليه جفي بيان اولنديغنه ووجه ثابته ايسه  
 مرور ايدن مدته معقود عليه معدوم ايدوكنه نظراً مجله نك  
 ظاهر عبارته سندن امام محمد رحمه الله تعالى نك مذهبي ترجيح  
 قلنديغنه استدلان اولنديلور . وذا نا اجل ارباب ترجيح دن  
 بولنان قاضيخان دخی وشاراليه امام محمد رحمه الله تعالى نك قولاني  
 ترجيح بيور مشدر .

شمدي بمض امته ايراد ايله بو ماده توضيح اولنور .  
 مثلاً مال صاحبي عقد اجاره ني مجيز اولدن آجر فضولي  
 وفات ايتدكده اجاره باطل اولوب آدن صكره اجازت صحيح  
 اولماز .

كذا بر كيمسه فضولي اوله رق ديكر كمنه نك مالي آخره  
 ايجار ايدوبده مستأجر منفعتي استيفاً ايتدكده نصكره مال صاحبي  
 مجيز اولسه اجازتي صحيح اوليوب عاقد كندوسي اولوق  
 مالبسه سيلاه اجرت فضولينك اولور . كلاو اجاز بيع الفضولي  
 بعد هلاك المعقود عليه خانيه .

فقط بهجده شوقوي محرردر تولوق اولاده مشروطه  
 اولان وقفك مستغلا نسدن بر دكاني زيد آخره ايجار ايلسه  
 متولي وقف اولان عمر ودكان مزبور دن زيدك فضولي آلايني

اجاره‌ی زیددن آلفه قادر اولورمی الجواب قول متأخرینه  
کوره قادر اولور. قول متقدمینه کوره قادر اولماز. لیکن آلدینی  
اجاره کندوسنه دیانه طیب اولماز صاحبنه رد یافقرايه تصدق  
ایدرو.

کذلک بهجه هامشندہ شویله محرردر و زید بر قاج کیمسه لر  
ایله علی الاشتراك مالک اولدینی دکانلردن اول کیمسه لرک  
اذناری اولمقسزین عمره بر مدت ایجار واجرتی آوب  
استهلاک ایسه اول کیمسه لر اجرت مستهلکدن حصه لرینی زیده  
تضمیننه قادر اولورمی الجواب اولور « یعنی بمد مرور المدة  
اجازت اولندقدہ اجرت مجیزک اولیوب آجرك اولمی مسئله -  
سندن اجاره وقف ایله احد شرکانک مال مشترکی ایجاری  
مسئله لری مستثنا بولنشدرو. ۱۰۷۷ ماده یه باق.

کذلک بر کیمسه بر مالی غصب ایتدکدنصکره ایجار ایدوب  
بر مدت مرورنده مالک اجاره‌ی مجیز اولسه بالاده ایضاح  
اولدینی وجهله امام محمد رحمه الله تعالی اجازتدن اولکی مدتک  
اجرتی غاصبک واجازتدن صکره کی مدتک اجرتی مالکک ایدوکنی  
اجتهاد ایلمشدر .

صحت اجازتده معقود علیک قیامی شرط اولدی. زیرا  
اجاره‌ده مبیع، منفعت اولوب اجازت فضولیده مبیعک قیامی  
شرط اولدینی کبی منفعتک بقاسی دخی شرط اولوب منفعتک  
قیامی ایسه مدت اجاره‌نک بقاسیله اولور.



ایمیدی غاصب بر مالی بر قاج سنه مدته ایجار ایدوب  
چندسنه مرورندن صکره مالک « بن قبل انقضاء المدة عقدي  
مجيز اولمشيدم » دیو دعوی ایتسه بالاینه قولنده تصدیق اولتماز.  
« اما ایجار ایتسنی بن امر ایتمشیدم » دیو ادعا ایتسه قبول  
اولنور هندیه و بزازیه و خانیه . آجر دارائم استحققت بالبرهان  
فزعم المالك انه كان امر المواجهر بالاجارة والاجرله وزعم  
المواجهر الغصب فالقول قول رب الدار لان الظاهر ان الانسان  
تيصرف في ملك الغير للغير وان برهن الآجر على ما ادعى من  
الغصب لا يقبل لانه يريد به ابطال ما ذكره المالك من الامر  
والبيّنات للأنبات لا للإبطال وان برهن على اقرار المالك  
بالغصب يقبل لان الثابت بالبینة كالثابت عيانا واذا ثبت الاقرار  
تبعه حكم الاقرار بزازیه.

### ﴿ فصل ثالث ﴾

یعنی باب ثانینک اوچنچی فصلی

[ صحت ] و نفاذ [ اجاره نك شرائطی حقننده ] اولوب اون  
ماده بی حاوی [ در . ]

### ﴿ ۴۴۸ ماده ﴾

[ اجاره نك صحتنده ] یعنی لزوم و نفاذنده [ عاقدینك رضاسی  
شرطدر . ] ۱۰۰۶ ماده بیه باق هندیه.

بناء علیه بر کیمسه اکراه ملجی و یا خود اکراه غیر ملجی  
ایله بر مالی آخره ایجار و یا آخردن اولوجهله استیجار ایتدکده  
بعد زوال الاکراه اول کیمسه مخیر اولوب دیلرسه اجاره یی  
فسخ ایلر. دفعا للضرر عن نفسه طوری فی الاکراه و دیلرسه  
مجیز اولور. زیرا اکراه کرک ملجی اولسون و کرک غیر ملجی  
اولسون عقد اجاره نک صحتک شرطی بولنان رضائی افساد ایدر  
طوری فی الاکراه.

﴿ ۴۴۹ ماده ﴾

[ مأجورک تعینی ] اجاره نک صحتده یعنی عدم فسادنده  
[ لازمدر . ] یعنی اجاره نک صحتده محل منفعتک تعینی شرطدر  
هنده فی الباب الاول. نته کیم یعده دخی حکم بویله ایدی .  
۲۰۰ و ۲۱۳ ماده لره متنا و شرحا باق .

[ بناء علیه ایکی ] و یا زیاده [ دکندن بری ] عقدده [ تعین  
وتخیر ایدلمکسزین ایجار اولنسه صحیح اولماز . ] ولو استأجر  
دایته او عینا آخرو لم یعینها فی العقد لم تجز الا اذا عین و قبل  
المستأجر جائز هندیه فی الباب الخامس عشر .

نته کیم بر کیمسه بر عقارده مقداری کندوسنک معلومی  
اولمیان حصه سنی شریکنه بدل معلومه ایجار ایتسه فاسد اولوب  
بالغا ما بلغ اجر مثل لازمکلور . اذ شرط الاجارة بیان البذل  
والمبدل خیریه .

كذلك بر موضعه اركك وقاین حاملری اولوبده آجر  
بو ایکی حمام داخل اولور وجه اوزره حدودینی بیان ایله  
«فلان موضعه کی حمامی سکا ایجار ایتدم» دیدکده نظر  
اولنور. مذکور ایکی حمام قبولری وقبو آره لقلری بر ایسه  
اجاره صحیح وایکسیده اجاره ده داخل اولور ایسه ده قبولری  
وقبو آره لقلری آبرو ایسه قننی حمام اولدیعی تصریح  
اولنقسزین اجاره صحیح اولماز هندیه فی الباب الثالث  
والعشردن.

نته کیم بر کیمسه بریسیله کوچك چکمهجهیه و دیگری ایله  
بیوک چکمهجهیه کیتمك اوزره ایکی حیوان استیجار ایتدکده  
کوچك چکمهجهیه قننی حیوان و بیوک چکمهجهیه قننی حیوان  
ایله کیدیله چکی تعیین اولنماز ایسه اجاره فاسد اولوب اجر مثل  
لازم کلور. اما تعیین اولنور ایسه اجاره جائز اولور هندیه  
فی الباب والسادس العشرون «۵۴۱» ماده دخی بوماده نك فرعیدر.  
بو ماده ده مأجور تعبیری احتراز اولوب اجیرده دخی  
حکم بوبله در. مثلاً بر کیمسه شو ایکی اجیردن بریسنی استیجار  
ایتدم دیسه صحیح اولماز. زیرا جهالت مأجور جهالت منفعتی  
مستلزم اولوب جهالت منفعت ایسه بادی منازعه در. شوقدر  
وارکه مؤخرأ تعیین اولنوب طرفین دخی راضی اولسه لر صحیح  
اولور. «۲۴۰» مادهیه باق. هندیه باب الاول و فی الباب الخامس  
عشر.

نته کیم بر کیمسه برشی غیب ایتمه که و بکا کیم بولیورر ایسه  
 شو قدر غروش اجرتی یعنی مژده سی وار، دیو اعلان ایتد کدن  
 صکره بریسی بولیورر ایسه اجرت اله مز. زیرا اجیر بللی  
 اولم دیغندن اجاره سی صحیح دکلدر. لان المستأجر له لیس بمعلوم  
 والدلالة والاشارة لیس بعمل یتحق به الاجر فلا یجب حموی.  
 کذا بولقردی بی معین بر شیخه سویلیوبده او دخی یالکز  
 کلام وسوز ایله یعنی عملی اولقمزین کوستریورسه اجرت اله مز.  
 اما بر لیکده کیدوبده کوسترر ایسه اجر مثلنی الور. لان ذلك  
 عمل یتحق بمقدار الاجارة الا انه غیر مقدر بقدر فیجب اجر  
 المثل هندیه فی الباب السابع عشر وحموی.

﴿ ۴۵۰. ماده ﴾

[اجرت] تمامیلہ [معلوم اولمق] یعنی کلایا بعضاً مجهول اولمالمق  
 اجاره نك صحته یعنی عدم فسادنده [شرطدر] لان جهالتها  
 تفضی الى المنازعة بحر ولقوله علیه الصلاة والسلام من استاجر  
 اجیرا فلیعلمه اجره هندیه.

نته کیم ۳۳۸ ماده ده بیان اولندی بی اوزره ثمن میبعده دخی  
 یو شرط وار ایدی. اجرتك مقداری معلوم اولمق لازم اولدی بی  
 کی مثلاً متنوع آلتون تداول ایدن بلده ده شو قدر آلتون دیو  
 بزارق کافی اولیوب آلتونك نوعی دخی بیان اولمق لازمدر  
 هندیه ورد مختار

ایسته مجله شو ماده ده معلومی مطلق اوله رق ذکرندن  
مقدار و نوعجه دخی معلومیه شامل اولور و اجر نک کیفیت  
معلومی ۴۶۵ و ۴۶۲ ماده لرده بیان اولمش واوراده ایضاحات  
اعطاسی مقرر بولمشدور. شوقدر آتون یا مجیدیه دیو بازارلق  
اولدقدده اجرت معلوم اولور رد مختار

بناءعلیه اجرت کلا یا بمضا مجهول اولور ایسه اجاره فاسد  
اولور. اجرت کرک مثلیاتدن اولسون کرک قیمیاندن اولسون  
و کرک منفعت اخری اولسون رد مختار. ۵۶۳ و ۵۶۴ و ۵۶۵  
۵۶۶، ماده لر بوندن تفرع ایدرلر.

کلا مجهوله مثال، بر کیمسه غیر معین بر آت مقابلنده آتی  
ماه مدتله بر خانه اسـتیجار ایدرک درت ماه ساکن اولدقدن  
صکره دعوا وقوعبولسه ۴۶۲ ماده نک صورت اولیمی موجببنجه  
بالغا ما باغ اجر مثل لازم کلور. و باقی ایکی ماهلق اجاره فسخ  
اولنور.

کذا بر کیمسه کندوسنی حیوانه بیدیرمک و یا خانه سـنه  
اسکان ایتک اوزره دیگر کیمسـه شوقدر غروش اودنج ویرسه  
اول کیمسه مذکور حیرانه و اکب یا خانه ده ساکن اولدقدده  
اجر مثل لازم کلور. زیرا اودنج ویرمک کیفیتی بدل اجاره  
اولغه صلاحیتی اولماغـله بلا اجرت معلومه ایجار اولمش  
اولور خیریه.

کذا بر کیمسه دروننده تجارت ایدرک نه قازانور ایسه آجر

ایله نصفیت اوزره مشترک اولمق اوزره بردکان استیجار ایتسه  
فاسد و ربحك کلیسی اول کیمسه نك اولوب دکان صاحبی اجر  
مثل آلور هندیه .

کذلک کندوسنک ایستدیکی ویا فلانک دیدیکی قدر اجرت  
ویرمک اوزره استیجار ایدلسه فاسد اولور .

و کذلک آرقداشلی قاقه استیجار ایتشلر ایه اول قدر  
اجرت ویرمک اوزره استیجار ایدوبده آنلرک نقدره استیجار  
ایتدکلی معلوم و معین اولوب مختلف اولسه فاسد اولور .

اما معین اولوب مختلف اولسه جائز اولوب اول قدر  
اجرت اعطاسی لازم کلوز هندیه قبیل الفصل الثانی من الباب  
الخامس عشر . وان مختلفا بان کان اجر مثل هذه الدابة مختلفا  
باختلاف الاحوال قد یكون عشرة اواقل او اکثر یلزم الوسط  
نظرا للجانبین بزایه .

بعضا مجهوله مثاللر ، برکیمسه کوندولکی شو قدر غروشه  
و اولادینی دخی مشترک اولمق اوزره صید ایچون دیگر کیمسه  
استیجار ایتدکده اجاره فاسد اولور . و صید مستأجرک اولوب  
اجیر اجر مثلنی آلور هندیه .

کذا برکیمسه خانه سفی شهرسی بش آلتونه و مصارف  
تعمیری سی دخی مستأجره عائد اولمق اوزره برکیمسه ایجار  
ایتسه اجاره فاسد اولور . زیرا مرمت یعنی مرمتک نفقه سی  
اجرتدن جزء قانمش ایکن مقداری مجهولدر . یجب فی جهالتیه



کلا او بعضاً اجر المثل بالغاً ما بالغ رد محتمار.

فقط مستثناً اولمق اوزره ۵۶۶ ماده ده بیان اولندینی  
وجهله سوت آنانک مدت معینه ده البسه و طعام مقابله ده  
استیجاری صحیح اولور . ووجهله ان العادة لما جرت بالتوسعة  
على الظائر شفقة على الولد لم تكن الجهالة مفضية الى النزاع  
والجهالة ليست بمأزمة لذاتها بل لكونها مفضية الى النزاع رد محتمار  
و برده اجرت معقود علیه اولان منفعت جنسندن اولماق  
شرطدر . ۳۲۲ ماده شرحته باق . نته کیم ۴۶۳ ماده ده ایضاح  
اولنور .

### ✽ ۴۵۱ ماده ✽

[اجاره ده] یعنی اجاره نك صحتنده [منفعت مانع منازعه  
اوله حق وجهله] مدت یا مسافه ویا عملك بیانيله [معلوم اولمق  
شرطدر] . ۲۰۰ ماده ده باق . لان جهالتها تفضی الى المنازعة  
بحر ومنفعتك معلوم اولمسی شرط اولدینی تعریفندن یعنی ۴۰۵  
ماده دن دخی استفاد اولور .

ومنفعتك كيفية معلومی آی ۴۵۲ و ۴۵۳ و ۴۵۴ و ۴۵۵  
و ۴۵۶ ماده لرده بیان اولمشدر . ۵۲۴ ماده بوماده نك فرعیدر .  
حقى منفعت منازعه یه مؤدى اولور صورته مجهول اولور  
ایسه صحیح اولمز هندیه .

وبرده منفعت عقد اجاره ایله استیفاسی معناد و مقصود

اولمق اجاره‌نك سختنده شرطدر. بناءً عليه معتاد اولمدينى جهته  
جامه‌ي تجفيف اتمك اوزره يعنى اوزرينه ياش البسه سريلوبده  
قوريدلمق ايچون آغاج اجاره‌سى جائز اولماز اما سطحى يعنى  
مثلا تاراجه‌ي تجفيف ثياب ايچون استيجار ايتسه جائز اولور  
بزازيه.

۱۹۹ ماده شرحنده بيان اولندينى اوزره توقيت ايله بيع  
صحیح اولمدينى يعنى فاسد اولدينى حالحه اجاره صحیح و بائكه  
اجاره ده توقيت لازم اولمغله بو جهته بيع ايله اجاره افتراق  
ايدر لر.

### ✽ ۴۵۲ ماده ✽

[ خانه ودكاكين ] و خان او طه لری [ وسوت آنا امثالنده ]  
يعنى بونلرك استيجارنده [ مدت اجاره‌نك بيانيله ] يعنى مدت  
معلوميتيله [ منفعت ] دخى [ معلوم ] و اجاره صحیح [ اولور ].  
مدت مذكوره كرك طرفين عادة يشايه ميه جقلى مرتبه  
طويل اولسون لان العبرة فى هذا الباب بصيغة كلام العاقدین  
فانه تقتضى التوقيت ولا يعتبر بموت العاقدین او احدهما قبل انقضاء  
المدة لانه قد يتحقق فى مدة يعيش اليها الانسان غالبا ولم يعتبر  
عنى . و كرك قصير اولسون . زیرا مدت معلوم اولنجه قدر  
منفعت دخى معلوم اولور . فيجوز طالت المدة او قصرت تأخرت  
بان كانت مضافة او تقدمت بان كانت متصلة بوقت العقد ولا معنى

لقول الشافعي فيه فانه يقدره بسنة في رواية ولا يجوز اكثر منها لان جوازها كان للضرورة ولا ضرورة الى اكثر منها وفي رواية يقدره بثلاثين سنة ولا يجوز اكثر منها لانه قلما يستعمل بالاجرة اكثر من ذلك وفي رواية تجوز ابدا لان بيع المنافع كبيع الاعيان فجاز مؤبدا فلنا كل ذلك باطل لان المجوز لها كونها معلومة ولا معنى لمنعه بعد ان صارت معلومة الا ترى الى قوله تعالى حكاية عن شعيب عليه الصلاة والسلام اني اريد ان انكحك احدي ابنتي هاتين على ان تأجرني ثمانى حجج فاجاز اكثر من سنة ولان المنافع لا تكون معلومة الا بضرب المدة لها فلا تجوز الامؤجلة بخلاف بيع الاعيان فانها معلومة بدونها ومن شرطها التأييد ايضا حتى لو ضرب له اجلا فسد البيع زيلى ٤٨٤ ماديه باق . واقعا طرفيك عادة يشاميه جقلرى مرتبه مدت ابله اجاره توقيت اوله قدده بعض علما حق احكامه غلب متيقن كى اولغله اجاره مؤبده كى اوله رق اجارده تأييد ايسه اجارده ابطال ايدم جكنندن مذكور اجاره دخى جائز اوليه جفنه قائل اولمشردر . لكن خصاف مذكور اجاره نك جائز اوله جفنى اختيار ايلمش واطلاق متونك ظاهرى دخى بونك جوازينه دائر بولمش اولغله اولوجهله شرح ايدلمشدر جمع الانهر ورد مختار . لان الخيرة فى هذا الكلام للمتعاقدين وانه يقتضى التوقيت ولا يقتضى تعيين الوقت زيلى .

مثلا بر كيمسه شو خانه ويا دكاني دروننده بر آى ساكن

اولم ایچون شو قدر غروشه سندن استیجار ایتدم دیسه  
منفعت معلوم اولور .

وبناء علیه مدت بیان اولمز ایسه اجاره فاسد اوله جفندن  
حقیقه انتفاع اولندجه اجرت لازم اولماز. شو قدر وارکه  
سمسارلك و مناديلك و حمامده ییقامق منلو وقت و عمل تعیین  
و تقدیر اولنه میان شیر استیجارنده تعیین مدت لازم دکلدر .  
یعنی بونلرده تعیین مدت ایدلمسه بيله اجاره صحیحدر لسا کان  
للناس به حاجة رد مختار .

کذا شو قدر مدت چوبانلق ایتک اوزره آدم استیجاری  
صحیحدر .

وبوکي اجیر خاص اولان چوبان استیجارنده عدد حیوانک  
بیانی شرط اولدینی کبی مکان رعیک ذکر ی دخی لازم دکلدر  
بزازیه وهندیه .

### ✽ ۴۵۳ ماده ✽

چوبان استیجارنده مستأجر لھک و مدت و یا مسافه نك  
بیانی شرطدر . یعنی [ حیوان استیجار اولندقه ] منفعتك  
معلومیتنده اول حیوان استیجاری [ بوك يوكلتمك ایچونمیدر  
یوقسه ركوب ایچونمیدر ] و بوك يوكلتمك ایچون اولدینی تقدیرده  
نه یوكلدیله جکدر [ و ] ركوب ایچون اولدینی حالده [ کیم یننه جکدر  
بوراسنك ] یعنی بو جهتلرینك عقد اجاره ده ذکر و [ تعیین

یاخود دیلدیکنی [تحمیل ویا [ارکاب ایتک اوزره] دیو [تعمیمی  
ایله برابر اجاره نك مدت یاخود مسافه سی دخی] یتعلق بالحل  
والركوب جمیعاشلی [بیان اولمق لازمدر] درمختار . و بونلرك  
بیانیله منفعت معلوم اولور.

خلاصه حیوان استیجارنده ایکی شیئت یعنی مایستأجر لهك  
یعنی حیوان نه ایچون استیجار اولندیغلك برده مدت اجاره ویا  
مسافه نك بروجیه بالا بیانی لازمدر. مثلاً مستأجر بو حیوان  
شو اشیامی چكمجیه نقل و یاخود بو آئی فلان یره قدر ركوب  
ایچون شو قدر غروشه سندن استیجار ایتدم دیو عقد اجاره  
ایده بیلور. اما مثلاً یوك ایچون استكرا اولنان حیوانه نه یوكلادیله.  
جکی بیان اولمز ایسه اجاره فاسد اولور. (۴۵۶)، مادهیه باق .  
وحیوانه یوك یوكتله سندن طرفین حاكمه مراجعت ایتدكلرنده  
حاكم فسادینه بناءً اجاره نی فسخ ایدر. مستأجر حیوانه یوك  
یوكتوبده مدت اجاره مرور ایتسه استحساناً اجر مسمی لازم  
كلور.

وبو مثال ۵۵۵ مادهیه منافی دكلدر.

كذا ركوب ایچون استكرا اولنان حیوانه کیم ینه جکی تعیین  
یا تعمیم ایدمز ایسه اجاره فاسد اولور. (۵۵۳)، مادهیه باق .  
وقبل الركوب حاكمه مراجعت اولندقدده حاكم اجاره نی فسخ ایدر.  
وقبل الفسخ راكب تعیین اولنوب آجر دخی راضی اولسه  
اجاره جائز اولور.

كذلك مدت ویا مسافه بیان اولمز ایسه اجاره فاسد اولور  
 ۴۶۰۰، مادهیه باق.

بر مسافری تشییع ویا حاجی بی استقبال ایچون حیوان  
 استیجاری کبی رد مختار و هندیه و درر

﴿ ۴۵۴ ماده ﴾

[ اراضی استیجارنده ] منفعتك معلومیتندده [ تعیین مدتله  
 برابر ] ما یستأجر لهك یعنی [ نه ایش ایچون ] استیجار اولمش  
 [ اولدینی ] یعنی انده زراعت ویا غرس اشجار ویا انشاء بنسا  
 ویا آو آلامق اوزره وضع شبکه ایچونمیدر نه یامق ایچون  
 استیجار اولدینی حین عقد اجارهده [ بیان اولتمق ] ویاخود  
 مستأجر دیلدیکی وجهله انتفاع ایتك اوزره دیو تعمیم قلمق  
 [ و ] اراضی استیجاری [ زراعت ایچون ایسه ] آنده [ نه اکیله جکی  
 تعیین ویاخود مستأجر هر نه دیلرسه ] آنی [ اتمك اوزره دیو  
 تعمیم قلمق دخی لازمدر ] کیلا تقع المزارعة. تعمیم صورتندده  
 بیان نوع لازم کلز در مختار.

خلاصه اراضی استیجارنده منفعتك معلومیتی ایکی شی ایله  
 حاصل اولور.

- ۱ تعیین مدت اجاره
  - ۲ ما یستأجر لهك بیانی ویا تعمیمی
- ایله حاصل اولور.
- بیان ما یستأجرله صورتندده اجاره جائز اولدینی کبی تعمیم



صورتمده دخی جائز اولدی. لان عدم الجواز کان لدفع الضرر  
فاذا رضى صاحب الارض بذلك جاز لان المنفعة فى جميعه معلومة  
شبلی .

واراضی استیجارى زراعت ایچون ایسه منفعتک معلومیتنده  
اوچنجه برشی دها لازمدرکه اوده نه اکیله جکی تعیین ویاتعمیم  
اولمقدمه در. بو شرطلردن بریسی بولمسنه اجاره فاسد اولور.  
۵۲۴ مادهیه بق. زیرا ارض بعضاً زراعت و بعضاً بنا و غرس  
کبی دیکر شی ایچون استیجار اوله جفی مثللو اکیله جک شی دخی  
متفاوتدر بعضیسی ارضه دیکرندن زیاده مضردر.

بو جهتله بونلر بیان اولمדיنی صورتده معقود علیه معلوم  
اولماز رد مختار و هندیه و درر

اراضی استیجار اولاندقده عقد اجاره ده تصریح و دخولی  
شرطایدلمسه بیله مأجور اولان اراضینک طریق و شربی اجاره ده  
داخل اوله جفی کبی خانه استیجارنده دخی طریق من غیر ذکر  
داخل اولور. و ۲۳۵ ماده مثللو الفاظ عمومیهیه حاجت یوقدر.  
زیرا اجاره دن مقصود انتفاعدر حالبوکه بونلر اولمقمنزین انتفاع  
اولنه ماز. بو جهتله بیع کبی دکلدر. چونکه بیعدن مقصود  
ملك رقبه اولوب یوقسه فی الحال انتفاع دکلدر. حتی جاز بیع  
الحجش والارض السبخة دون اجارتهما منح رد مختار .

« لاحقہ »

(استیجار طریقہ دائرہ)

۹ — مرور ایچون طریق استیجارندہ مدت واجرتک  
تعیینیلہ برابر طریقک تحدیدی لازمدر. والا اجارہ فاسداولور  
اشباہ .

﴿ ۴۵۵ مادہ ﴾

[ اهل صنعتك ] یعنی درزی ودولكر و آشچی وبویاچی  
مثلوا اهلی صنعتدن برینك بر عمل ایچون صحت [استیجارندہ  
شرط اولان] منفعتك معلومیتی معمول فیهك و [عملك بیانیه  
یعنی] اجیرك نه جنس ونوع وصفته کی شیده [نه] ایش [پایه جغنی  
تعیین] و بیان [ایله] حاصل [اولور]. یعنی المنفعة تارة تعلم بیان  
المدة كما تقدم وتارة بمجرد التسمية بدون ذكر المدة شلی .

وعقد اجاره بوجهله عمل اوزرینه وارد اولدقده «اجیره  
مشترك اولور. نته کیم ۴۲۲ ماده شرحنده بیان اولمشیدی.

وبروجه مذکور معلوم اولان عمل اوزرینه اجاره صحیح  
اولوب بوراده مدت اجارمك بیانی لازم دکلدر. یعنی بیان عمل  
منفعتك معلومیته کافی اولوب بشقه جه بیان مدت اجاره لازم  
دکلدر هندیه فی الثامن والعشرون . ۴۲۱ ماده ده، بو اجاره یه  
عمل اوزرینه وارد اولان اجاره دینلدیکنه کوره بوراده منفعتك

معلومیقی برینه عملاک معلومیقی دینلک اقتضا ایدر دنیله من.  
مذکور ماده شرحنه باق.

[مثلا اثواب بویادیله جق اولدوقده اثوابک بویاجی به ارائه سی  
یاخود] اثوابک جنسی ونوع وقدری وصفقی یعنی [غلظت  
ورقتمک] اجیره [یلدیرلمسی و] بوبا [رنکنک] وبوبارقت وغلظتجه  
مختلف اولدیفی تقدیرده مقدارینک دخی [بیانی لازمدره]  
وفی المحيط لو استاجر لقصر عشرة اثواب ولم یرها فالاجارة  
فاسدة لاه یختلف بغلظه ورقته رد محتمار.

کذا اثواب دیکيله جک اولدوقده اثوابک درزی به ارائه سی  
ونه درلو دیکيله جکنک بیانی لازمدر جمع الانهر وعبدالخلیم.  
وکذا — اجیر مشترک اوله رق — چوبان استیجارنده  
رعی ایده جکی حیوانات آت ویا دوه ویا قیوندر دیو جنسی  
وشوقدردر دیو عددی بیان اولنق لازمدر. اشته اجیر مشترک  
استیجارنده رفع جهالت ایده جک صورتده بیان عمل لازمدر.  
بو وجهله کرج وکریچاه دیوار یا بق اوزره دیوار جی استیجار  
ایدرك دیوارک طول وعرضی بیان ایتسه جائز اولور هندیه.  
حفر بُر ایچون اجیر استیجار اولنوبده بُرک طول وعرضی  
وعمقی بیان اولنسه استیجاسانا اجاره جائز اولوب اجیره ناسک  
یابدقلرینک ونسطنی یاغنه مجبوردر هندیه.

خلاصه بوماده ده کی شروط اجیر مشترک حقنده یعنی آنک  
استیجارنده اولوب یوقسه اجیر خاص استیجارنده معمول فیهک

جنس ونوع وقدر وصفتی بیان شرط اولیوب بلکه بونده شرط  
اولان یالکز مدتک بیاندر هندیه فی البساب الاول وهـدایه.  
نته کیم ۵۶۲ ماده شرحنده دخی بیان اولور.

❖ ۴۵۶ ماده ❖

[اشیا نقلنده] منفعتک معلومیتی نقل اولنه جق اشیا شودر  
دیو [اشارتله و] فلان محله نقل ایده جکسک دیو [نقل اولنه جق  
محلهک تعیینله] حاصل اولور. وبوند نصکره مدت اجاره نک آراتق  
بیانی شرط دکلدر. یعنی اشارت بیان مدتدن مستغنی اولور.  
یعنی بونلرله [منفعت معلوم] واجاره صحیح [اولور.]  
واشارت بیان مدتدن معنی اولور دنیلدی. زیرا منقول ایله  
مکان منقول ایله معلوم اولدینی صورتده منفعت دخی معلوم  
اولور.

[مثلاً] اجیره [شوبوی فلان محله نقل ایده جکسک دینلده  
یوک مشاهد] یعنی کوز ایله کورلمکده [ومسافه معلوم اولدینی  
جهتله منفعت دخی معلوم] واجاره صحیح [اولور.] یعنی منفعت  
معدوم اولدیغه مبنی اصالة اشارت ممکن دکل ایسه ده نقل اولنه جق  
اشیا یعنی منقول ایله محل نقله یعنی منقول ایله اشارت صمننده  
منفعته دخی بالتبع اشارت حاصل اولور درر وهـدایه وجمع  
الانهر. بو نوع معلومیت نوع اولده کی یعنی ماده آفـده کی  
معلومیته قریبدر رد مختار

﴿ ٤٥٧ ماده ﴾

[ منفعت ] حقيقة وشرعا مدت اجاردهه [ مقدور الاستيفاء  
اولمق ] اجاردهك صحتده [ شرطدر . ] لان الاجارة تعقد للانتفاع  
بخلاف البيع لان المقصود منه ملك الرقبة لا الانتفاع في الحال  
حتى يجوز بيع الحبش والارض السبخة دون الاجارة هدايه .  
[ بناء عليه بر فرارى ] باخود مغضوب [ حيوانك ايجارى  
صحيح اولماز . ] زيرا ٤٢٠ مادهده سبق ايتديكي اوزره اجاردهه  
معقود عليه يعنى مبيع منفعت اولمقله ١٩٨ و ٢٠٩ مادهلرك  
احكامى اجاردهده دخى جارى اولور . ومغضوب حيوانك تسليمى  
ممكن اولمدينى جهتله مستأجر استيفاي منفعتده مقتدر اوله ماز .  
كذلك مدت عقدده زراعتى ممكن اولميان ارضى استيجار  
صحيح اوليوب فاسد اولور .

مثلا بر كيمسه اوت يتمز يري زراعت ايجون استيجار  
ايتسه جائز دكادر . ولو استأجرها فى الشتاء تسعة اشهر ولا يمكن  
زراعتها فى الشتاء جاز لما يمكن فى المدة ويكون الاجر مقابلا  
بكل المدة لا بما ينفع به فحسب وقبل بما ينفع به رد مختار ولو  
استأجرها ولا تمكنه الزراعة فى الحال لاحتياجها الى السقى  
او كرى الالهار او محبى الماء فان كان بحال تمكن الزراعة فى مدة  
المقد جاز والا فلا بحر .

كذا فى الحال قابل انتفاع اولميان همار ياوري سنى استيجار

صحیح دکلدر. زیرا اجاره دن مقصود مدت اجاره ده مأجور ایله  
انتفاع اولوب بو وجهله انتفاع ممکن اولمینیجه اجاره جائز اولمیوب  
اما بیعدن مقصود ملک رقبه اووب یوقسه فی الحال انتفاع  
دکلدر. بو جهتله فی الحال قابل انتفاع اولمیان حمار یاورینی  
المق ویاخود فی الحال زراعتی ممکن اولمیان ارضی بی اشترا ایتک  
صحیح ایکن بونلرک استیجاری جائز دکلدر.

خلاصه بر مال هر نه . قصد ایچون استیجار اولنه حق ایسه  
اومالدن اومقصدک حصولی ممکن اولمق تحت اجاره ده لازمدر.  
مثلاً زراعت ایچون اراضی استیجارنده اول اراضیده زراعتک  
امکانی شرطدر. وینا و غرس استیجار ایچون اراضی استیجار  
اولندقدده اول اراضیده بنا و غرس ممکن اولمیدر. یوقسه بو  
صورته اول اراضینک قابل زراعت اولسی شرط دکلدر.  
ومواشی بی اقامه ایچون دخی اراضی بی استیجار صحیح اولوب  
آرتق مذکور اراضینک قابل زراعت اولسی شرطی آرانمز  
در مختار ورد مختار.

مستأجرله اولان عمل قبل الاجاره اجیر اوزرینه فرض  
ویا واجب اولماق اجارمنک صحتنده شرطدر انقروی وهندیه.  
بناء علیه بر کیمسه بشقه زوجهمندن اولان چوجغنی  
ارضاع ایتک وصالتق اتمکی پشورمک وسوریلرینی کودمک  
مثلاً خانه خدمتی جنسندن اولمیان شیرلی یاغق اوزره کندی  
زوجهمنی استیجار ایتسه صحیح اولور ایسه ده اول عمل قبل



الاجاره اجیر اوزرینه فرض ویا واجب اولور ایسه اجاره صحیح اولماز .

مثلا برکیمسه زوجہ سی خانہ سنده اکل اولنه جق طعامی بشورمک ویا دیگر خدمتی کورمک اوزره استیجار ایسه صحیح اولماز . وزوجیه اجرت الہ من . لان هذا العمل واجب علیہا دیانة لان النبی صلی اللہ تعالیٰ علیہ وسلم قسم الاعمال بین فاطمة وعلی فجعل عمل الداخل علی فاطمة وعمل الخارج علی علی فلا تنقد هذه الاجارة ولو كانت المرأة شریفة رد مختار ملخصا .

## ❖ فصل رابع ❖

یعنی باب ثانیکنک دردنجی فصلی

[ اجارہنک بطلان وفسادی ] و اجارۃ باطلہ و فاسدہنک احکامی [ حقنہ ] اولوب بش مادہ بی حاوی [ در ] .  
اشبو فصلہ کی مواد آنفا کچن فصل ثانی و ثالثہ کی موادک فروغانیدر . نتہ کیم اتنای شرحده اشارت اولنور .  
اجارۃ باطلہ ، اصلا لا باصلہ ولا بو صفہ لانه حیث بطل الاصل تبعہ الوصف ، صحیح و مشروع اولمیان و کان استأجر بمقتہ اودم او استأجر طیباً لشمہ او شاة لتبعہا غفہ او خلا

لنیزو اور جلالینحت صنما، واجاره فاسده، اصلا صحیح اولوب  
وصفا صحیح اولیان «وهو ماعرض علیه من الجهالة او اشتراط  
شرط لا يقتضیه المقدر» اجاره در ۱۰۹ و ۱۱۰ ماده لره باق  
تنویر ورد مختار. اجاره باطله ایله فاسده یننده من حیث الاحکام  
دخی فرق اولوب ۴۵۹ و ۴۶۱ ماده لرده ذکر اولنیور .

### ✽ ماده ۴۵۸ ✽

[انعقاد اجارمنك] ۴۴۴ و ۴۴۵ ماده لرده مبین [شرائطدن  
بری] یعنی رکن عقد راجع بولسان شرائطدن ولو بری  
[بولمنسه] یعنی رکننده خلل بولنور ایسه [اجاره باطل  
اولور.]

[مثلا مجنونك وصبی غیر ممیزك ایجار و استیجاری  
باطلدر.] ولیلرینك اجازتیه حخته منقلب و نافذ اولماز . حتی  
جنون مطبق ایله مجنون اولان بر کیمسه متولیمی اولدیفی  
وقفك بعض مسقفاتی آخره ایجار ایتسه صحیح اولماز. ۳۶۲  
و ۹۵۷ و ۹۶۶ ماده لره باق بهجه و فتاوی جدیده .

[فقط بعدالانعقاد آجریا مسـأجرك] جنون مطبق ویا  
جنون غیر مطبق ایله [تجنن ایتسیله] سابقا یعنی طرفینك حال  
افاقت و عقللرنده وقوع بولان [اجاره منفسخ اولماز.] « ۵۵ »  
مادهیه باق در مختار.

بوراده تجنن تعبیری موتدن احتراز ایچون اولوب بناء علیه

۴۴۳ ماده شرحنده کی بشنچی مسئله ده ذکر اولندی فی اوزره  
آجریا مستأجرک و فاتیله اجاره منفسخ اولور هندیه فی الباب  
التاسع عشر.

﴿ ۴۵۹ ماده ﴾

[ اجاره باطله ده استعمال ایله ] یعنی مستأجر مأجوری  
استعمال و منفعتی استیفا ایتسیله [ اجرت لازم اولماز. ]  
ظاهر اولان ولوکه مأجور معدل الاستغلال اوله. مثلاً اجاره  
باطله ایله مستأجر مأجوری استعمال و آنک ایله انتفاع ایتدکده  
اجرت لازم اولماز. زیرا اجاره وقتاکه باطله اولدی اصلاً  
منعقد اولمادی جهمته مستأجرک مأجور ایله انتفاعی بدون  
عقد اولمش و بناء علیه ۴۷۲ ماده قیلمدن بولنمش اولور. و برده  
اجاره باطله ایله مأجور تأویل عقد ایله استعمال ایدلمش  
اوله جغندن ۵۹۸ ماده ده بیان اولندی فی اوزره بویولده استعمال  
اولنان معدل الاستغلالده اجرت لازم اولماز. « طحطاوی »

[ فقط ] اجاره باطله ایله ایجار اولنان مال، [ مال وقف  
ویا مال یتیم ایسه استعمال ایله ] بالغامابلغ [ اجر مثل لازم  
اولور. ] اجر مسمی لازم کلدی. زیرا اجاره، باطل اولنجه  
آلک ضمننده کی تسمیه بدل دخی باطل اوله رق هیچ تسمیه  
اولنماش حکمنده اولور. « ۵۲ » ماده، باق.

مال [ مجنون دخی ] مل [ یتیم حکمنده ] اولغله فقره آنفه

حکمی آنده دخی جاری [در.] نته کیم ۵۹۶ ماده ایله ۴۷۲ مادهده ذکر اولندینی اوزره مال یتیمی و مال وقفی بدون العقد استعمال ایدن اوزرینه اجر مثل لازم کلور. حتی برکیمسه بر خانینی صانون آلوده آنده بر مدت ساکن اولدقدنصکره اول خانه وقفک یا یتیمک اولدینی ظاهر اولسه ساکن اوزرینه اجر مثل لازم کلور. مال وقف ایله مال یتیمی صیانت ایچون متأخرین فقها بو وجهله افنا ایلمشدر درمختار. ظاهر اولان بالاده اشعار اولندینی اوزره معدلاستغلاک حکمی بو باده مال وقف و مال یتیمک حکمی کی دکلدر. چونکه معدلاستغلال اولان مال مستأجر طرفدن اجاره باطله حکمی ایله استعمال اولندقدن استعمال مذکور تأویل عقده ایله اولوب حالبوکه تأویل عقده ایله استعمال مال یتیم و مال وقفده اجرت لازم کلور ایسهده معدلاستغلالده لازم کلز. «۵۹۶» مادهیه باقی «طحطاوی».

يقول العبدالفقير وفيه ان عقدا لاجارة موجب للاجرة فكيف يكون تأويله سالباً للاجرة نعم الملك سالب الاجرة فيكون تأويله كذلك وفيه ايضا ان الباطل لا حكم له اصلاً فوجوده كعدمه كافي ردالمحتار.

﴿ ۴۶۰ ماده ﴾

[انهقاد اجاره نك] ۴۴۴ و ۴۴۵ ماده لرده سبق ایدن

[شرطلری بولنوبده] ۴۴۸ و ۴۴۹ و ۴۵۰ و ۴۵۱ و ۴۵۷  
 مادهلرده مرور ایللیان [شرائط سختدن بریسی بولنسنه اجاره  
 فاسد اولور .] یعنی اجاره جهالت مأجور و جهالت اجرت  
 و جهالت عمل و مدت یله فاسد اولور. کذا اجاره احد  
 عاقدینک رضایی اولمقسنزین وقوعبولور ایسه فاسد اولور  
 هنده فی الباب الاول.

بوجهتله برکیمسه «هر کس بو مثللو حیوانی قاچه طوتیور  
 ایسه او قدره» دیو بر حیوانی استیجار ایتدکده هر کسک او  
 مثللو حیوانی قاچه طوتدینی معلوم ایسه اجاره صحیح اولور  
 ایسه ده مختلف ایسه فاسد وشو حالده اجرت وسطدن لازم  
 اولور بزازیه .

ینه بوجهتله برکیمسه چوچنی یورویجهیه قدر ارضاع ایلمک  
 اوزره سوت انا استیجار ایتسه فاسد اولوب ارضاع ایلدیکی  
 مدتک اجر مثلی لازم کلور خیرییه .

ینه بوجهتله برکیمسه دائننه بنم بو خانه مده دینمی تأدیه  
 ایدنجهیه دك ساکن اول دیسه اجاره فاسد اولوب سکنا ایله  
 اجر مثل لازم کلور . مذکور کلامی کرک وقت اقراضده  
 سویلمش و کرک اول یا صکره سویلمش اولسون اعمدر خیرییه  
 و کفوی .

ماده آیه شرحنده ایضاح اولنه جنی وجهله اجاره فاسده  
 قابل فسخ اولدینی کبی اجاره فاسده ده قبض اولنان اجرت دخی

مضموندر. بیع فاسده قبض اولنان ثمن میبک کبی بزازیه.  
فساد اجاره‌بی موجب اولان دیگر بر طاقم اسباب بولمغله  
اسباب مذکوره ۴۶۲ ماده شرحنده ذکر اولنور.

❖ ۴۶۱ ماده ❖

[ اجاره فاسده نافذدر . ] یعنی منعقد اولوب حکمی افاده  
ایدر. ۵۸۸ ماده بونک فرعیدر درمختار .  
[ فقط اجاره فاسده آجر اولان کیمسه ] ۴۷۱ ماده  
حکمنجه مأجور ایله حقیقه انتفاع حاصل اولدوقده [ اجر مثله ]  
یعنی ماده آتیله تعیین قلانان اجره [ مالک اولوب ] یوقسه  
[ اجر مسمایه ملک اولماز . ] حتی بر کیمسه اجاره فاسده ایله  
استیجار ایلدیکی مالی بعدالقبض بشقه سنه اجاره صحیحیه ایله  
اجار ایتسه اول کیمسه اوزرینه اجر مثل لازم کلور. لانه  
یعدیه مستعملا ولا یكون بفعل ماليس له فعله غاصبا حتی لا یجب  
عليه الاجرة لا یقال لما كان تقوم المنافع بالعقد فاذا فسد العقد  
یذنی ان لا یجب شیء لان الاجارة الفاسدة ملحقه بالاجارة  
الصحيحة لكونها تبمالها كفايه فی الاجارة الفاسدة. امامستأجر  
ثانی اوزرینه اجر مسمی می لازم کلور که ظاهر اولان دخی  
بودر. نظراً للنسبة یوقسه بواجاره ثانیه، اجاره فاسده اوزرینه  
مترتب اولدیغندن اجر مثل می لازم کلور بحر رد مختار. ۵۸۸  
ماده یه باق .



اما قبل الانتقام طرفین نزاع ایدوبده ایش حاکمه دوشدکده حاکم فسادینه بناءً اجاره‌نی فسخ ایدر هندیه والاجاره والبیع اخوان لان الاجاره تملیک المنافع والبیع تملیک الاعیان وقد قال فی الدر المختار ویجب علی کل واحد من البایع والمشتري فسخه قبل القبض او بعده ما دم فی ید المشتري اعدا ما للفساد لانه معصية فیجب رفعها واذا اصر احد هما علی امساکه وعلم به القاضی فله فسخه جبرا علیهما حقا للشرع تنقیح.

مثلا بر کیمسه زراعت ایچون بر ترلا استیجار ایدوب فقط نه اکه جکفی تعیین یا-نود دیلدیکنی اکمک اوزره دیو تعمیم ایتسه ۴۵۴ مادهیه مبنی اجاره فاسد اوله جغندن مستأجر زراعت ایتزدن اول ایش محکمهیه دوشدکده حاکم اجاره‌نی فسخ ایدر. چونکه اجاره فاسده قابل فسخدر. یعنی اجاره فاسده عاقدیندن هر برینک اجاره‌نی فسخ ایتمه حتی واردر. بیع فاسد کبی نتیجه. ۳۷۶ مادهیه باقی.

مثلا بر کیمسه مشاعی استیجار واجرتی تأدیه ایتدکده اجاره‌نک فسخیه بروجه پشین ویردیکی اجرتی استردادی دعوی ایدمیلور. ۴۹۴ ماده دخی بوکا مبیدر.

مجاهده بو حق فسخ صراحة بیان ایدلماش ایتده ۵۲۴ مادهده قبل الفسخ تبیرندن حق فسخ اکلاشیله جنی کبی ۴۹۴ مادهده کی حق فسخ دخی فساد اجارهیه مبنی ایدوکنندن مذکور مادهدن دخی حق فسخ مذکور مستفاد اولور. وبرده اجاره

بیع منفعتدن عبارت اولوب بیع عینه قیاس اولندیغی جهتله بوراده قابل فسخ اولدیغی بیان اولنماسی ۳۷۲ ماده دن مستفاد اوله جفته مبنی بولمشدور.

شرح ماده صره سنده ذکر اولندیغی وجهله اجاره فاسدهده اجر مثلك لزومی حقیقه انتفاع ایله اولوب بوقسه انتفاعه تمکن واققدار ایله دکلدر . بناء علیه مستاجر اجاره فاسدهده عین مأجوری تسلیم ابتدیی حالدده حقیقه انتفاع ایلمسه اجر مثل لازم کلز . نته کیم ۴۷۱ ماده ده بیان اولنیور .

### ✽ ۴۶۲ ماده ✽

[اجاره نك فسادى بعضاً بذكر] یعنی بدل اجاره نك [مجهول اولمسنندن بعضاً] بذكر معلومیله برابر [دیگر شرائط صحتك بولنماسندن] ومثلاً شرط فاسد بولندیغندن [نشأت ایدر].

بذكر مجهولیتی دخی ایکی وجهله در . برنجیسی، اصلا تسمیه اولنماسیله در . تسمیه اولنان بدل اصلا مال اولمادیغی تقدیرده کی حکم دخی بویله در . شو خانه می سکا ایجار ایتدم ویا شو خانه می سکا شولاشه مقابلنده اجاره یه ویردم دیمك کی .

ایکنجیسی، تسمیه اولنان بدل اجاره کلا ویا بعضاً مجهول اولمقدرکه کلا مجهولیتی، شوقدر عدد روبا و شوقدر رأس حیوان ومختلف التون تداول ایدن یرده شوقدر آنون تسمیه سی کی اقروی . نته کیم برکیمسه یاورولری و یوک مثلاًو منافع حاصله سی

مناصفة مشترک اولمق اوزره رعى وبسملک ایچون قیونلرینی برکمنه ویرسه بواجاره دخی بدل، کلا مجهول اولمغه فاسد اولور تنقیح .

بعضاً مجهولاتی، یوزغروش اجرنله برابر مصارف تعمیریه سی مستأجره عائد اولمق اوزره خانه استیجاری ویا یوزغروش اجرنله برابر روباسی مستأجر طرفندن ویرلمک اوزره خدمتکار طوتمق کبی اولور انقروی زیرا تعمیر وروبا مصارفی دخی اجرت قلنمش دیمک اولوب بونک مقداری ایسه مجهولدر رد مختار . لان قدر العمارة والمرمة مجهولة والمجهول اذا ضم الى معلوم کان السکل مجهولاً هامش انقروی .

[اولکی صورتده] یعنی اجارمنک فسادى بذلك مار الذکر ایکی صورتدن بریله کلا ویا بعضاً مجهول اولسندن طولانی ایسه ۴۷۱ ماده وجهله مأجور ایله انتفاع حاصل اولدقده [بالغا مابلغ] یعنی هر نمقداره بالغ ورسیده اولور ایسه اولقدر [اجر مثل لازم کلور]. مأجور کرک ملک اولسون وکرک مال وقف اولسون خیریه .

مثلاً اصلاً اجرت تسمیه اولنماق ویا تسمیه اولنان اجرت لاشه اولمق مثللو اصلاً مال اولنماق و مصارف تعمیریه مستأجره عائد اولمق اوزره تسمیه اولنان بر بدل مقابله ایجار قلنمش کبی بر وجهله بدل ایجاردن طولانی اجاره فاسد اولدقده بالغا مابلغ اجر مثل لازم کلور بزایه یوقسه اجر مسمانی

تجاوز ایتماک اوزره اجر مثل دکل. زیرا بو صورتده مسمانک  
فقدانی مایه سیله مسمانی مجاوزت تصور ایدیه من نتایج  
الافکار.

شو قدر وارکه مستأجر استیفای منفعت ایتدکدن صکره  
موجر بدل ایجاری بیان ویا بر مقدارینی قبول ایدرایسه آندن  
فضله اله من.

مثلا بر کیمسه «محل مقصوده وارلدقده اجر بمقدار  
اجرته راضی اولور ایسه اولمقدار ویرلمک اوزره» بر حیوان  
استکرا ایدرک محله وارلدقده اجر «یکرمی غروش راضیم»  
دیجه فساد اجاره دن طولانی اجر مثل لازم کلور ایسه ده اجر  
مثل یکرمی غروشدن زیاده اولسه بیله ینه یکرمی غروش لازم  
کلور. زیرا اجر مستأجرک ذمنی زیاده دن ابرا ایتش اولور  
رد مختار

نته کیم بر کیمسه شهریه سی شوقدر غروشده بر باغچوان  
استیجار واستخدام ایتدکدن صکره وفات ایتمکه وصیه سی اول  
باغچوانه کافی السابق ایسه اجرته کی کسمم دیسه یله باغچوان  
برمدت ده عمل ایتدکدن صکره وصی باغچوانی صانوبده مشتری  
اول باغچوانه ایشکه دوام ایت اجرته کی کسمم دیدیکی صورتده  
اجر مستأجر اولک حیاتنده کی عملنک اجرته یعنی اجر مسمانی  
ترکدن آلور. لوجود التسمیه منه. ووصینک قول مذکورندن  
صکره کی اجرته یعنی اجر مثانی وصیدن و مشترینک کلام

مرقومندن صکره کی اجر مثانی دخی مشتریدن آلود. شو قدر وارکه وصی و مشتری باغچوانک اجرتی نمقدار اولدیغنی یعنی متوفی نه مقدار شرط ابتدیکنی بیله رک بروجہ مذکور امرایتمش ایسه لر اجر مسمی لازم کلور هندیه.

بو صورتده بالغاً مابلع اجر مثل لازم کله جکی مسئله سی بروجہ بالا ایضاح اولندقدن صکره معلوم اوله که مسلمانک بعضیسی معلوم و بعضیسی مجهول اولمق جهتیه اجاره فاسد اولور ایسه «مصارف تعمیریه مستأجره عائد اولمق اوزره یوز غروش بدل ایجار تسمیه قلمق کبی» اجر مثل، اجر مسلمان تنقیص ایدیه من. حتی مسئلای مذکورده اجر مثل الی غروش اولسه بیله ینسه مقدار معلوم یعنی یوز غروش لازم کلور هندیه فی الباب الخامس عشر.

اوج صورتده بالغاً ما بلغ اجر مثل لازم کلور. صورت اولی، مجله ده بروجہ بالا بیان اولنوب شرحاً ایضاح اولنمشدر. صورت ثانیه، مستأجر خانه مأجورده ساکن اولماق شرطیه عقد اولنان اجاره فاسد اولوب بو صورتده دخی بالغاً ماباغ اجر مثل لازم کلور شرنبالی. و بو صورتده مسلمان تنقیص ایدیه من. نته کیم آنفا ایضاح اولندی. و وجهه ان شرط عدم السکنی فیه نفع للموخر وهو مجهول وقد جعله مع الاجر المسمی بدل الاجارة فصار نظیر ما تقدم فیما لو آجر داره بمائة علی ان یرمها المستأجر فاضحی بعض الاجر مجهولا

لصيرورة الاجر المذكور من الاجرة فوجب اجر المثل بالغاً ما بلغ لما علمت من ان جهالة البعض كجهالة الكل رد مختار ملخصاً. انما فسد هذا العقد لان فيه نفعاً للرب الدار لا يقتضيه العقد لانه اذا لم يسكن فيها لانغلي البالوعة والمنوضاً وان لم يكن في الدار بالوعة او ثبر وضوء لا تفسد بالشرط لعدم ما قلنا رد مختار .

صورت ثالثة، بر كيمسه معين بر عين يعنى بدل تسميه سيله بر خانه استيجار ايدرك دروننده ساكن اولدقدنصكره قبل التسليم اول عين هلاك اولسه يا مستأجر آى استهلاك ايتسه بالغاً ما بالغ اجر مثل لازم كلور هنديه وانقروى وبرزازيه.

ايكنجى صورته [يعنى اجاره نك فسادى بدلك مجهوليتندن طولاي اوليوب بلكه بدل معلوم اولدينى حاله ديكر شرائط صحتك بولنما مسندن يعنى مثلاً شرط فاسد ويا شيوع اصلى ويا مدت اجاره نك جهالندن طولاي ايسه كذلك ٤٧١ ماده وجهله انتفاع حاصل اولدقده [اجر مسماي تجاوز ايتما مك شرطيله اجر مثل لازم كلور.] اشباه اجر مسماي تجاوز ايتمدى . زيرا عافدين اجر مسمايه راضى اولمشاردرد. بيان انه لا يزداد على المسمى لانهما اذا اتفقا على شئ فقد اسقط الزيادة فالاسقاط وان كان فى ضمن التسمية لكن لا يفسد بفسادها لرضائه بسقوط الزيادة وعدم تقوم المنافع فى نفسها كفايه فى الاجارة الفاسدة. اجر مسماي تنقيص جائز اولدى. زيرا ماده ٥٢٠ حكمنجه برشى



باطل اولدقده آنك ضمنندهكى شى دخى باطل اولوب عقد  
اجاره نك فسادى جهتيه آنك ضمنندهكى تسميه يعنى بدل ايجارى  
تعين دخى فاسد اولدى تنوير ودر مختار ورد مختار وقال زفر  
والشافعى يجب اجر المثل بالغاً ما بالغ فى الكل لان المنافع متقومة  
عند هـا فتجب القيمة بالغة ما بلغت عند تعذر ايجاب المسمى كافى  
بيع الاعيان كما اذا كان الفساد لجهالة الاجرة اولعدم التسمية  
ولنا ان المنافع غير متقومة بنفسها لان التقوم يستدعى سابقة  
الاحراز وما لا بقاء له لا يمكن احرازه فلا تيقوم وانما تقومت  
بالعقد شرعاً للضرورة لشدة الحاجة اليها واذا لم تقوم فى انفسها  
وجب الرجوع الى ما قوم العقد به وسقط ما زاد عليه لانهما  
رضيا باسقاط ذلك شلى واذا فسدت الاجارة وجبت ان لا يجب  
الاجرة لعدم الضرورة لان الصحيح منها كاف فلا حاجة الى  
الفساد منها الا ان الفاسد من كل عقد ملحق بصحيحه لكونه  
تبعاله والتبع يثبت بثبوت الاصل وهذا لان الفاسد مشروع  
باصله دون وصفه شلى وكانت باقية من وجه لان كل احد لا  
يهتدى الى الصحيح فست الحاجة الى إلحاقها به فيكون لها قيمة  
فى قدر ما وجد فيه شبهة العقد وهو قدر المسمى فيجب فى  
المسمى بالغاً ما بالغ وفيما زاد على المسمى لم يوجد فيه عقد ولا شبهة  
فلا تيقوم ويبقى على الاصل بخلاف المبيع لانه متقوم بنفسه  
فيجب قيمته بالغة ما بلغت ولا نهاية للمجهول ولا لغير المسمى  
فيجب بالغاً ما بالغ زيلعى.

خلاصه، اجر مسمی اجر مثله مساوی و یا آدن زیاده ایسه  
اجر مثل لازم کلور. و اجر مسمی اجر مثلدن اقل ایسه اجر  
مسمی لازم کلور.

بو تقدیرجه مستأجر اجر مسمی لازم کله جکی زعمیه اجر  
مثلدن زیاده اوله رق اجر مسمانی آجره ویرسه اجر مثلدن  
زیاده سنی استرداد ایدر. «۷۲» ماده یه باق علی افندی.

مثلا اجر مسمی اون ایکی و اجر مثل دخی اون ایکی و یا  
اجر مسمی اون بش و اجر مثل اون ایکی غروش اولنججه اون  
ایکی غروش لازم کله جکی کی اجر مثل اون ایکی و اجر مسمی  
بش غروش ایسه بش غروش لازم کلور رد مختار و مجمع  
الانهر.

شو قدر وارکه شو ایکنجی صورته اوله رق فاسدا ایجار  
اولنان مال، مال وقف و یا مال یتیم ایسه صورت اولی کی بالغ  
مابلغ اجر مثل لازم کلور رد مختار و عبدالحلیم.

یعنی وصی یا اب مال یتیمی یا متولی مال وقفی ایجارایدوبده  
شروط صحمدن برینک فقدانی جهتیه فاسد اولسه بالغ مابلغ  
اجر مثل لازم کلور.

تفصیلات آنفهدن مستبان اولورکه اجاره فاسدهده اجرت  
اوج وجهله اختلاف ایدر.

برنجیسی، اجر مسمی لازم کلور.

ایکنجیسی، بالغ مابلغ اجر مثل لازم لازم کلور.

او چنجیسی، اجر مسمانی تجاوز ایتماک اوزره اجر مثل لازم کلور رد مختار.

معلوم اولماید که اجاره نك فسادى ایکی صورتله دخی اولور ایسه یعنی مثلاً بر اجاره هم بدل مجهول و همده شرط فاسد موجود اولدیغندن طولانی فاسد اولور ایسه اجرت جهتنجه یعنی اولکی صورتله فساد نظر اعتباره آلهرق ینسه بالغاً مابلغ اجر مثل لازم کلور. زیرا مسمی اولمادیغندن مسمانی تجاوز ایتماک اوزره اجر مثل لازم کلور دینلک ممکن اولماز بحر. نته کیم بر کیمسه مشاعی بدل اجاره تسمیه ایتیه رک ایجار ایدوبده بو وجهله هم مأجورک مشاع اولمسنندن و همده بدل اجاره نك جهالندن طولانی اجاره فاسد اولدقده بالغاً مابلغ اجر مثل لازم کلور. قال الحموی وان لم تفسد بجهالة المسمى او بعدم التسمية بل بالشرط او بالشیوع الاصلی او بجهالة الوقت والمسمى معلوم لم یزد اجر المثل على المسمى انتهى .

خفی اولیه که اجاره فاسده ده اجر مثلدن زیاده اجرت بالعلم والرضا و برلده آرطق زیاده سی استرداد اولنه من.

مثلاً بر کیمسه دیگر کمنه یه فلان خدمتی کور سکارعایت ایدرم دیمسیله او کمنه دخی او خدمتی کوردکده اول کیمسه رضاسیله اجر مثلندن زیاده شو قدر پاره ویرسه بونی استرداد ایده من فیضیه.

{ لاحقہ }

(ایک مبحثی حاویدر)

{ مبحث اول }

(شرطہ اجارہ حقنہ در .)

۱ — عقد اجارہ مقتضاسندن اولان شرطہ اجارہ صحیح و شرط معتبردر. ببعده اولدینی کی. ۱۸۶۰، مادهیه باق کفوی. مثلا مستأجر ارضی نطاس و زراعت ایتک و یا صوارمق شرطیلہ استیجار ایتسه اجارہ صحیحدر. لان نفعه للمستأجر فقط رد مختار لانه شرط یقتضیه العقد لان الزراعة مستحقته بالعقد ولا تتأنی الزراعة الا بالسقی والکراب فکان السقی مقتضیالہ فلا یفسد زیلعی.

کذا کندی فعل و صنعندن تولد ایدن خساری ضامن اولسی شرطیلہ اجیر مشترک استیجار اولندقدہ صحیح و شرط معتبردر هندیہ فی الباب الخامس عشر فی الفصل الثانی ۶۱۱ مادهیه باق.

کذلک حمام مأجورده تراکم ایدن کول و سپورندی قالدرمغی مستأجر اوزرینه شرط ایتک صحیح و شرط معتبردر. ۵۳۲ مادهیه باق هندیہ و کاشتراط ان یدفع له الاجر اذا رجع

من السفر واشترط ان يفرغ له اليوم بحر قال الشلبي ولهذا اذا استأجر دابته الى بغداد بشرط ان يعطيه الاجر اذا رجع من بغداد صح وليس له المطالبة بالاجر الى ان يرجع الا اذامات ببغداد فحينئذله ان يأخذ اجر الذهاب انتهى.

ومتعارف يعنى عرف وعادت بلده جارى اولان شرطله اجاره صحيح وشرط معتبر در . بيعه اولدينى كى . ۱۸۸ ماده به باق .

مثلا استار درزیدن اولمق شرطيله بو قماشیدن شو قدر غروشه بر عنتری دیکمک اوزره درزی ايله بازارلق امام محمد رحمه الله تعالیدن اولنان روايته كوره متعامل اولانجه صحيحدر . اما يوزى درزیدن اولمق شرطيله بازارلق متعارف اولمديغندن صحيح دكلدر . ذکر فى الاصل رجل دفع الى السكاف جلدا ليخرزله خفين على ان ينعلهما بنعل من عنده ويبطنه ووصف له ذلك جاز وان كان هذا بيما فى اجارة للتعامل تنقيح .

کذا احد عاقدينه نفى اولميان شرطله اجاره صحيح وشرط لغو اولور . برکيمسه بر خانه يى يالکز کندوسى ساکن اولمق اوزره استيجار ايتسه صحيح وشرط لغودر لان السکنى لايتفاوت فسکنى غيره لا يضر بالدار شلبي .

ليکن اجاره، بيع منافع اولدينى جهته بيعدن برنوع اولمغه ۱۸۹ ماده شرحنده عقد بيعى افساد ايتديكى بيان اولنان شروط عقد اجاره يى دخى افساد ايدر بحر وهذا لان المنافع بالعقد

تكون لها قيمة وتفسيره مالا فيعتبر الاجارة بالمعاوضه المائيه دون مساواها من النكاح والصلح عن دم العمدة او اشباهها زيلهي .  
مثلا اجير خاص اوزرينه ۶۱۰ ماده وجهله واجير مشترك اوزرينه يدنده بالاتعد ولا نقصير تلف اولان ملاك ضمانتي شرط ايتمك اجاره بي افساد ايدر .

كذا مأجور بالاتعد ولا نقصير عييلند كده ويا هلاك اولدقده مستاجره ضمان ويا مأجورك بالا عيب آجره ردی شرط ايدلسه اجاره فاسد اولور هنديه وانقردی .

وكذا تعمير ايتمك ويا ويركوسنى ويرمك اوزره ويا ويركوسنى ويروب اجرتسز اوتور مق شرطيله خانه استيجار ايدلك فاسددور هنديه .

مثلا بر كيمسه خانه سنى آخر كمسنه « تعمير ايتمك شرطيله ساكن اولق اوزره » يعنى مذکور خانه ده سکنایه تعمير شرطيله اذن ويرسده او كمسنه ساكن اولسه اجاره فاسد اولوب بالغا مابلغ اجر مثل لازم كلور تنقيح وبحر .

واول كمسنه نك خانه ايتديكي تعميرات مصارفى خانه نك اجر مثله محسوب ايديلور . استأجر حانونا كل شهر بكذا على ان يعمره ويحسب بنفقتة فعمره فهذه الاجارة فاسدة وان سكن المستأجر الحانوت فعليه اجر المثل بالغا مابلغ وللمستأجر النفقة التى انفقها على العمارة هنديه . والشروط التى تفسدها كاشتراط تطيين الدار ومرمتها او تعليق باب عليها او ادخال جنود فى



سقفها علی المستأجر لانه جعل هذه الاعمال من جملة الاجر و  
انها مجهولة غير معلومة و جهالة بمض الاجر توجب جهالة  
الباقی ففسد به الاجارة شلبي .

كذلك بر سنه مدته استيجار اولنان اجير آره ده خسته  
اولورسه خسته اكله كچوره چكي كوناړی ختام مدتن صكره  
اوده مك شرطيله استيجار ايدلسه فاسد اولور هندیه .

وكذا استيجار اولنان دكرمالك صوبي مدت اجاره ده بر  
مدت منقطع اولور ايسه مدت مذكوره مك اجرتی دخي  
مستأجر وبرمك ويا برای زراعت استيجار اولنان اراضی نطاس  
اولمش يا كوره لشمش اوله رق موجره اعاده اولمش شرط اولسه  
اجاره فاسد اولور هندیه نته كيم موجب عقدي منع ايدن شرطه اجاره  
فاسد اولور . مثلا برخانه ي آنده ساكن اولماق شرطيله استيجار  
ايتسه فاسد اولور . زیرا بو ، بر شرطدر كه موجب عقدي  
منع ايدو شلبي .

وكذلك مكاري فلان كونه قندز فلان محله اولاشديره من  
ايسه اجرت آلفه حق اولماق اوزره ويا مستأجر يولدن دونر  
ايسه حيوانك اجرتی تمام ويا خود خانه دن ختام مدتن اول  
بر عذر ايله چيقار ايسه اجرتی تمام وبرمك اوزره عقد اجاره  
ايدلسه فاسد واجر مثل لازم اولور هندیه .

وكذلك مأجورك نفقه سی ويا حمل ومؤتی اولان عينك

آجره رد مؤتی مستأجر اوزرینه شرط ایداسه اجاره فاسد  
اولور. هندیه.

### { مبحث ثانی }

( طرفینک صحت و فساد اجارهده اختلافلرینه دائردو. )

۲ — طرفین اجاره‌نک صحت و فسادنده اختلاف ایتسه لر  
سوز صحتی ادعا ایدهنکدر. شو قدر وارکه موجر اجاره‌یه  
ویریلان اراضی حین اجاره‌ده زرع ایله مشغول ایدوکی جهته  
فاسددر دیو و مستأجر مشغول اولیوب فارغ ایدی دیو ادعا  
ایتدکلرنده سوز موجر کدر. لان فی هذا الوجه صاحب الارض  
منکرالاجاره اصلا انقروی.

### ﴿ باب ثالث ﴾

( یعنی کتاب ثانینک اوچنجهی بابی )

[ اجرتہ متعلق مسائل بیاننده اولوب اوچ فصلی ] و من  
حیث المجموع یکرمی ایکی ماده‌یی [ حاویدر. ]

### ﴿ فصل اول ﴾

( یعنی باب ثالثک برنجی فصلی )

[ بدل اجاره ] نك اوصاف واحوالی [ حقنده ] اولوب اوچ

باده‌یی حاوی [ در. ]

﴿ ۴۶۳ ماده ﴾

[بیعده ثمن اولمغه صالح اولان شی، بدل اولمغه صالح اولدینی  
 کبی] [بیعده [ثمن] مبیع [اولمغه صالح اولیان شیر دخی بدل  
 اجاره اوله بیلور .] زیرا اجاره ده بدل منفعت، ثمن اولمغه عینه  
 تابع اوله رق اصلدن بدل اولمغه صالح، تبعدن دخی بدل  
 اوله بیلور .

بوماده تحایل اولندوقده ایکی فقره یه آریلور . فقره اولی،  
 بیعده ثمن اولمغه صالح اولان شی اجاره ده بدل اولمغه صالح  
 اولور . لان الاجرة ثمن المنفعة فتعتبر بثن المبیع طوری .  
 بونده کی ثمن ایکی معناده استعمال اولنه بیلور . برنجیسی ۱۵۲  
 ماده ده ذکر اولندینی اوزره صاتیلان شیئک بهاسی و ذمته تعلق  
 ایدن و ذمته واجب اولان شی . بومعناده ثمن مکیلات و موزونات  
 و عددیات متقاربه و نقود اوله بیلور . اما اعیانک ذمته ثبوتی  
 ممکن اولماغله بو معناجه ثمن اوله ماز . ایکنجیسی مذکور ماده  
 شرحنده ذکر اولندینی وجهله مطلقا بدل یعنی مبیعه عوض  
 قلنان شی . ثمنک بومعناسی دخی مغربده بیان اولنمشدر . بومعناجه  
 ثمن نقود و مکیلات و موزونات و عددیات متقاربه اوله بیله جکی  
 کبی ذوات امثالدن اولیان اعیان یعنی مثلا حیوانات و ثیاب دخی  
 اوله بیلور .

ایمدی مجله نك بوماده سنده کی ثمندن معنای اول مراد اولنه .

بیلور . نته کیم هدایه ده دخی بو وجه اوزره شرح وایضاح  
ایلمشدر . قال فی الهدایة وما لا یصلح ثمننا یصلح اجرة ایضا  
کلاعیان انتهى لان الاجرة عوض مالی فتمدد وجود المال  
والاعیان مال فصیح ان تكون اجرة نتائج الافکار ومثله فی الهندیه  
والطوری ومعنای ثانی دخی مراد اولنه بیلور . نته کیم زیاهی  
وجمع الانهر وبحر رائف صاحبی بو وجه اوزره شرح ایلمشدر .  
خلاصه ، هر ثمن اولمغه صالح اولان اجرت اولمغه صالح اولوب  
بو قضیه بو وجهله کلیه اوله رق صادق اولور . اما بونک عکسی  
کلیه اوله رق صادق اولماز . یعنی هر بدل اجاره اولمغه صالح  
اولان ثمن اولمغه صالح اولور دینیه من . زیرا منافع ثمن اولمغه  
صالح دکل ایکن بدل اجاره اولمغه صالحدر اگر مختلف الجنس  
اولور ایسه جمع الانهر .

فقرة ثانیة ، بیعده ثمن اولمغه صالح اولمیان شی اجاره ده بدل  
اولمغه صالح اولور . ثمن معنای اولده استعمال اولندیفی صورته  
ثمن اولمغه صالح اولمیان شی اعیان ایله منافع اولور . و ثمن معنای  
ناییده استعمال اولندقدده ثمن اولمغه صالح اولمیان شی یالکیز  
منافع اولور .

[مثلا] معین [ بر حیوان مقابلنده ] یعنی اول حیوانی بدل  
اجاره قیله رق [ یا خود بر خانه نک سکناسی مقابلنده ] یعنی اول  
خانه نک سکناسی بدل اجاره یاپیله رق [ بر بستان استیجار  
اولنه بیلور . ]

کذا برخانه نك سکناسی مقابلنده بردکان استیجار اولنه بیلور.  
 کذا برکیمسه ملک دکاتی دیگر کسنه کندویه آتی آی خدمت  
 ایتک مقابلنده برسنه تمامنه دک او کسنه یه ایجار ایلسه صحیح  
 اولور نتیجه .

اشبو مثال دخی تحلیل اولندقدده ایکی فقره یه انقسام ایدوب  
 برنجیسی بر حیوان مقابلنده بر بستان استیجار اولنه بیلور.  
 ایکنجیسی، برخانه نك سکناسی مقابلنده بر بستان استیجار  
 اولنه بیلور رد مختار و مجمع الانهر .

بالاده ثمن ایچون بیان قلنان ایکی معنادن معنای اوله کوره  
 بومثالك ایکنجی فقره سی دخی بوماده نك ایکنجی فقره سنه مثال اولوب  
 ماده نك برنجی فقره سی ظهورینه مبنی مثالسز یراغلمش اولور.  
 مجله دن ظاهر اولانده بودر. وبالاده ثمن ایچون بیان قلنان ایکی  
 معنادن معنای نانی به کوره بو مثالك برنجی فقره سی شوماده نك  
 برنجی فقره سنه وایکنجی فقره سی ایکنجی فقره سنه مثال ولف  
 ونشیری مرتبدر .

بالاده بیان اولنان ایکی معنادن معنای نانی به کوره بو ماده-  
 ده کی «ثمن» برشیئه بدل قلنان مال معناسنه اولدیغنه وعین دخی  
 بیع مقایضه ده بدل اوله جغنه بناء بوراده کی «ثمن» عینه دخی  
 شامل اولمغه عین دخی بدل اجاره اوله بیلور مجمع الانهر .  
 متن مجله مثالنده اشارت اولندیغی اوزره منفعتی منفعت  
 مقابلنده ایچارک جوازی منفعتک مختلف الجنس اولمسیله

مشروطدر . اما متفق الجنس اولور ايسه جائز اولماز . لان  
الاجارة اجيزت على خلاف القياس للحاجة ولا حاجة الى استيجار  
المنفعة بخدمتها لانه يستغنى بما عنده منها فبقى على الاصل فلا يجوز  
ولا كذلك عند اختلاف الجنس لان حاجة كل واحد منهما الى  
المنفعة التي ليست عنده باقية زيلى ۳۲ و ۴۵۰ مادهلر  
شرحلرينه باقى . بناء عليه برخانهك سكتامسى مقابلنده ديكر خانه  
ويا بر باركيه ركوب مقابلنده ديكر باركيه ويا بر ترلا زراعتى  
مقابلنده ديكر ترلا ويا بر روبا كيملك مقابلنده ديكر روبا استيجار  
اولنه مز . اولنور ايسه فاسد اولوب استيفاي منفعت ايله اجر  
مثل لازم كلور مجمع الانهر . لانه استوفى المنفعة بحكم عقد فاسد  
فصار كما اذا لم يسم الاجر زيلى .

دين ، ثمن مبيع اوله بيله چكى كې بدل اجاره دخى اولور .  
شويله كه بر كيمنه ديكر كمسنده اولان الاجفنه . مقابل او كمسنهك  
بر مالى صاتون آله جائز اولديني كې خانه سنى استيجار ايتسه  
ينه جائز اولور . نته كيم بر كيمنهك ديكر كمسنه ذمتنده كې الاجفنه  
مقابل او كمسنه سنى استيجار ايتسه جائز اولور هنديه قبيل الباب  
الثالث .

كذا متولى مال وقفى دايننه ايجار ايله ذاته عائد بورچنك  
محسوبى اجرا ايتسه صحيح اولوب متولى اجرتى وقفه ضامن  
اولور . كما ان الوصى لو باع مال الصغير ممن له عليه دين يصير  
قصاصا تنقيح .

﴿ ۴۶۴ ماده ﴾

[ بدل اجاره نقد ایسه ] ۲۳۹ ماده ده بیان اولندی بی اوزره  
 [ ثمن میبع کبی مقداری تعیین ] و وصفی بیان [ ایله معلوم  
 اولور. ] و بدل اجاره میدانده ایسه مشاهده و اشارت ایله معلوم  
 اولوب بشقه درلو توصیفه یعنی قدر و صفت مثللو شیرک  
 بیاننه حاجت یوقدر تنقیح فی الاجاره و بزایه فی اول الاجاره.  
 و بدل اجاره نقد ایسه بلده ده یا لکزر بر درلو نقد بولنجه  
 اکا مصروف اولوب اما بلده ده نقود مختلفه بولنور ایسه ۲۴۰  
 ماده ده و شرحنده بیان اولسان احکام جاریدر بزایه فی اول  
 الاجاره و مجمع الانهر و هندیه ورد مختار.

بناء علیه مالیته مختلف التون تداول ایدن بلده ده نوعی  
 تعیین اولمیه رق شوقدر آتونه دیو بر مال ایجار اولنسه فاسد  
 اولور. اما اول التونلرک بر نوعی غالب ورواجده زیاده ایسه  
 بحکم العرف اکا مصروف اوله رق اجاره صحیح اولور بزایه  
 فی اول الاجاره و هندیه .

معلوم اولمیدر که بلده عقدده کی نقد معتبردر . یعنی  
 بر محلدن دیگر محله نقل ایچون حیوان استیجار اولند قدده  
 اجرتک اعطاسنده عقد اجاره وقوع بولدی بی بلده ده رایج اولان  
 نقد معتبردر .

مثلا استانبولدن ادرنه قدر شوقدر غروش مقابلنده



حيوان استکرا اولند قده اجرت استانبولده راج اولان نقددن ويرملک لازم کلور هندیه في الباب السادس والعشرون لانه مكان العقد فينصرف مطلق الدارهم الى المتعارف في مكان العقد طوری. ونقوددن عبارت اولان بدل اجاره عقدده کی تعیین ایله تعیین ایتمز. بیعده اولدینی کی، ۲۴۳، مادهیه متنا وشرح باق. لان العقد خلق نمنا فالاصل فيه وجوبه في الذمة لتوسله الى العین المقصودة واعتبار التعین فيه یخالف ذلك.

مثلا مستأجر النده کی یوزلك آلتونی کوسـترهـرك شو آلتون ایله بو خانه یی استیجار ایتدم دیوب آجر دخی ايجار ایتدم دیدکده مستأجر عیناً او آلتونی ویرمه مجبور اولماز. بلکه آتی آلیقیوبده یرینه مثل اوله رق بشقه یوزلك آلتون ویره ییلور. و بونلر قبل التسليم تلف اولسه اجاره منفسخ اولماز. اما بدل اجاره نقد اولیوبده آلتون ویا کوشدن مصوغ دیوبت وطاس وصو قوبه سی مثللو شیر اولور ایسه تعیین ایله تعیین ایده جکی کی آریه و بغدادی کی سائر مثلیات دخی تعیین ایله تعیین ایدر. حتی اجرت عین اولوبده قبل القبض تلف اولسه اجاره منفسخ اولور. قبل القبض میبعک تافیله بیع منفسخ اوله جنی کی. ۲۹۳، مادهیه باق اشباه.

❖ ماده ۴۶۵ ❖

[بدل اجاره عروضدن] ایسه مجله نك ۲۰۱ و ۲۰۲ ماده.

لری وجهه له معلوم اولمق [ یاخود ] بدل مذکور [ مکملات یا موزونات ] و [ یاخود ] بدل مرقوم [ عددیات ، متقاربه دن اولدینی حاده ] بونلرک [ مقداريله برابر ] جنس و نوعی و [ وصفی ] یعنی مثلاً اعلاغنی و یا ادناغنی [ دخی بیان ایتک لازم کلور . ] بیان اولنمز ایسه اجاره فاسد اولور . بیعده اولدینی کبی . « ۲۳۸ » مادهیه و شرحنه باق . لیکن بدل اجاره بونلردن بری اولوبده مجلس عقد اجارهده موجود ایسه آنکا اشارت کافی اوله رق بشقه درلو تعریفه حاجت یوقدر . بیعده اولدینی کبی . « ۲۳۹ » مادهیه باق مجمع الانهر . و بدل اجاره حیوان ایسه معین اولمق لازمدر بحر .

[ ونقلی حمل و مؤسته محتاج اولان شیرده ] یعنی بدل اجاره . لرده بونلرک مکان تسلیمی بیان اولنمق شرط دکل ایسهده بیان اولدینی تقدیرده [ هر زده تسلیمی شرط قلنور ایسه اوراده ایفا اولنمق لازم کلور . ] « ۸۳ » مادهیه باق .

[ و ] بو مثللو حمل و مؤسته محتاج اولان بدل اجاره لرده [ مکان ] تسلیم و [ ایفا بیان اولنمق تقدیرده ] اجاره نک صحته خال کلیموب بدل مذکور [ مأجور اکر عقار ایسه اول عقارک اولدینی محله و اکر ] یوکی نقلدن بشقه بر [ عمل ایسه اجیرک عملی ایفا ایتدیکی برده و اکر حموله ] بی نقل عملی [ ایسه ] فصل آئیده بیان اولنان اسبابدن بریله [ اجرتک لازم اولدینی مکانده ایفاسی لازم کلور . ] حتی آجر اجرتی بشقه مکاده طلب ایدر

ایسه تأدیه اجبار اولنه میوب بلکه بو محالرده تأدیه ایتمک  
اوزره کفیل آله بیلور هنده فی الباب الاول من الاجاره .  
۶۵۶۵ مادهیه باق.

مجله نك شو فقره سی امامین رحمهما الله تعالینك مذهبی  
اوزرینه مبنی اولوب اما امام اعظم رحمه الله تعالی یه کوره بدل  
اجاره نك حمل ومؤتی اولنجه مكان ایفانك بیانی شرطدر بحر  
بیان اولنسه عقد فاسد اولور نتیجه [اما حمل ومؤتی اولیان  
شیلرده] یعنی بدل اجاره لرده كذلك مكان تسلیمك بیانی شرط  
اولماغله آجر [دیلدیکی یرده آلور.] رد مختار ونتیجه (۲۳۹)  
ماده شرحه باق.

## ﴿ فصل ثانی ﴾

یعنی باب ثالث ایکنجی فصلی

[اجرتك] آجره تأدیه سنك مستأجر اوزرینه [سبب لزومنه  
و آجرك اجرتیه کیفیت استحقاقنه دائر اولان مسائل بیاننده]  
اولوب اون آلتی مادهیه حاوی [دره.]

بو فصلده اجرتك سبب لزومی و کیفیت استحقاقی بیان  
اولنش اولماغله اجرت کیمك اوزرینه لازم کله جکنك واجرتیه  
کیم مستحق ومالك اوله جفنك ایضا حی مناسب کورلمکله بوجه

آتی ایضا - خانه ابتدار اولنور. شویله که حقوق عقد کیمه عائد  
ایسه اجرت اکا لازم اولور.

مثلا بر افندی - نك خدمتکاری دیکمك اوزره درزی به  
وبردیکی البسه دیکیلوبده اول خدمتکاره تسلیم ایدیلنجه اجرت  
اول خدمتکار اوزرینه لازمکلور. خدمتکار البسه افندی - نكدر  
اجرتی آندن آل دیه - مز. «۱۴۶۱» مادهیه باقی فیضیه.

کذا بر کیمسه بر خانه ده کرا ایله اوتورمقدمه اولان برقادی  
تزوج ایدرک کندوسی دخی اول خانهیه واردقدنص - کره آجر  
قادی - نكدن کرا طلب ایت - دکده قادی - نك زوجنه بو خانه کرا ایله  
اولدیغی سکا سویلمش ایدم اجرتی سنك اوزریکدره دیسه  
التفات اولمیبوب عاقد اولقی ملابسه سیله اجرتی قادی - نك اوزرینه  
لازم کلور. شو قدر وارکه زوجی زوج - سی ذمته لازم کلان  
بدل اجارهیه کفیل اولمش ایسه حسب الکفاله آندن دخی  
آله بیلوب صکره تأدیه ایت - دیکی مبلغ ایله زوج - سه - نه رجوع  
ایده - مز. ولوکه امریله کفیل اولمش اولسون. لیکن زوج  
مرقوم بعده زوج - سه - نه رجوع ایتک شرطیله ضامن اولمش ایسه  
ینه رجوع ایدر هندیه فی الکفاله فی الباب الثانی.

کذلک بر کیمسه دیگرکمنه - دن شو قدر کیله بغدادی استقراض  
ایدوبده او کمنه - حمالی استکرا ایدرک اول کیمسه - نك خانه - سه - نه  
نقل ایدیورسه حمالیه سی مقرضه یعنی او کمنه - نه - یه لازم کلور.  
ومستقرض حمالی طوتوب نقل ایت دیو امر ایتش ایسه مقرض

دخی مستقرضه رجوع ایدر هندیه واذا اقر المستأجر ان اسمه عارية لعلان في عقد الاجارة و صدقه امقرله في ذلك كان اعترافا منه بان العاقد وكيل عن المقرله في ذلك، وحيث علم انه وكيل فحقوق العقد من المطالبة بالاجرة وتوجه الخصومة انما هي لمن باشر العقد تقييح.

وايجار ايدن كيم ايسه اجرت آنكدر.

مثلا بر كيمسه برخانه يي آخره ايجار ايدوبده بعده مذكور خانه بر مستحق طرفندن ضبط ايدلسه اجرت اول كيمسه نكدر بزازيه زيرا عاقد اودر. يوقسه اجرت مستحقك دكلدر. ويتصدق بها لانه ظهران الماجر كان غاصبا للدار التي آجرها هندیه وفيضيه.

كذلك بر كيمسه معدالاستغلال وياخود مال يتيمى يا وقف اولان بر مالى غصب ايدوب آخره ايجار ايتسه مستأجر اجر مسماي اول كيمسه يه ويرر. يوقسه مال صاحبه يا متولى به يا وصى يه ويرمن انقروى.

شو قدر واركة قيم مال وقفى ايجار ايتردكن صكره عزل اولندقدده ويا فوت اولدقدده اجرت المى حتى قيم لاحقه عائددر انقرى. يوقسه متولى معزوله ياخود متولى متوفانك ورثه سنه عائد اولماز. حتى مستأجر اجرتى متولى به يعنى قيم معزوله ويرسه برى اوليوب تكرار متولى لاحقه اعطايه مجبور ومعزولدن استردادده حتى اولور لكون اخذه منه بغير حق خيريه.

﴿ ۴۶۶ ماده ﴾

[ عقد مطلق ] یعنی نفس عقد [ ایله ] مستأجر اوزرینه  
[ اجرت لازم اولماز. ] نقول فیضیه

وبویله عقد مطلق ایله اولان اجاره صحیح اولوب بدل  
اجاره‌نک تاجیل و تمجیل خصوصی تصریح و لئق تحت اجاره‌ده  
شرط دکلدر. نته کیم بو وجهله بیع دخی صحیح اولور هندیه.  
۲۵۱ ماده به باقی. وقال الشافعی رحمه الله تعالی تملك بنفس  
العقد ويجب تسليمها عند تسليم العين المستأجرة لانها عقد  
معاوضة فيثبت الملك في البديلين بنفس العقد وهذا مبني على اصله  
وهي ان المنفعة المدومة عنده جعلت موجودة حكما زيلی.

[ یعنی ] تمجیل ویا تأجیل بدل شرطندن [ مجرد ] اوله رق  
عقد [ اجاره منعقد اولدینی کی همان ] یعنی انعقاد اجاره‌نک  
عقبنده [ بدل اجاره‌نک ] آجره [ تسلیمی لازم کلز. ] و مستأجر،  
بدل اجاره‌نک تسلیمله مطالب اولماز بحر بدل اجاره کرک عین  
اولسون و کرک دین اولسون. بلکه مواد اربعة آتیسه ده بیان  
اولدینی اوزره اجرت درت سیدن بریله لازم اولور. عقد  
مطلق ایله اجرت لازم اولماسنک سببی شودرکه عقد اجاره علی  
حسب حدوث المنافع شیئا فشیئا منعقد اولوب عقد مذکور  
ایسه معاوضه یعنی بدل اجاره منفعتیه و منفعت بدل اجاره  
مقابل و منفعت ایسه شیئا بعد شیء حاصل اولدیغندن یکدن

استیفاسی غیر ممکن و مـ دودمه ثبوت ملك مستحيل اولمغله  
منفعت نفس عقد ايله مستأجر ك مملوكى اولمدينى جهته جانب  
منفعت تراخى ايتديكى كى تحقيقا للمساواة «وذلك تبعا للبرلين  
فى الملك والنسليم» بذلك دخی تراخى ايتسى ضروريدر. و آجر  
اجرتة مالك اولدى ديناسه بغير بدل ملك اوله جق . حالبوكه  
بوقضية معاوضه دن دكلدر زيلى «۴۷۵» ماده بوماده نك فرعيدر.  
درر ورد مختار و عبدالحليم واشباه و هندية و زيلى.

خلاصة كلام، عقد اجاره ده اجرتك «۱» يا تعجيلي «۲»  
يا تأجيلي «۳» ويا تقسيطى شرط ايديلور. «۴» ويا خود سكوت  
اولنور. يعنى تعجيل و تأجيل و تقسيطه دائر بر شى سويلنمز.  
صورت اولينك حكى ۴۶۷ و ۴۶۸ ماده لرده و صورت  
ثانيه و ثالثه نك حكى ۴۷۴ ماده ده و صورت رابعه نك حكى  
۴۷۵ ماده ده بيان اولنور نتيجه و طورى.

آنفا ايضاح اولندينى وجهله بدل اجاره كرك عين اولسون  
و كرك دين اولسون عقد مطلق ايله لازم اولميه جنى كى اجرت  
منفعت اولدينى تقديرده منفعت مال موجود اولميو ب فى الحال  
تمليكى قبول ايتيه چكى جهته عقد مطلق ايله منفعت اولان اجرت  
لازم اولميه جفنده اشتباه يوقدر عبدالحليم.

بو مسئله ده بيع ايله اجاره بيننده فرق حاصل اولدى.  
شويله كه ۲۵۱ ماده ده بيان اولندينى اوزره عقد مطلق ايله  
بيعه عوض لازم اولدينى حاليه اجاره ده لازم اولمديغندن بيع



ایله اجاره بو خصوصده دخی افتراق ایدر لر اشباه .

معلوم اولمیدر که بونده ایکی شی بولنوب برنجیسی نفس عقد ایله آجرك اجرت مالک اوله مامسیدر . یعنی عقد مطلق ایله مستأجر اوزرینه موجر ایچون اجرت لازم اولماز تعبیر دیکرله نفس عقد ایله وجوب یوقدر . فالاجرة لو كانت عبدا فاعتقه الماجر قبل وجود احد معان ثلثة لا یمتق فلو كان نفس الوجوب ثابتا یصح اعتاقه کذا فی نتائج الافکار .

عامه فقها بوکا ذاهب اولمشلردر که بو حالده یعنی نفس عقد ایله آجر اجرت مالک اولمینیجه مستأجر اوزرینه آنک ایفاسی لازم کلز و اذا لم یتملك بنفس العقد لیس له ان یطالب بالاجرة طورى . صحیح اولان و قول اولدینی بیان اولمشدر .

خلاصه ، اجرت ، عین اولور ایسه موجر نفس عقد ایله بالانفاق آکا مالک اولماز . و دین اولور ایسه کذلک عامه فقهایه کوره مالک اوله ماز . ایکنجیسی ، نفس عقد ایله آجر اجرت مالک اولور ایسه ده مستأجر اوزرینه ایفاسی لازم اولمامسیدر . اجرت دین اولور ایسه بعض فقها نفس عقد ایله مالک اولور دیمشلردر . یعنی بونلره کوره دین اولان اجرت نفس عقد ایله موجر مالک اولور هر نقدر ایفاسی لازم کلز ایسه ده عبد الحلیم . الاجرة اذا كانت عینا لا یمتک بنفس العقد وان كانت دینا یمتک بنفس العقد وتكون بمنزلة الدین المؤجل نتائج الافکار . قول صاحب الهدایة لا تجب بالعقد ای لا تجب ادؤها وتسليمها

اما نفس الوجوب فتناوب بنفس العقد شلبي. ايشته بعض فقهايه  
كوره ديندن اولان اجرت نفس عقد ايله مملوك اولماز. وبعض  
فقهايه كوره مملوك اولور ايسه ده اداسي لازم اولماز.

مجله بو ماده ده قنغى قولى قبول ايتديكنه دائر صراحت  
يوقدر. واقعا فقره اوليده لازم اولماز وفقره ثانيه ده تسليمي  
لازم كلز ديمسنيك ظاهرندن مجله عباره سنك شلبينيك بالاده  
منقول اولان عباره سنه موافقه دن قول ثاني متبادر اولور ايسه ده  
اجرتك عدم لزومي و تسليمك عدم وجوبي قول اولده دخي  
واردر زيرا مملوك اوليان شيك تسليمي بطريق الاولى لازم كلز.  
عقد مطلق ايله آجرك اجرته ملك اوله مامسي اوزرينه  
بروجه آتى سؤال وجواب اولور.

سؤال ، عقد اجاره دنصكره اجرتدن ابرا صحيح اولوب  
حالبوكه آجر اجرته ملك اولماش اولسه ايدى ابراسي صحيح  
اولماق لازم كلور ايدى . مثلا بر كيمنسه بيك غروشه بدل  
خانه سنى بر سنه مدته آخره ايجار ايتدكن صكره بدل ايجارك  
جمله سندن مستأجری ابرا يا بدل مذكوري مستأجره هبه ايتسه  
امام محمد ايله امام ابى يوسفك قول اولنه كوره صحيح اولور .  
نته كيم صورت مذكوره ده آتى آى مرور ايتدكن صكره ابرا  
ايتسه امام محمد كوره كليسنندن وامام ابى يوسفه كوره يالكلز  
كچن مدته اصابت ايدن بدل ايجاردن ابرا صحيح اولور .  
كذا بر كيمنسه بر سنه مدته محرمده خانه سنى آخره ايجار

ایتد کد نص کره رمضان داخل اولمدین و رمضان آینه عائد بدل  
 ایجاردن ابرا ایتد کده امام محمد رحمه الله تعالى به کوره ابرا  
 حیحدرو به نأخذ . اما محرمده مشاهرة ایجار ایتد کد نص کره  
 رمضان داخل اولمدن رمضان آینه عائد بدل ایجاردن ابرا ایتسه  
 صحیح اولماز . ولو وهب بعض الاجرة او ابرا منه جاز اجماعا  
 اما علی اصل محمد فظاهر لان الهبة تجوز عنده فی الجميع فکذا  
 فی البعض واما علی اصل ابی یوسف فهبة البعض حط تاحق  
 بالاصل فیصیر کالموجود فی حال العقد وهبة الجميع لاتلحق  
 بالعقد فثبت فی الحال ولس هناك حق واجب فلا یصح شلبي .  
 کذا بعد العقد بدل اجاره به کفیل ویرمک و بدل مذکورده  
 مقابل رهن الموق جائز اولوب حالبوکه بدل اجاره ذمت مستأجرده  
 ثابت اولماش اولسه ایدی دین معدومه تکفل وانک یعنی دین  
 معدوم مقابلنده ارتهان ایدلمش اولمق لازم کلوردی بو ايسه  
 باطلدر .

جواب ، امام ابی یوسفه کوره بدل مذکور هنوز واجب  
 اولمدینی جهته انک ابراسی صحیح دکلدر . بخلاف الدین المؤجل  
 لانه ثابت فی الذمة فجاز البراء عنه طوری . واقعا امام محمده  
 کوره ابرای مذکور صحیح اولمغله بوکا نظراً شویله جواب  
 ویریلور که بدل اجاره نک سبب وجوبی بولسان عقد موجود  
 اولمغله سبب وجوبک وجودند نص کره ابرا صحیح اولور . کالابراء  
 عن القصاص بعد الجرح طوری .

کفالت ورهنه کلتجه بونلر توتیق ایچون اولوب بونلرده  
حقیقت الوجوب شرط دکلدر . کورلمزیمکه خییار شرط ایله  
اولان بیعده و دین موعودده کفالت ورهن جائز اولدینی کی  
درکه دخی کفالت جائزدر و کفالتک شرطه تعلیق صحیحدر  
زیلعی ولان الرهن استیفاء للدين حکما فیکون معتبرا بالاستیفاء  
الحقیقی فلو استوفی الاجرة هنا حقیقة جاز فیکذا حکما زیلعی .

﴿ ۴۶۷ . ماده ﴾

[تعجیل ایله] یعنی عقد اجارهده تعجیل مشروط اولمدینی  
حالده بدل اجاره بروجیه پشین آجره ویرلدکده اجاره کرک  
منجزه و کرک مضافه اولسون [اجرت لازم اولور.] زیرا عقدک  
مقتضای اولان مساوات مستأجرک حقندن طولانی ثابت  
اولوب مستأجر ایسه معجلاً تسلیمی ایله مذکور حقنی ابطال  
ایلمشدر .

[یعنی] عقدا جارهده تعجیل شرط اولمدینی حالده [مستأجر  
بروجه پشین اجرتی] کندولکنندن آجره [تسلیم ایتسه]  
بدل اجاره اولوق اوزره [آجر اکا مالک اولوب بعده مستأجر]  
تعجیل بدل مشروط دکل ایدی ویا هنوز منفعتی استیفا ایتدم  
دیو [آنی استرداد ایده من .] رد مختار و طورى . زیرا قاعده  
فقهیهدندرکه بر غرضه مبنی بر کیسه دیکر کسینه بر مال ویرسه

او غرض باقی اولدجه اول کیمسه مذکور مالی او کسه نه دن  
استرداد ایدیه من منافع الدقایق .

شو قدر وار که مدت اجاره تکمیل اولدن اجاره فسخ  
اولدقدیه مستأجر ماجورده ساکن اولدینی مدتک اجرت نیدن  
فضله سنی آجردن استرداد ایدر ۴۴۳ ماده شرحه باقی .

اجاره منجزه ده، تعجیل ایله اجرتک لازم اوله جنی عندالفقه  
متفق علیهم در . اما اجاره مضافده تعجیل ایله اجرت لازم  
اولوب اولیه جفته کلنجه فتاوی هندیه نک کتاب اجاره سنک  
باب نایسند غیایه دن نقلاً بونده دخی تعجیل ایله لازم اوله جنی  
و فتاوی مذکور نک کتاب مرقوم نک اوتوزنجی بایسند محیطدن  
نقلاً بونده تعجیل ایله اجرت لازم اولیه جنی بیان اولوب  
قننی قول مرجح اولدیغنه دائر صراحتیه دس ترس اولنه مامش  
ایسده اشبو ماده ده اجاره منجزه ایله اجاره مضافه بینی تفریق  
ایدلکمیزین علی الاطلاق تعجیل ایله اجرت لازم اولور دنیلیمسندن  
اجاره مضافده دخی تعجیل ایله اجرتک لازم اولمی حقنده کی  
فول فقها ترجیح بیورلدینی اکلا شلمقده اولغله اولوجهله شرح  
ایدلشدر هندیه .

اجرت ، عین اولوبده مستأجر انی آجره اعاره ویا ایداع  
ایتسه تعجیل حکمنده در .

کذلک مستأجر اجرت مقابلنده آجره معین بر مالی بیع  
وتسایم و او دخی قبض ایتسه جائز و تعجیل بدل حکمنده در  
زد مختار .

✽ ۴۶۸ ماده ✽

[ شرط تعجیل ] یعنی عقد اجاره اناسانده اجرتك پشین ویرلمسی شرطی [ ایله ] اجاره صحیح اولمقله بویله شرط ایدیلور ایسه [ اجرت ] یعنی اجر مسمی [ لازم اولور . ] ۸۳ ماده یه باق .

شرط تعجیل مقتضای عقد مخالف واحد عاقدینه نافع اولدینی و آکامطالب بولندینی جهتله فاسد اوله رق عقد اجاره یی افساد ایدر دنیه مز. زیرا اجاره معاوضه اولق اعتباریله آنده شرط تعجیل مقتضای عقده مخالف دکلدر. چونکه عقد اجاره دخی بیع کبی تعجیلی ایجاب ایدوب فقط مساوات، مانعندن طولانی تعجیل ساقط اولمش اولوب مساوات ایسه حق مستاجر اولدینی جهتله شرط تعجیل ایله حقنی اسقاط ایدنجه مانع زائل اوله رق ممنوع عودت ایدر. ۲۴ ماده یه باق.

انای شرحده اشارت اولندینی وجهله اجرتدن مقصود، اجر مسمادر. بو صورتده مستاجر اجر مسمانی اعطا ایتدکدن صکره ویردیکم اجرت اجر مثلندن شو قدر غروش زیاده در زیاده سنی استرداد ایدرم دیه مز ۴۶۹ و ۴۷۰ ماده لرده کی حکم دخی بویله در علی افندی.

[ یعنی بدل اجاره نك ] آجره [ بروجیه پشین ویرلمسی ]  
حین عقدده [ شرط قلندعده عقد اجاره ] ۴۲۱ ماده ده تفصیل

اولندیغی اوزره ۱۵ [ كرك منافع اعیان اوزرینه وارد اولسون ]  
و ۲۰ [ كرك ] منافع آدمی اولان [ عمل اوزرینه وارد  
اولسون هر حالده ] یعنی شوا یکی صورته ده [ مستاجر ك اول  
امرده بدل اجاره بی ] آجره [ تسلیم ایتسی لازم كلور . ]

یعنی شرط مذکوره بناءً اجرتی بروجہ پشین مستاجردن  
مطالبه یه آجر ك صلاحیتی وارد . زیرا ماده آفه شرحنده  
بیان اولندیغی اوزره مساواتك ثبوتی مستاجر ك حقندنطولای  
اولوب مستاجر ایسه مذکور حقنی شرط مذکور ایله ابطال  
ایلمشدر .

نته کیم بر سنه مدته بر خانه ایجار ایدوبده ایکی آی صکره  
بدل ایجاو ك کلایسنگ ویرلمسنی شرط ایتسه بوده شرط تعجیل  
منزلنده اولغله بروجہ مشروط ویرلمك لازمدر شلی .

[ واولکی ] یعنی بر رقیله اشارت اولنان [ صورته آجر  
اجرتی استیفا ایدنجیه دك مأجوری ] یدنده حبس ایله مستآجره  
[ تسلیمدن وایکنجی ] یعنی ایکی رقیله اشارت اولنان [ صورته  
اجیر اجرتی استیفا ایدنجیه دك عملدن امتناع ایده بیلور . ]

[ وایکی صورته دخی آجر ك ] وکذا اجیر ك شرط مذکوره  
بناءً [ بروجہ پشین اجرتی مطالبه ایله مستآجر ] اجرتی ایفا  
ایلر ایسه فها و [ ایفادن امتناع ایدر ایسه ] آجر ك وکذا  
اجیر ك [ فسخ اجاره یه حق واردور . ] طوری .



یوقسه اجرتی ایلهمدم دیو قبل الفسخ مأجوری بیعه حق  
یوقدر. « ۴۹۰ » مادهیه باق .

شرط تعجیل ایله اجرتک لزومی اجاره منجزهده متفق  
علیها بر مسئلهدر اجاره مضافیه کلنجه بونده شرط تعجیل ایله  
اجرت لازم اولوب اولمیدیغنده اختلاف اولنمشدر بعض علمایه  
کوره اجاره مضافهده شرط تعجیل باطل اولهرق قبل حلول  
الوقت یعنی حالا اجرت لازم اولماز . زیرا وجوب اجرتک  
عدم لزومی عقد مقتضاسی اولیوب بلکه وقت مستقبله اضافت  
تصریح تعجیل ایله وجوب اجرت مانعدر . چونکه بر وقتیه  
مضاق اولان او وقتدن اول موجود اولماز الاثری ان الثمن  
فی البیعه یجب فی الحال ولا یجب تسلیم المبیع حتی یسلم الثمن  
لان العقد مقتضی المساواة ثم اذا كان الثمن مؤجلاً یجب تسلیمه  
فی الحال لانه تأخر بالعقد صریحاً زیلعی و عبدالحلیم وهندیه و مجمع  
الانهر . ملتقی شارحی در منتقی صاحبی شرح وهبانیه دن نقلاً شرط  
تعجیل ایله اجاره مضافهده دخی اجرت لازم اولمسیله افتا  
اولنه جفتی چونکه احتیاج بولندیغنی بیان ایلمشدر . امدی مجله  
« ۴۴۰ » مادهسنده اجاره مضافهک لازم اوله جغنه دأر اولان قولی  
قبول ایتدیکنه و ۴۶۷ مادهسنی مطلق اولهرق ذکر ایدرک  
اجاره مذکورهده اجرتک لازم اوله جغنه متدأر بولنان قولی  
قبول ایتدیکنه کوره بوراده دخی در منتقاده مذکور اولدینی  
اوزره قبول ایدلک مناسب اولورکه ذاتا بو ماده مطلق اولهرق

یازلمسی یعنی اجاره منجزه دیو نقیبه اولنماسی دخی بوکا دلالت ایدر .

✽ ۴۶۹ ماده ✽

[ استیفای منفعت ] یعنی اجاره ده معقود علیه اولان منفعتی مستأجرک استیفا واجیرک عملی ایفا و تکمیل ایللمسی [ ايله اجرت لازم اولور . ] زیرا بو حالدہ مساوات تحقق ایدر . شرحاً اشارت اولندیغی وجهله منفعت مذکوره یعنی اجرتک لزومنده، استیفا اولنان منفعت اجاره ده معقود علیه اولمایدیر . بو جهتله بر کسه مدت ومسافه تک ذکر ی ايله بر حیوان استکرا ایتدیکی حالدہ مذکور مدتک غیر یسنده مذکور حیوان ايله اول محل ومسافه کتسه اجرت لازم اولماز . زیرا منافع آنجق عقد ايله تقوم ایده یلوب مذکور مدتک غیر یسنده ايسه عقد یوق ایدی .

[ مثلاً بر محله کیتمک اوزره استیجار اولنان بارکیره رکوب ايله اورایه وارلدقده ] منفعت استیفا اولنغله [ آجر اجرتہ مستحق ] و بناء علیه مستأجرک اجرتی آجره تسایم ایتمی لازم [ اولور . ] هندیه فی الباب الثانی .

استیفای منفعت یا کلا اولور . محله مثالنده اولدینی کی . مذکور مثال مأجورک حیوان اولدیغنه مثالدر . مأجور، عقار اولسه حکم بویه اولدینی کی اجیرده دخی حکم بر وجهه مذکوردر .

عقاره مثال : بر کیمسه، بر سنه مدته خانه سنی آخره ایجار  
ایده رک مستأجر دخی بر سنه آنده ساکن اولدقده بدل ایجارک  
اعطاسی لازم کلور .

اجیره مثال : بر کیمسه جماله فلان یره کوتورمک اوزره  
یوک ویروبده اوده محل مذکوره کوتورسه بدل ایجارک  
اعطاسی لازم کلور که بوکا دائر امثله کثیره قریبا ذکر اولنور .  
ایمدی استیفای منفعت بو وجهله کلا اولورسه بدلاک دخی کلا  
لزومی درکاردر .

استیفای منفعت یا بعضا اولور . بوکا عقاردن وسائر دن  
امثله ایراد اولنور .

عقاردن مثال ، بر کیمسه خانه سنی بر آی مدته آخره اوتوز  
غروشه ایجار ایتدکده مستأجر ، هنوز آنجق بر کون ساکن  
اولسه بدل ایجاردن اول کونه اصابت ایدن مثلا بر غروشک  
اعطاسی لازم کلور یعنی موجر بر کونلکی طلب ایده بیلوب  
مستأجر آیک نهایتده اوتوز غروشی بردن ویره حکم دیو  
ایشلمش بر کونلکی اعطادن امتناع ایده مز .

عقاردن دیگر مثال : بر کیمسه، عرصه سنی آیلغی یوز الی  
غروشه اوله رق بر آی مدته ایجار ایدوبده مستأجر هنوز بر  
کون ساکن اولسه اول کونک حصه سنه اصابت ایدن مثلا بش  
غروشی موجره ویرمسی لازم کلور . یعنی موجر، بر کونلکی

طلب ایتدکده مسـ تا جـر آیک نهایتـده تمامنی ویره جکم دیه بر کونـلکـنی اعطاذن امتناع ایده مزـ.

بونده اصل، شودرکه اجاره معاوضه اوله رق منافعهده زمان عقدده ثبوت ملک متمتع اولدینی کبی بدله دخی ثبوت ملک متمتع اولور. نته کیم ۴۶۶، ماده شرحنده بیان اولنمشیدی زیلی.

امام زفر، جمیع منفعت استیفا وجهه عمل ایفا اولندقچه اجرتدن بر شی لازم کلیه جکنسه قائل اولدینی کبی امام اعظم رحمه الله تمالی دخی اولا بوکا قائل ایدی. لان المعقود علیه جملة المنافع والعمل فلا يتوزع الاجر على اجزائها والمنافع لم تصر مسـلمة اليه فلا يطالب ببدلها كالمثلن في البيع والرهن في الدين. امام اعظم رحمه الله تعالى صکره دن بوندن رجوع ایدرک دیمـشـدرکه اجاره مدت اوزرینه واقع اولور ایسه «اجاره حیواناته اولدینی کبی» منافعدن استیفا ایتدیکی حصه نک اجرتی واجب اولور. اکر استیفا اولنان منافعک مشقتسز بیلینه جک اجرتی اولور ایسه. بالاده ذکر اولنسان مثالرده اولدینی کبی. ففي الدار يجب لكل يوم لان اليوم مقصود بالانتفاع واخذ البذل عنه لا يفضى الى الضرر وفي المسافة لكل مرحلة وهو استحسان والقياس ان يجب في كل ساعته بحسابه تحقيقا للمساواة الا انه يفضى الى الحرج لانه لا يعلم حصته الا بمشقة ولا تيفرغ لغيره اى لانه كما يفرغ من تسليم اجرة ساعة يجب عليه تسليم اجرة ساعة اخرى على التوالي فرجع الى ما ذكر نالان حصته

من الاجرة معلومة من غير مشقة وهذا القدر من المنفعة مقصود  
فيجب البذل بخصته. اما اجاره، خياط وقصار كفي عمل اوزرينه  
وارد اولنجه اجرت فراغ عملد تصكره لازم كلور. لان العمل  
في البعض غير منتفع به فلا يستوجب الاجر بمقابلته حتى يفرغ  
من العمل فيستحق الكل زيلعي وشلي.

ايمدى مجله نك مثالنده «اورايه وارلدقده الح» امام زفرك  
مذهبنه تماميله موافق اولمغله برابر امام اعظمك مذهبينه دخي  
مطابق بولنديغندن بونده امام زفرك مذهبك ترجيح ايدلديكنه  
دائر قيد يوقدر. « ۴۷۵ » ماده شرحنده دخي بوندن بحث  
اولنه جقدر.

كلا استيفاي منفعت ايله لزوم اجرتيه دائر بعض مسائل.  
مستأجر بر مصالحتي كورمك ايچون ديكر كمسنيه استيجار  
ايدوبده او كمسنيه دخي اول مصالحتي كورسه عمل ايفا اولمش  
اولمغله او كمسنيه دخي اجر مسمايه مستحق اولور. « ۴۲۴ » ماده يه  
باق على افندي. بو جهتله بر كيمسه ديكر كمسنيه كندي  
آرقه سنيه آلب فلان محله كوتورمك اوزره بز معين باركي  
مقابله سنده استيجار ايدوب او كمسنيه دخي اول كيمسه يي  
آرقه سنيه آلب اول محله كوتورسه او كمسنيه مذكور باركي  
اول كيمسه دن آله بيلور.

ينه بو جهتله بر كيمسه ديكر كمسنيه مدت معلومه تمامنه دك  
كندويه خدمت ايتك ايچون شو قدر غروشه استيجار ايدوب

او کسنه دخی مدت تمامه دك اول کیمسه به خدمت ایلسه او کسسه  
اجر مسای اول کیمسه دن آور علی افندی. ینه بو جتله بر  
کیمسه علمادن بر کسسه به هفته ده ایکی کون فلان جامع شریفه  
کل خلقه وعظ ونصیحت ایله سنده سکا شو قدر غروش  
ویریم دیمکه اوده ایکی سنه اول مسجده هفته ده ایکی کون  
واروب خلقه وعظ ونصیحت ایلسه او کسسه اجر مسای آور  
بهجه .

مثلا بر کیمسه خانه سنده کی فرونده اتمک پشورمک ایچون  
دیگر کسسه بی استیجار ایدوبده اتمکچی دخی پشوروب اتمکی  
فروندن اخراج ایتدکده اجر مسایه مستحق اولور. لان تمامه  
بذلك وباخراج بعضه بحسایه لان العمل فی ذلك القدر صار  
مسلمنا الى صاحب الدقيق درمختار ورد مختار ملخصا .

وبو صورته اتمک فروندن حقیقارلدقن صکره اجیرک  
فعلیله اولیه رق تلف ویا ضایع اولسه اجر مسادن برشی ساقط  
اولیه جنی مثللو اجیره ضمان دخی لازم کلز. لعدم التعدی استأجره  
لیخبر له فی منزله فلما اخرجہ من النور احترق من غیر فعله  
قالوا له الاجر ولا ضمان علیه اما عندای حنیفة فلانه لم یهلك  
من ضعه اما عند هما فلانه هلك بعد التسليم شلی ملخصا .  
وان احترق قبل الاخراج لا اجر له ویغرم اتفاقا لتقصيره و ان  
لم یکن الخبز فی بیت المستأجر سواء کان فی بیت الخبز اولا  
فاحترق او سرق فلا اجر له لعدم التسليم حقيقة ولا ضمان لو



سرق لانه فی یده امانته خلافا لهما وهی مسئله الاجیر المشترك تنویر ودر مختار.

ینه بو جهتله کر پیج یامق ایچون بر آدم استیجار اولندقدنه مقاوله اولنان مقدار کر پیجی اعمال ایله قورودوب بر یکدیره رک آجره تسلیم ایتسه اجر مسمایه مستحق اولور. بو حالده کر پیج هنوز قورومزدن اکا یا غمور اصابت ایدرک چامور اولسه اجیر اجرت اله منر رد مختار.

ینه بو جهتله بر کیمسه « شو یوکی بورادن فلان محله نقل ایت » دیو دیگر کیمسه نی استیجار ایدوبده او کیمسه نه دخی نقل ایتسه اجرتیه مستحق اولور. ولوکه مستأجرک تعریف ایلدیکی مدتدن زیاده مدتده نقل ایتسون لان المقصود هو الحُل وقد حصل . نته کیم ۴۲ ماده شرحنده تفصیل ایدلمشدر انقروی.

ینه بو جهتله بر کیمسه عیالی کوتورمک واجرت نقلیه سی اجیرک اوزرینه اولق اوزره دیگر کیمسه نی استیجار ایدوبده اول کیمسه نك عیالک بمضیسی وفات ایتدیکی جهتله اجیر حیاتده اولانلری کتوردکده نظر اولنور. عاقدين غنده عیالک عددی ذاتاً معلوم ویا مسـتأجر بونلرک عددینی اجیره بیلدیرمش ایسه ذهابک اجرتی کاملاً آلدقن بشقه مجی ایچون دخی کوتوردیکی عیالک مقدار وحسانی اوزره اجیر اجرتی آور. لانه او فی بعض المعقود علیه. لیکن کلیسی فوت اولمش



بواسطه بعض اجرت دخی آهانه لان المعقود علیه المجرى بهم  
ولم يوجد ولو ذهب ولم يحمل احدا منهم لم يسوجب شيئا هنديه  
في الباب الحادى والعشرون من الاجاره . اما برکيمسه اجرت  
نقلیه سی کندیویه عائد اولوب يالکز اثنای راهده عيالنه سخابت  
ایتمک اوزره بر اجیر استیجار ایتسه ده عیالنهک بعضیسی وفات  
ایتمکه اجیر مرقوم متباقیسی کونورسه نام اجرتی آلور رد  
مختار وهندیه .

ینه بو جهته برکیمسه فلان محله وارونده شویله یعنی معین  
ومعلوم بر یوکی کوتورمک اوزره دیگر بر کسنه نی استیجار  
ایتدکه اوکسنه مذکور محله وارد یفندن اوراده یوکی بولامافله  
بوش عودت ایتسه اجر مسمی بوش کیدوب کلکه تقسیم اولنه رق  
یالکز بوش کیتمک اجرتی لازم کلور . زیرا ذهاب مسـتأجر  
ایچون اولمش اولور . اما او محله کیدوبده شو قدر کیله بغدادی  
کوتورمک اوزره استیجار ایدوب مذکور بغدادی معلوم ومعین  
اولسه وکیدوب بغدادی کوتورمه سه اجر مثل لازم کلور . فقط  
اجر مسـمـان ذهاب ایچون اولان حصه نی تجاوز ایتمز بزازه  
وهندیه وبهجه .

ینه بو جهته برکیمسه مکتوب کی حمل ومؤتی اولیان  
ویا ما کولات کی حمل ومؤتی اولان بر شیئی دیگر کسنه نیه  
کتوروب ویرمک اوزره بر شخصی استیجار ایتدیکی حائده او  
شخص او کسنه نک بولندی نی محله وارمشیکن او کسنه وفات

ایتمش ویا دیگر بلدهیه کیتمش اولدینی جهته او شیئی کیرو  
کو توره ایفا ایتدیکی عملی کندوسنی نقض ایتدیکی جهته اجرت  
اله مزایسه ده او کسه نه وفات ایتدیکی تقدیرده ورثه سینه وغائب  
اولدینی صورتده حاضر اولدیغنده تسلیم ایتک اوزره بریسینه  
تسلیم ایدر ایسه ذهاب سیدیه اجرتی آور. لانه ای بما فی وسعه  
تنویر ورد مختار وهندیه.

ینه بو جهته بر کیمسه شویله بر سوز فلان شخصه  
سویلمک و اوشخصی دعوت ایلمک اوزره برکسنه نی بالاستیجار  
ارسال ایدوبده او کسه نه او شخصه واردیغنده آئی وفات ایتمش  
بولسه ورثه سینه ویا غائب اولمش بولسه ده کلدیکنده سویلمک  
اوزره بر آدمه سویلسه ویا خود هیچ بر آدمه سویلمیه رک عودت  
ایتسه او کسه نه تام اجرتی آور. بو صورتده اجرت مرسل  
اوزرینه لازم کلور. یوقسه مرسل الهه دکل. و فرق بینا و بین  
مسئله ایصال الکتاب بان الرسالة قد تمکون سرالارضی المرسل  
بان یطلع علیها غیره اما الکتاب فمختوم فلورکه مختوما لا یطلع  
علیه غیره رد مختار.

❖ ماده ۴۷۰ ❖

[اجاره صحیحده استیفای منفعتیه] عقد وارد اولان مدته  
عقد کندوسنه مضاف قلنان مکانه تمکن و [اقدار ایله دخی

اجرت لازم اولور . [ ولو ذکر مدة ومسافة فرکها الى ذلك  
المكان بعدمضى المدة لم تجب الاجرة تکمله بحر . يوقسه حقيقة  
انتفاع لزوم اجرتده شرط دکدر . زیرا منفعت عرض اولوب ايکي  
زمانده باقى قالميه جفندن آنک تسليمى متصور اولمديغندن محل منفعتک  
تسليمى تسليم منفعت مقامنه اقامه ايدلمشدر وتسليم مأجور ايله  
استيفای منفعتہ ممکن حاصل اوله رق اجرت لازم کلور . فنى  
تحقق التسليم المستحق وجب الاجر وان لم نيتفع بها کما اذا  
قبض المبيع ولم نيتفع به شلى . « ۴۷۹ » ماده بومادهک فرعيدر  
زيلى وجمع الاهر والظاهر من اطلاق المان والشارح ان الاجرة  
تملك بالتمکن من الاستيفاء فى المدة سواء استعملها فى المدة اولاً  
ويخالفه ما فى الخلاصة حيث قال استأجر دابته ليرکها الى مكان  
کذا مثلاً فحبسها فى بيته لم تجب الاجرة طورى .

[ مثلاً برکيمسه اجاره صحيجه ايله استيجار ايلديکي  
خانہنى [ موانعدن خالى اولدينى حالده [ قبض ايتدکدن  
صکره ] اول خانده اصلاً [ ساکن اولسه بيله اجرت ويرمى  
لازم کلور . ] مکرکه مستأجرک اول خاندهن انتفاعنه مانع  
حائل اوله . مذکور خانہک يد مستأجر دن غصبى کي . نته .  
کيم قريبا ايضاح اولنور .

بوجهتله برکيمسه کلىنى تزين اتمک اوزره حليات استيجار  
وقبض ايتدکدن صکره تزين اتمسه بيله اجرت لازم کلور  
هنديه .

ینه بوجهتله برکیمسه بر آیلق اولق اوزره استیجار ایلدیکی  
خانده ایکی کون ساکن اولدقن صکره بلا عذر دیگر خانیه  
نقل ایتسه آجر تکمیل آیلغی الهیلور هندیه .

ینه بو جهته برکیمسه بو کون اقشامه قدر کیمک اوزره  
رویه استیجار ایدوبده کیمیه رک منزله اقشامه قدر وضع ایتسه  
کاملا اجرتی ویرمسی لازم کلور . لان صاحبه مکنه من  
استیفاء المعقود علیه بتسليم الثوب الیه وما زاد عایه لیس فی  
وسعه و لیس له ان یلبسه بعد ذلك لان العقد انتهى بمضى المدة  
والاذن فی اللبس کان بحکم العقد سلبی .

ینه بوجهتله برکیمسه فلان محله شویوکی نقل ایتک اوزره  
استیجار ایلدیکی حیوانه یوک یوکتیمیوب و کندیوسی دخی بنیوب  
او محله سوق ایتسه اجرت لازم اولور . مکرکه بر عذره مبنی  
یوک یوکتیمکه مقتدر اولیه . او حالمه اجرت لازم کلز . ۵۱۸  
مادهیه باق هندیه ودر مختار .

ینه بوجهتله برکیمسه بر ییلق اوله رق استیجار ایلدیکی  
فرونی التی ماه تصرف ایدوب بعده ینه تصرف ایتک ممکن  
ایکن قیاسه تام بر ییلق اجرت لازم کلور فیضیه . شو قدر  
وارکه مستأجر مثلاً مذکور فرونی یالکز التی آیلق استیجار  
ایتمشیدم دیسه سوز آنکدر هندیه . وایکسیده اقامه پینه  
ایدرایسه آجروک ینه می ترجیح اولور .

ینه بوجهتله برکیمسه دیلدیکنی زراعت ایلک اوزره

استیجار و قبض ايله زراعت ايلديكي ترلاك مزروعاني جراد اكل ايتسه باقي مدتده زراعت ممكن اولنجه اجر مسمى لازم كلور . لان الاجرة في الصريحة تعتمد التمكن من الاستيفاء لا حقيقة الاستيفاء فيجب الاجر بالغاً مبالغ وان اكله الجراد بالا جماع خيريه .

اجير خاص ، مدت اجارهده عمل ايجون حاضر بولمسيه اجرة مستحق اوله جنى ۴۲۵ مادهده بيان اولمشدر .

بناء عليه بوده بومادهنك فروعاتدن عد اولنه بيلور .

تقصيالات سالفه دن مستفاد اولور كه منفعته اقتدار محل منفعتك مستأجره تسليمه يعنى مستأجر مأجورى قبض ومدت اجارهده ومكان مشروطده استيفاي منفعت ايلمسنه مانع بولنماق ايله حاصل اولور بزايه . قال في المحيط والتمكن من الاستيفاء في غير المدة المضاف اليها لا يكفي لوجوب الاجرة و كذا التمكن في غير الممكن لا يكفي لوجوب الاجرة طورى .

خلاصه ، بونده اجرت لازم اولمسي درت قيد ايله مقيددر . برنجيسى ، استيفاي منفعته تمكندر .

بوجهتله آجر مأجورى اصلا تسليم واستيفاي منفعته تمكين ايتسه ويا مشغولا تسليم ايلسه يا مأجور مستأجر يدندن غضب اولنوب يلوارمق ويا حكومته بلا مصرف مراجعت ايله اخراج ايتك ممكن اولماق كي مانع انتفاع عارض اولسه اجرت لازم اولماز . لزوال التمكن من الانتفاع وهو شرط لوجوب

الاجرة لا حقيقة الانتفاع زيلعى قوله سقط الاجر وذلك لان استحقاق الاجرة اذا لم يوجد التعجيل اما باستيفاء المنافع او بالتمكن من الاستيفاء ولم يوجد الاستيفاء والتمكن منه اصلا فلا تستحق الاجرة شلبي . واجاره نك بعض مدتند غصب بولنسه اجرتدن اولمقدار ساقط اولور . لان السقوط بقدر المسقط . واذا مكن اخراج الغاصب بشفاعة او بحماية لا تسقط الاجرة لانه مقصر بعدم الاخراج اشباه وحموى وامالو لم يمكن اخراجه الا بانفاق مال فلا يلزمه رد مختار .

مانع انتفاعك عرضنده اختلاف ايتسه لر يعنى مستأجر مانع انتفاع اولان مثلا غصب مأجور عارض اولدى ديو ادعا ايتديكى حالده موجر انكار ايتسه باقيلور . مانع وقت خصوصتمده قائم ايسه سوز بتاته يمين ايله مستأجر كدر ومانع مذکور وقت خصوصتمده قائم دكل ايسه سوز عدم علمه يمين ايله موجر كدر . اما مانعك حدوثنده اتفاق ايدوب مدت بقاسنده اختلاف ايتسه لر سوز مستأجر كدر هنديه فى الباب الخامس والعشرون .

حقى بر كيمسه شهر ك خارجنده بريره كيتمك اوزره بر حيوانى استكرا و قبض ايتمشيكن مستأجر انتفاع ايتدين آجر مذکور حيوانى مستأجر يدندن آلوب امساك ايتسه اجرت لازم اولماز . نته كيم ٤٧٨ ماده لاحقه سنده بيان اولمشدر .

ينه بوجهتله بر كيمسه زراعت ايجون صو ايله صواريلان



ترلانی استیجار ایتدیکی حالدہ صو منقطع اولمغله زراعت ممکن اولمسه اجرت لازم کلز .

ینہ بوجھتله نہر اعظم خراب اوله رق ترلانک سقی ممکن اولمسه اجرت لازم کلز لسان الحکام .

ینہ بوجھتله یاغمور صوی ایلہ صواریلان ترلا استیجار ایدلدیکی حالدہ یاغمور یاغمامغله وسقی ایچون صو دخی بولنه ما . مغله زراعت ممکن اولمسه اجرت لازم اولماز . زیرا استیفای منفعتہ اقتدار حاصل اولدی لسان الحکام .

بالاده بیان اولندینی وجهله غصب ایلہ اجرت ساقط اولور ایسه ده قاضی فخرالدینک فتاواسنده بیانہ کوره اجاره منفسخ اولماز زیلعی . بناء علیه غاصبدن استخلاص ایلہ مستأجره تسلیم اولندقدہ ینہ بدل ایجار ایشلر . نته کیم ۴۷۸ ماده لاحقه سنده تفصیل اولنور .

ینہ بوجھتله آجر مستأجره ایشته خانہ بی آلدہ ساکن اول دیوب فقط قبوسنی آچمسه ده مدت اجاره مرورندن صکره مستأجر اوطور مدم دیسه نظر اولنور :

مستأجر اگر بلا کلفة آچمغه مقتدر ایدیسه اجرت لازم کلور ایسه ده دکل ایسه لازم کلز . وبو تقدیرده موجرک مستأجره کلیدی قیروب خانہ یه کیریدک دیمکه صلاحیتی یوقدر هنده . ایکنجیسی ، اجاره نک صحیح اولمسیدر . فاسد اولور ایسه تمکن ایلہ اجرت لازم اولماز . نته کیم ماده آیه ده ایضاح اولنور .



او چنچيسى، تمكن مكان عقدده اولميدر. حتى كو چك چكمجه  
 ايجون استيجار ايلم شيكن بيوك چكمجه ده حيواني تسليم ايتسه  
 اجرت لازم اولماز. دردنجيسى تمكن مدت اجاره ده اولمق لا-  
 زمدر. بوجهتله مدت اجاره نك غيريسنده تسليم ايله اجرت  
 لازم اولماز. حتى بر كيمسه بيوك چكمجه، كيتمك اوزره بو  
 كون برآت استيجار ايلمش ايكن يارين تسليم ايتسه ده مستأجر  
 دخي كتسه اجرت لازم اولماز. لانه انما تمكن بعد مضي المدة  
 طورى استأجر دابة الى الكوفة فسلمها المواجر وامسكها  
 المستأجر ببغداد حتى مضت مدة يمكنه المسير فيها الى الكوفة فلا  
 اجر عليه وان ساقها معه الى الكوفة ولم يركبها وجبت الاجرة  
 وقال الشافعي تجب الاجرة في الوجهين دليلنا ان العقد وقع على  
 مسافة فالتسليم في غيرها لا يستحق به البدل كان وقع على مدة  
 فسلم في غيرها فانه لا يستحق البدل فان قيل ان المستأجر قبض  
 العين المستأجرة وتمكن من استيفاء المنفعة المعقود عليها فوجب  
 ان تستقر الاجرة عليه اصله اذا استأجرها شهرا للركوب قيل  
 له الممكن من الاستيفاء في غير محل المعقود عليه كالتمكن من  
 الاستيفاء في غير المدة والمعنى في الاصل ان العقد وقع على المدة  
 وفي مسئلتنا على العمل وفرق ما بينهما كالأو استأجر رجلا للخيا-  
 طة او استأجره يوما للخياطة شلبي .

✽ ٤٧١ ماده ✽

[ اجاره فاسده استيفای منفعتہ ] تمكن و [ اقتدار ] يعنى

مأجورك قبضی اجرتك لزومنده [كافی اولیوب] مأجور مستأجره آجر طرفندن تسلیم اولندقدنصكره [حقیقه انتفاع بو-  
لندجقه اجرت لازم اولماز.] واولوجهله حقیقه انتفاع بولندقدنه  
۴۶۲ ماده ده کی تفصیله كوره آجر مثل لازم كلور .

مثلاً بر كیمسه دیگر كمنه ايله علی الاشتراك مالك اولوب  
دیار آخرده بولنان دكرماندن حصه شایعه سی آخر بر شخصه  
سنه ده شوقدر غروشه ایجار واجرتی بوجه پشین اخذایتدكن  
صكره او شخص دیار آخره وارمیوب دكرمانی قبض ایلمسه  
حالا او شخص اجاره یی فسخ ایدرك اول كیمسه یه ویردیکی  
اجرتی استرداد اید بیلور . « ۴۲۹ » ماده یه باقی علی افندی اما  
مأجورك مستأجره تسلیمی آجر جهتمندن اولمینجه مستأجر  
منفعی استیفا ایتسه بيله اجرت لازم اولماز رد مختار . بناءً علیه  
بر كیمسه دیگر كمنه دن اشترا ایدوب فقط هنوز قبض ایتدیکی  
بارگیری او كمنه یه ایجار ایتسه ۲۵۳ ماده شرحنده بیان ایدلیدیکی  
اوزره بواجاره جائز اولیوب باع استعمال ایتسه بيله اجرت  
لازم اولماز هندیه .

بوماده نك حكمی اجاره آدمیده دخی جاریدر . شویله كه  
اجاره آدمی دخی فاسد اولدقدنه اجرتك لزومنده اجیرك  
بالفعل عمل ایتمی شرطدر . نته كیم ۵۶۷ ماده دن اكلاشیلور .  
واما اذا فسدت الاجارة وعمل واتم العمل كان له اجر مثله علی ما  
هو العرف فی اهل ذلك العمل قاضیخان فی الاجارة الفاسدة .

فقط اسعافك ظاهر عباره سندن اكلاشيلوركه بو ماددتك  
حکمنندن وقف مستنادر . يعنى اجارة فاسده ايله اجار اولنان  
مال وقف ايسه استيفاي منفعته اقتدار ايله دخي قول متأخيرينه  
كوره اجرت لازم كلور اشباه وحموى واقروى . قلت وهل  
مال اليتيم والمعدللاستغلال والمسـتأجر فى البيع وفاء على ما افق  
به علماء الروم كذلك محل تردد فليراجع در مختار قلت لا تردد  
فى مال اليتيم لان منافعه تضمن بالغصب وهذا من قبيله سائحان  
رد مختار .

﴿ ۴۷۲ ماده ﴾

[ من غير عقد ] الاجارة [ وبلا اذن ] صاحب المال [ بر  
كيمسه برينك مالى استعمال ايتديكى صورته ] اول مال  
[ معدللاستغلال ايسه ] اول كيمسه نك مال صاحبنه اول مالك  
[ اجر مثل ] نى ويرمى [ لازم اولور . ] معدللاستغلال [ دكل  
ايسه ] اجر مثلى ويرمى [ لازم اولماز . ] زيرا منافع حد ذاتنده  
متقوم دكلدر منافع الدقايق . لان التقوم يستدعى سبق الاحراز  
ومالا يبقى كيف يحرز وانما صارت متقوما شرعا بالعقد لضرورة  
حاجة الناس اليه كفاهيه فى الاجارة الفاسدة و منافعك تقومى  
عقد ايله در . لان المنافع بالعقد تكون لهافيمة وتصيربه مالا زيلعى  
فى الاجارة الفاسدة . بو جهته ۵۹۶ ماده بيان اولنديفنى اوزره  
مغصوبك منافعى اوده مك غاصب اوزرينه لازم اولماز .

مثلاً بر کیمسه بر آبلق اوله رق یوز غروشده بر خانه نی  
استیجار ایتسه ده ایکی آی ساکن اولسه اولکی آی ایچون یوز  
غروش ویرمسی لازم کلور. و خانه معدلاستقلال اولنجه شهر  
ثانی ایچون اجر مثل لازم کلور.

مال وقف و مال یتیم دخی حکمه بویله در.  
و بوناردن بری دکل ایسه اجر مثل لازم کلز. شو قدرکه  
شهر ثانی ایچون دخی اجرت اعطا ایتدکده مستأجر آتی استر-  
داد ایده من رد مختار.

[ فقط مال صاحبی ] اول کیمسه دن [ اجرت مطالبه ]  
و اول کیمسه دخی سکوت [ ایتدکن صکره ] اول کیمسه  
مذکور مالی [ استعمال ایدر ایسه معدلاستقلال اولسه دخی ]  
۴۳۸ مادهیه مبنی [ اجرت اعطایی لازم کلور. ] بو تقدیرده  
لازم کلان اجرت موجرک تسمیه ایتدیکی اجرت اولوب یوقسه  
اجر مثل دکلدر. [ زیرا بو حالده ] یعنی مال صاحبی اجرت  
مطالبه ایتیشکن اول کیمسه سکوت ایتدکن صکره مذکور  
مالی [ استعمال ایتسیله اجرت ] یعنی اجر مسمایه [ راضی اولمش  
اولور. ] لانه عین الاجرة والغاصب رضی بهاظاً هرا انعقد  
بنیهما عقد اجارة دور .

مثلاً اوچ کیمسه بیتنده مشترک اولان بر خانه ده کی ایکی  
حصه نی ایچولردن بری استیجار ایدوب مدت اجاره منقضی  
اولدقن صکره دیگر حصه لری تخلیه ایتیوبده صاحب لری اندن

اجرت استعمال و اول دخی سکوت ایتمش ایکن ینه ساکن اولسه اجرت لازم کلور تنقیح .

کذلک معیر مستعیردن اجرت طلب ایتمیشکی حالده مستعیر سکوت ایتمه حکم منوال مشروح اوزدهدر. ۵۹۶ ماده شرحنه دخی باق رد مختار فی آخر الجلد الثالث غیرانه یشترط فی هذه الحالة ان یکون المستأجر مقرا بان المال للمالك اما لو كان منکرا ومذعیا للمالك لنفسه فلا اجر علیه لانه یکون استعمال ذلك المال بتأویل ملک خاینه ۵۹۶، مادهیه باق.

بو ماده اوج فقره حکمییه بی مشتملدر: فقره اولی، من غیر عقد و بلا اذن بر کیمسه برینک مالی استعمال ایتمیشکی صورتده معدللاستغلال ایسه اجر مثل لازم کلور. فقره ثانیه، من غیر عقد و بلا اذن بر کیمسه برینک مالی استعمال ایتمیشکی صورتده معدللاستغلال دکل ایسه اجر مثل لازم اولماز. فقره ثالثه، من غیر عقد و بلا اذن بر کیمسه برینک مالی استعمال ایدرکن مال صاحبی اجرت مطالبه ایتمکدنصکره استعمال ایدرسه معدللاستغلال اولسه دخی اجرت اعطاسی لازم کلور. فقره اولی و ثانیه نک تفصیلی باب ثامنک فصل اولنده کله جک اولوب بناء علیه مذکور ایکی فقره بو مادهده مقصود بالذات دکلدر. فقره ثالثیه یعنی «فقط مال صاحبی الخ» فقره سنه کنجه مذکور فقره دخی ۴۳۸ مادهده ذکر اولاندن بشقه برشی اولمدیغندن بوراده آروجه ذکر ی لازم دکلدر. نته کیم ماده مذکوره شرحندن اکلایلور.

خلاصه ، اشبو ماده ۴۳۸ ماده سهیله باب سامنك فصل  
اوانده كله چك مواددن بشقه بر شئی مفید دكلدر . وبلكه  
فقره اولاده مال وقف و مال یتیم ذكر اولمدينی كبی فقره  
ثالثه دخی ساكیم سكوتی ذكر اولمديغندن بو ماده حالی  
اوزره براغلق جائز اولیوب شرحا ایدیلان تقید وایضا حله  
محتاجدر .

﴿ ۴۷۳ ماده ﴾

[ اجرتك تعجیل ] ویا تقسیط [ و ] یا [ تأجیلی حقنده  
عاقدين ] یعنی آجر و مستأجر [ هر نه ] شی [ شرط ایدرلر ایسه  
اكا رعایت اوانور . ] طوری بناء علیه اجرتك تعجیلی شرط  
ایدرلر ایسه مستأجر ك اجرتی بشین ویرمسی لازم کلیور .  
۴۶۸ مادهیه باق .

و تأجیل ویا تقسیطی شرط اولمدينی تقدیرده ماده آیه  
وجهله معامله ایدیلور . ۸۳ و ۴۴۵ مادهلره باق .  
مجلهده بوراده تقسیطی ذكر ایتدی . زیرا تأجیل اعم  
اولغله تقسیطه دخی شامل اولور . چونكه هر تقسیطده تأجیل  
واردر « ۱۵۷ » مادهیه باق .

ولا برد علی ذلك ان شرط التعجیل مخالف لمقتضى العقد  
وفیه نفع ظاهر للموَجَر لان قبول المستأجر بتعجیل البَدَل  
اسقاط لما استحققه من المساواة التي اقتضاها العقد وهي حقه



فيمكنه اسقاطها كاسقاط البايع حقه بتعجيل الثمن اذا اجله عن المشتري وكاسقاط المشتري حقه في وصف سلامة المبيع اذا قبل المبيع بكل عيوبه مع ان العقد يقتضى سلامة المبيع وقبض الثمن قبل قبض المبيع رد مختار . « ۳۴۱ و ۳۴۲ و ۳۴۳ » ماده لره باق .

تقدير مذکوردن اكلاشديني اوزره بوماده ۴۶۸ و ۴۷۴ و ۴۷۶ ماده لرك اصلي حكمنده اولغله ۴۶۸ ماده دن مقدم ذكر اولنمسي مناسب ايدي .

### ﴿ ۴۷۴ ماده ﴾

[ تاجيل ] ويا تقسيط [ بدل ] عقد اجاره ده [ شرط اولنديني صورتده ] عقد اجاره اكر منافع اعيان اوزرينه واقع اولور ايسه [ ابتدا آجرك ماجوري تسليم و ] اكر عمل اوزرينه واقع اولور ايسه ابتدا [ اجيرك عملي ايضا ايلمسي لازم كلوب اجرتك ايفاسي انجق مقاوله اولنان وقت تأديهك ] ويا زمان تقسيطك [ انقضاسنده لازم اولور . ] آجر آدن اول طلب ايده من . « ۸۳ » ماده يه باق بهجه ونتيجه . نته كيم ۲۸۳ ماده ده ذكر اولنديني اوزره ويره سي يه صا تشده بايئك حق حبسي اوليوب وعده سي حلوننده ثمن قبض ايتك اوزره هان ميبعي مشتري يه تسليم ايتسي لازم كلور .



﴿ ۴۷۵ ماده ﴾

[ تعجیل و ] یا [ تأجیل ] و تقسیط [ شرطی اولمقصرین  
 عقد اولان اجاره مطلقه ده ] ۴۶۶ ماده حکمنجه هان اجرت  
 اعطاسی لازم کلیوب بلکه [ عقد اجاره ] « ۱ » [ کرک منافع  
 اعیان اوزرینه ] واقع [ اولسون و ] « ۲ » [ کرک ] منافع  
 آدمی بولان [ عمل اوزرینه ] واقع [ اولسون هر حالده ] یعنی  
 شوایکی صورتدهده [ ابتدا ] صورت اولیده [ آجرك مأجوری ]  
 مستأجره [ تسلیم و ] صورت ثانیدهده [ اجیرک عملی ایفا  
 ایلمسی لازم کلور. ] و صورت اولیده آجر مأجوری تسلیم  
 ایتدکده مأجور اراضی و خانه کبی عقار ایسه هر کون ایچون  
 حصه سی مقداری اجرت اعطاسی لازم کلور. لانه استوفی  
 منفعة مقصوده هدایه واقعا قیاس اولان هر بر ساعت ایچون  
 حسابیله اجرت ویرلک و بو وجهله مساواته رعایت اولنق لازم  
 کلور ایسهده بونده خرج و مشقت واردر. لان المطالبة فی کل  
 ساعة یفضی الی ان لا یتفرغ لفره فیتضرربه فقدر ناه بما ذکرنا  
 هدایه .

مثلا بر کیمسه بر آیلق اولق اوزره عقد مطلق ایله اوتوز  
 غروش اجرتله فلان خانه سنی آخره ایجار و تسلیم ایتدکده هر  
 کون تمامنده قسط الیوم حسابیله یعنی یومیه قرقر پاره اجرت  
 اعطاسی لازم کلور. یوقسه هر ساعت ایچون اجرتدن حصه

ویرمک لازم کلز. واقعا تحقیقاً للمساوات قیاس اولان هر ساعت  
ایچون او نسبتده اجرت اعطا ایدمک لازم کیمک ایسه ده بالاده  
ذکر اولندیغی وجهله بو کبی حصه لک تعیین و او نسبتده اعطا-  
سنده خرج و مشقت واردر. «۱۷ و ۱۸» ماده لره باق.

و صورت ثانیه ده اجیر عملی ایفا یعنی تکمیل ایتدکده اجرت  
لازم کلور. یوقسه صورت اولی کبی بعض عمل ایچون قسط  
الیوم حسابیله اجرت لازم کلز.

مثلا اجیر اولان درزی مستأجرک خانه سننده البسه یی کاملا  
دیکوب عملدن فارغ اولدقدده اجر مسمی آلوب یوقسه هنوز  
عملی ایفا ایلمیوب بلکه روبالمک بعض محارینی دیکمکه او  
نسبتده اجرت اله من. زیرا بعض عمل ایله انتفاع اولنه ماز.  
یعنی روبه نك بعض یرلری دیکمسه یله اول روبه دن انتفاع  
ایدیله من. اجیر، عملی مستأجرک خانه سننده ایفا ایتمیوبده بشقه  
رده ایفا ایدر ایسه بو صورت ثانیه ده بعض عمل ایچون قسط  
الیوم حسابیله اجرت لازم کلیه جکنده اختلاف یوق ایسه ده  
اجیر، عملی مستأجرک خانه سننده ایفا ایدر ایسه بونده اختلاف  
اولمشدر. هدایه و تجریده بونده دخی قسط الیوم حسابیله  
اجرت لازم کلیه جکی بیان اولمشدر. مبسوط، ذخیره، مغنی،  
شرح جامع صغیر، قاضیخان، تمر ناشی، وفوائد ظهیری کبی عامه  
کتبده بونده یعنی اجیر مستأجرک خانه سننده عملی ایفا ایتدیکنده  
بعض عملی ایفا ایتدکده او نسبتده اجرتک اعطانی لازم

کله چکی محرر بولمشدرد . بوکا کوره مثلا مستأجرک خانه سمنده  
روبا دیکمکده اولان درزی روبه نک بعضیسنی دیکدکده هنوز  
اکمال ایتمدن مذکور روبا سرقت اولنسه درزی عملی نسبتنده  
اجرت آله بیلور کفایه نعم لوسرقت بعدما خاط بعضه وانهدم  
بنائه ای قبل الفراغ من بنائه فله الاجر بحسابه علی المذهب  
درمختار ورد مختار فان کل جزء من العمل یصیر مسلما الی  
صاحب الثوب بالفراغ ولا یتوقف التسلیم فی ذلك الجزء علی  
حصول کمال المقصود کفایه

استأجر انسانا لیبنی له حائطاً فبنی بعضه ثم انهدم فله اجر  
مابنی فهذا يدل علی انه یمتحق الاجرة ببعض العمل الا انه  
یشترط فیہ التسلیم الی المستأجر طوری.

شونک یعنی اجرک عملی ایفا ایلمسی مسئله سنک تفصیلاتنه  
بروجه آتی مبادرت اولنور . شویله که درزی مثللو عمللرنده  
اثر اولان آدملر عمل اوزرینه استیجار اولندقلری حالده عملدن  
فارغ اولدقلرنده یعنی دیکیشی دیکوب روبایی مستأجره تسلیم  
ایتدکلرنده اجر مسچی آورلر . فقط بو مثللو اجرلر مستأجر  
فیبی مستأجره تسلیم ایتمدن یدنده تلف اولسه اجرت ساقط  
اولور . نته کیم ۴۸۲ ماده ده بیان اولنور درر غرر . اما حال  
مثللو عمللرنده اثر اولمیان اجرلر عملدن فارغ اولدقلرنده ولوکه  
مستأجر فیہ مستأجره تسلیم اولنسه بیه اجرتیه مستحق  
اولورلر در مختار ..

و متن مجله دن دخی اگلاشیله جنی اوزره عمل اوزرینه  
وارد اولان اجاره ده اجرت عمل مقابلی اولمغله مثلا درزی  
روبایی دیکدکن صکره سوکسه یعنی ایشلیدیکی عملی بوزسه  
بودیکشدن طولایی اجرت اله مز. بلکه یکیدن دیکمک اوزره  
بحکم الاجاره اجبار ایدیلورده اجرتی اوپله ویریلور. لان عقد  
الاجاره لازم رد مختار.

کذا درزی روبایی دیکدکن صکره آجره تسلیم ایتمن  
بر آدم دیکیشی بوزسه اجیر مستأجر دن اجرت آله مز لان  
الخیاطة بماله اثر فلا اجر قبل التسليم كما في المبيع فقط خیاط  
بوزانه دیکیش قیمتی تضمین ایتدیرر. لانه بدل ما آتلفه علیه  
حق سقطت اجرت در مختار یوقسه بو صورتده اجیر یکیدن  
دیکمکه اجبار ایدیله مز. لانه الزم العمل و وفی به رد مختار.

كذلك مكاري مال صاحبي ياتسده اولیه رق یوله کیدرکن  
قطاع طریقدن تخويف اولمغله یوکی اولکی محله اعاده ایتسه  
بوندن طولایی اصلا اجرت اله مز. لنقض عمله ویوکی مقاوله  
اولنسان محله کوتورمکه اجبار ایدیلور. لبقاء العقد در مختار  
ورد مختار.

وكذلك برکیمسه محل معینه نقل حبوبات ایچون برسفینه یی  
استیجار ایدوبده اول محله بالغ اولدینی صرده روزکار اسمکه  
سفینه یی محل اکثرایه صرف ایتدکه صاحب حوله برلکده  
بولنمیجیه اجرت لازم کلز. زیرا حبوباتی محل معینه تسلیم

ایده مدی. اما صاحب حموله بر آنکه بولنور ایسه اجرت لازم کلور. زیرا بو تقدیرده حیوانات صاحبی یدنده اولمغه برابر محل مشروطه ایصال ایدلمش اولدی علی افندی رد السفینه انسان لا اجر للملاح و لیس علیه ان یعیدها وان ردها الملاح لزمه الرد رد مختار.

### « لاحقہ »

سوت انانک اجرتنه دائر مسائل بیاننده در

۱ — سود انانک اجرتی و چو جفک یمکنک بدلی چو جفک مالندن اعطا اولنور. مالی یوغیسه چو جفک نفقه سی کیمک اوزرینه لازم کلور ایسه آنک ویرمسی لازم کلور. و مثلاً حین استیجارده چو جفک مالی اولیوب بعده مال صاحبی اولسه کچن مدتک اجرتی مستأجرک مالندن و کله جک مدتک اجرتی صینک مالندن لازم کلور. و هیچ وارثی یعنی نفقه سی اوزرینه لازم اوله جق کیمسه سی یوغیسه بیت المالدن تسویه اولنور. « ۸۷ » ماده یه باق.

۲ — سوت انا چو جفنی بر مدت قیون سودی ویا بشقه اطعمه ایله بسار ایسه اجرت آله مز. لان الصحیح ان المعقود علیه هو الارضاع والتربیة لا اللبن والتغذية فلم تأت بالعمل الواجب علیها وهو الارضاع وهذا ایجار و لیس بارضاع. بو خصوص سود انانک اقراری ویا قیون سودی ویا اطعمه

ایله بسلا دیکی حقننده اقامه اولنه جق بینه ایله اثبات اولنور.  
 بوقسه سوداا کندی سودینی امدیرمدیکنه بینه استماع اولنه ماز.  
 « ۱۶۹۹ » مادهیه باق . ایکی طرفده اقامه بینه ایدر ایسه سود  
 آنانک بینه سی ترجیح قلنور تنویر ودر مختار ورد مختار.

### ﴿ ۴۷۶ ماده ﴾

[اجرت] یعنی اجاره مطلقا اولیوب بلکه اجاره ده اجرت  
 [اگر شهریه یا خود سنویه کبی بر وقت معین ایله موقوف ایسه]  
 بو توقیت تأجیل بدل حکمنده اولغله اجرتک [لزوم ایفاسی  
 اول] [معین] [وقتک انقضاسنده در]. آندن اول مطالبه ایده من  
 اذا لاستحقاق یتحقق عند استيفاء جزء من المنفعة تحقیقا للمساواة  
 والتأجيل یسقط استحقاق المطالبة الى انتهاء الاجل عنایه قال  
 فی مجمع الانهر اذا بین زمان الطلب عند العقد یوقف الموجر  
 الى ذلك الوقت لکونه بمنزلة التأجيل انتهى بو ماده ده بیان  
 اولنان اجرتک شهریه اولمیدر برده عقدک شهری و تعمیر دیکرله  
 مشاهره اولمسی وارد وکه مجرد بونکله اجرتک شهریه اولمسی  
 لازم کلز.

[مثلا] اجرت اسبوعیه یعنی هفته لک مقاوله اولمش ایسه  
 هفته تمامنده و [شهریه] مقاوله اولمش ایسه یعنی اجرتک تأدیه سی  
 آی غایه سنه تعلیق ایدلمش [ایسه آیک تمامنده و سنوبه] مقاوله  
 ایدلمش یعنی اجرتک سنه نهایتنده ایفاسی شرط اولمش [ایسه



سنه ختمانده ایفا اولمق لازم کلور . [ « ۸۳ » مادهیه باق جمیع  
الانهر .

بناءً علیه بر کیمسه کراسنی عودتنده فلان زمانده ویرمک  
اوزره فلان قصبهیه قدر بر حیوان استکرا ایتدکده اول کیمسه  
عودت ایتزدن مکاری اجرت طلب ایده مز هندیه .  
بو مادهنک ۴۷۴ مادهدن فرقی شودرکه اوراده تأجیل بدل  
صراحة مذکور اولوب بوراده بدل اجارهنک وقت استحقاقی  
ذکر اولمغله تأجیل ضماندر .

### ﴿ ۴۷۷ ماده ﴾

[ اجرتک ] مواد سابقهده بیان اولنان اصول اوزره [ لزومنده  
مأجورك ] مستأجره یا وکیلله یعنی وکیل بالاستیجاره [ تسلیمی  
شرطدر . ] و کیفیت تسلیم باب سابعک فصل اولنده بیان اولنور .  
[ یعنی کرا وقت تسلیمدن ] یعنی مأجورك مستأجره وقت  
تسلیمندن [ اعتباراً ایشلر . ]

وکیل بالاستیجارک قبضی مؤکلك قبضی کیدر . لکن وکیل  
موکله تسلیم ایتیوب بنفسه ساکن اولسه امام ابی یوسفه کوره  
اجرت لازم اولماز . و امام محمد کوره اجرت موکل اوزرینه  
لازم کلور . زیرا وکیلک قبضی مؤکلك قبضی کی اولمغله قبض  
اولا موکل ایچون واقع اولوب وکیل سکینی ایله غاصب و بناءً علیه  
وکیل اوزرینه اجرت لازم اولمز . بو دلیلنده نظر واردر .



زیرا غصب، مستأجر دن اجرتی اسقاط ایدر رد مختار « ۷۰ »  
 ماده شرحنه باق .

[ بو صورتده آجر ] بعدالمقد و [ قبلالتسليم مرور ایدن ]  
 بعض [ مدتک ] يوم القسط حسابیه [ اجرتی ] مستأجر دن  
 [ آله من . ]

مثلا برکیمسه غره محرمده بر آیلق اولق اوزره بر خانه  
 استیجار ایتدیکی حالد آجر اون بش کون یدنده امسال  
 ایتسه ده بعده تسلیم ایلسه یالکز یارم آیلق آله بیلور .

آجرت دار هامن زوجها وها یسکمنان فیها لا اجر علیه  
 آجر حانوته من غیره ثم اشترکا فی العمل فیہ لایجب الاجر  
 اذا عملا فیہ لعدم صحة التسليم بزایه قبیل نوع فی اجارة الوقف  
 [ و ] بو صورتده [ اکر ] بعدالمقد و [ قبلالتسليم مدت  
 اجاره ] بتون بتون [ منقضی اولور ایه ] آجر [ اجرتدن ] هیچ  
 [ بر شیئه مستحق اولماز . ] علی افندی .

ایشته آجر مأجوری تسلیم ایتماسینه مقابل اجرتدن  
 محرومیتنی ایجاب ایدوب آجر اوزرینه بشقه بر شی لازم کلز .  
 بو حالد مدت اجاره منقضی اولدقدن صکره آجر مأجوری  
 تسلیم ایتمشیدم دیو و مستأجر تسلیم ایتمک مدت اجاره ده یدکده  
 ایدی دیو اختلاف ایلدکلرنده آجرک ینه سی ترجیح اولور .  
 اما آجر اقامه ینه ایده مدیکی تقدیرده سوز مع الیمین مستأجر کدر  
 « ۷۶ » ماده یه باق هندیه فی الباب الخامس والعشرون .

مثلا بر سینه‌ك اولق اوزره بر خانه استیجار اولنوبده  
 قبل التسلیم بر آی مرور ایدوب لدی المحاکمه آجرك تسلیمی  
 لازم كلدكده مستأجر مدت باقیه سنی اجرتدن حصه سیله قبولدن  
 امتناع ایده مزه. كا اذا استأجر دار سنة فلم یسلمها الیه حتی  
 مضی شهر وقد طلب التسلیم اولم یطلب ثم تحا كما لم یكن  
 للمستأجر ان یمتنع من القبض فی باقی السنة عندنا لان الخیار  
 لو ثبت انما ثبت لتفرق الصفقة فی المعقود علیه والعقد كما وقع  
 وقع متفرقا فانه ینعقد ساعة فساعة علی ما بیننا فصار الجزء الثانی  
 من المنفعة مستحقا بعقد آخر وماملک بعقدين فتمذر التسلیم  
 فی احد العقدين لایؤثر فی الآخر وعند الشافعی رحمه الله تعالی  
 للمستأجر حق الفسخ فیما بقی لان المنافع عنده كایمان فاذا  
 فات بعض ما ینتاوله العقد قبل القبض لایجبر فیما بقی لالتحاد  
 الصفقة كما لو اشترى شئین فهلك احدهما قبل القبض كفایه .  
 شو قدر واركه مدت اجاره ده زیاده رغبت اولسه حق بر  
 زمان بولنوبده اول زمان مرور ایتدكدن صكره تسلیم ایده جك  
 اولسه مستأجر مخیردر. دیلرسه قبول و دیلرسه ترك ایدر .  
 مثلا مكه مكرمه ده ومناده موسم حجده بر آدم ایکی آیلق  
 اوله رق بر خانه استیجار ایتدیكی حالده آجر موسم حجك  
 مرورندن صكره تسلیم ایده جك اولدقده مستأجر مخیردر .  
 فانه لا یرغب فیما بعد الموسم فلوم یسلم فی الوقت الذی یرغب  
 لاجله خیر فی قبض الباقی كما فی البیع ای اذا اشترى نحو بیوت

مكة قبل زمن الموسم فلم يقع التسليم الا بعد فوته كان المشتري  
يتخير لفوات الرغبة تنوير ودر مختار ورد مختار.

بو ماده نك حكيمى اجير خاصه دخی جاربدر . شويلاه  
اجير خاص مدت اجاردهه عمل ايجون ۴۲۵ ماده موجبنجيه  
حاضر اولندن مدت مذكوره منقضيه اولسه اجرتدن هيچ برشيئه  
مستحق اولماز. نتهكيم مذكور ماده شرحنده بيان اولندى.

### ﴿ ۴۸۷ ماده ﴾

[ مأجور ايله انتفاع باليكليه فوت اولدقده ] يعنى مأجور  
بتون بتون انتفاع اولنه من رادهيه كلدكده آندن صكرهكى  
[ اجرت ساقط اولور. ] مأجور كرك عين ومتاع اولسون وكرك  
حيوان ويا عقار اولسون. اما آندن اولكى اجرتك اعطاسى  
لازم كلور. فان اختلفا فى فسادہ فى الزمان الماضى فى جميع المدة  
يحكم الحال والقول فى الماضى قول من شهد له الحال وان كان  
سالما فى الحال واتفقا على فسادہ فى بعض المدة واختلفا فى مقداره  
فالقول قول المستأجر مع يمينه لانه ينكر بعض الاجر هندية  
قبيل الباب الحادى والعشرون .

[ مثالا ] اجاريه ويريلان [ حمام تعميره محتاج اولوبده تعميرى  
اثناسنده ] وياخود مذكور حمام سيل باصمغله وياخود حمامك  
صوبى منقطع اولمغله [ بر مدت معطل قالسه اول مدتك اجرتدن ]  
جمله [ حصه من ساقط اولور. ]

کذا خانه ماجور کلیاً منهدم اولدوقده انشاسی انشاسنده  
بر مدت معطل قالسه اول مدتک اجرتی ساقط اولور رد  
مختار .

وکذا بر قریه ده کی حمام استیجار اولدوقده اورا اهالیسنک  
کلیسی طاعله اجرت لازم کلز . اما یالکز بعضیسی طاعلمغله  
اجرتک لزومنه خلل کلز بزایه وهندیه ورد مختار .

کذلک بر کیمسه بر محله ده بر خانه استیجار ایتدکن صکره  
اول محله بر مصیبت عارض اولوب اهالیسی فرار ایتکه مستاجر  
دخی نفسندن قورقوسندن مذکور خاننی ترکله کتمکه مجبور  
اولغله انتفاع ایده مسه اجرت لازم اولماز هندیه .

[ کذلک دکرمنک صوی کسلیوبده ] یاخود طغیان میاه وقوعبو-  
لوبده بر مدت [ معطل قالسه صویک انقطاعی وقتندن اعتباراً ] معطل  
اوله رق قالدینی مدتک [ اجرت ] ی [ ساقط ] وبوباده وقوعبولان  
اختلافک ۱۷۷۶ ماده وجهله فصلی لازم [ اولور . ] تنقیح  
حتی سنوی بیک ایکوز غروش استیجار ایدیلان دکرمان  
صوی منقطع اولوبده بر آئی معطل قالسه یوز غروش اجرت  
ساقط اولور . « ۵۱۶ » ماده شرحنه دخی باقی تنقیح .

دکرمندن مقصود ، مأجور اولان دکرمندر . اما مأجور  
یعنی اجاره یه ویریلان دکرمن اولیوبده دکرمن بنا اولنوب  
ایشلمک اوزره ارض اولنجه مستأجر دخی اول ارضده دکرمن  
بنا ایدوب بر مدت ایشلدکن صکره صو منقطع اولوب دکرمن

ایشلمسه ومستأجر دخی فسخ اجاره ایتسه اجرت لازم کلور  
هنديه .

مجلده ذکر اولندینی وجهله دکرمن صوینک انقطاعی  
سقوط اجرتی موجب اولغله دکرمن صاحبی صوینک انقطاعیه  
بروجه بالا اجرتک سقوطندن خوف ایتمهکله یالکز دکرمنک  
بناسنی ودروندهکی آلائی وطاشی ایجار ایتسی بوحق فسخی  
ابطال ایتیهجکی کبی صو منقطع اولدقهه مستأجرک حق فسخی  
اولماسی شرط قلنسه بو شرطک حکمی یوقدر . الایری ان  
طحانلو استأجر رخی یطحن بجمله فرض جمله ولیس له ما  
یشتری به جملا ترک الاجارة او لم یتک یجب الاجر بزایه قیل  
الباب الثانی . ایشته کرک هندیده وکرک بزایه نک یرموضعهه  
بروجه محرو مذکور ایکن بزایه نک دیگر موضعهه وان خاف  
المالك انقطاع الماء وفسخ الاجارة وآجرالیت والمتاع والحجرین  
خاصة فلیس له الفسخ بل له ان یفسخ بالعیب فان انکسرالحجران  
اوالدوارة اوانهدام الیت له الفسخ فان اصلحه لا دیو محرودر .  
[ فقط ] دکرمانده اون اوکوتمکله برابر مثلاً ساکن اولقی  
اوزره استیجار ایدلمش یعنی منفعت طحن ایل برلکده اوله رق  
منفعت سکنی دخی معقود علیه قلنمش ایسه [ مستأجر اون  
اوکوتمکدن غیری ] سکنی وربط دواب کبی [ بر صورتله اول  
دکرمنک اونندن انتفاع ایتدکده بدل اجاره دن یعنی اجر مسمان  
اکا اصابت ایدن حصه نی وبرمسی لازم کلور . ] لانه بقی شیء

من المعقود عليه فاذا استوفاه لزمته حصته زيلعى في فسخ الاجارة .  
 شرحا منفعت سكنى مع منفعة الطحن معقود عليه اولمق  
 قيديله تقييد اولندى . زيرا منفعت سكنى مع منفعة الطحن معقود  
 عليه دكل ايسه اجرت سكنى لازم كلز . ومقاد ما فى النار خانيه  
 انه لا يجب اجرة بيت الرحى صالحا لغير الطحن كالسكنى مالم تكن  
 معقودا عليها . فقط بعضيلر مطلقا يعنى منفعت سكنى مع منفعة  
 الطحن كرك معقود عليه اولسون وكرك اولسون سكنك اجر  
 مثلى لازم كلور ديمشـلردر . مجله نك اطلاقى بو بعضك قولـه  
 مبذير دينك دخی ممکندر رد مختار وتنقيح .

وكذلك ذكر منك صوبى فاحش صورته ترايد اتمكـله برمدت  
 معطل قالسه ده اومدته انتفاع ممكن اوله مسه او مدتـك اجرتى  
 ساقط اولور تنقيح .

وكذلك زراعت ايجون استيجار ايديلان ترلا قبل الزراعه  
 صويه غرق اولسه اجرت ساقط اولور رد مختار وبزايه .  
 وكذلك استيجار اوانان ترلاده زراعت ايدلـكـدن صكره  
 مزروعانى جراد اكل ايتسه ده اندن صكره مدت اجاره ده  
 مزروع مثاندن ويا ترلايه ضرر جهتنجه ادناسندن زراعت ممكن  
 اولسه جرادك اكلندن صكره كى مدتـك اجرتى لازم كلز .  
 واولوقته قدركى مدتـك اجرتدن حصه سى لازم كلور . سئل فى  
 جماعة استأجر اراضى قرية موقوفة من متولى وقف مدة معلومة  
 باجرة معلومة كذلك ليزر عوها فقل مأوها المعلوم لها بحيث انه



لا يصل اليها بل يذهب في مجراه ويريدون مخاصمة المتولى لفسخ  
المقضى العقد فهل لهم ذلك الجواب نعم تنقيح.

وكذلك آنحق ماء مطر ايله سقى اولنور ارضى استيجار  
ايتديكى حالده مطر منقطع اولمغله زراعت اولنه مسسه اجرت  
لازم كليه جكي كبي ارضى شرييله استيجار ايتمشيكن صو منقطع  
اوله رق زرع اولنه مسسه اجرت لازم اولماز تنقيح.

وكذلك بر ارضى صهرنجدن سقى اولنور شرييله توتون  
زرعى ايجون استيجار ايتديكى حالده صهرنج منهدم اوله رق  
دروننده كى صو ضايع اولمغله استفادة اولنه مسسه اجرت لازم  
اولماز.

مأجور ايله انتفاع بالكلية فوت اولمسيله اجاره منفسخ  
اولماز. ووجهه ان المنافع فات على وجه يتصور عودها ولان  
اصل الموضع مسكن بعد انه دام البناء وتأتى فيه السكنى بنصب  
الفسطاط فيبقى العقد لكن لا اجر على المستأجر لعدم التمكن من  
الانتفاع به على الوجه الذى قصده بالاستيجار زيلعى فى الاجارة  
الفاسدة.

بالسكة ٥١٤ و ٥١٨ ماده لرده بيان ايدلديكى اوزره خيار  
عيبى استلزام ايدر. حتى متن مجله مثالده مذكور ذكر منك  
صوينى ينه عودت ايتسه كلديكى تاريخدن اعتباراً اجرتك لزومى  
دخى عودت ايدر. زيرا قبل الفسخ سبب فسخ زائل اولمشدر  
رد مختار. وكذلك مأجور دار، خراب اولسه اجرت ساقط



اولور ايسه ده اجاره منفسخ اولميه جغندن آجر مذکور خانہ بی بنا ایدیلور سه آرتق مستأجرک فسح اجاره ده خیاری قالماز . لزوال سببه قبل الفسخ والظاهر انه فیما لو بناها کما كانت والافله الفسخ ولیجر رد مختار .

مجله ده مأجور ايله انتفاع بالکلیه فوت اولدقده دنیلور . زیرا مأجور ايله انتفاع بالکلیه فوت اولمیوب بلکه مختل اولسه ۵۱۶ ماده وجهله معامله ایدیلور .

تفصیلات آنفیدن اکلشیلور که سقوط اجرت منع انتفاع ايله اولوب یوقسه یالکیز منعه تشبثله دکلدر . بناء علیه برکیمسه دکر من استیجار ایتدیکی حالد قوشولر دوراندن ابنیه مزه وهن وضرر فاحش کلور دیو تعطیلی دعوی و حاکم دخی تعطیل دورانه حکم ایتدکده حکم مذکور اجرا یعنی مستأجر ایشلمکدن منع اولمدقجه اجرت ساقط اولماز رد مختار . والمراد ای من المنع واللّه تعالی اعلم ان یحال بینه وبين الداورة فلا یقدر علیها رد مختار .

انتفاعک عدم امکانی سقوط اجرتی ایجاب ایده جکندن مستأجر مثلاً دکر منک ایشلمدیکی مدتک اجرتی تنزیل اولنق شرطیله استیجار ایتدکده صحیح اولور . «۴۶۲» ماده شرحنده کی «۱» مسئلهیه باقی . اما مدت تعطیلیه ایچون مثلاً ایکی آلیق اجرتک تنزیلی شرط ایدیلور ايسه اجاره فاسد اولور . زیرا عقد اجاره نک مقتضاسی مدت تعطیلده کی اجرتک تنزیلی در . مذکور مدت

آز اولسون چوق اولسون. وشو حالده ايكي آيك تنزيلي شرط  
ایتمك عقدك مقتضاسی دكلدر . وهذا نظیر مالو اشتری زیتا فی  
زق واشترط حط ارطال معلومة لاجل الزق فانه یفسد بخلاف  
حط مقدار الزق فانه یصح رد مختار.

### { لاحقه }

( غصب ماجور ايله سقوط اجرتہ دائر در )

فوت الانتفاع سقوط اجرتی موجب اوانجه غصب المأجور  
ایله دخی اجرت ساقط اوله جفی اكلاشیلور. لان تسلیم المحل  
انما اقيم مقام تسلیم المنفعة للتمكن من الانتفاع فاذا فات التمكن  
فات التسليم . شویله كه مستاجر یدنده بولنان ماجوری برکیمسه  
غصب ایدوب ماجور ايله انتفاع و غاصبدن شفاعت یا حمایت  
ایله مصرفسز استردادى غیر ممکن اولسه اجرت ساقط اولور .  
شفاعت، استعطاف خاطر غاصبدن عبارت اولدینی کبی حمایت  
دخی اعانه ايله غاصبدن استردادندن عبارتدر اما لولم یمكن اخراجه  
الا باففاق مل فلا یلزمه . وماجور ایکی اولوبده یالکیز بریسی  
غصب ایدلسه یالکیز آنک حصه سنده اجرت ساقط اولور .  
اما غصب اولسان عقار مأجور ايله انتفاع فوت اولسه  
اجرت ساقط اولماز .

مثلا برکیمسه اراضیء مأجوریه فدائلری غرس وزراعت

ایتدکدن صکره اول اراضی بی بریمی غصب ایله بر مدت ضبط  
ایدوب بدمه هیئتیله تسلیم ایتسه اجرت ساقط اولماز.

کذلک غاصبک . مصرفسز اخراجی ممکن ایکن اخراج ایلمسه  
ینه اجرت مستأجر اوزرینه لازم کلور . لانه . مقصر رد مختار .  
مأجور ، بر مستأجر دن غصب اولنسه اجرت ساقط اوله جنی  
بالاده بیان اولمشیدی . یعنی بو صورتده موجر ، مستأجر دن  
بدل ایجار طلب ایده مر .

شوقدر وارکه ماجور مقصوب مال یتیم ویا معدلاستغلال  
ایسه او مالک صاحبی ایچون غاصبدن اجر مثل آلور تنقیح .  
یعنی مال صاحبی مستأجر دن اجرت آلهماز ایسه ده غاصبدن  
اجر مثل آلور ۵۹۶۵ ، مادهیه باق .

بومسئله ده کی غصب ۸۸۱ ماده معناسنه اولیوب بلکه مستأجر  
ایله عین ماجور بیننده حیلات معناسنه اولغله مثلا بر آدم  
مستأجری ماجور دن تبعید ایدوب مستأجر استیفای منفعته  
مقتدر اوله مسه ینه اجرت ساقط اولور عبدالحلیم .

ماجور مدت ایجاره نك بعضی سنده مستأجر یدندن غصب  
اولنسه یالکز اول مدتک اجرتی ساقط اولور . زیرا سقوط ،  
مسقط مقدار یله در .

مثلا بر کیمسه آتی یوز غروش اجرتله آتی آیلق اوله رق  
بر دکان استیجار ایله اوچ آی ساکن اولدقن صکره غصب  
ایدیله رک مدت متبایقه ده غاصب طرفندن ضبط ایدلسه اوچ آیلق

اجرتی اولان اوچیوز غروشی ویرسی لازم کلوب ماعداسی  
ساقط اولور رد مختار.

ایشته غصب ماجور، سقوط اجرتی ایجاب ایدر ایسه ده  
قاضیخانک بیاننه کوره انفساخ اجاره نی ایجاب ایلمز یعنی عقار  
ماجوری مستاجر یدندن غصب اولنسیله اجاره منفسخ اولماز.  
بناء علیه برکیمسه مثلا سنوی بیک ایکوز غروش اجرتله بر  
دکانی استیجار ایتدکن صکره مذکور دکان غصب ایدلمکه  
ایکی ای غاصب یدنده قالب بعده مستاجره رد ایتسه ایکی آیلای  
اجرت یعنی ایکوز غروش ساقط اولوب باقی مدتده مستاجر  
دکانی استعمال ایدرک بیک غروش اجرت ویرر رد مختار.

بوصورتده مستاجر ماجور یدندن غصب ایدلدیکی وشوجهتله  
اجرت ساقط اولدینی ادعا و آجر انکار ایتدکده طرفینک  
ینه لری اولمینیجه حال حاضر حکم قیلنه رق مذکور عقارده اگر  
مستاجرک غیرسی ساکن ایسه سوز مستاجرک اولوب اجرت  
لازم کلز. و اگر مستاجر ساکن ایسه سوز موجر کدر. و لایحقی  
ان هذا حیث لا بنیة ولذا قال فی الذخیرة ولوا قام المستاجر  
البنیة ان الماء کان منقطعاً فیما مضی یقضی بها وان کان جاریا  
للحال رد مختار. غصب ایله اجاره منفسخ اولماز ایسه ده مستاجر،  
مدت غصبده اجارمی فسخ ایتدکه مقتدر در بزازیه وانقروی.  
کذا عقار بوش ایسه ینه سوز موجر کدر.

مسئله آنفده ده عقار ماجوری غصب ایدنه ک قولی قبول

اولمز. یعنی عقار ماجوری بن غصب ایتم و یا ایتمدم دیمسنک  
فائده سی یوقدر. ۷۸۵ ماده. باق. لانه شاهد علی الغیر اومقر  
وشهادة الفرد والاقرار علی الغیر لایقبل رد مختار.

### { ذیل }

۱ — مستاجر مثلاً بر سنه لك اولق اوزره شهریه می یوز  
غروشه استیجار و قبض ایلدیکی خانه ده بر مدت ساکن اولدقدن  
صکره اجرتی ویرما، کله آجر خانه لك مفتاحنی آلوب بر آی  
قبالو قالسه اجرت ساقط اولماز. زیرا مستاجر تادیه اجرتله  
ماجورده ساکن اوله بیلور ایدی بزازیه.

### ❖ ۴۷۹ ماده ❖

[برکیمسه] مثلاً [بردکان] دروننده بر صنعت ایشلمک ایچون  
[استیجار و] فارغا [قبض ایتمشیکن] آجر تماما اجرتی طلب  
ایتدکده اول کیمسه مجرد [بر مدت اخذ و اعطایه کساد عارض  
اولغله] مذکور [صنعت ایشلنمدی و دکان قبالو قالدی دیو]  
قبالو قلان [اول مدتك کراسنی] آجره [اعطادن امتناع ایده مز].  
علی افندی. چونکه ۴۷۰ ماده ده ذکر اولنمدینی اوزره  
اجاره صحیحده استیفای منفعتیه اقتدار ایله اجرت لازم کلور.  
وکساد مذکور عذر و بهانه سیله مستاجر اثنای مدته دخی  
فسخ اجاره ایده میه چکی منیه ده محرر بولنشد. اما هندیده

کساد مذکور فسخ اجاره ایچون عذر ایدوکی ذکر اولمشدر  
ویمکن حمل مافی المیة علی نوع کساد رد مختار وانقروی .

✽ ۴۸۰ ماده ✽

[ مدت اوزرینه بر قایق استیجار اولنوبده اثنای راهده ]  
یعنی ساحله یناشمزدن اول [ مدت ] اجاره [ منقضی اولسه  
ساحله یناشنجهیه دک ] آجرك رضاسی اولسه بیله بالضرورة  
والجبر [ اجاره ممتد اولور . ] واقعا اجاره ده عاقدینک رضاسی  
شرط ایسه ده بوراده برای ضرورت مستأجرك رضاسی آراندی  
۲۱ مادهیه باق . [ ومستأجر فضله اولان مدتك اجر مثانی ]  
قایقجیه [ ویرر . ] « ۳۳ » مادهیه باق .

خلاصه ۴۴۳ ماده ده بیان اولندیفی کی اجاره اعذار ایله  
فسخ اولنه بیله جکی مثللو اعذار ایله دخی ابقا اولنور . « ۵۲۶ »  
ماده بو قیلندر انقروی .

کذلک بر کیسه امتمه سنی فلان بلدهیه نقل ایتک اوزره  
بر آی مدتله بر کی استیجار ایدوبده اول بلدهیه وارمیدن  
یولده مدت منقضی اولدقدن صکره اون بش کون دخی  
کیدیلهرک اول بلدهیه وارلسه اولکی آی ایچون اجر مسمی  
واون بش کون ایچون اجر مثل لازم کلور فیضیه .

کذلک مدت اوزرینه حیوان استیجار اولسدقده مدت  
اجاره قیرده منقضی اولسه حکم ینه منوال مشروح اوزره در  
رد مختار .

و كذلك نفسی سوت آتالی ایچون ایجار ایتمکله معروفه  
اولان بر قادی سوت آتالغه استیجار اولنوب مدت منقضى  
اولمشیکن چوجق بشقه سنك ممه سنی آلمز اولور ایسه سوت آنا  
اجاره نی ترك ایده من مکرکه ۵۸۱ ماده ده کی اعذار دن بری بولنه  
انقروی .

﴿ ۴۸۱ ماده ﴾

[ بر کیمسه ] ملك [ خانه سنی دیگر کیمسه یه مرمت ] و تعمیر  
[ ایتمک و ] او کیمسه مذکور خانه ده [ بلا اجرت ساکن اولمق  
اوزره ویرسه و او ] کیمسه [ دخی کندو طرفندن مرمت ]  
و تعمیر [ ایدرک بر مدت ساکن اولسه ] بو عقد اجاره اولیوب  
[ عاریت ] و مصارف تعمیریه دخی نفقه مستعار [ قبیلمدن اولمغه ]  
اچاریه خلل کلیوب [ مصارف تعمیریه اول کیمسه یه عائد  
اولور . ] ۸۸۵ و ۸۸۵ ماده لره باق . کتب فقهیه ده بومسسه  
« بر کیمسه خانه سنی ساکن اولمق و تعمیر ایتمک ایچون آخر  
کیمسه یه ویرسه الی آخره » دیو اوزره کلمه سیله کتورولماش اولمغه  
برابر العقد فی تلك المسئلة اعارة لا اجارة لان ذکر المرمة علی  
وجه المشورة لا الشرط دنیلمشدر انقروی لیکن بزازیه دفع  
داره علی ان یسکنها ویرمها ولا اجر فی عاریة دنیلمشدر  
رد مختار فی العاریة [ و صاحب خانه دخی اندن اول مدت ایچون  
اجرت نامسه بر شی آه مز . ] ۸۱۲ ماده یه باق . لان نفقه



المستعار على المستعير والمرمة من باب البقرة بزايه وبوصورته  
ظاهر اولان او كمنه اوزرينه مرمت ايتك لازم كلز . لان  
المستعير لا يلزمه شئ اشباه وحموى . وبوصورته او كمنه  
مذكور خانه ي آخر شخصه ايجار ايدمز . ايدوبده خانه منهدم  
اولسه او كمنه غاصب اوله جغندن اكاظمان لازم كلور اقروى  
زيرا عقد مذکور اجاره اوليوب مجله ده مصرح اولدني اوزره  
عاريت اولديغنه ومستعير ايسه مستعارى آخره ايجار ايدميه .  
جكته بناء ايجار ايتدكه غاصب اولور . « ۷۹۰ » ماده يه باقى .  
والمستأجر اجارة فاسدة لو آجر من غيره اجارة صحيحة  
يجوز فى الصحيح وقيل لا يملك واستدلوا بما ذكر فى الاجارات  
دفع اليه دارا ليسكنها ويرمها ولا اجرله و آجر المستأجر من  
غيره وانهدم الدار من سكنى الثانى ضمن اتفاقا لانه صار غاصبا  
اجابوا عنه بان العقد فى تلك المسئلة اعارة لا اجارة لان ذكر  
المرمة على وجه المشورة لا الشرط وافعات المفتين .

متن مجله ده « مرمت ايدرك برمدت ساكن اولسه » دنيلدى .  
زيرا مرمت ايت وساكن اول ديدكدنصكره مرمت ايتديكى  
حاله خانه صاحبي آنى اسكان ايتسه مصارف تعميريه ي اول  
كيمسه دن يعنى خانه صاحبندن الور خيريه .

بو ماده ده خانه لفظى قيد احترازى دكلدر . بناء عليه بر  
كيمسه قوالا نطق وبسامك ايجون استرني آخره ويره بوده  
عاريت قيلندن اولوب يوقسه اجارة فاسده اولماز . ومستعير

مذكور حیوانی آخره ایجار ایدہ من. ایدوبده مستأجر یدندہ  
تلف اولسہ ضامن اولور.

بر ماده دہ کی خانہ لفظی شر حائلک ایلہ تقیید ایدلدی. زیرا  
۵۹۶ ماده شرحندہ بیان اولنہ جفی اوزرہ وقف اولان خانہ دہ  
متولی اجرتسز اولہ رق بر آدمی اسکان ایتسہ ساکن اوزرینہ  
اجر مثل لازم کلور. مذکور خانہ کړک معدلاستغلال اولسون  
و کړک اولسون. صیانة للوقف عن ایدی الظامة وقطاع الاطماع  
الفاسدة وعلیه الفتوی تنقیح .

### {لاحقه}

( استیجارہ وکالتہ دائر بعض مسائل بیانندہ در )

۱ — بر کیمسہ بر عقارک استیجارینسہ دیکرینی توکیل  
ایتمکله وکیل دخی اول عقاری استیجار و قبض ایتدیکی حالہ  
موکلنہ تسلیم ایتسہ مدت اجارہ مرور ایتسہ اجرت وکیل  
اوزرینسہ لازم کلور . لانه اصیل فی حقوق العقد ۱۴۶۱ ه  
ماده یہ باق .

وکیل ویردیکی بدل ایلہ موکلنہ رجوع ایدر . لینابتہ عنہ  
فی القبض فصار قابضا حکما لیکن موکل مأجورک کندوسنہ  
تسلیمنی وکیلدن طلب ایتدیکی حالہ وکیل تسلیمدن امتناع  
ایتمکله مدت اجارہ مرور ایتسہ استحسنانا رجوع ایدہ من. لانه  
باخس صار غاصبا والغصب من غیر المثلک متصور .

نته کیم وکیل بالاسـتیجار ، تعجیل بدل شرطیله بر مالی  
استیجار و قبض ایدوبده موکل طلب ایتماسـیله یدنده قالوب  
مدت ایجار مرور ایتسه وکیل ویردیکی بدل ایجار ایله موکلنه  
رجوع ایدر لصیرورة الآخر قابضا بقبضه مالم یظهر المنع .  
اما موکل مأجوری طلب ایتـدیکی حالده وکیل بروجه  
پشین ویردیکی بدلك استیفاسیچون یدنده توقیف ایتـکله مدت  
ایجار مرور ایتسه وکیل بدل مذکور ایله موکله رجوع ایده مز .  
لانه لما حبس الدار بحق لم یبق یدید نیـابة فلم یصر الموکل  
قابضا حکما فلا یلزمه الاجر .

۲ — آجر بدل اجاره نی وکیل بالاسـتیجاره هبه ویا آنی  
بدل مذکور دن ابرا ایتـدکده صحیح اولوب وکیل ینـه بدل  
مذکور ایله موکلنه رجوع ایده بیلور درمختار وردمختار ودرر .

### ﴿ فصل ثالث ﴾

( یعنی باب ثالث اوچمنجی فصلی )

استیفای [ اجرت ایچون اجیرک مسـتأجر فیهی ] یدنده  
[ حبس ایدوب ایده مامسی حقنده ] اولوب ایکی ماده نی حاوی  
[ در . ]

﴿ ۴۸۲ ماده ﴾

[ درزی و بوباجی ] وجاهه شوی وصائع و نجار واسـکاف

[کبی عملنده اثر] یعنی عملنک اثری مستأجر فیهده ظاهر  
ونمایان [اولان] وکذا کندو عملیه مستأجر فیه شیء آخر  
عد اولنور مرتبه « یعنی ۸۹۹ ماده ده بیان اولندینی اوزره او  
عملی غاصب مال مغصوبده یا پس مغصوب منهک ملکی او مالدن  
زائل اولسنی ایجاب ایدر صورتده، تغیر ایدن [اجیرک ویره سی به  
مقاوله اولنماش] واجیر مستأجر فیهده کی عملنی مستأجرک  
خانه سنده یا نماش [ایسه] ۴۶۹ ماده ده ایضاح اولندینی اوزره  
عملدن فراغ ایله اجرت لازم اوله جفتدن [اجرت ایچون  
یدنده مستأجر فیهی] عملی ایفادن صکره [حبس] یعنی اجرتی  
استیفا ایدنجه یه دک توقیف [ایتمکه صلاحیتی واردر .] زیرا  
معقود علیه محله قائم بولنسان بر وصف اولوب بناء علیه  
استیفای بدل ایچون حق حبسی واردر شای . نته کیم بیعه ده  
دخی بویه ایدی . « ۲۷۸ » ماده یه بق . نساج نسج ثوباء به  
لیاخذ الاجر فقال له صاحب الثوب اذهب به الی منزلک فاذا  
فرغنا من الجمعة دفعت لك الاجرة فاختمت الثوب من یدالنساج  
فی المزارحة قال ان کان الحائک دفع الثوب لربه فدفعه للحائک  
علی وجه الرهن وهلك الثوب هلك بالاجرة وان دفعه الیه علی  
وجه الودیعة فهلك هلك علی الامانة والاجر علی حاله لانه سلم  
العمل الی صاحبه فیقرر علیه الاجر طوری .

بوراده کی حبسدن مقصود، مستأجره تسلیم ایتزدن اول  
حبس اولوب اما بر کره مستأجره تسلیم قانسسه آرتق اجیر

استرداد ایدوبده حبس اتمکه صلاحیتی یوقدر رد مختار «۵۱»  
مادهیه باقی .

اژدن مراد. بعض فقهایه کوره محل عمله متصل اولان  
وصانعتک یعنی اجیرک ملکی بولان اجزادن عبارتدر. خیوط  
وصبغ کبی . ودیکر بعض فقهایه کوره محل عملده معاینه  
ورؤیت اولنان شیدن عبارتدر . کړک عین اولسون . خیوط  
کبی . وکړک عرض اولسون . اودون وفستقی کسر وحنطه یی  
طحن کبی . بو معنی معنای اولدن اعمدر . وثمره الخلاف تظهر  
فی کسر الخطب وخلق رأس العبد فایس له الحبس علی الاول  
وله الحبس علی الثانی طوری .

ایشته درزی . کندی ملکئی یعنی ایپلکئی مستأجرک ملکله  
یعنی مستاجر فیه ایله خلط اتمشدر . واجیرک عملتک اثری بوراده  
عین متصلدن عبارت اولیور .

بویاجی . دخی کندی ملکئی اولان بویایی مستاجر فیه ایله  
خلط ایلمش وبویاجینک عملتک اثری دخی کورونمکده بولنمشدر .  
جامه شویه کلنجیه بونک اثری دخی صو ایله غسل اولنان  
ثوبده کیر تختمده مستتر اولوب میدانه چقان وکوزایله کورینان  
بیاضلقدن عبارتدر .

یالکز صو ایله وتحسین ایچون غسل اولنان جامه کبی  
شیلرده مستاجر فیه حبس اولنوب اولنه میه جغنده اختلاف  
اولنمش وعامة اصحاب متون فقهیه وصاحب محیط حبسک عدم

جوازینی وقاضیخان وقاضی بدیع الدین وظهر الدین التمر تا  
شی کی دیگر بعض اکابر فقها دخی حبسک جوازینی اختیار  
ایلمش اولوب مجله نك اطلاقدن مستبان اوله جفی اوزره بونده  
دخی حبس اوله سیله جکنه دائر اولان قول قبول اولمشدر که  
در مختار صاحبی دخی اصح اولان بو قولدر دیمشدر. بو حالده  
اثر دن ایکنجی معنی مراد اولنیور دیمکدر طوری وعبد الحامیم .  
اختلاف المشایخ فی قول اصحابنا کل صانع لعمله اثر فی العین  
ان المراد به العین والاجزاء المملوكة للصانع الذي بمحل العین  
کالنشاستیج والغراء والخطوط ونحوها اما مجرد مایعین فی محل  
العمل ککسر الفستق والخطب وطحن الخنطة وحلق رأس العبد  
فاختار الاکثرون الاول وبعضهم الثاني واما التمسار فان کان  
يقصر بالنشاستیج او بیاض البیض فله حق الحبس لانه اتصل  
بالثوب مل قائم کما فی الصبغ فاما اذا کان بیض الثوب غیر مضاف  
الی عمله بل البیاض کان حاصلا ولیکن استتر بالدرون والوسخ  
فزال ذلك بعمله وظهر البیاض الذي کان فی الاصل وقیل له  
حق الحبس لان ذلك البیاض صار کالهلک باستتاره بالا وساخ  
فیقع العمل احد انا لصفة البیاض من حیث المعنی فیکون له حق  
الحبس کما فی الخیاطه کفایه. صوابه تحسین ایچون غسل اولنان  
دنیلدی، زیر تطهیر یعنی نجاستی ازاله ایچون غسل اولنان ثوبک  
غسل اجرتی الملق ایچون حبسی جائز اوله ماز در مختار ورد  
مختار. [وبو وجهله] یعنی اجرت بشین اولمق ملابس سیله استیفا

ایچون مستاجر فیهی [حبس] و توقیف [ایدوبده یدند] بالاعتد  
 [اول مل تلف اولسه ضامن اولماز]. «۹۱۵» ماده یه باق . زیرا  
 مستاجر فیه اجیر یدنده قبل الحبس امانت اولدینی کی حبسه  
 حتی اولغله اننمای حبسده دخی امانت اوله رق قاله جغندن  
 بسبب الحبس ضمان لازم کلز . چونکه غیر متعدی یه ضمان یوقدر .  
 «۷۶۸» ماده یه باق . وبو عدم ضمان یعنی مجله نك بو فقره سی  
 امام اعظم حضرتلرینک مذهبی اوزرینه منی بولمشددر چونکه  
 مشارالیه کوره ماجور قبل الحبس امانت اولدینی کی بعد الحبس  
 دخی امانتدر . اما امامینه کوره ینه ضمان لازم کلور . زیرا امامینه  
 کوره مستاجر فیه قبل الحبس مضمون اولدیغندن حبس مذکور  
 ایله ضمان ساقط اولماز . لیکنه بالخیار ان شاء ضمنه قیمته غیر  
 معمول ولا اجرله لان المعقود علیه هلك قبل التسليم وهو  
 یوجب سقوط البدل كما فی البيع وان شاء ضمنه معمول ولا  
 الاجر لان العمل صار مسلما الیه بتسليم بدله هدايه و طورى .  
 نته کیم ۶۰۷ ماده شرحنده بیان اولنور .

[فقط] بو حالده یعنی اجیر استیفای اجرت ایچون حبس  
 ایتدکن صکره مستاجر فیه تلف اولدقده [اجرت دخی الهماز] .  
 زیرا معقود علیه قبل التسليم هلاك اولوب بوايه سقوط اجرتی  
 ایجاب ایدر . قبل القبض مبيعك هلاک کی . «۲۹۳» ماده یه باق .  
 اما اجرت ویرده سی به مقاوله اولمش ایسه حبس ایده مز  
 طورى «۴۷۳ و ۴۷۴» ماده لرله باق . اجرت بروجیه مذکور



ویره سی به مقاوله اولدینی حالدہ اجیر مستاجر فیہی حبس ایتسه غاصب اولور .

کذا اجیر مستاجر فیہی مستاجرك خانه سنده عمل ایتمش ایسه حبس ایدہ مز . مثلاً درزی البسه یی مستاجرك خانه سنده دیکوب فارغ اولدقده اجرت ایچون البسه یی حبس ایدہ مز . زیرا بو تقدیرده البسه مستاجرك یدنده وقبضنده بولنیور . بو صورتده البسه یی حبس ایدہ جک اولدقده غاصب اولور . فان حبس العین من لیس له حق الحبس فهلكت ضمنها ضمان الغصب والمواجر یخیر ان شاء ضمنه قيمتها معمولاً واعطاء الاجیر اجرتہ وان شاء ضمنه قيمته غیر معمول ولا یعطى الاجر طوری .

خلاصه کلام ، برای استیفای اجرت مستاجر فیهک حبسی ایکی شرط ایله مشروطدر . شرط اول ، اجرت معجله اولمسیدر . حتی اجرت مؤجله اولور ایسه مستاجر فیهک حبسندہ کی حقیقی اسقاط ایلمش اوله جنی جهتله حبس ایدہ میوب ایدر ایسه غاصب اولور . شرط ثانی ، اجیرک عملی مستاجرك بیننده اولماملیدر . حتی مستاجرك یتنده اولور ایسه مستاجر فیه مستاجره حکما تسلیم ایلمش اوله جنی جهتله تسلیم حقیقی کی اولمغله آندن صکره حبس ایدہ مز شرح مجمع . ایدر ایسه غاصب اولور . حکما تسلیمدر دنیلدی زیرا بیت ، مستاجرك یدندهدر .

کذلك اجیر استیفای اجرت ایچون ماجوری حبس ایتمز دن

اول خود بخود تلف اولدقده اکر درزی و بویاجی کی عملنده  
اثر وار ایسه اجرت ساقط اولور.  
واکر حمل کی عملنده اثر یوقسه اجرت ساقط اولماز  
هندیه فی الباب الثانی من الاجارة.

﴿ ۴۸۳ ماده ﴾


[حمل] و دوه جی و قاطر جی [و ملاح] یعنی کمیچی و قایقچی  
[کی عملنده اثر اولمیان] یعنی عملنک اثری مستاجر فیهده ظاهر  
اولمیان [اجیرک] و یرمسی به مقاوله اولنماش اولسه بیله [اجرت  
ایچون مستاجر فیهی] یدنده [حبس] و توقیف [ایتمک] بالانفاق  
[صلاحیتی یوقدره] زیرا معقود علیه نفس عمل اولوب بو ایسه  
عرض فانی اوله رق بقاسی تصور اولنمه میه جنی مثل و آنک  
مقامنه قائم اوله جق اثری دخی بولمیدیندن حبسی تصور  
اولنه ماز. بخلاف رادالابق فانه یحبسه علی الجمل وان لم یکن  
لعمله اثر لانه کان علی شرف الهلاک فا حیاه بالرد فیکانه باعه  
من مولاه فیکان له حق الحبس زیلی.

[و بو حالدہ حبس ایدوبده] یعنی مل صاحبی آلق استدیکی  
حالدہ و یرمیوبده [یدنده اول مال تلف اولسه] غصب و اتلاف  
دیمک اولغله ۸۹۱ ماده وجهله مال مغضوب کی [ضامن اولور].  
« ۷۹۴ » ماده به باق. [و] بو صورته [مال صاحبی بونده مخیر  
اولوب دیلرسه] اول مالک [محمول اوله رق قیمتی] یعنی بدانی

اجیره [تضمین استدیرو و] بو تقدیرده [اجرتی ویردو] هندیه .  
 زیرا بو تقدیرده مبیع اولان عمل ، بدلك تسلیمی ایله تسلیم ایدلمش  
 اولدی . [ودیلرسه] اول مالک [غیر محمول اوله رق] بدلانی [تضمین  
 استدیروب اجرت ویرمز] . زیرا بو تقدیرده عمل تسلیم ایدلما-  
 مش اولور جمع الانهر وتنویر . اما اجیر مال صاحبک امریله  
 امساک ایدوبده تلف اولسه ضمان لازم کلز .

مثلا اجیریوکی مکان و شروطه نقل استدکدن صکره صاحبی  
 یدکده طورسون دیسیله الیقیوبده تلف اولسه ضمان لازم کلز .  
 وکاملاً اجرتی آلور هندیه فی الباب الثامن والعشرون فی الفصل  
 الاول .

بو ماده ده کی قیمتی لفظی شرحا بدلانی دیو تفسیر اولندی .  
 چونکه قیمتی تعبیری او مال قیمیاتدن اولدینی تقدیرده اولوب  
 اما او مال مثلیاتدن اولور ایسه متلانی ضامن اولور . بدل تعبیر  
 ایسه هم قیمی هم مثلیه عام وشامل اولور رد مختار .



## ﴿ باب رابع ﴾

( یعنی کتاب اچاره نک دردنچی بابی )

[ مدت اچاره به متعلق مسائل بیاننده ] اولوب اون اوچ  
 ماده بی حاوی [ در ]

✽ ۴۸۴ ماده ✽

[ بر کیمسه كرك ] شهر وهفته و [ يوم كې قصير ]  
يعنى قصه مدت [ اولسون و كرك ] سنه و [ سنين كې طويل ]  
و حق ايكوز سنه مثللو متعاقدينك يشايه ميه جنى مرتبه اوزون  
مدت [ اولسون معلوم اولان مدت اوزرينه ] ايجارى متعارف  
اولان كندى [ مال و ملكنى ] بدل معلوم مقابلده [ آخره  
ايجار ايده بيلور . ] زيرا انسان كندى خالص ملكنده استديكى  
كې تصرف ايده بيلوب كمنه مانع اوله ماز . مكره غير ضرر  
بين بولنه ۱۱۹۲ ماده يه باق منافع الدقايق و اشباه .

ايشته عاقدينك عادة يشايه ميه جقلى مدت ايله عقد  
اجاره ايتدكرنده بوده جائزدر كه خصاف دخی بونی اختيار  
ايلمشدر .

واقعا بعضيلر بويله طرفينك يشايه ميه جقلى مرتبه طويل  
مدت ايله اجاره جائز دكلدر ديمشله ايسده متونك وكذا  
مجله نك ظاهر اطلاقلرندن قول اول ترجيح اولندينى اكلاشيلور  
رد مختار . اما ايجارى متعارف اولميانك ايجارى جائز دكلدر .

مثلا بر كيمسه چوجغنى و يا قوزيسنى اميرمك ايجون بر  
قويون استيجار ايتسه صحيح اولماز . لعدم العرف ولانها وتمت  
على ائتلاف العين رد مختار وهنديه « ۴۵۱ » ماده شرحنه باق .  
بو ماده ده معلوم اولان مدت دينلمسى ۴۵۱ و ۴۵۲

ماده لره مبنی اولدینی کبی . « مال و ملکینی » دینمکله وقفیدن احتراز ایدلدی . زیرا وقفك ایجارنده مدت حقننده شرط واقف هر نه ایسه اكا اتباع واجب اولمغله اول وجهله اجرا اولنور . او مدت كرك طویل و كرك قصیر اولسون زیلعی . مثلاً واقف وقف ایتدیکی عقارك سکر یا بش سنه مدتله ایجار اولنمسنی شرط ایلسه اولوجهله ایجار اولنور . لان شرط الواقف تراعی کالخصوص زیلعی .

حتی واقف الی آیدن زیاده مدتله ایجار اولنمسنی شرط ایتمش ایسه متولی آندن زیاده مدتله ایجار ایده من . ایتسه بیله فاسد اولوب مستاجر الندن انه بیلور . وانتفاع ایتدیکی مدتک اجر مثلی لازم کلور تقییح .

کذا واقف بر سنه دن زیاده مدتله ایجار اولنمسنی شرط ایتدیکی تقدیرده آندن زیاده مدتله ایجار اولنم من . شو قدر وار که شرط واقف مثلاً یالکز بر سنه مدتله ایجار اولدینی حالده زیاده مدتله ایجار وقفه و فقرایه انفع اولنجه حاکم ایکی سنه لکنی ایجار ایده بیله جکی کبی متولی به اذن و یروب اكا دخی ایجار ایتدیرمه بیلور رد مختار و انقروی لان ولایت عامه لانله ولایة النظر للفقراء والغائبین والموتی رد مختار .

اما مدت ایجار حقننده شرط واقف یوغیسه ضیاعی اوچ و ضیاعک غیر یسنی یعنی مثلاً خانه و دکان مثلولوری بر سنه مدتله

متولی ایجار ایدہ بیلوب آندن زیادہ مدتله ایجار اولنه ماز فیضیه وهندیه .

مال یتیم ایله «حاشیة الرملیده مذکور اولدینی وجهله» مال بیت المالدہ دخی حکم بویله در تعلیقات ابن عابدین علی البحر . فقط فناوای کازر وینده شویله مذکوردر واما اراضی بیت المال فاطلا قهم یفید جوازها مطلقا وایضا اتساعهم فی جواز تصرف الامام فیها بیعا واقطاعا یفیده انتهى رد مختار یتیمک کرك و لیسى و کرك وصیسی مال یتیمی مدت مذکورده دن زیادہ مدت ایله ایجار ایدہ من .

مال وقف ایله مالی یتیمی طول مدت ایله دعوی المملکتیدن صیانت ایچون بوندن زیادہ مدت ایله ایجار اولنه ماز . بناءً علیه متولی یا وصی بوندن زیادہ مدت ایله ایجار ایتدکده اجاره صحیح اولیه جنی جهتله کل مدت ایچون اجاره فسخ اولنور . لکن بعض فقها ضیاعده اوچ سنه دن زیادہ وغیریسنده برسنه دن زیادہ مدت ایچون فسخ اولنوب اما مثلاً ضیاعی درت سنه ایچون ایجار ایتدکده اوچ سنه ایچون صحیح اولور دیمش لردر رد مختار زیرا اجاره بعضیسنده فاسد اولدکده کلیمسندہ فاسد اولور . فقط ذکر اولنان مدتدن زیادہ مدتله ایجارنده وقفجه بر مصیحات ومنفعت متحقق اولدینی حالدہ «بان کان الناس لا يرغبون فی استیجارها سنه وایجارها اکثر من سنه ادرّ علی الوقف وانفع للفقراء رد مختار» رأى حاکمله مال وقفک

مدت مذکوره دن زیاده مدتله ایجاری جائزدر .

واقف بالذات وقفی مثلاً اون سنه مدتله ایجار ایتسه صحیح  
اولور . بوجهته وقفک ایجارنده متولی ایله واقف بیننده فرق  
وارددر . لیکن ذکر فی الدر المختار فی آخر باب الفسخ عن  
الفیض وغیره لو آجر الواقف الوقف بنفسه ثم مات ففي  
الاستحسان لا تبطل لانه آجر لغیره اه ومقتضاه ان الاول قیاس تنقیح .  
فقط واقف بوجه مشروح اون سنه مدتله بعد الایجار  
مثلاً بش سنه تمامنده وفات ایدوب وقف بشقه مصرفه انتقال  
ایلسه اجاره منفسخ اوله جعندن مستأجر بوجه بشین ویرمش  
اولدینی متباقی بش سنه لک بدل ایجاری واقفک ترکه سندن استیفا  
ایلر . شوقدر وارکه مال وقف یا مال یتیمک عمارتی اجاره  
طویله به محتاج اولدقده کیفیت حاکمه رفع اولنور . حاکم اجاره  
طویله ایله ایجار ایتدکده صحیح اولور رد مختار و بحر اذا احتاج  
القیم ان یواجر الوقف اجاره طویله فالحیلة فیه ان یعقد عقودا  
متفرقة کل عقد سنه بکذا فیلزم الاول لانه ناجز لا الباقی لانه  
مضاف فللمتولی فسخها ویکتب فی الصک استأجر فلان فلان  
ارض کذا اودار کذا ثلاثین سنه بثلاثین عقد اکل سنه بکذا  
من غیر ان یکون بعضها شرطاً فی بعض وانظر هل بشرط ان  
یعقد علی کل سنه بعقد مستقل او یکفی قوله استأجرت ثلاثین  
سنه بثلاثین عقدا فینوب عن تکرار العقد والظاهر الاول لیکن  
الفتوی علی ابطال الاجارة الطویلة ولو بعقود در مختار .



﴿ ۴۸۵ ماده ﴾

[مدت اجاره نك ابتداسی حین عقدده] ذکر و تسمیه اولنور ایسه [تسمیه یعنی ذکر و تعیین اولنان و قندن اعتبار اولنور.] اکر عقد اجاره ده خیار شرط یوغیسه. کما اذا آجر داره فی رمضان رجلا وها فی رجب یعتبر ابتداء المدة من غرة رمضان شلی.

مثلا برکیمسه بو سنه رجبندن اولق اوزره ایجار ایتدم دیدکده ابتدای مدت شهر مذکور اولمش اولور. بو تقدیرده مؤجر ماجوری وقت عقدده تسلیم ایتیوبده برقاچ کون یندنه حبس و امساك ایتسه بو کونلرک اجرتی ساقط اولور. « ۴۷۷ » مادهیه باق. اما اجاره ده خیار شرط وار ایسه بو صورتده ابتدای مدت خیارک سقوطندن اعتبار اولنور. نته کیم ۵۰۲ ماده ده کلور تنویر ورد مختار.

﴿ ۴۸۶ ماده ﴾

[حین عقد] اجاره [ده ابتدای مدت] اجاره ذکر و [تسمیه اولنور ایسه] مدت مذکور نك ابتداسی [وقت عقد] اجاره [دن اعتبار اولنور.] زیرا اوقانک کلیسی حکم اجاره ده مساوی اولوب بونک امثالنده عقدی ولی و تمقیب ایدن زمان اعتبار اولنور. کالاجل و الیمین ان لایکلم فلانا شهرا زیای. چونکه بویله اعتبار

ایدلسه جهالت مدتدن طولای فساد اجاره لازم کلوب حالبوکه  
عاقدينك حالارندن ظاهر اولان عقد صحیحی قصدايلمليدر زيلمی.  
مثلا برکیمسه خانه می سکا ايجار ایتدم دیدکده ابتدای مدت  
اجاره بو اقردی سويلنديکی کوندن اعتبار اولنور تنوير ورد  
مختار وهنديه فی الباب الثالث. ۴۹۶، مادهیه دخی باق. بومادهیه  
شومسئله دخی تفرع ايدر. شوبله که بر آیده یوز و بر آیده ايكیوز  
غروش اولق اوزره ایکی آیلق اوله رق برخانه استیجار اولندوقده  
صحیح و بو ترتیب اوزره یعنی اولکی بر آی ایچون یوز وایکنجی  
آی ایچون ايكیوز غروشک ویرمسی لازم کلور تنوير حق  
یالکز برنجی آیده سا کن اولسه یوز غروش ویرمسی لازم  
کله جکی کبی یالکز ایکنجی آیده سا کن اولسه ايكیوز غروش  
ویرمسی لازم کلور درمختار ولانه ان لم ينصرف الشهر المذكور  
اولا الی مایلی العقد لکان الداخل فی العقد شهرا منکرا من  
شهور عمره وهذا فاسد فلا بد من صرفه الی مایلی العقد تحریا  
بالجواز وكذلك الاقدام علی الاجارة دلیل تنجز الحاجة الی تملك  
المنفعة فوجب صرف الشهر المذكور اولا الی مایلیه قضاء للحاجة  
الناجزة کفایه رد مختار.

فقط اجارده خیار شرط وار ایسه ماده آنفه شرحنده  
ذکر اولندينی وجهله مدت خيارك سقوطندن اعتبار اولنور.

﴿ ۴۸۷ ماده ﴾

[ بر ] ویا ایی [ سنه لک ] ویا آتی ماهلق [ اولق اوزره ]

هر آيلنى شوقدر غروشـه اوله رق بر عقـارك ايجارى جائز [ ولازم ومـستاجر ارتق مدت اجاره تمام اولدن من غير عذر فسخ اجاره يه غير مقتدر [ اولدينى كې شهر يه سى ] يعنى بدل ايجار دن هر آيك حصه سى آرى اوله رق [ بيان اولمقـسزىن بر سنه لك ] ويا آتى آيلق [ اولق اوزره شو قدر غروشـه ايجارى دخى صحيح ] ولازم وبوتـقديرده دخى زمانك اختلافيله اولان اختلاف اسعار نظر اعتباره آلميه رق بدل اجاره عدد شهرور اوزرينـه على السويه منقسم [ اولور . ] مجمع الانهر زيرا منفعت مدت واجرتك بـيـاييله معلوم اولديغـدن صحيح اولوب هر شهر ك حصه سى بيان اولمق لازم كلز هـنديه فى الباب الثالث .

نتـهـ كيم بر آيلنى شو قدر غروشـه ديو اجاره صحيح اولوب هر كونك حصه سنك بيانى لازم دكلدر زيالى . بدل اجارهـنك بروجه مذكور منقسم اولمـسنك فائده سى اثنـاي مدنده فسخ وقتنده ظاهر اولور .

مثلا بر كيمـسـه بر ييلق اولق اوزره هر آيلنى ايكـشـر يوز غروشـه اوله رق خانه سنى ايجار ايتـسـه جائز اولدينى كې بر سنه لك اولق اوزره ايكـيكـ درت يوز غروشـه دخى ايجارى صحيح وبوتـقديرده دخى صورت اولى مثللو بدل اجاره عدد شهرور اوزرينـه منقسم اوله جغـدن مثلا التى ماه مرورنده طرفين اجاره يى فسخ ايتـسـلر يالـكـز بيك ايكـوز غروشـه اجرتك

اعطاسی لازم کلور. بو ماده‌نی ۴۹۰ و ۴۹۲ و ۴۹۳ ماده‌لر  
تفصیل ایدرلر رد مختار.

### ❖ ماده ۴۸۸ ❖

[ آيك ابتداسنده ] یعنی ايلك كوننده و غره سنده [ ايكن  
اجاره كرك بر آيلق اولسون و كرك زياده اولسون شهریه اوله رق  
مقاوله اولنور ] ده ۴۸۶ ماده حكمة بنجه ابتدای مدت وقت  
عقددن اعتبار اولنمق لازم كلور [ ايسه ] اجاره شهریه یعنی  
[ آيلق ] یعنی آی هلال [ اولمق اوزره منعقد اولور . ] زیرا  
شهورده اصل اولان اهله اولوب ايام اهله دن بدلدر واصل  
متعذر اولمديقه بدله كيدلمز. « ۵۳ » ماده به باق. بناء عليه [ بو  
صورته آی اوتوز كوندن ناقص ] و يكرمی طقوز كون [ اولسه  
دخی تمام آيلق اعطاسی لازم كلور ] ده ناقص چيقدينی تقديرده  
بر كونلكه اصابت ایدن مقدار بدل اجاره نك تنقيصی لازم  
كلز هندیه.

« آيك ابتداسی » ديمك شرحا ايضاح اولندينی وجهله  
آيك ايلك كونی ديمك اولوب يوقسه غره نك یعنی هلالك رؤیت  
ايدليكي ايلك كيجه وقتی ديمك دكلدر مجمع الانهر.

### ❖ ماده ۴۸۹ ❖

[ آيك برازی كچمشيكن ] یعنی ايلك كوندن صكره [ بر

آیلق اولوق اوزره مقاوله اولن-دینی [ و ۴۸۶ ماده یه بناءً  
ابتدای مدت اجاره وقت عقددن لازم کلدیکی [ صورتده برای  
اوتوز کون اولوق اوزره اعتبار اولنور ] ده مأجور تمام اوتوز  
کون تحت اجاره ده بولن-دقدن صکره تکمیل اجرتک اعطاسی  
لازم کلور هندیه فی الباب الثالث. زیرا بو تقدیرده اصل یعنی  
شهرک هلالیله اعتباری متعذر اولمغله بدله کیدمک لازم کلدی .  
» ۵۳ « ماده یه باق مجمع الانهر .

❖ ۴۹۰ ماده ❖

[ آیک بر ازی ] یعنی غره سی [ کچمشیکن شو قدر ] یعنی  
ایکی ویا زیاده [ آیلق ] و شهریه سی شو قدر غروشه [ اوله رق  
مقاوله ] و عقد اجاره [ اولنور ] و ۴۸۶ ماده موجبجه ابتدای  
مدت اجاره نك وقت عقددن اعتباری لازم اولور [ ایسه اولکی  
ناقص آی ] اوزرینه [ اک صکره کی آیدن ] نقصان مقداری  
علاوه اولنهرق بو آی ماده آغه حکمنه توفیقاً [ ] اوتوز کون  
اولوق اوزره اتمام اولنوب اجرتی یومیه [ و بر آی اوتوز کون  
[ حسابیله ایفا اولنور. ] زیرا بو آیده اصل متعذر اولمغله بدله  
کیدمک ضروری اولدی . [ واره یرده کی آیلر ] ۴۸۸ ماده  
حکمنه توفیقاً [ غره ایله حساب و اعتبار قلنور ] ده بو صورتده  
مذکور آیلر اوتوز کوندن ناقص اولسه دخی تمام آیلق اعطاسی  
لازم کلور. زیرا بو آیلرده اصل متعذر اولمغله بدله کیدیله من.

مثلاً ذی الحجه نك اوننده بر سنه لك مقاوله اولنور ايسه شهر مذکور اوتوز کون اولنجه سنه نك تمامی کله جك سنه ذی الحجه سنك اوننده در . واوتنجی کون مدت اجاره دن خارج اولور .

وشهر مذکور یکر می طقوز کون چقار ايسه بر سنه نك تمامی کله جك سنه ذی الحجه سنك اون برنده اولور واوتنجی کون مدت اجاره ده داخل اولور .

بو تقدیرده بر سنه لك مدت اجاره ده ایکی قربان بیرامی بولنش اولور . بری اوّل مدته او بریده آخر مدته اولور قهستانی ورد مختار . حالبوکه بر سنه ده بر قربان بیرامی بولنوب یوقسه ایکی قربان بیرامی اولماز . بوکا جوابا دینلورکه اوت سنه اجاره ده ایکی قربان بیرامی بولنه بیلور . بونده بر محذور یوقدر اما سنه قمریده ایکی قربان بیرامی بولماز . فالحدور غیر لازم واللازم غیر محذور در متقی .

شرح مذکور دن اکلایشیله جفی اوزره بوماده ۴۸۸ و ۴۸۹ ماده لردن مرکب یعنی مارالذکر ایکی ماده نك حکمی بر ماده ده جمع ایدیلرک حاصل اولمش بر ماده در .

بوماده امام محمد رحمه الله تعالینك مذهبه مبنی بولنمشدر . لان الالهة هي الاصل في الشهور قال الله تعالى يسألونك عن الالهة قل هي مواقيت للناس والايام بدل عن الالهة ولا يصار الى البدل الا عند تعذر الاصل ولا تعذر الا في الشهر الواحد وهو الاول

وقد امکن تکمیلہ من الاخیر فیکمل وبقی غیرہ علی الاصل  
زیلعی . اما امام اعظم رحمہ اللہ تعالیٰ بہ کورہ بوصورتہ ہر آی  
ایام ایلہ یعنی اوتوزر کون اعتبار اولنور . لانہ لما تعذر اعتبار  
الشہر الاول بالاہلۃ تعذر اعتبار الثانی والثالث ایضا لان الشہر  
الاول لما وجب تکمیلہ من الثانی لیکونہ متصلا بہ نقص الثانی  
فوجب تکمیلہ من الثالث وهكذا الی آخر المدة . امام ابی یوسف  
رحمہ اللہ تعالیٰ بر روایتہ امام اعظم وبر روایتہ امام محمد  
رحمہم اللہ تعالیٰ ایلہ براکدہ در مجمع الاہر .

### ❖ ۴۹۱ مادہ ❖

[آبک برازی] یعنی غرہ سی [کچمشیکن قاج آیلق اولدینی  
بیان اولمقسزین] ۴۹۴ مادہ وجہلہ [ہر آیلنی شوقدر غروشہ  
اولق اوزرہ مقاولہ اولندیغی صورتہ] ۴۸۹ مادہ حکمنجہ  
[ابتدائی] یعنی عقد اجارہ فی ولی بدن [باقص آی اوتوز کون  
اعتبار اولنق لازم کلہ جکی کی] ۴۹۴ مادہ نک فقرۂ اخیرہ سی  
حکمنجہ دیگر آیلردہ اجارہ لازم اولدقدہ [دیگر آیلردخی اولوجہلہ  
اوتوزر کون اولق اوزرہ اعتبار اولنور .] بوتقدیردہ بالاتفاق  
ہالہ اعتبار اولماز ہندیہ فی الباب الثالث .

مثلا محرمک ایکنجی کونندہ اولوجہلہ مقاولہ ایدلدکدہ  
یوم مذکور دن اعتبار آہر اوتوز کون ایچون بر آیلنی اعطاسی  
لازم کلور . یوقسہ ہالہ اعتبار اولنہ ماز . زیرا مدت اجارہ نک



آخری معلوم و شهر اولك شهر اخير دن تكميلي ممكن اولديغي صورتده هلاله اعتبار اولمه بيلور ايسه ده بوراده مدت اجاره نك آخری غير معلوم اولمغه آخردن ايلك آيك نقصانی اكل ايمك قابل اولمديغدن هلاله اعتبار ممكن اوله ماز . ففی الذخيرة ان عقد الاجارة على كل شهر بدرهم ان وجدت في وسطه يعتبر كل شهر بالايام بالاخلاف لانهما انما يعتبران الالهة اذا علم آخر المدة ليتمكن تكميله رد مختار.

❖ ۴۹۲ ماده ❖

[ آيك ابتداء سنده ايكن بر سنه نك اوله رق عقد اجاره اولمديده ] ۴۸۵ و ۴۸۶ ماده بره بناء مدت اجاره نك ابتداسی آيك ايلك كونه تصادف ايتدكده [ سنه اون ايكي آي اولق اوزره اعتبار ] و هر آي غره اوله رق حساب [ اولنور ]  
بناء عليه قاچ آي اوتوز كوندن ناقص چيقارسه سنه يعنى سنه قريه دخي اوچيوز آلتش كوندن اولقدر نقصان نولور  
هنديده .

سنه قريه اوچيوزاللي درت كون ايله بر كونك ثانی ايدوكي  
وسنه شمسيه ايسه اوچيوز آلتش بش كون اولديغي بيان  
اولمشدر تعريفات سيد .

هر آي غره حساب اولنور دنيلدي . زيرا غره شهورده  
اصلدر ايام اهله نك بدليدر . الانري الى قوله عليه السلام صو

هو الرؤیته و افطرو الرؤیته فان غم علیکم الهلال فاکملوا عدة شعبان ثلاثین یوما وانما یصار الی البدل اذا تعذر اعتبار الاصل کفایه.

❖ ۴۹۳ ماده ❖

[ آیک برازی کچمشیکن اجاره بر سنه لک اوله رق عقد اولندقدہ بر آی ایام ] یعنی اوتوز کون [ اوله رق اعتبار ] واولیکی ناقص آی اک صکره کی آیدن اوتوز کونه ابلاغ [ اولنوب دیگر اون بری ] یعنی دیگر اون بر آی [ غره اعتباریله حساب اولنور ] ده ۴۸۸ ماده وجهله مذکور آیلر اوتوزر کوندن ناقص چیمسه دخی تمام عد اولنور هندیه.

کذا آیک برازی کچمشیکن اجاره اوچ آیلق اوله رق عقد اولندقدہ بر آی تمام اوله رق اعتبار اولنوب دیگر ایکیمی غره اعتباریله حساب اولنور.

بو ماده امام محمد رحمه الله تعالینک قولی اولوب امام اعظم رحمه الله تعالی به کوره بو صورتده سنه ایام ایله اعتبار اولنوب ۳۶۰ کون تمام اولمسیله سنه ختام بولور. امام ابی یوسف رحمه الله تعالی بر روایتده امام اعظم بر روایتده امام محمد رحمه الله تعالی ایله برلکده در هندیه فی الباب الثالث.

معلوم اولمیدرکه بوتفصیلات سنه یاخود شهر قریبه دیوتقیید اولندیفی یاخود مطابق اوله رق ذکر اولندیفی صورتده اولوب

اما سنه یا خود شهر شمسیه دیو تقیید اولندقدده اعتبار تقیید مذکوره اولوب یوقسه بو صورتده دخی هلاله اعتبار اولماز. بوماده ۴۹۰ مادهنك فرعی و آنك مثالی اولدیغندن ابروجه ذکر تکراردر. واقعا بومادهده «بر سنه لك» تعیری بولندیفی حالدده مارالذکر ۴۹۰ مادهده «شو قدر آیلق» لفظی ذکر اولمش ایسهده بوراده سنه لك تعیری احترازی اولیوب اوج یا سکر یاخود اون سکر آیلق اوله رق بروجیه مشروح عقد اجاره اولندقدده حکم یز، برمنواں تحرر اولغله ۴۹۰ مادهده دخوانده اشتباه یوقدر.

### ﴿ ۴۹۴ ماده ﴾

[ قاج آیلق اولدیفی ذکر ] و تعین [ اولنمقسرین هر آیلقی شو قدر غروشیه اولق اوزره بر عقار ایجار اولنسه عقد اجاره یالکز بر آی حقنده ] صحیح [ و لازم ودیگر آیلر حقنده جهالت مدتدن طولایی فاسد ] اولور . [ یوقسه بو صورتده بر آیدن زیاده مدت ایچون مثلا ایکی یا زیاده آی ایچون اجاره صحیح اولور دیمك دکلدر . ولا معنی لقول من قال من المشایخ ان العقد صحیح فی الشهر الثانی والثالث لتعامل الناس لان التعامل المخالف للدلیل لا یعتبر زیلعی .

بونده قاعده شودرکه «کل» معناسنه اولان «هر» لفظی سنه و آی وهفته وکون مثللو نهایتی بیلنمیان بر شیئه داخل اولدقدده

ادناسی یعنی بالکنز بریسی تعین ایدر. زیر او واحد معلوم بولنمشدر. و باقیده اجاره فاسد اولور. زیر اجهالت وار. والاصل هنا ان صفة العام اذا لم یکن اجرائها علی العموم یراد به اخص الخصوص شای فان قيل کما ان الشهر الاول معلوم فکذاک الشهر الثانی معلوم فلم یخصصم الاول بمحة المقد قلنا اما اختص الاول لوجود جزء منه و حصوله بخلاف سائر الشهور حتی اذا سکن ساعة من الشهر الثانی صح المقد علیه ایضا و الثالث و الرابع مثله شای.

۳۲۰ ماده سرحدده ذکر اولدیفی اوزره بر یغین بغدادی هر کیلهسی شوقدر غروشه دیوصاتلقدقه امامین رحمهما الله تعالی به کوره بیع کلیسندده جائز و امام اعظم رحمه الله تعالی به کوره بالکنز بر کیلهسندده جائز و باقیسندده فاسد اولور. اوراده امامین مذهبی اختیار اولمش اولوب فقط اجارهده اختلاف مذکور جاری اولیبوب بونده امامین دخی امام اعظم ایله متفقدر. امامامین رحمهما الله تعالی به کوره فرق شودرکه شهورک نهایی اولمدیغندن رفع جهالت ممکن دکدر. اما صبره یعنی بر یغین بغدادیک نهایی بولمدیغندن آنده کیل ایله رفع جهالت ممکندر. [نقط رنجی آی تمام] و اولوجهسه صحیح و لازم اولان اجاره منتهی [اولدقدده ایکنجی ودها صکره کی آیلرک] تام [رنجی کیجه سیله رنجی کونده آجر و مستأجر دن هر بری] مخیر اولوب دیلر سه دیکرک حضوری شرطیله [اجاره نی فسخ ایده بیلور.]

زیرا عقد صحیح منتهی اولوب عقد فاسد قالشدور عقد فاسدك  
فسخه ایسه ظرفیتك اقتداری بولندی ۴۶۱ ماده شرحنده  
بیان اولندی . ایکنجی آیده حق فسخ بوجه محرر فساد  
عقددن طولایدر . یوقسه ایکنجی و اوچنجی آیلرده کی عقد  
دخی صحیح اولوب فقط حق فسخ بویله ایکنجی و اوچنجی  
آیلرده کی عقد مضافه اولدیغنه مبنی دکلدر . زیرا بحاله ، اجاره  
مضافه نك وقتندن اول لازم اولدیغنه دائر اولان قولى قبول  
ایتدیکی « ۴۴۰ » ماده شرحنده ایضاح اولمش ایدی طوری . یعنی بر  
آی تمام اولدقده ایکنجی ایک برنجی کیجه سیله برنجی کونی  
آجر ایله مستأجر دن هر بری اجاره نی فسخ ایده بیلور لر .  
مثلا آجر ایکنجی ایک برنجی کیجه سیله برنجی کوننده  
مستأجر حاضر اولدینی حالد ، اجاره نی فسخ ایده بیله چکی کبی  
مستأجر دخی وقت مذکورده آجر حاضر اولدینی حالد فسخ  
اجاره ایده بیلور .

هیچ بریسی فسخ ایتیموده فقره آیه وجهله برنجی کیجه  
ایله کونی کچمکله اجاره لازم اولدقده اوچنجی ایک برنجی  
کیجه سیله برنجی کونی ینه بوجه مذکور مخیر اولملریله فسخ  
ایده بیلور لر . وهکذا . بر ایلک استیجار ایله هر ایلک استیجار ییتنده  
فرق ظاهر اولدی اقروی .

[اما اولک کیجه سیله کونی] فسخ ایتدن [چکدن صکره]  
۴۳۸ ماده یه مبنی عقد لازم و اول ایک اجاره سی صخته منقلب

اولمغله ايكننجى آى دخی تمام اولدن هيچ برى [فسخ ايده من] لانه صار معلوما فتم العقد فيه بتراضيها فلا يكون لاحد ها الامتناع عن المضى زياعى فلو ان صاحب هذه الدار حلف ان لا يوجرها فتركها فى يد المستاجر وصار يتقاضى الاجرة آخر كل شهر لا يحنث لان الانعقاد فى رأس كل شهر لا يتوقف على اختياره فلا يكون اجرا ولو طلب اجرة شهر لم يسكنه بعد يحنث شلى.

يوقسه اجاره نك لزومى ايكننجى ودها صكره كى آيلرك يالكر بز ساعى كچمسيه دكلدر. زيرا بو وجهله ساعى اعتبارده حرج عظيم واردر والمقصود هو الفسخ فى رأس الشهر وهو عبارة عن الليلة الاولى ويومها عرفا زيلعى.

۱۰ [واكر احد عاقدین بويله اثنای شهرده] يعنى برنجى كيجه سيله كوفى مرور ايتدكن صكره ويا برنجى آيده [فسخ ايتدم ديسه] يعنى بو مثللو اجاره بى منجزا فسخ ايتسه فى الحال منفسخ اوليوب بلكه [اول آيك نهايتنده] اجاره [منفسخ اوور]. لانه امكن توقيته الى وقت يملك فيه الفسخ زيلعى. بعض فقهاء ، بو صورتده اول آيك نهايتنده دخی منفسخ اوليوب بو فسخ حاكمسزدر ديمشلايسه ده ديكر بعض علماء اول آيك ابتداسنده منفسخ اولور ديمشلردر كه مجله بو ايكننجى قولى قبول ايتمشدو مجمع الانهر.



نته کیم بویه انای شهرده ماجر ماجوری صاندقده اول  
آیک نهایتنده اجاره منفسخ اولور.

بو حالده مدت فسخ یعنی آیک اولکی کیجه سیه کونی  
مرور ایتدکدنصکره اول خانیه صانون آلان مشتری آجر  
حاضر اولدیفی حالده مستاجردن تخلیه و تسلیمی دعوی چونکه  
مدت فسخ ضرور ایتمدن الدیفی بیان ایتدیکی صروده اجر  
مدت مذکوره مرور ایتمدن اول ماجوری صائمش ایدم بو  
جهتله اجاره منفسخ اولمشدر دیو ادعا و مستاجر انکار ایتدکده  
اجر بلا برهان تصدیق اولنه ماز. اجر داره کل شهر بکذا  
فلکل الفسخ عند تمام الشهر فلو غاب المستأجر قبل تمام الشهر  
وترک زوجته ومتاعه فیها لم یکن للآجر الفسخ مع المرأة  
لانها لیست بخصم والحیلة اجارتها لا خر قبل تمام الشهر فاذا  
تم تنفسخ الاولى فتنفذ الثانية فتخرج منها المرأة وتسلم للثانية  
در مختار.

«۲» [واکر] احد عاقدين [انای شهرده شهر اتی ایتدا  
سندن اعتباراً] اجاره نی [فسخ ایتدم دیسه] یعنی فسخ اجاره نی  
زمان مستقبله مضاف قیلسه صحیح اولوب اجاره [شهر اتی]  
مذکور [حلوانده منفسخ اولور].

بو بر و ایکی رقمربله اشارت قلنان فقره لر حکم جهتجه  
بر اولوب فقط اولکی فقره ده کی فسخ و فسخ منجز و ایکنجی  
فقره ده کی فسخ مضاف اولور. وعقد الاجارة یصح مضافاً



فکذا فسخه زیاهی تفصیلات آنفردن مستبان اولورکه بو کی  
اجاره اوچ وجهله فسخ اولنه بیلور.

برنجیسی، اولکی کیجه سیه کوننده فسخ اولنور.

ایکنجیسی، اتنای شهرده فسخ ایتدم دیدکه ختام شهرده  
منفسخ اولور.

اوچنجیسی اتنای شهرده شهر آتی ابتداسندن اعتبارا فسخ  
ایتدم دیو فسخ اولنه بیلور قهستانی.

[واکر ایکی یا زیاده] مثلا آتی [ایلق] مستاجر طرفندن  
آجره [پشین ویرلمش] و آجر دخی قبول ایللمش [ایسه هیچ  
بریسی اول آیلرک] یعنی اجرتی پشین ویریلان آیلرک [اجاره سنی  
فسخ ایده من.] زیرا اجرتک تعجیلی تعین شهوره دلالت ایدر  
بزازیه وهندیه.

وکویاکه وقت عقد اجاره ده شهور مذ کوبه تسمیه و تعین  
اولنمش حکمنده در. قال الزبلی لایه بالتقدیم ای تقدیم الاجرة  
زالت الجهالة فی ذلك القدر فیکون کالمسحی انتهى.

متن مجله ده قاج ایلق اولدینی ذکر اولمه قسزین دینلدی .  
زیرا قاج ایلق اولدینی ذکر اولنسه ۴۸۷ ماده ده مرور ایلدیک  
اوزره ذکر اولنان ایلرده اجاره لازم اولور رد مختار.

مثلا هر آیلنی یوزرغروشه اولقی اوزره اون آیلق اوله رق  
استیجار اولندقدده اون آیده دخی اجاره لازم اولور .

متن مجله ده «ایلق» لفظی مثال اوله رق مذ کور اولوب

قاج سمنهك اولدینی بیان اولمق سیزین هر سمنهكی شو قدر  
غروشه وبا قاج هفتهك یا قاج كونك اولدینی بیان اولمق سیزین  
هر هفته لی یا هر كونكی شو قدر غروشه دیو ایجار اولسه  
ینه بویله دو . حق قاج سمنهك اولدینی بیان اولمق هر سمنه  
شو قدر غروشه اولمق اوزره بر حمام ایجار و تسلیم ایدلکدن  
صکره آجر اوچنجی سمنهك اواخنده اجاره نی فسخ ایتماکله  
مستاجر دردنجی سمنه دن اول حامی اون کون ضبط ایلسه  
دردنجی سمنه تام اولمق بلا عذر اجاره فسخ اولنه من جموعه  
جدیده .

کذا هر كونكی شو قدر غروشه اولمق اوزره استیجار  
اولان حلیاتی مستاجر بر آی یبنده حبس ایتسه هر کون ایچون  
تسمیه اولنان اجرتك اعطاسی لازم کلور هنديه .

متن مجله ده عقار لفظی مثال اوله رق مذکور اولوب بر  
کیمسه مثلا معلوم دولانی پتویرمك اوزره عدد ایام تسمیه  
اولمق سیزین هر كونكی شو قدر غروشه اولمق اوزره بر اوکوزی  
استیجار ایتسه حکم ینه بوکا مقید در رد مختار وطهری .

انهای شرحده اشارت اولدینی اوزره بو بابده کی فسخده  
اجرك حضورى شرطدر . بناء علیه اجر حاضر اولمق سیزین  
فسخ صحیح اولماز شرنباللی . مثلا ماده افهك فقره ثانیه سی  
موجبجه اجر اجاره نی فسخ ایدمك اکن مستاجر بر ای  
تمام اولمق غائب اولوبده مذکور عقارده زوجه و امتیه سی

براقسه اجر زوجه مزبوره ايله بالانفاق اجاره يي فسخ ايده من  
زيرا زوجه سي بو باده خصم دكلدر . حالبوكه فسخ اجاره ده  
حضور خصم شرطدر . لکن مستأجر غائب اولدقده بونده  
حيله شودر كه آي تمام اولدن آجر مأجوري اخره ايجار  
ايتدكده آيك تماميله اجاره اولي منفسخ واجاره ثانيه نافذ  
اولغله مذکور خانه تخلیه ايتديريله رك مستأجر ثانيه تسليم  
اولنور . زيرا بالذات تجويز اولمیان شی بالتبع تجويز اولنور .  
۵۵۰ ماده به باق رد مختار .

« هر آيانی ، ديميو بده يالکز مثلاً بو خانه می آيلنی شو قدر  
غروشه ايجار ايتدم ديسه مدت مذکوره مروريه شهر ثانيه  
اجاره صحيح اولماز عبدالحليم .

خلاصه ، اجاره اوچ وجهله اوله بيلور . برنجیسی هر  
آيلنی شو قدره وایکنجیسی آيلمی شو قدره و اوچنجیسی  
بر آيلنی شو قدره اولور . ايمدی بو ماده ده بیان اولنان اولکی  
وجه اولوب اما ايکنجی و اوچنجی وجهلرده يالکز بر آيلق اولق  
اوزره منعقد اولور .

### ﴿ ۴۹۵ ماده ﴾

[ برکیمسه ] کندوسیچون [ برکون ایشلمک اوزره بر  
اجير طوتدینی صورتده طلوع شمسدن عصره قدر ياخود ]  
طلوع شمسدن [ غروب شمسه قدر ایشلمک خصوصنده عرف

بلده نه ایسه اکا کوره عمل اولنور . [ نهـار تعمیری دخی بویه در رد مختار وهندیه فی الباب الثالث .

یعنی عرف بلده طلوع شمسدن عصره قدر ایشلمک ایسه اجیرک دخی اولوجهله ایشلمسی لازم کلور . وطلوع شمسدن غروب قدر ایسه اجیرک دخی اولوجهله ایشلمسی مقضیدر .  
 « ۳۶ » مادهیه باقی شو قدر رارکه عرف بلده مشترک ایسه اعتباراً لذكر اليوم اجیرک غروب قدر ایشلمسی لازم کلور بزازیه وهندیه .

نته کیم بر کون استعمال ایدلمک اوزره استیجار ایدیلاں حیوان طلوع فجر دن غروب قدر استعمال اولنه بیلور بزازیه .  
 و صبا حدن اقشامه قدر استعمال ایتک اوزره بر حیوان استیجار ایتدکده غروب شمس قدر استعمال ایده بیلور . لان اسم العشاء فی عرفنا انما ینطبق علی ما بعد غروب الشمس .  
 یوقسه اجاره زوال شمس ایله منتهی اولماز هندیه فی الباب الثالث من الاجارة

معلوم اولمیدر که عرف بلدهیه اتباع عاقدین ابتدا وانتهاء عمل ایچون وقت تعیین ایتدکلری تقدیرده اولوب اما عاقدین مثلاً فلان کون اوکله دن ایکندییه قدر عمل ایتک اوزره مقاوله ایتدکلری تقدیرده اولوجهله عمل اولنق لازم کلوب یوقسه بصورتده عرف وعادت بلدهیه اتباع اولنه ماز ۸۳ ماده شرحنه باقی .


﴿ ۴۹۶ ماده ﴾

[ بری مثلاً اون کون ] فلان ایشی [ ایشلمک اوزره ]  
 ۴۵۵ مادهیه توفیقاً [ بر دولکر استیجار ایتسه عقدی ] یعنی  
 عقد اجاره‌یی [ ولی ] و تمقیب [ ایدن کونلر اعتبار اولور ] ده  
 عقد اجاره وقوع بولدیغی یومک عقبنده کی کوندن اعتباراً اون  
 کون ایشلمک لازم کلور . زیرا مذکور اون کون عقدی ولی  
 ایدن کونلره صرف اولمسه عقد اجاره عمرک ایلمدن غیر  
 معلوم اون کون اوزرینه واقع اولمش اولور که بو تقدیرده  
 اجاره فاسد اولمسی لازم کلوب معاملات ناسک فساده نسبتندن  
 ایتسه مهما ممکن حتمی اولی اوله جفندن عقدی ولی ایدن  
 کونلر اعتبار اولمسی لازم کلدی . ۴۸۶ مادهیه دخی باقی رد  
 مختار .

[ واکر یازین اون کون ایشلمک اوزره دیو استیجار  
 ایتسه قنهی آیک قانچی کوندن اعتباراً ایدیله جکفی بیسان  
 ایتسدکجه صحیح اولماز . ] یعنی فاسد اولور . « ۴۵۱ » مادهیه  
 باقی . زیرا صحت اجاره اینجون تعیین وقت عمل لازم اولور .  
 چونکه بو تقدیرده اجاره زمان مستقبله مضاف اولمغله مدتک  
 وقت عقددن اعتباری ممکن اوله‌ماز و ۴۸۶ ماده حکمنه توفیق  
 ایدیله‌مز . و بو صورتده اجیر عمل ایتدکده اجر مثل آلور .  
 « ۴۶۳ » مادهیه باقی بزازیه . اما مثلاً فلان آیک ایتداسندن

اعتباراً اون کون ایشلمک اوزره دیو استیجار ایتسه ینه صحیح  
اولور هندیه فی الباب الثالث .

کذلک کونلردن ایکی کون فلان ایش ایچون اجیر طوتاسه  
اجاره فاسد اولور . و عمل ایدر ایتسه اجر مثل آلور هندیه .  
نته کیم فلان خانمی فلان سنه کون اون آی مدتی ایچون  
ایجار ایتدم دیو ایجار ایتدکده صحیح اولماز . زیرا مدت اجاره کون  
مبدئی واولی تعیین اولمادی هندیه فی الباب الخامس عشر .



## ❦ باب خامس ❦

یعنی کتاب ثانینک بشنچی بانی

[ خیارات ] ثلثه یعنی خیار شرط و خیار رؤیت و خیار  
عیب [ حقه نده اولوب اوج فصلی ] ویکرمی بش ماده نی  
[ حاویدر . ]

## ❦ فصل اول ❦

یعنی باب خامسک برنجی فصلی

[ خیار شرط ] ه دائر بعض مسائل [ بیاننده ] اولوب  
یالکز اون ماده نی شامل [ در . ]

امام شافعی رحمه الله تعالی اجاره ده خیار شرط جاری

اولمديغنى اجتهد بيورمشدر. دليلى شودر كه خيار شرط مستأجر  
ايچون اولديغنى صورتده معقود عليه اولان منفعتك بعضيسى  
مدت اجارهده فوت و زائل اولمش اولغله معقود عليك كماليله  
ردى يعنى موجه اعادهسى غير ممكن اولديغنى كى خيار مذکور،  
موجرايچون اولديغنى صورتده معقود عايه على الكمال مستأجره  
تسليمه مقتدر اوله ماز. لان المنافع تحدث ساعة فساة و بو  
ايسه ثبوت خياره مانعدر. حالبوكه ائمة حنفیه دير كه اجارهده  
بعض معقود عليك فواتى خيار عيب ايله رده مانع اولمديغنى  
كى خيار شرط ايله دخى رده مانع اولماز. زيرا اجارهده رد  
كل ممكن اولماز و تكليف ايسه بحسب الوسع والطاقة اولور  
هدايه و كفایه. الاترى ان المستأجر يجبر على القبض بعدمضى  
بعض المدة من غير شرط الخيار للضرورة وفي المبيع لا يجبر  
عليه بعد هلاك بعض لعدم الضرورة طورى.

﴿ ۴۹۷ ماده ﴾

[بيعه اولديغنى] يعنى ۳۰۰ مادهده بيان اولمديغنى  
[كى اجارهده دخى خيار شرط جارى اوله رق احد طرفين  
يا خود ايكيسى بردن شوقدر كون] يعنى مدت معلومه ايچنده اجارهده  
فسخ ايتمك ويا اجازت ايله انفاذ ايلمك خصوصنده [مخير اولمق  
اوزره ايجار واستيجار جائز اولور.] مثلاً مستأجر، بن اوچكون  
مخير اولمق واستر ايسه م برآيلنى يوز غرهوشه قبول ايتمك اوزره



شوخانه بی استیجار ایتدم دیسه صحیح اولور هندیه فی الباب الخامس .  
 زیرا اجاره افاله کی اسباب ایله قابل فسخ اولغله آنده خیاری  
 شرط ایتک صحیحدر . ورده خیاری شرط تروی ایچون اولوب  
 اجاره ده دخی هم آجر همده مستأجرک تروی وتفکره احتیاجی  
 واردر . لان الخیار شرط فی البیع للتروی فیکذا فی الاجارة  
 لانها تقع بغتة من غیر سابقية تأمل فیمكن ان يقع غیر موافق  
 فیحتاج الى الاقالة فیجوز اشتراط الخیار فیها زیلعی .

مجله ده شوقدر کون دیو مطابق اوله رق ذکرندن اکلا -  
 شیله جنی اوزره مدت خیاریک اوج کون اولمسی جائز اولدینی  
 کی دها زیاده اولمسی دخی جائزدر . انجق مدت خیاریک معلوم  
 اولمسی لازم اولوب حتی وقت عقد اجاره ده مدت خیاری  
 عاقدین تعیین ایتسه لر اجاره فاسد اولور . فقط مجلسدن قبل  
 الفرق مدت خیاریک تعییننه اتفاق ایدرک اولوجهله تعیین ایلرلر  
 ایسه اجاره صحته منقاب اولور . ۲۴۰ مادهیه باق .

کذلک خیاری مذکور اجاره املا کده صحیح اولدینی کی  
 اجاره اوقافده دخی صحیح اولور . بنا برین متولی وقف کندوسی  
 شوقدر کون مخیر اولق اوزره وقفی ایجار ایتسه صحیح اولور .  
 وماده آتییه موجبنه مدت خیاریده دیلرسه فسخ ایدر ودیلرسه  
 مجیز اولور انقروی .

خیاری شرط ایله اولان اجاره ده اجاره نک سائر شروطنک  
 وجودی دخی لازمدر .

حق برکیمسه اوچ کون مخیر اولوق و دیلرسه یوز و دیلرسه  
یوز الی غروش اجرتله قبول ایلمک اوزره بر خانینی استیجار  
ابتدکده اجاره فاسد اولور . حق مدت خیاردده و یا صکره  
ساکن اولسه اجر مثل و برهسی لازم کلور . ۴۵۰۰، مادهیه باق  
هنديه . ولا یضمن ما انهدم من سکنه لا فی مدة الخیار ولا بعد  
مضى مدة الخیار وهذا بخلاف مالوکان الخیار . شروطا لصاحب  
الدار فانه یضمن المستأجر قيمة ما انهدم من سکنه فی مدة  
الخیار هنديه فی الباب الخامس .

بوماده دن اکلاشینور که خیار شرط آجر ایچون اوله بیله جکی  
کی مستاجر ایچون دخی ارله بیلور . و کذا هم آجر همده  
مستاجر ایچون دخی اوله بیلور . بیعه اولدیجی کی .

### ❖ ۴۹۸ ماده ❖

[مخیر اولان کیمسه] یعنی خیار شرط ایله مخیر بولان آجر  
و یا مستاجر و با ایکسی [مدت خیارنده] یعنی مخیر اولدیجی مدت  
ظرفنده [دیلرسه] اجاره نی [فسخ ایدر و دیلرسه مجیز اولور] .  
نته کیم بیعه دخی بویله ایدی . ۳۰۱۵، مادهیه باق . ایکسییده  
مخیر اولدقلری صورتده هر فنغیسی خیارینی اسقاط ایدرسه  
آلک خیاری ساقط اولوب برینک اسقاطی دیکرک مخیر لکنه  
خلال کتورمز .

و بو فسخده امام اعظمه کوره دیکرک حضوری و علمی

شرط اولدینی کی حکم حاکم ویا رضاء طرفینه دخی محتاج دکلدور. یعنی مخیر اولان طرف اجاره‌نی فسخ ایتدکنه بوفسخه مخیر اولیان طرفت علمی و رضاسی ویا حاکم حکمی لازم دکلدور رد مختار.

مثلاً آجر مخیر اولدینی صورتده مدت خیارد، دیلرسه فسخ ایدر و دیلرسه مخیر اوله‌یله‌جکی کی مستاجر مخیر اولدینی تقدیرده دخی دیلرسه فسخ ایلر و دیلرسه اجازت ورو. لیکن امامین و محمدما الله تعالی مخیر اولانک فسخنده دیکرک حضور و علمی شرط اولدیغنه قائل اولمشلدور قهستانی.

و آجر و مستاجر یعنی ایکسیدد مخیر اولدینی تقدیرده ۳۰۷ ماده‌ده متناً و شرحاً ذکر اولنان تفصیلات جاری اولور. مدت خیارنده دینلمسی ۵۰۰ ماده‌یه مبنی بولمشدور.

### ❖ ۴۹۹ ماده ❖

[کرك فسخ كرك اجازت] یعنی مخیر اولان طرفت اجاره‌نی فسخ ایتسی ویا مخیر اولسی [« ۳۰۲ » و « ۳۰۳ » و « ۳۰۴ » ماده‌لرده] یعنی بیوعده | بیان اولدینی اوزره قولاً | صحیح [اولدینی کی فعلاً دخی] صحیح [اولور].

[بناءً علیه آجر مخیر اولدینی صورتده] فسخ ایتدم دیمسی فسخ قولی اولدینی کی | ماجورده | آخره بیع ویا اعاره ویا هبه و تسلیم ویا بیعه عرض مثللو | تملکک لوازمندن اولان

بروجهله تصرف ایتمی فسخ فعلیدر . ومستاجر مخیر اولدینی  
 صورتده [ مخیر اولدم ویا خیاری اسقاط ایتدم دیمسی اجازت  
 قولیه اولدینی کبی مدت خیارده مثلاً عمار ماجور دروننه  
 کیروبده ساکن اولمق ویا آخره ایجار ایلمک مثللو [ ماجورده  
 مستاجرینک تصرفی کبی تصرف ایتمی اجازت فعلیه در ] حتی  
 برکیمسه مثلاً اوچ کون مخیر اولمق اوزره استیجار ایاریکی  
 خانهده مدت خیارده علی المعتاد ساکن اولوبده بوندن طولانی  
 خانه منهدم اولسه مستاجره ضمان لازم کلز هندیه فی الباب  
 الخامس زیرا سکناسی ایله خیاری ساقط واجاره لازم اولمقله  
 مذکور سکناسی بحکم الاجاره دره . اما آجر مخیر اولدینی حالده  
 مدت خیارده مستاجر بلا اذن ال آجر انده ساکن اولدقده  
 اجرت لازم کلز . وسکناسی سببیه بعض یرلری منهدم اولسه  
 ضامن اولور دن الحل المزبور . زیرا ۵۰۲ مادهده ذکر اولدینی  
 اوزره مدت اجاره نک ایتدی خیاری ساقطی وقتندن معتبر  
 اوله جفتندن آندن اول مستاجرک سکناسی غصب قیلندن اولور .

❖ ماده ۵۰۰ ❖

[ مخیر اولان کیمسه ] یعنی آجر ویا مستاجر [ اجاره نی ]  
 بوجه بالا قولاً ویا فملاً [ فسخ یاخود انفساذ ایتزدن مدت  
 خیاری مرور ایدرسه خیاری ساقط اوله رق اجاره لازم اولور ]  
 نته کیم بیعده دخی بویله ایدی . ۳۰۵۵ مادهیه باق .

حنی مخیر اولان کیمسه مجنون یا مغمی علیه ویا سکران  
اولسه ویا خود او یوسه ده بو ائنده بیلیمیه رک مدت خیاری مرور  
ایتسه خیاری ساقط اولور. نته کیم من له الخیار انهای مدتده  
وفات ایتسه خیاری باطل اولوب آندنصکره اجازت وارث ایله  
اجاره نافذ اولماز.

﴿ ۵۰۱ ماده ﴾

[ مدت خیاری ] یعنی خیاری شرطک مبدئی [ وقت عقد ]  
اجاره [ دن اعتبار اولنور. ] هندیه .

مثلاً بر کیمسه اوچ کون مخیر اولوق اوزره غره محرمده  
برخانه استیجار ایتدکده خیاریک ابتداسی غره مذکورده دن معتبر  
اولغله اوچ کون تمامنده مدت خیاری مرور ایدر.

فقط بروجه مشروح غره محرمده اوچکون مخیر اولوق  
اوزره بر خانه استیجار ایدوبده مدت خیاریک وقت عقدک  
ایکینجی کوننیدن اعتبار ایدلمسنی عاقدین شرط ایتسه لر حکم  
نصل اولوز.

﴿ ۵۰۲ ماده ﴾

[ مدت اجارمنک ] یعنی خیاری ایله اولان اجارده مدتک  
[ ابتداسی خیاریک ] ۴۹۸ و ۴۹۹ و ۵۰۰ ماده لردن بریله  
[ سقوطی وقتندن معتبردر . ] هندیه فی الباب الخامس .

بناءً عليه بر کیمسه اوچ کون مخیر اولمق اوزره بر آیلق  
اوله رق بر دکان استیجار ایتدکن صکره اوچنچی کون فسخ  
ایتسه کچن ایکی کولک اجرت ویرمک لازم کلز . زیرا مدت  
اجاره نك ایتداسی خیارك سقو طی وقتندن معتبردر ثم اذا  
فسخ المستأجر فی اليوم الثالث افقی صاحب الحیط ان لایجب  
اجر یومین لانه لایتمکن من استیفاء النفع لانه لو انتفع بطل  
خیاره عبد الحلیم .

کذلک آجر کندوسی مخیر اولمق اوزره خانه سنی شو قدر  
غروشه آخره ایجار ایتدکن صکره مدت خیارده مستأجر  
اوله خانه ده ساکن اولسه اجرت لازم کلز بزازیه . ویضمن  
ما انهدم بسکناه هندیه فی الباب الخامس .

کذلک آجر شوقدر ساعت مخیر اولمق اوزره حیوانی  
دیگر کسنه یه ایجار ایدوبده مستأجر قبل الاجازه وقبل مضی  
مدت الحیار بلا اذن الاجر اول حیوانه را کب اولسه ده یدنده  
سرقت اولسه ضامن اولور . لیکن بو تقدیرده اجرت لازم  
اولماز . ۸۶ ماده یه باق . زیرا بو تقدیرده موجرک حق فسخی  
بولندیغندن وبلا اجاره ساکن اولمش اولدیغندن مستأجر غاصب  
اولور . اما مخیر لک مستأجر ایچون اولوبده اولوجه له را کب  
اولسه ده یدنده سرقت اولسه اجرت لازم کلوب مستأجره  
ضمان لازم کلز . زیرا بو تقدیرده مستأجرک رکوبی اجازت  
فعلیه در . ۴۹۹ ماده یه باق .

شرحاً ذکر اولندینی وجهله بوراده ذکر اولنان خییار  
ابله اولان اجاره‌نک ابتداسیدر. اما خییار ابله اولمیان اجاره‌لرده  
ابتدای مدت ۴۸۶ و ۴۹۶ ماده‌لرده بیان اولندی.

❖ ماده ۵۰۳ ❖

[شوقدر ذراع یا دونم اولمق اوزره] یعنی مقدار ذراع و یا  
دونمی تسمیه ابله برابر حدود اربعه سی دخی بیان و هر ذراع  
یا دونمک اجرتی ذکر و تفصیلدن سکوت ایدیلهرک [استیجار  
اولان بر] لدی التسلیم تام جبقدینی تقدیرده اجاره صحیح و لازم  
اولدینی کی منلا بر یا ایکی و یا خود اون ذراع یا دونم [زیاده  
یا خود ناقص چیقسه اجاره صحیح] و محدود اوزرینه واقع  
[اولور.] ولوکه مأجور وقف اولسون. [و] هر حالده یلکز  
[اجر مسمی لازم کلور.] نته کیم بیعه دخی حکم بر منوال  
محرر ایدی تنقیح ۲۲۱ ماده شرحنه باق. یعنی ذراع و یا دونم  
زیاده اولمغه زیاده مقداری اجرتک تزیدی لازم کلیه چکی کی  
نقصان چیقسه اجرتک تنقیصی لازم کلز.

[فقط] مقدار ذراع و یا دونمک عقد اجاره‌ده تسمیه قلنان  
مقداردن [نقصان] ظهوری [صورتنده مستأجر مخیر اولوب  
دیلسه اجاره‌نی فسخ ایده بیلور.] هندیه فی الباب الخامس.  
و دیلرسه مخیر اولور. بوقسه نقصانه مقابل بدل ایجاردن حصه  
تزیل ایتمکه صلاحیتی یوقدر. نته کیم بیعه دخی بویه ایدی.  
۲۲۴ و ۲۲۶ ماده‌لره باق.



اما زیاده صورتتده موجر مخیر دکلدر. زیرا زیاده مذکوره وصف اولدیغندن بدلدن بر شی مقابل اولماز .

رجل استأجر ثورا من رجل على ان يطحن عليه كل يوم عشرين قفيزاً فوجدته المستأجر لا يطحن الا عشرة اقفة كان المستأجر بالخيار ان شاء رضى به كذلك وان شاء رد فان رضى به لزمه اجر كل يوم بتمامه وان رد كان عليه اجر اليوم الذى استعمله بتمامه ولا يحط عنه شئ بسبب النقصان عن العمل لان الاجارة وقعت على الوقت ولهذا يستحق الاجر وان لم يطحن عليه شئ هنديه فى الباب الخامس .

بو ماده ده کی مخیرلک خیاری عیب اولمغله خیاری شرط بیانی ایچون موضوع اولان فصلده ذکرى مناسب دکلدر انقروى .  
بیعه ده بونک نظیری بولسان ۲۲۴ و ۲۲۶ ماده لر میبعک کیفیت بیعنه متعلق مواد عنوانی تجتنده ذکر ایدلمشیدی .

شرحاً هر ذراع ودونمک اجرتی ذکر وتفصیلدن سکوت ایدیلهرک دینلیدی . زیرا موجر هر ذراع ودونمک اجرتی بیان وتفصیل ایتدکده مستأجر زیاده ونقصان صورتلرنده مخیر اولور . دیلر ایسه اول حساب اوزره اجرت ایله قبول ایدر . ودیلر ایسه ترک ایدر هنديه فى الباب الخامس .

نته کیم ۲۲۶ ماده ده ذکر اولندیغی اوزره بیعه ده دخی حکم بروجه مذکور ایدی . چونکه مثلاً ذراع وصف اولوب ثمندن

بر شی مقابل اولماز ایسه ده بو تقدیرده ذکر بدل ایله افراد اولمسیله وصف مذکور اصل اولمشدر .

شرحاً بیان اولنان شو مسئله ماده آتیسه ده بیان اولنان مسئله دن بشقه در ، چونکه شو مسئله ده یكونك مقداری بیان اولندیفی حالده ماده آتیسه ده یكونك مقداری بیان اولنمیور .

### ﴿ ماده ۵۰۴ ﴾

[هر دونمی] ویا ذراعی [شوقدر غروشه اولمق اوزره بر  
یر استیجار اولنسه اجر قی دونم] ویا ذراع [حسابیه] هر دونم  
ویا ذراع ایچون تسیمیه قلنان بدل [ویرمك لازم کلور .]  
هندیه .

مثلا هر دونمی اونر غروشه استیجار اولنان بر یر یکریمی  
دونم چیقسه ایکویوز غروش ویرمك لازم کلور خیریه .  
اشبو ماده نك دخی خیار شرطه هیچ مناسبتی اولمیوب  
یالکز ماده آنفهنك دیگر صورتی بیان ایچون مسوق اولمغله  
بونك دخی خیار شرطه دائر مواد میاننده اتیانی مناسب دکلدر

### ﴿ ماده ۵۰۵ ﴾

[بر ایش فلان وقته قدر ایفا اولنق اوزره اجر قی تعیین  
اولنه رق عقد اجاره جائز] وعقد عمل اوزرینه واقع [وشرط  
معتبر] وایش بروجه مشروط ایفا اولنور ایسه اجر مسمی  
واولنمز ایسه اجر مثل لازم [اولور .] طوری .

بو وجهه له اولان عقده وقت و عمل بینی جمع ایدلمش  
 وایکسیده معقود علیه اولمغه محتمل و ذکر وقت ایله تعجیل  
 قصد اولندیغنه دائر قرینه معدوم بولنش اولمغه جهالت معقود  
 علیهن ضولانی اجاره فاسد اولمیدر. فان ذکر العمل بوجوب عدم  
 وجوب الاجرة ما لم يعمل و ذکر الوقت بوجوب وجوبها عند  
 تسامح النفس فی المدة عینی. چونکه معقود علیه عمل اولمق  
 مستأجره نافعدر. شو سبیدنکه اجرتک اعطاسی آنجق تمام  
 عمل نصکره لازم کلور. و معقود علیه وق اولمق اجیره نافعدر.  
 شو سبیدنکه مرور مدت ایله اجرتیه مستحق اولور. کړک عمل  
 ایتمش اولسون کړک ایتمسون. برینک دیکری اوزرینه رجحانی  
 اولدینی جهته نزاعیه مؤدی اولور. لکن بوکا جواباً  
 دینیلور که عقد عمل اوزرینه واقع اولوب وقتک ذکر  
 استعجال ایچون اولمش و بو وجهه عند تعذر الجمع عقد  
 تصحیح ایدلمش و بناءً علیه جهالت دخی رفع اولمش اولور.  
 انظر الزبای فی شرح قول الکنز اولینجز له کذا الیوم  
 بدرهم لم یجز.

[مثلاً برکیمسه کسوبده کوملک دیکمک و بوکون یتشدیرمک]  
 یعنی بو کون عملدن فارغ اولمق [اوزره درزی به بز ویرسه  
 یاخود شو قدر کونده مکۀ] مکرمه [یه] ادخال ایتمک یعنی  
 یتشدیرمک اوزره بر آدمدن دوه استکرا ایتسه اجاره جائز  
 [اولور].

و صورت اولیده مدت ایله عمل بینی و صورت ثانیه ده مدت و مسافه و عمل بینی جمع ایدلمشدر.

[و] اجیر اولان درزی و یاخود [آجر] اولان دوه جی مذکور [شرطی ایفا ایدر] یعنی درزی اوکون دیکوب یتشدیرر و دوه جی اولقدر کونده مکّه مکرمه یه یتشدیرر [ایسه اجر مسمی آلور]. و اجیر او کون نصف نهارده ایشدن فارغ اولسه یعنی مثلا کوملکی اول کون اوکله یه قدر دیکسه ینه اجر مسمی آلور، زیر بالاده ذکر اولندیی اوزره عقد عمل اوزرینه وارد اولمشدر.

[و] اجیر یاخود آجر شرطی [ایفا ایتمز ایسه اجر مسمی تجساوز ایتماک اوزره اجر مثل آلور .] ۴۶۲ ماده یه باق هندیه .

کرك بو ماده ده و كرك ماده آتییه ده « حکمی ۴۹۸ ماده دن عبارت اولان» خیار شرط یوقدر . بلکه بونلر شرطله اجاره اولقله بیعه اولدیغی کی بو نوع اجاره ایچون فصل مستقل یایلمق مناسب ایدی.

ولو ان الحیاط لم یخط الثیاب فی ذلک الیوم و طالبه المستأجر مرارا تماهل ولم یعمل حتی سرق الثیاب ضمن قیمتها قاله شمس الائمة رد مختار استفتیت ائمة بخاری عن قصاص شرط علیه ان یفرغ الیوم من العمل فلم یفرغ و تاف الثوب فی الغدا جابوا یضمن وان اختلفا فیذنی ان یتصدق القصار بینه لانه ینکر

الشرط والضمن والاخر يد عيه جامع القصولين.  
بومادهده اصلانردید اولمدینی وماده آتیهده تردید بولمدینی  
جهتله بو مادهنك ماده آتیهدن فرقی ظاهر در.

❀ ماده ۵۰۶ ❀

« ۱ » [ عملده ] « ۲ » [ وعاملده ] « ۳ » [ وحمل ] ده « ۴ »  
[ ومسافده ] « ۵ » [ ومكانده ] « ۶ » [ وزمانده ایکی یا ] نه-ایت  
[ اوج صورت اوزرینه اجرتك تردیدی ] وهر صورت ایچون  
آرو اجرت تسمیهسی [ صحیح اولور. ]

بونك جمعیسنده معتبر اولان بیع وجامع یعنی مناسبت ایسه  
دفع حاجتدر . چونكه اجاره بیع منافعدن عبارت اولغله بیع  
عینه قیاس اولور زیایمی وجمع الانهر.

عملده تردید بالانقاسق جائزدر . لانه خیره بین عقه-دین  
صحیحین مختلفین والاجر قدیجبالعمل وعندالعمل یرتفعالجهل  
بجمع الانهر . عاملده تردید دخی امام اعظم رحمه الله تعالی یه کوره  
جائزدر . لانه خیره بین عقه-دین صحیحین مختلفین والجهالة  
فی العمل ترتفع عند المباشرة خلافا لهما ای قالا لایجوز لان  
المعقود علیه واحد والاجر ان مختلفان ولایدری ایهما یجب فلا یجوز  
بجمع الانهر .

[ و ] صور مرددهدن [ هر قننی صورت فعله چیقار ایسه  
اکا کوره ] یعنی فعله چیقان ایچون مشروط اولان [ اجرت  
اعطاسی لازم کلور . ]

بو ماده ده ایکی یا اوچ صورتله دنیلوبده زیاده سی ذکر اولنماسی اوچ صورتدن زیاده مثلا درت یا بش صورت اوزرینه اجرتک تردیدی جائز اولمديغنه مبدیر . نته کیم ۳۱۶ ماده شرحنده ایضاح اولمدينی اوزره بیعه دخی حکم بوبله ایدی رد مختار . غیرانه یشرط خیار التعمین فی البیع دون الاجاره لان الاجاره انما تجب بالعمل واذا وجد یصیر المعقود علیه معلوما بخلاف البیع فان الثمن یجب بنفس المقد والمبیع مجهول جمیع الانهر . واستشکل صاحب التسهیل هذا الفرق حیث قال الجهالة التي فی طرف الاجرة ترتفع كما ذکر واما الجهالة التي فی طرف العین المستأجرة فی نحو قوله آجرتک هذه الدار بخمسة او هذه الدار بعشرة فهي ثابتة وهي تقضى الى النزاع فی تسليم العین وتسليمه اذا المستأجر ترید هذا والموخر يدفع الآخر فتحقق النزاع فبقي ان لا یصح بدون اشتراط خیار التعمین انتهى نتائج الافکار .

« ۱ » [ مثلا ] البسه [ اکنه اردی دیکمک اوزره شو قدر ] یعنی مثلا یوز الی [ واویولغامه دیکمک اوزره بو قدر ] یعنی مثلا یوز [ غروشه بازارلق اولندقدده ] مذکور ایکی صورتدن هر [ قننی صورتده دیکیلور ایسه اکاکوره مقاوله اولنان اجرتک اعطاسی ] یعنی اکنه اردی دیکلکده یوز الی واویولغامه دیکلکده یوز غروشک ویرلمسی [ لازم کلور . ]

بو مثال متن مجله نك بر رقیله اشارت اولسانه یعنی عملده  
تردیده مثالدر .

كذلك مستأجر بو البسه یی سن دیگر سك یوز غروش  
وقلفه كه ديكدير رسك الی غروش دیو بازارلق اولندوقده حكم  
منوال مشروح اوزره در .

وكذلك شو نوع بویامق اوزره یوز غروشه و بو نوع  
بویامق اوزره سكسان غروشه و دیگر فلان نوع بویامق اوزره  
الی غروشه بازارلق اولنسه حكم منوال محرر اوزره در هندیه  
و مجمع الانهر و در متقی .

« ۲ » [ یاخود بر دكانده عطارلق ایتمك اوزره شو قدر ]  
یعنی مثلاً شهریه یوز [ و تیمورجیلک ایشلمك اوزره یوقدر ]  
یعنی مثلاً یوز الی [ غروشه مقاوله اولندوقده مستأجر ] مذکور  
دكانده مار الذکر ایکی عملدن هر [ قننی عملی اجرا ایدر  
ایسه اكا كوره اجرت معینه سنی اعطا ایدر ] یعنی عطارلق  
ایدر ایسه یوز و تیمورجیلک ایدر ایسه یوز الی غروش و یرمسی  
لازم كلور .

بو مثال وكذا مثال آتی امام اعظم رحمه الله تعالینك  
مذهبنه مبنی اولوب اما امامینه كوره جائز دكلدر طور ی .

اشبو مثال متن مجله نك ایکی عددیله اشارت اولسانه مثالدر .  
كذلك بر ترلایي فلان شی زرع ایدر ایسه شو قدر و فلان  
شی زرع ایدر ایسه بو قدر غروشه استیجار ایتدكده حكم



منوال مشروح اوزره در هندیه و بزازیه .

« ۳ » [ وکذا بر دابه بغدادی بوکلتکم اوزره شو قدر ]  
 مثلا قرق [ و تیمور بوکلتکم اوزره بو قدر ] مثلا التمش  
 [ غروشه استکرا اولندقدقه ] بغدادی و تیمور دن هر [ قنغیسی  
 بوکلدر ایسه اکا کوره معین اولان اجرتی ویرر . ] یعنی بغدادی  
 بوکلدر ایسه قرق و تیمور بوکلدر ایسه التمش غروش ویرر .  
 اشبو مثال متن مجله ده ۳ عددیله اشارت اولنان یعنی جمله  
 ردیده مثالدر .

نقط بو وجهله استیجار ایدیلان مثلا دکان ویا دابه  
 مستأجر قبض ایدوبده اصلا ساکن اولسه یعنی نه عطارلق  
 ونه ده تیمور جیلک ایتسه ویا دابه اوزرینه اصلا یوک بوکلتسه یعنی  
 نه بغدادی ونه ده تیمور بوکلتسه بوضورنده مشایخ اختلاف ایلمشدر  
 در . بعضیلری اقل الاجرین یعنی ادنی العملنه مقابل اولان  
 اجرت لازم کلور . زیرا زائد مشکوک اولدیغندن شک ایله  
 لازم کلز دیمشدر . وهوالصحیح لانه لایکون اکثر ضررا من  
 الانتفاع باقلهما ضررا زیلعی قال فی اشارات الاسرار فان لم  
 یسکن قال بعضهم یتحق الاقل لانه ثابت بیقین لان الزیاده  
 انما تستحق باستیفاء منفعة زائدة ولم یوجد ذلك فوجب بالتخیله  
 اقل الامرین شای و بعضیلر دخی مادام مأجور تسلیم ایدلمشدر  
 منفعتک بریسی دیکرندن اولی اولمامغله ایکیسنک نصف اجرتی  
 لازم کلور . یعنی عطارلق ایله تیمور جیلکدن هر برینک اجرتنک

نصفی وکذا بغدادی یوکلتمک ایله تیمور یوکلتمک اجرتنک نصفی لازم کلور دیمشردر طوری .

کذلک مکان معلومه قدر استیجار اولنان بر دابهیه شو یوکی یوکلدر ایسه یوز غروش وینر ایسه الی غروش دیو بازارلق اولنسه حکم منوال مشروح اوزره در هندیه فی الباب السادس و بزازیه .

« ۴ » [ یاخود مکاری شو حیوانی چورلی بهدک یوز وادر نه بهدک ایکی یوز و فله بهدک اوچ یوز غروشه ایجار ایتدم دیدکده مستأجر ] دخی قبول ایتدکن صکره محال مذکور دن [ نرمیه ] یعنی چورلی وادر نه و فله دن قنغیسنه [ کیدر ایسه اوراسنک اجرتی ] یعنی اوراسی چون تسمیه قلنسان اجرتی [ اعطا ایلر . ] ملتقی .

اشبو مثال متن مجله ده ۴ رقمیله اشارت اولنان یعنی مسافه ده تردیده مثال اولوب بو مثاله اوچ صورتله تردید واردر . بو مثال دخی امام اعظم رحمه الله تعالینک مذهبیه مبنی اولوب امامینه کوره جائز دکلدر . فقط مستأجر حیوانی قبض ایدوب هیچ بریره کتمسه نقدر اجرت لازم کلور .

« ۵ » [ وکذلک آجر شو خانیهی یوز و بو خانیهی ایکویز و بو دیگر خانیهی اوچیوز غروشه ایجار ایتدم دیوب مستأجر دخی قبول ایتدکن صکره هر قنغیسنده ساکن اولور ایسه آنک ایچون معین اولان اجرتی ویرمسی لازم کلور ] درممتقی .

اشبو مثال بش رقیله اشارت اولندیغی اوزره مکنده  
 تردیده مثالدر . فقط مستأجر مذکور ایکی خانہ یی دخی قبض  
 ایدوب هیچ بریسفنده ساکن اولسه نه قدر اجرت لازم کلور .  
 وكذلك درزی شو روبایی دیگر ایسه یوز وبو روبایی  
 دیگر ایسه الی غروش دیو بازارلق اولندقدمه درزی قنفیسی  
 دیگر ایسه اکاکوره اجرت لازم کلور هندیه فی الباب السادس .  
 « ۹ » [ كذلك برکیمسه برجیہی درزی یه بوکون دیگرسه  
 الی ] غروش [ ویارین دیگرسه اوتوز غروش ویرمک اوزره  
 بازارلق ایتسه جائز وشرطلر معتبر اولور ] ده بوکون دیگر  
 ایسه الی غروش ویارین دیگر ایسه اوتوز غروش آلور زیلعی  
 اما پوم ثالثه ویا دها صکره دیگر ایسه اوتوز غروش  
 یعنی اجر مسماہی تجاوز ایتماک اوزره اجر مثل لازم کلور  
 یعنی اجر مثل اوتوز غروش ویا اوتوز غروش نقصان ایسه  
 اولقدر ویریلور . زیاده ایسه یالکز اوتوز غروش ویریلوب  
 زیاده سنه اعتبار اولماز . یارینه تأخیری صورتندہ اوتوز غروش  
 زیاده یه راضی اولمینجه آندن دها زیاده تأخیرندہ دخی اوتوز  
 غروشیدن زیاده یه راضی اولمیه جنی بطریق الاولویتدر  
 عبدالحلیم وهندیه ودرمنتقی . بومثال امامین مذهبہ مبنی اولوب  
 امام اعظم بوصورتندہ اجاره فاسد اولدیغنه قائل اولمشدر .  
 وكذلك برکیمسه فلان قصبہ یه ایکی کونده یتشدریر ایسه  
 ایکوز غروش والا یوز غروش ویرمک اوزره مکاری ایله

بازارلق ایتدکده جائز و شرطلر معتبردر هندیه فی ۲۶ بابا .  
بو مثال اتی رقیله اشارت اولندیغی اوزره زمانده تردیده  
مثالدر .

اشبو ماده ایله مثاللری لف و نشر مرتب صورتسده اولدیغی  
تقریر مشروحدن ظاهر اولدی .

انواع زراعتده تردید اولندقدده دخی حکم بویلهدر . شویله  
که ترلا صاحبی مزارعه، بغیر کراب زراعت ایدر ایسه ک سنک  
ایچون محصولک ربی و کراب ایله زراعت ایدر ایسه ک سنک  
ایچون محصولک ثانی و ایکی کراب ایله زراعت ایدر ایسه ک  
سنک ایچون محصولک نصفی وارددر دیدکده قنغی درلو زراعت  
ایدر ایسه اکا کوره حصه آور کفایه عن الفم تاشی . بیعه  
بونک نظیری ۳۱۶ ماده و مواد تالیه سننده بیان اولنان خییار  
تعیندر .

یوکلک نقلنده دخی تردید جائزدر . شویله که برکیمسه فلان  
یره شو یوکی نقل ایدر ایسه یوز و بو یوکی نقل ایدر ایسه اللی  
غروش اولوق اوزره حمال ایله بازارلق ایتدکده جائز اولور .  
واولا قنغیسنی نقل ایدر سه آک اجرتی لازم کلور . واندن  
صکره دیکرینی نقل ایدر سه تبرع اولوب اجرت اله میه جنی کبی  
یوکل ضایع اولور ایسه ضامن اولور . وایکیسنی برلکده نقل  
ایتدکده ایکی سنکده نصف اجرتنی آور . و بو صورتده یوکلر  
ضایع اولدقدده امام اعظم رحمه الله تعالی یه کوره ایکی سنک نصفی

ضامن اولور. وامامين رحمهما الله تعالى به كوره يوكلك ايكسينده  
ضامن اولور هندية في الباب السادس .

متن مجله ده کی تردید اجرت قیدی احترازی دکلدر . زیرا  
تردید اجرت ايله نفی اجرت بیننده فرق یوقدر . یعنی نفی  
وانبات طریقله دخی اجرتک تردیدی صحیح اولور . مثلاً بوکون  
دیگرسه اوز غروش اجرت و یارین دیگرسه هیچ اجرت اولماق  
اوزره دیو درزبیله بازارلق اولندقدده درزی بوکون دیگرسه اون  
غروش اجرت آور . و یارین دیگرسه اجر مسمایی تجاوز ایتماک  
اوزره اجر مثل آور رد مختار و هندیه . لان اسقاط الاجر  
فی اليوم الثاني لا ینفی وجوبه فی اليوم الاول ونفی التسمية فی  
اليوم الاول لا ینفی اصل العقد فکان فی اليوم الثاني عقد  
لاتسمية فيه فيجب اجر المثل طوری .



## ﴿ فصل ثانی ﴾

( یعنی باب خامسک ایکنجی فصلی )

[خیار رؤیت] ه دائر مسائل [حقننده] اولوب اتی مادهی

حاوی [در .]

امام شافعی رحمه الله تعالى مأجور کورلمدن استیجار جائز  
دکلدر . چونکه جهالت وارد دیمشدر . ائمه حنفیه و رحمهم الله

دیرلرکه جهالت ، جواز اجاره بی آنجق نزاعه مفضی اولدینی  
تقدیرده منع ایدر. حالبوکه مستأجر بکتمدیکی حالدده خیار رؤیت  
ایله حق فسخی بولندیغندن بونده کی جهالت جوازی منع  
ایله مزطوری.

❖ ماده ۵۰۷ ❖

[مستأجر] کورمدن برمالی استیجار ایتسه کورنجه آنک  
و آتیده متناً و شرحاً بیان اولنه جنی و جهله بعضاً دخی اجیر  
[ایچون خیار رؤیت واردر .] یعنی کوردکده مخیردر. بیعده  
مشتري ایچون اولدینی کی. ۳۲۰۰ مادهیه باق. چونکه اجاره  
دخی شراء منافع قیلندن اولغله من اشتری مالم یره فله الحیار  
اذا راه حدیث شریفنک ظاهری اجارهیه دخی متناول اولور.  
طوری وزیلعی. ۵۱۰ مادهنک فقره اخیرده سی بومادهنک فرعیدر.  
مثلاً برکیمسه کورمدن استیجار ایلدیکی خانهدی کوردکده  
مخیر اولوب دیلرسه قبول و دیلرسه فسخ ایلر فتاوا ای بننجیم.  
لان العقد لایتم الا بالتراضی ولارضی بدون العلم زیلعی.  
نته کیم برکیمسه کورمدن برقاق قطعه اراضی بی صفقه واحده  
ایله استیجار ایتدکنصکره بعضیسنی کورسه جمله سنده اجاره بی  
فسخ ایده بیلور. یوقسه بعضیسنده فسخ و بعضیسنده ابقاً  
ایده مز رد مختار.

اما موجر ایچون خیار رؤیت یوقدر. نته کیم بایع ایچون

اولدینی کی ۳۲۲ مادهیه باق رد مختار وتنقیح. بنابرین بو ماده مستاجر تخصیص ایدلدی. ایشته خیار شرط هم موجر و همده مستاجر ایچون ثابت ایکن خیار رؤیت یالکتر مستاجر ایچون ثابت اولیور رد مختار.

بو ماده ایله آتی ۵۰۹ مادهنک مؤدالری بر اولدینی کی کتاب بیوعده دخی بو ایکی مادهنک نظیری ۳۲۰ مادهده جمع ایدلمش اولغله اخصر و سباقه یعنی کتاب بیوعه انساب اولان بوماده ایله ۵۰۹ مادهی برلشدرمک ایدی.

### ❖ ماده ۵۰۷ ❖

[مأجورك رؤیتی منافعك رؤیتی کیدر.] یعنی منافع حقیقته معدوم و شیئاً فشیئاً حادث اولغله رؤیتک اکا تعاقی قابل اولیوب بلکه مستاجر مأجوری کورنجه منافی کورمش حکمنده اولور. بناء علیه بر کیمسه مثلاً بر خانیهی کوردکن صکره استیجار ایتسه خیار رؤیتی یوقدر هندیه فی الباب الخامس. ۵۱۰ مادهنک فقره اولیسی بو مادهنک فرعیدر.

### ❖ ماده ۵۰۹ ❖

[مستأجر کورمدن بر عقاری] ویا بشقه بر مالی ویاخود بر اجیری [استیجار ایتسه کوردکده مخیر اولور.] ۵۰۷ مادهیه باق. دیلرسه فسح ایدر. و دیلرسه قولاً ویا فعلاً قبول ایدر.



یعنی اجاره‌نی مجیز اولور. و فسخ ایتدیکی تقدیرره بوفسخ حکم  
حاکم و یا رضای آجره محتاج دکلدر. كذلك مستأجر کورمدن  
متمدد عقاری استیجار ایتسه بمضیسی کوردکده جمله سنی فسخ  
ایده بیلور رد مختار ۳۳۸ مادهیه باق.

مستأجرک مأجورده تصرف مالک ايله تصرف ایتمی  
خيار رؤیتی اسقاط ایدر. ۳۳۵ مادهیه باق هنديه فی الباب  
الخامس.

و مستأجر، بو وجهله فسخ اجاره ایتدکده بدل اجاره  
اولق اوزره اولجه آجره ویردیکی شیء موجود ایتسه عیناً  
و مستهلك ایتسه بدلاً استرداد ایدر. حتی برکیمسه کندی خانه  
سندیه سکنی مقابله دیکر کمسنه نک بارکیرینی بر سنه مدته  
استیجار ايله مذکور بارکیری الی ماه استعمال ایتدکن صکره  
او کمسنه خانیهی کوردکده بکنماکله اجاره‌نی فسخ ایتسه  
بارکیرینک اجر مثلی آلور من المحل المزبور.

### ❖ ۵۱۰ ماده ❖

[ برکیمسه مقدما ] یعنی قبل الاستیجار [ کورمش اولدیغی  
بر خانیهی ] حین استیجارده کورمدن [ استیجار ایتسه آنک  
ایچون خیار رؤیت یوقدر. ] شو حالده موجر، قبل الایجاره  
کوردیکک جهته خیار رؤیتک یوقدر و مستأجر کورمدن  
خیار وارد دیتسه سوز مستأجر کدر. زیرا رؤیتی انکار ایدور.

[مكركه] ، مقدما كورد كدن صكره [سكنايه مضر اوله جق بر محلى منهدم  
اوله رق هيئت اولاسى تغير ايتمش ايسه او حالده ] تغير سيديله  
[مخير اولور] . هنديه فى لباب الخامس . يعنى خيار رؤى واردر .  
۳۳۲ و ۵۰۷ ماده لر ه بق .

شو حالده . متأجر تغير ايتدى خيارم واردر ديو وموچر  
تغير ايتدى ديو اختلاف ايتدكارنده مدت قريب ايسه سوز  
موچرك وبعيد ايسه سوز مستأجر كدر . چونكه مدت قريبه ده  
عدم تغير وبعيده ده تغير ظاهر در . ۳۳۲ ماده شرحه باق .  
بو ايكي ماده ايله مستأجر ك خيار رؤى بيان اولنديغى كې  
ماده آيه ايله دخى اجيرك خيار رؤى بيان اولنيور .

### ❖ ۵۱۱ ماده ❖

[ هر عمل كه محلك اختلافيله ذانا مختلف اوله آده ] يعنى  
اجير اول محلى كورد كد ، [ اجيرك خيار رؤى واردر ] . اجير  
ايجون خيار رؤى ثابت نابت اولوب اولماق ايجون بوماده ايله ماده  
آيه برر اصلدر هنديه فى الباب الخامس .

[ مثلاً بر جبه ديكمك اوزره درزى ايله بازارلق اولنديغى  
صورنده درزى ديكه جـكى چوقه ياشالى بي كورد كده مخير  
اولور ] ديلرسه اجا . بي قبول ايده رك ديكر وديلرسه فسخايدره .  
كذلك البسه يابقامق اوزره جامه شوى استيجار اولندوقده  
جامه شوى البسه بي كورد كده مخير اولور من المحل المزبور .

❖ ۵۱۲ ماده ❖

[ هر عمل كه محلك اختلافيله ] صعوبت و سهولتجه [ مختلف  
اوليه آنده ] يعنى اجير اول محلى كورد كده [ خييار رؤيت  
يوقدر. ]

[ مثلاً شو قدر قيه پموغك چكر دكنى آيقلامق اوزره ]  
اجير ايله [ شو قدر غروشه . مقاوله اولند قده اجير ] حين  
مقاولده ويا قبل المقاوله [ پموغى كورمهسه ] بده كورد كده  
[ كندوسى ايچون خييار رؤيت يوقدر. ]

كذلك بر يغبين معين بغدايى كيل ايتمك يعنى اولچمك  
اوزره شو قدر غروشه مقاوله اولند قده اجير بغدايى كورمهسه  
كورد كده كندوسى چون خييار رؤيت يوقدر رد مختار.  
كذلك بر كيّمسه فلان محلنده حجامت ايتمك اوزره  
جراحى استيجار ايتد كده جراح اول محلى آچوب كورمكه  
خييار رؤيتى يوقدر. لان العمل ههنا لا يختلف ههنا فى الباب  
الخامس.

❖ فصل ثالث ❖

يعنى باب خامسك اوچنجى فصلى

[ خييار عيب ] ه دائر مسائل [ حقنده ] اولوب طقوز

ماده يى حاوى [ در. ]

﴿ ۵۱۳ ماده ﴾

[ بیعده اولدینی کبی ] و ۳۳۷ مادهده بیان اولدینی اوزره [ اجارده دخی خیار عیب واردر . ] لان العقد يقتضى سلامة البذل عن العيب فاذا لم يسلم فات رضاه فيفسخ كفاي البيع والمعقود عليه في هذا الباب المنافع وهى تحدث ساعة فساعة فما وحد هن العيب يكون حادث قبل القبض فى حق ما بقى من المنافع فوجب الخیار زيلمى فى الاجارة .

مذكور عيب كرك بعد العقد حاصل اولمش اولسون وكرك قبل العقد حاصل اولوب مستأجر حين استيجارنده كورما مش اولسون .

كذلك عيب، كرك مستأجر مأجورى قبض ايتدين حاصل اولسون وكرك قبض ايلدكن صكره حاصل اولسون . نته كم مواد آتیه دن آشكار اولور . زيرا اجاره منافع وجود بولدجه شياً فشیاً منعقد اولديغندن مأجورك قبضندن صكره حاصل اولان عيب استیفا اولئمان منافعت قبضندن اول حاصل اولمش و ۳۴۰ مادهسى حكمنجه بعد البيع قبل القبض بايع يدنده ايكن مبيعه حادث اولان عيب موجب رد اولدینی کبی بوده مستلزم فسخ بولمش اولور رد مختار وهنديه . وبهذا نيدفع شبهة من قال ان عقد الاجارة لازم كالبيع ثم ان العيب اذا حدث فى المبيع بعد ما قبضه المشتري ليس للمشتري ان يردّه فكان ينبغى ان

لا یرد بسبب العیب الحادث بعد القبض فی الاجارة ایضا فقال ان العیب الحادث فی الاجاره بمنزلة العیب الحادث فی البیع قبل القبض لان المعقود علیه المنافع و انها توجد شیاً فشیاً فما وجد من العیب یکون حادثاً قبل القبض فیوجب الخيار کما اذا حدث العیب فی البیع قبل القبض کفایه .

فقط مستأجر مأجورده حادث اولان بر عیبی کوروبده استیجار ایتسه عیبه رضا دیمک اولمغله ارتق خیاری ساقط اولور . نته کیم بیعده اولدینی کی . ۳۴۱۵ ماده یه باق رد مختار . خیاری رؤیتده اولدینی کی اجارده ده دخی خیاری عیب ایله فسخ اجاره لازم کلدکده خانه نک کلیاً انهدامی کی احوالده مستأجرک غیابنده دخی فسخ ایده یلوب بونده حکم حاکمه ویا رضاء آجره محتاج دکلدره . مستأجر مأجوری کرک قبض ایتمش اولسون وکرک اولسون . اما خانه نک بر دیواری منهدم اولق کی احوالده موجرک غیابنده فسخ ایده مز رد مختار و بزازیه و قهستانی وهدایه لان فسخ العقد لایجوز الا بحضور العاقدین او من یقوم مقامهما شلی .

### ❖ ماده ۵۱۴ ❖

[ اجارده ده خیاری موجب اولان عیب منافع مقصوده نک بالکلیه ] یعنی مأجور اولان عین ویا حیوان ویا متاع ویا عقاردن انتفاع قابل اولیه جق درجه منافع [ فوٹ یا خود ] منافع مذکور

بتون بتون فوت اولیوب فقط [ مختل اولمسنه سبب اولان شیدر. ] بونده منافع مقصود، دنیلدی . زیرا منفعت مقصوده فوت اولوب منفعت غیر مقصوده قالسه اجرت لازم کلز. مثلاً برکیمسه برای سکنی استیجار ایلدیکی خانه محترق اوله رق عرصه صرفه قالب و مذکور عرصه اوزرینه چادر رکز یاخود صور سائر ایله اخذ واعطا ایتک ممکن اولسه بیله بو وجهله اولنه بیان انتفاع نظر اعتباره آله ماز. و برده منفعتدن مقصود، عقد اجاره اوزرینه وارد اولان منفعتدر. اما عقد اجاره او- زرینه وارد اولیان منفعتک اختلالی خیاری موجب دکلدر . و اذا عرفت ذلك ظهر لك صحة الاجارات الواقعة في زماننا من انه يستأجر الارض مقيلاً ومراحاً قاصداً بذلك الزام الاجرة بالتمكن منها مطلقاً سواء شملها الماء وامكن زراعتها اولاً ولاشك في زراعته لانه لم يستأجرها للزراعة بخصوصها حتى يكون عدم ربحها عيباً يفسخ به طوري . یعنی اجاره ده خیاری موجب اولان عیب ایکی قسمدر .

قسم اول ، عین مأجوردن مقصود اولان منفعتک کلاً وبتون بتون فوت اولمسیدر .

قسم ثانی، منفعت مقصوده کلاً فوت اولیوب فقط منفعت مذکوره خال طاری اولمسیدر . اشبو ایکی قسم عیبک احکامی ۵۱۸ مادهنک فقره اولی و ثانیه سیله فقره ثالثه و رابعه سننده بیان اولوب بوماده ایله خیاری موجب اولان عیب ایله خیاری

موجب اوليان تمیز و تفریق اولیور رد مختار «۳۳۸» ماده کی .  
 [مثلاً] ايجار اولمش اولان «۱» [خانه بتون بتون منهدم  
 اولمق و دکرمنک صوبی] بتون بتون [کسلمک] یا اجیر خاص  
 اصلاً خدمت ایدمه جهک مرتبه خسته لئک [ایله منفعت مقصوده]  
 بالکلیه [فوت اولدیغندن] «۲» [وخانه ک چایه چی چوکمک یا خود  
 سکنایه مضر بر محلی منهدم] و یا بنایه وهن کتوره جهک دیگر  
 شی عارض [اولمق] کرک کندولکنندن منهدم اولسون و کرک  
 آجر مستأجرک اذنیله یا بلا اذن هدم ایتسون [و کرا باره  
 کیرینک صرتی یاره لئق] و کرا بارگیری و اجیر خاص عافیتده  
 ایکن کوردیکی ایتسک نصفندن اقل عمل ایدمه بیله جهک مرتبه  
 خسته لئق [منافع مقصوده بی اخلال ایلدیکندن بونلر] یعنی  
 بویکی صورت دخی [اجارده خیاری موجب] و معقود علیده  
 کائن [اولان عیوبنددر] . هندیه فی الباب التاسع عشر و فی الباب  
 الخامس و انقروی ورد مختار . دکرمنک صوبینک کسلمه بیله  
 منفعت مقصوده نک فوتسک فسخ اجاره بی موجب عیوبندن  
 اولسی مطابقدر . یعنی آجر دکرمنک صوبی کسلمده فسخ  
 اجارده مستأجرک مخیرلکی اولماق شرطیله ايجار ایتسه بیله  
 بوشرطک حکمی یوقدر . «۷۲» مادهیه متناً و شرحاً باقی هندیه  
 فی الباب الثالث والعشرون .

و صورت اولی یعنی بر رقیله اشارت قلنان عیبک ، قسم  
 اولندن و صورت ثانیه یعنی ایکی رقیله اشارت ایدیلان، عیبک



قسم نانیسندندر. بو ایکی صورت دخی عیوبدن عد اولندی .  
 زیرا منفعتك هر جزئی معقود علیه کی اولدیغندن آنده یعنی  
 جزء منفعتده عیبك حدوثی خیاری ایجاب ایدر .

[اما خانهك ایچروسنه یاغمور وصغوق کیرمیه جك صورنده  
 صواسی دوکلك] و یاخود سکناده اصلا منفعتی اولیوب زینت  
 وسوس ایچون اولان بر دیوار منهدم اولاق [ و بارکیرک یله سی  
 یاخود قویروغی کسامك] و یاخود اجیر خاصك برکوزی کور  
 اولاق و یا صاحی دوکلك [کی] مقصود اولان [منافعی] افانه  
 و یا [اخلال ایتیان قصورلر اجاره ده خیاری موجب اولماز .]  
 زیرا بو نوع قصورلر عینده حاصل اولوب یوقسه اجاره ده  
 معقود علیه اولان منفعتده حاصل اولدیغنه و معقود علیه  
 غیریسنده اولان قصور خیاری ایجاب ایتیه جکنه بناءً بو نوع  
 قصورلر ایله اجاره فسخ اولنه مز رد مختار . کالبد المستأجر  
 للخدمة اذا ذهب احدی عینیه وذلك لایضر بالخدمة اوسقط  
 شعره شلی .

خلاصه؛ مأجورده حادث اولان عیب ایکی نوعدر . نوع  
 اول، منفعته تأثیر ایدن یعنی آز وچوق منفعتك اخلالنه بادی  
 اولان عیبدر. بو عیب خیاری ایجار ایدر رد مختار .

بوجهتله مثلاً آجر عرصه مأجوردن بر آغاج قطع ایتدکده  
 مذکور آغاج مقصود اولنجه مستأجر فسخ اجاره ایده بیلور .

نته کیم مأجورک مال مغضوب حقیقی عیبر رد مختار و تنقیح  
وانقروی .

ینه بو جهته بر کیمسه استیجار ایتدیکی ایکی دکرمنک، صو  
یولی اصلاحه محتاج اولمغله اقان صو ایله هنوز بر دکرمن چوریه  
بیلور اولسه نظر اولنور . عرف بلده ده نهرک حفر و اصلاحی  
آجر اوزرینه ایسه و مذکور صو ایکی دکرمنه اجرا ایدلدکه  
نقصان صورتله ایکسیده دوز اولسه مستأجر فسخ اجاره  
ایده بیلور . زیرا مقصود مختل اولمشدر . فسخ اجاره ایتز ایسه  
نام اجرت لازم کلور . « ۵۱۶ » مادهیه باقی . و مذکور صو ایکی  
دکرمنه اجرا ایدلدکه دوز مرتبه آز اولوب فقط جمله سی  
یالکز بر دکرمنه اجرا ایدیلنجه اول دکرمن دوز ایسه فسخ  
اجاره ایتدیکی صورتده یالکز بر یسنک اجرتی لازم کلور . زیرا  
انجق بر یسیله انتفاعه مقندر اولدی . و دکرمنلر اجرتجه متفاوت  
ایسه لر صو اجرتجه زیاده اولان دکرمنی دوندیره بیلور ایسه  
آنک اجرتی لازم کلور . زیرا اجرتجه زیاده اولان ایله انتفاع  
ایتمکه متمکن و مقتدردر . اما عرف بلده ده نهرک اصلاحی  
مستأجر اوزرینه اولور ایسه اجرتک کلیسی لازم اولور . زیرا  
تعطیل ایدن کندوسیندر انقروی .

والحاصل . دکرمن صوینک تطهیری آجر و مستأجر دن  
قنغیسنه لازم اولاجنی حقنده عرف بلده معتبردر . « ۳۶ »  
مادهیه باقی .

و برده بر کیمسه صوبی منقطع اولان دکرمنی صوبی  
 کندی نهرندن اجرا ایتک اوزره استیجار ایتدکه نظر  
 اولنور. مذکور نهردن دکرمانه صوبک اجرایی اگر بلا حفر  
 ولامؤنه ممکن ایسه استیجار صحیح و اجرت لازم اولور. اول  
 کیمسه صوبی کرک آقسون و کرک آقسون. زیر ۴۷۰ ماده  
 حکمنجه استیفای منفعتنه ممکن و اقتدار ایله اجرت لازم کلور.  
 و اگر حفر و مؤنه محتاج ایسه مستأجر قبل اتمام الحفر ترک  
 ایدمیلور، اما بعد اتمام الحفر و الاجرا ترک ایدمیز. حق لوا  
 راد ان یصرف الماء الى زرعه و تترك الاجارة لم یکن له ذلك  
 و یلزمه الاجر فان جاء من ذلك امر فيه ضرر عظیم یذهب  
 فيه زرعه و یضر ماله اضرا عظیماً ان انقطع الماء عنه جعل هذا  
 عذراً له ان تترك الاجاره هندیه فی الباب التاسع عشر و بزایه  
 نوع ثانی، منفعتی اخلاص ایتان عیبدر مثلاً خد متکارتک برکوزی  
 کور اولق و یاخود صاحبی دوکومک و یاخود خانهک اصلاً  
 منفعتی اولیان بر دیواری منهدم اولق کبی . بو نوع ثانی خیاری  
 عیبی ایجاب ایتمز لان العقد ورد علی المنفعة دون العین و هذا  
 القص حصل بالعین دون المنفعة و القص بغير المقود علیه  
 لاثبتت الخیار رد مختار.

﴿ ۵۱۵ ماده ﴾

[ منفعتک ] تکمیل [ استیفاسندن مقدم مأجورده ] بالاده

مذکور ایکی قسم عیبدن [ بر عیب حادث اولسه ] مادهٔ آنفه شرحنده مذکور ایکی قسم عیبدن قفنی قسم اولور ایسه اولسون [ وقت عقدده موجود کبیدره ] یعنی بو صورتده دخی مادهٔ آنفه وجهله خیار عیب واردر بونده ایکی صورت واردر. صورت اولی، منفعتک بر مقداری استیفا اولنمش و بر مقداری دخی استیفا اولنماش اولمقدردر. مثلاً اوج آیلق اولمق اوزره استیجار اولنان خانهده مستأجر بر آی ساکن اولدقدن صکره ایکنجی آیده عیب حادث اولسه خیار عیبی ایجاب ایدر. ۵۱۳ ماده شرحنه باق.

صورت ثانیه؛ منفعتک هیچ بر مقداری استیفا اولنماش اولمقدردر. مثلاً بر کیمسه نك اجارهٔ مضافه ایله استیجار ایلدیکی خانهده مدت اجاره حلواندن اول عیب حادث اولمقدردر. بو دخی خیار عیبی ایجاب ایدر رد مختار.

۳۳۹ و ۳۴۰ مادهلردن اکلاشیله جنی اوزره بیعده مبیع مشتری به تسلیم ایدلدکدن صکره حادث اولان عیب خیاری موجب اولمدینی حالده اجارهده صورت اولاده خیاری مستلزم اولمغله بیع ایله اجاره بوندن طولایی دخی افتراق ایدر لر اشباه.

### ✽ ۵۱۶ ماده ✽

[ مأجورده ] ۵۱۴ مادهده مذکور ایکی قسم عیبک قسم نایسندن [ بر عیب حادث اولدقدن مستأجر مخیردر . دیلرسه

عیدیه برابر استیفای منفعت ایلز . بو صورتده [ مستأجر عیدیه راضی اولمش دیمک اوله جغندن ] اجرتی تماماً ویرر . [ نته کیم ۳۳۷ مادهده ذکر اولندیغی اوزره بیعده دخی حکم بویه ایدی . یعنی ادا رضی ای مشتری بالعیب لایرجع بالنقصان کفایه .

مثلاً بوز قیه اربه یوکلتمک اوزره استیجار ایلدیکی استر خسته لمکله مستأجر هنوز اللی قیه یوکلدوبده محل مقصوده نقل ایتدکده مستأجر اجر مسملک نصفی تنقیص ایده مز . ۵۱۹ ماده دخی بوقرمنک برمثالیدر . [ ودیلرسه ] ۵۱۸ مادهده بیان اولندیغی اوزره آجر حضورنده [ اجاره نی فسخ ] وچکن مدته اصابت ایدن اجرتدن حصه نی آجره اعطا [ ایلر ] . ماده آنفیه باق .

کذا خانه . مأجورک بر دیواری منهدم اولدوقده اگر سکنایه مضرت ویرمز ایسه مستأجر فسخ ایده مز . ویرر ایسه فسخ ایده بیلور . وفسخ اتمز ایسه تمام اجرتی ویرر رد مختار .

وکذا استیجار اولنان دکرمان صوبی نقصان فاحش ایله تناقص ایتسه مستأجر فسخ اجاره اید بیلور . اما ایتیموبده استعمال ایتسه عیه راضی اولمش دیمک اولمغله آندن صکره رد یا اجرتی تنقیص ایده مز هندیه ورد مختار وعلی افندی .

نقصان فاحش دنیلدی . زیرا فاحش اولمیان نقصان موجب خیار دکلدور .

نقصان فاحشیدن مراد روایت قدورییه کوره صوبک

تناقص شدن اول طحن ایتدیکی مقدارک هنوز نصفندن اقلانی بعدالتناقص طحن ایدهبیلور بر حالد بولمیسیدر. وفي الواقعات الناطفی لویطحن علی النصف له الفسخ وهذا تخالف رواية القدوری رد مختار.

کذلك بر کیمسہنک خدمت ایچون طوتدینی اجیر خسته۔ لندقدہ نظر اولنور. اگر اصلاً ایش کورمکه مقتدر دکل ایسہ اجرت لازم کلز. ۵۱۸ مادہنک فقرہ رابعہ سنہ باق. واکر حال صحتندہ کوردیکی ایشندن آز کورمکه مقتدر ایسہ مستأجر اجارہنی فسخ ایدهبیلور. ایتویبدہ مدت تمام اولسہ تکمیل اجرت لازم کلور ہندیہ فی الباب التاسع عشر وبرزایہ. وعلی قیاس مسئلۃ الرخی یجب ان یقال اذا عمل اقل من النصف له الرد رد مختار.

۵۱۹ مادہسی دخی بو مادہ اوزرینہ متفرعدر.

شرحاً بو مادہدہکی « عیب حادث » ۵۱۴ مادہدہ مذکور ایکی قسم عیبک قسم ثانینہ تخصیص ایدلای. زیرا قسم اولدن اولان عیب حادث اولسہ استیفای منفعت قابل اولیہ جغندن ۵۱۸ مادہدہ بیان اولندینی اوزرہ اجرت لازم اولماز. قال فی الاصل الماء اذا اقطع الشہر کلہ ولم یفسخها المستأجر حق مضی الشہر فلا اجر علیہ فی ذلک رد مختار.

﴿ ۵۱۷ مادہ ﴾

[ مستأجرک ] حادث اولان عیبہ مبنی [ اجارہنی فسخندن ]

مقدم اجر اگر عیب حادثی ازاله [ یعنی مثلاً خانه‌ی هبئت  
اصلیه‌سنة ارجاع واعاده [ ایدر ] ویاخود عیب خودبخود زائل  
اولیوریر [ ایسه مستأجرک حق فسخی قالماسز. ] مذکور عیب  
۵۱۴ ماده‌ده مذکور ایکی قسم عیبیدن قنخی قسم اولور ایسه  
اولسون مجمع الاهر. زیرا اجاره‌ده عقد ساعه ساعه تجدد  
ایده حکمی جهته‌له سبب فسخ زائل اولدقدن آندنصکره آتی  
اجاره ایچون عیب بولمیه جفندن خیار ساقط اولور . « ۲۴ »  
ماده‌یه باقی زیاهی.

[ و مستأجر بقیه مدته مشصرف اوانی استدکده آجر دخی  
اکا مانع اوله‌مز. ] رد مختار زیرا اجاره مجرد عیبک حدوثیه  
منفسخ اولمیوب بلکه فسخ عاقدین ایله منفسخ اولور. حتی مأجور  
خانه کلاً خراب اولدقدنصکره قبل انفسخ موجر آتی کالاول  
بنا ایدیورسه عاقدیندن بریسی حکم اجاره اوزره جریاندن  
امتناع ایده‌مز. السفینه المستأجرة اذا نقصت وصارت اواحا  
ثم رکت واعیدت سفینه لم یجبر علی تسلیمها الی المستأجر  
لأنها بالنقص لم بتق سفینه ففات المحل کموت العبد بخلاف انهدام  
الدار تأمل رد مختار وکفایه.

خلاصه کلام بقیه مدت ایچون اجاره هم مستأجر هم‌ده  
آجر حقنده لازمدر. چونکه ۴۰۶ ماده‌ده ذکر اولدینفی اوزره  
طرفیندن بریسی بلا عذر اجاره لازمه‌نی فسخ ایده‌مز.  
کذلک اجیر خسته‌لندقدن مستأجر فسخ اجاره‌یه مقتدر



اولدینی حالده فسخ ایتمدن اجیر کسب صحت ایتسه آرتق فسخ  
ایده من بزازیه ورد مختار.

❖ ۵۱۸ ماده ❖

[ منافی اخلاص ایدن عیب حادثك ] یعنی ۵۱۴ مادهده  
مذكور ایکی قسم عیبك ایکنجی قسمندن برعیب حادث اولوبده  
آنك [ رفعندن مقدم مستأجر ] ۵۱۶ مادهیه مبنی [ اجاره‌نی  
فسخ ایده جك اولور ایسه آجرك حضورنده ] یعنی آنك  
معلوماتیه [ فسخ ایده بیلور. یوخسه غایبده فسخ ایده من. ]  
رد مختار فی اول باب فسخ الاجارة و هندیه فی الباب التاسع  
عشر. لان فسخ العقد لا يجوز الا بحضور العاقدین او من يقوم  
مقامهما طوری. شو قدرکه مستأجر قبل القبض و بعد القبض یالکتر  
اوله رق فسخه. مقتدر اولدیغندن موجرك فسخه رضاسنه و یا خود  
حکم حاکمه محتاج دکلدر هندیه فی الباب الخامس. نته کیم ۵۱۳  
ماده شرحنده بیان اولندی.

[ واکر آجرك غایبده یعنی اکا خبر ویرمکسزین فسخ ایدر  
ایسه فسخی معتبر اولیوب کماکان ] یعنی قبل الفسخ اولدینی  
کبی [ مأجورک کراسی ایشلر. ] زیرا عقد اجاره باقی اولوب  
مستأجر مع التغير یعنی قصور ایله برابر منفعتك استیفاسنه  
مقتدردر. ۴۷۰ مادهیه باق هندیه فی الباب التاسع عشر.  
شو قدر واکرکه مستأجر اولوجهله فسخ ایدوب خانه‌دن

چيقدقدن صكره آجر مذكور خانه ده ساكن اولسه فسخه رضا  
ديك اولمغله اجرت ساقط اولور هندیه فی الباب التاسع عشر  
۶۸۰، مادهیه باق .

متن مجله ده « رفعتدن مقدم » دینلدی . زیرا ماده آفیه  
حکمنجه بمدالرفع خیار یوقدر هندیه .

[اما] ۱۵۴ ماده ده بیان اولمان عیوبدن برنجی قسم برعیب  
حادث اولمغله [ منافع مقصوده بالکلیه فوت اولدینی صورته  
آجرک غیابنده ] یعنی آکا خبر ویرمکسزین [ دخی فسخ ایده  
یلور . ] وبو فسخده دخی حکم حاکم ویا رضاء اجره احتیاج  
یوقدر . فقط مجله نك فسخ ایده یلور عباره سی دلالت ایدرکه  
فسخ ایتمدکجه منفسخ اولماز . حق استیجار ایتدیکی خانه کلیا  
منهدم اولدقدن صكره اجر کالاول بنا ایتدکده اجر تسلیمدن  
ومستأجر قبولدن امتناع ایده مزه . واراق حق فسخ قالمماز .  
نته کیم ماده آفیه ده مستأجر بقیه مدته متصرف اولمق استدکده  
آجر دخی آکا مانع اوله ماز دینلمشیدی انقروی ورد مختار  
ومجمع الانهر .

واقعا معقود علیه اولان منافع مخصوصه قبل القبض فوت  
اولدینی جهته قبل القبض هلاک مبیع و حیوان ، أجورك تانی  
کی اوله رق اجاره منفسخ اولملی ایدی . لیکن منفسخ اولمامسك  
ایکی سببی واردر . برنجیسی ، منافع ، عودتی متصور اولور وجه او زره  
فوت اولدینی جهته قبل القبض مبیع یا مستأجرک فرارینه مشابه

اولدی. بمضیار اجاره فسخه احتیاج اولقمسزین منفسخ اولور  
اولور دیمشلدرد. لان المعقود علیه وهو المسافر المخصوصة  
قدفانت قبل القبض فصار كهلاك المبيع قبل القبض. ایکنجیسی،  
مثلا مأجور خانه بتون بتون منهدم اولدقدنصکره دخی عرصه  
اوزرینه چادر رکزیله ساکن اولهرق استحصال منفعت اولنه  
بیلور وبناء علیه فی الجملة موضع سکنی اولیور. لیکن استیجار  
ایله قصد ایتدیکی وجه اوزره انتفاعه مستأجر متمکن اولمدیغی  
جهتله مستأجر اوزرینه اجرت لازم اولماز زیلعی فی فسخ  
الاجارة بالعیب .

[ و ] بو حالده یعنی منافع مقصوده بالکلیه فوت اولدیغی  
تقدیرده مستأجر [ کرك فسخ ایتسون وکرك فسخ ایتسون  
دورت یوز یتیشر سکرنجی مادهده بیان اولمدیغی اوزره ] خانه  
مأجورك منافعی بالکلیه فوت اولدیغی تاریخندن صکره [ اجرت  
لازم اولماز. ] اما اندن اولکی مذکک اجرتی بالحساب نقدر  
ایدر ایسه اتی ویرمسی لازم کلور. حتی بر کیمسه بر ایلق  
اولهرق استیجار ایلدیکی خانهده اون کون ساکن اولدقدنصکره  
منهدم اولسه اجر مسلمانک ثانی لازم کلور هنسیده فی الباب  
الناسع عشر .

[ مثلا خانه مأجورك منافعی اخلاص ایدر ] دیوار ویا یالاکز  
بر اوطله کی [ بر محلی منهدم اولسه ] کرك قبل القبض منهدم  
اولسون وکرك بعد القبض منهدم اولسون [ مستأجر فسخ اجاره

ایده ییلور. فقط اجرک حضورنده فسخ ایتسی لازم کلور یوخسه  
 غیابنده یعنی [ اکا خبر ویرمکمزین ] فسخ ایدوب [ خانه دن  
 چیقیورسه جیقمامش کی اجرت ویرمسی لازم کلور . ] آجر  
 غائب ویا متمرّد اولوبده حضور حاکمه کلز اولسه حاکم آجر  
 طرفندن بریسنی وکیل تعیین ایدرک بو وکیلک حضورنده  
 فسخ اجاره اوله ییلور انقروی وهدیه فی الباب التاسع عشر .  
 مثالک بورایه قدری . ماده نک « منافع اخلال ایدن . . .  
 کراسی ایشلر » فقره لرینه مثال اولدینی کی مابعدی دخی « اما  
 منافع مقصوده . . . » فقره سنه مثال اولوب لف و نشر مرتبدر.  
 [ اما خاه ] . « آجور [ بتون بتون منه دم اولدینی ]  
 ویا خود مستأجرک اذینله ویا اذینلر آجر خانه بی بوزدینی  
 [ صورتده اجرک حضورینه محتاج اولمکسزین ] غیابنده دخی  
 [ مستأجر فسخ اجاره ایده ییلور . ] [ وهر حالد ] یعنی  
 حضورا ویا غیابا کرک فسخ ایتسون وکرک ایتسون خانه  
 بتون منه دم اولدینی ویا بوزولدینی تاریخدن صکره عرصه ده  
 ساکن اولسه بیله مستأجر اوزرینه [ اجرت لازم کلز . ]  
 زیرا ۵۱۴ ماده شرحنده ذکر اولندینی اوزره عرصه ده  
 سکنی منافع مقصوده دن دکلدر . بو حالد مستأجر  
 کچن مدتک کلیسند منافع مقصوده بالکلیه فوت اولدینی  
 جهته اجرت ساقط اولای دیو و آجر منافع مقصوده  
 بالکلیه فوت وبناء علیه اجرت ساقط اولمادی دیو اختلاف

ایستدظرنده طرفینک بینهلری اولمدینی تقدیرده حال حاضر حکم  
قلنور . و حال حاضر کیمک لهنه شاهد ایسه ماضیده سوز  
آنکدر . نته کیم ۱۷۷۶ ماده ده دخی بیان اولنور . اما مأجور  
فی الحال سالم اولوب و طرفین کچن مدتک بمضیسنده منافعت  
فوت اولدیغنده اتفاق ایدوب فقط مقدارنده اختلاف ایتمه لر  
سوز مع الیمین مستأجر کدر . زیرا مستأجر بمض اجرتی  
انکار ایدیور . ۷۶۵ ماده یه باق هندیه قبیل الباب الحادی  
والعشرون .

❖ ۵۱۹ ماده ❖

[ خانه نک بر او طه سی ] یعنی بتون خانیهی عقد واحد ایله  
استیجار ایدوبده مذکور خانه نک یالکز بر او طه سی [ یا خود  
منفعت مقصوده نک اخلاقی موجب اولان بر دیواری منهدم ]  
یعنی خانه مأجورده ۵۱۴ ماده ده بیان اولان ایکی قسم عیبند  
قسم نانی عیب حادث [ اولوبده مستأجر ] ایچون خیاری عیب ایله  
حق فسخ ثابت ایکن [ فسخ اجاره ایتیمه رک باقیسمنده ساکن  
اولسه اجرتدن بر شی ] یعنی منهدم اولان او طه ویا دیوار  
حصه سی [ ساقط اولماز ] زیرا استیفای منفعت ایله عیبیه راضی  
اولمش اولور . ۶۸۵ ماده یه باق . بخلاف ما اذا شغل الماجر بیتا  
منها لانه بفعله فیسقط بحسابه رد مختار . بو وجهله مأجور  
خانه نک بر او طه سی منهدم اولدقده ماجر یا مستأجر انشاسنه

اجبار ایدیه مز. اما عدم موآخذة المستأجر بالبناء فظاهر واما المؤجر فلانه لايجبر على اصلاح ملكه تنقيح .

آنچق بو وجهله خانهك بر او طه سی یا دیواری منهدم اولوبده مستأجر بلا فسخ بر مدت ساكن اولدقدنصكره يعنى مثلاً بر سنه مدتله استيجار ايدىكى خانهده ايكي آى ساكن اولوب اوچنچى آيده بو وجهله بر عيب حادث اولدقدنصكره فسخ اجاره ايتيمرك درت آى دها ساكن اولوب بعده فسخ ايدىجك اولسه فسخ ايدى بيلورمى؟ ۵۱۶ ماده شرحنده بيان اولمان دكر من مسئله سنه نظراً فسخ ايدى مامك لازم كلور .

بو ماده ۵۱۶ مادهك فرعى و آنك مثالى حكمنده اولمغله ماده مذكوره به مثال اوله رق ذكر و ارادى مناسب و اخصر ايدى. نتهكيم مذكور ماده شرحنده دخی اشارت اولمشيدى . تنقيح حامديده شويله مذكور در درجل استأجر دارا و قبضها فانهدم بيت يرفع عنه من الاجر بخصته ولا يوآخذ واحد منهما بنائه .

### ✽ ماده ۵۲۰ ✽

[ بر كيمسه ايكي خانه بى ] ويا ايكي حمامى [ بردن ] يعنى صنفه واحده ايله [ شوقدر غروشه استيجار ايدوبده ] قبل القبض [ بريسى منهدم اولسه ] ويا خود بيسنده سگندان بشقه بر مانع منع ويا خود منفعتى اخلال ايدر ديكر بر عيب حدوث ايتسه

[ایکسفی] یعنی منهدم اولانیده اولماییده وباخورد سکنان مانع منع ایدهنیده ایتیانیده ویا کندوسنده دیگر برعیب حدوث ایدهنیده ایتیانیده [ بردن ترك ایدهبیلور . ] یوقسه صاغلانی آلیقویوب معیب اولانی ترك ایدهنی درمختار. زیرا صفقه اجاره نی تفریق ایتیش اولور . نته کم خیار رؤیتده دخی حکم بویه ایدوکی ۵۰۷ ماده شرحنده بیان اولمشیدی .

كذلك برکیمسه ایکی اوطه بی استیجار ایتدیکی حالدہ قبل القبض یالکزی بریسی منهدم اولسه ایکسفی دخی ترك ایدهبیلور طور ی .

بو ماده ده شرحا قبل القبض دنیلیدی . زیرا بعد القبض بریسی منهدم اولسه منهدم اولانده فسخ اجاره ایدهبیلور ایسه ده منهدم اولمانده فسخ ایدهمیوب اجرتدن حصه سیله اجاره لازمدر . ۳۵۱ ماده یه متناً وشرحاً باق هندیه فی الباب الخامس . ایشته تفصیلات آنفهدن اکلاشدیکه بو ماده حکمی مطلق اوله رق یازلمش ایسه ده مقیددر .

مجله ده بردن یعنی صفقه واحده ایله دنیلیدی . زیرا ایکی خانه بی بردن استیجار ایتیبوب برینی بر عقد ایله ودیکرینی عقد آخر ایله استیجار ایتیدکده بریسی منهدم اولسه یالکزی منهدم اولانی ترك ایدهبیلوب یوقسه ایکسفی بردن ترك ایدهنی هندیه .

❀ ۵۲۱ ماده ❀


[شو قدر اوطه لی اولوق اوزره] هر اوطه ایچون آرو آرو



بدل تسمیه اولمیه رق [استیجار اولنان خاننك اوطه لری] حین  
اجاره ده بیان اولنان مقدار چقسه اجاره لازم اولور . اول  
مقداردن [ناقص چیقسه مستأجر مخیردر . دیلرسه فسح اجاره  
ایدر و دیلرسه اجر مسمی ایله اجاره بی قبول ایلر . اما اجاره بی  
ابقا ایدوبده اجرتدن بر مقدارنی تنقیص ایده مز .] ۵۱۶ مادهیه  
باق هندیه فی الباب التاسع عشر . بوراده اوچ احتمال واردر .  
مساوی یعنی تام چقمق و ناقص چقمق و زائد چقمق قدر . نام  
و ناقص چقار ایسه حکمی بیان اولندیسه ده زائد چقار ایسه  
حکمی فصل اولور؟ .

فقط شوقدر اوطه و هر اوطه سی شوقدر غروشه اولق  
اوزره استیجار اولنان خاننك اوطه لری ناقص چقدقده  
مستأجر ناقص چیقان اوطه نك اجرتنی تنقیص ایده بیلور .  
کذلک برکیمسه اون دونم اولق اوزره استیجار ایلدیکی  
ترا طقوز و یا اون بش دونم چیقسه اجر مسمی ایله قبول ایدر .  
شوقدر و ارکه هر دونم اوز غروشه اوله رق شوقدر دونم  
اراضی استیجار ایتدکه قاچ دونم چیقارسه اوز غروشدن  
اجرتنی و برر . فضله و یرمش ایسه مستأجر فضله سی استرداد  
ایدر . مثلاً برکیمسه ملک عرصه سی اون بش دونم اولق اوزره  
هر دونم بوز اوز غروشه برسنه تمامنه دك دیگر کمسنه یه ایجار  
و تسلیم و او کمسنه دخی اون بش دونم اولق اوزره عرصه نك  
اجرتنی تماماً اول کیمسه یه و یروب عرصه بی بر سنه تمامنه دك

ضبط و تصرف ایتد کد نصکره عرصه نك مقدارى اون بش دونم اولیوب اون بر دونم اولدینی ظاهر اولسه اوکسنه درت دونم ایچون ویردیکی اجرتی اول کیمسه—دن استرداد ایدر فیضیه .  
 ۵۰۳ مادهیه متناً و شرحاً باقی .



### ﴿ باب سادس ﴾

( یعنی کتاب اولك آلتنجی بابی )

[مأجورك انواع] ی [و] انواع مأجورك [احكامی بیاننده  
 اولوب درت فصلی] والتمش مادهی [حاویدر.]

### ﴿ فصل اول ﴾

[اجاره عقاره متعلق مسائل] واحكام [بیاننده] اولوب اون  
 ایکی مادهی حاوی [در.]

عقار، اراضی و خانه و دکان کی شیلردر. اراضی بی، زراعت  
 و بنا و غرس اشجار ایچون ایجار جائزدر . لان منفعة الارض  
 مقصودة و قد جرت العادة باستئجارها للزراعة من غیر نکیرفانعمقد  
 الاجماع علیها عملاً زیلعی .

اجاره اراضینك جوازی ۴۵۴ و ۵۲۴ مادهلردن منفهم  
 اولهجنی کی دیکرلرینك اجاره سنك جوازی دخی ۵۲۲ و ۵۲۳  
 مادهلردن منفهم اولور .

﴿ ۵۲۲ ماده ﴾

[ کیمک سکمناسی ایچون اولدینی ] وحتی دروننده نه یاییله .  
 جفی [ بیان ایدلمیه رک ] یعنی بیان ایدلمسه بیله [ برخانه یا دکان ]  
 ویا اوطه [ استیجار اولدیه جائز ] و مستأجر ۵۲۸ ماده وجهله  
 استعماله مقتدر [ اولور . ] زیرا بونلرده متعارف اولان عمل  
 سکنی اولوب بناء علیه ۴۵ ماده حکمنجه عقد مطلق آکا  
 مصروف و سکنی ایسه متفاوت اولدیغندن عقد صحیح اولور .  
 والقیاس ان لایجوز حتی یبین مایعمل فیها لان الدار تصالح  
 لالسکنی ولغیرها کوضع الامتعة وکذا الحوانیت تصالح لاشیاء  
 مختلفة فینبغی ان لایجوز ما لم یبین مایعمل فیها کاستیجار الارض  
 للزراعة والنیاب للبس وجه الاستحسان ان العمل المتعارف  
 فیها السکنی ولهذا تسمى مسکنا فینصرف بها لان المتعارف  
 کالمشروط ولانها لاتختلف باختلاف العامل والعمل فجاز اجارتها  
 مطلقا بخلاف الارض والنیاب فانهما یختلفان باختلاف المزروع  
 والابس فلا بد من الیمان زیاهی .

مثلا برکیمسه فلان خاهکی ویا فلان دکانکی سکنا ایچون  
 شوقدر غروشه استیجار ایتدم دیو عقد ایتدیکی اجاره صحیح  
 اولوب مذکورخانه ویا دکانده اوطوره جغم ویا فلانی اوطوره جغم  
 دیو تصریحه حاجت یوقدر .

وبوجهله استیجار اولنان مثلا خاهده مستأجر کندوسی

ساکن اوله بیلور . و بشقه سنی اجاره ویا بشقه طریقله اسکان  
ایده بیلور مجمع الانهر . و کندوسی ساکن اولمغه برابر برلکده  
غیرینی دخی اسکان و ایچنه اشیاوضع ایلمه بیلور . ۴۲۸۵ ماده به  
باق .

﴿ ۵۲۳ ماده ﴾

مشغولك اجاری صحیحدر . یعنی [ رکیمه خانه سنی یادگانی ]  
ویا بونلرك امثالی عقاراتی مشغولاً یعنی [ ایچنده امتعه واشیاسی ]  
ویا دیگر ماللری [ اولدینی حالد اجارایتسه اجاره صحیح اولوب  
آجر امتعه واشیاسنی تخلیه ایله خانہنی ] یا دکانی ویا امثالی عقارات  
مأجورہنی فارغا مستأجره [ تسلیمه مجبور اولور . ] و ۴۷۷  
ماده ده بیان اولدینی اوزره کرا وقت تسلیمدن اعتباراً ایشلر  
فان مضی من مدة الاجارة شئ قبل ان یختصما ثم قلع الزرع  
فالمستأجر بالخیار ان شاء قبضها ورفع عنه اجر ما لم یقبض وان  
شاء ترك بخلاف مالو استأجر دارا لیسکنها ومنعه المواجه عن  
السکنی فی بعض المدة یلزم العقد فی الباقی ولا خيار له هندیه .  
بوراده اشیاسنی دنیلمش یعن اشیا موجرك اولدینی کوسترلمشدر .  
بو قید براعتباریله احترازی دکلدر . شویله که اول اشیا موجرك  
اولیوبده اجنبینک اولور ایسه موجربنه تخلیه و تسلیمه مجبور  
اولور . اما اول اشیا مستأجرک اولور ایسه اجاره صحیح اولوب  
تخلیه ایجاب ایتمز . مثلاً بر کیسه دیگر کمسنه نک نارلاسنده کی

یونجه‌ی اصلیله برای قلع اشترا ایتد کد نصکره اول یونجه‌ی اوراده ابقا ایتدک ایچون مدت معلومه ایله ارضی استیجار ایتسه جائز اولور هندیه.

خلاصه کلام فارغک ایجاری صحیح اولدییی کبی مشغولک ایجاری دخی صحیح اولور. شویله که: بر کیمسه مشغولی ایجار ایتدکده تفریفی اکر ضرری مستلزم دکل ایسه صحیح اولوب تفریغ ایدهرک مستأجره تسلیمه مجبوردر.

مثلا بر کیمسه ادراک ایتدش یعنی وقت حصادی کلش اولان اکیلی ترلاسنی آخره ایجار ایتدکده جائز اولوب اکیلی قالدیروب مستأجره تسلیم ایله آجر امر اولنور هندیه فی الباب الخامس عشر فی الفصل الرابع ورد مختار.

اما شول مشغولکه تفریفی ضرری مستلزم اوله آنک اجاره سی فاسد اولور. نته کیم تسلیمی ضرری مستلزم اولان شیدک بیعی فاسد اولدییی کبی. ۲۰۹۰ ماده شرحنه باق.

مثلا بر کیمسه صورت مشروعه ده اوله رق اکیلی کلش وهنوز وقت حصادی کلماش اولان ترلاسنی آخره ایجار ایتدکده فاسد اولور. ۱۹ ماده یه باق هندیه واقروی. و او قال المستاجر استاجرت منك الارض وهی فارغة وقال الموجه لابل هی مشغولة بزری یحکم الحال کذا فی المنتقی وفی فتاوی الغضلی القول قول الأجر طوری. شو قدر وارکه اجر اکیلی قلع ایدوب ترلای فارغا تسلیم ایدر ایسه اجاره صحته منقلب اولور

۲۴ ماده به باق هندیه. اما آجرا به مستاجر فسادده اجاره دنطولای  
محاکمه اولوبده حاکم دخی فساددنطولای اجاره بی فسخ  
ایتدکدنصکره ماجر تفریغ وتسلیم ایدجک اولسه اجاره  
صحیح اولماز. مکرکه اجاره استبناف اولنه. یعنی بکیدن عقداجاره  
ایدیله هندیه.

المراد زرع غیر المستاجر فلو کان الزرع له لا یمنع صحته وال غیر  
یشمل الماجر وال اجنی فاو کان للماجر ای رب الارض  
فالخیلة ان بیع الزرع منه بثن معلوم ویتقابضانم یوجره  
الارض وكذا لو ساقاه علیه قبل الاجارة لا بعد دها رد مختار.  
کذا مذکور اکن صورت مشروعه ده اولیه رقی مثلاً غصبا  
اکمش ایسه اجاره ینسه صحیحدر. اکن کک ادراک اتمش  
اولسون وکک اولسون. زیرا وقت حصاده انتظار ایدیه رک  
مذکور اکنک قلعیه غاصب یعنی صورت غیر مشروعه ده زرع  
ایدن کیمسه اجبار ایدیه جکندن تفریغ وتسلیم ماجور نمکندر  
رد مختار وتقیح.

مثلاً برکیمسه کندو اراضیسی دروننده بشقه برکیمه نک  
اکنی مزروع اولدینی حالد آخر شخصه ابحار ایتدکده او  
کیمه نک مذکور اکنی اول اراضی بی کندوسی اجاره صحیحده  
ویا فاسده ایله ککاجاره الوقف بدون اجر المثل استیجار ویا  
استعاره ایدوبده انک اوزرینه اکمش واکن هنوز ادراک  
ایتمامش ایسه اول کیمه نک ابحاری فاسده اولور. فتمط اکنی

رفع ایدوبده ارضی او شخصه تسلیم ایتسه ۲۴ ماده به بناء  
اجاره صحته منقلب اولور. استاجر مشغولا وفارغا صح فی الفارغ  
فقط استاجر عینا بمضها فارغ وبمضها مشغول وفی تفریغ  
المجهول ضرر صح فی الفارغ فقط رد مختار رجل آجر ارضا  
بمضها مزروعة وبمضها فارغة فی المزروعة فاسدة وفی الفارغة  
ایضا فاسدة لفسا دها کذا فی جواهر الفتاوی . وفی الفتاوی  
الفضیلی فیمن استاجر ضیاعا بمضها مزروعة وبمضها فارغة یجوز  
فی الفارغة دون المشغولة واذا اختلفا فالقول للمواجر کذا فی  
المحیط هندیه فی الباب الخامس عشر فی الفصل الرابع. اما بر  
کیمسه ارض مشجره می یعنی آغاجلری شامل بولنان ارضی  
استیجار ایتدکده هر حالده اجاره صحیح اولماز. زیرا اجاره  
شجر اوزرینه واقع اولنجیه شجر عین اولوب اجاره ایتسه  
استهلاک منافع اوزرینه واقع اوله جفتدن اجاره جائز اولماز.  
۴۲۰ ماده شرحنه باق . واجاره ارض اوزرینه واقع اولنجیه  
موجره ضرر لاحق اولقسزین رفع ممکن اولیه جق صورته  
مشغول اولدیغندن ینسه جائز اولماز رد مختار . وفی الفتاوی  
الحانوتی استیجار الارض المشغولة بالاشجار لایجوز تنقیح .

بزازیده ذکر اولمشدرکه آغاجلری حاوی بولنان ارض  
استیجار اولندقدده آغاجلر ارضک مسنات وجد اولنده یعنی  
کنارلرنده ایتسه جائز اولوب اما ارضک وسطنده ایتسه جائز  
دکدر. مکرکه وسطنده بولنان آغاج بر یا ایکی آغاجدن عبارت



بولنه. بو وجهله آغاجلی بولان ارضك استیجارنده حیلہ شودرکه  
موجر ایله مستاجر اولاجیزه معین اوزرینه آغاجلرده عقد  
مساقات ایدوب صکره ارضده عقد اجاره ایلرلر. واجاره مشغول  
اوزرینه وارد اولماق ایچون مساقانك اجاره اوزرینه تقدیمی  
لازم کلوب حتی اجاره تقدیم ومساقات تأخیر اولندوقده اجرت  
اجرت لازم کلیوب بلکه بلیکزر عقد مساقانك حاصل اولانده  
بروجه مشروط اشتراك ایدرلر.

معلوم اولمیدرکه برکیمسه زرع ایله مشغول اولان اراضیسی  
مزروعانك حصادیله ارضك تفریغه اضافه وبر وقتی تعیین ایله  
ایجار ایدر ایسه ۴۰۸ ماده قیلندن اوله رق هر حالده صحیح  
اولور رد محتار.

### ❖ ۵۲۴ ماده ❖

[ برکیمسه ] ۴۵۴ ماده وجهله نه ایش ایچون اولدیفی  
بیان ویاتعمیم ایدلمیهرك اراضی استیجار ایتیرکده فاسد اوله جفی  
کفی زراعت ایچون استیجار ایلدیکی تقدیرده [ نه اکه جکفی تعیین  
یاخود هر نه دیلرسه اکمک اوزره دیو تعمیم ایتیهرك بر ارضی  
استیجار ایتسه اجاره فاسد ] ۴۶۱ ماده ده کی شرح حکمنجه مستحق  
فسخ [ اولور. ] زیرا بعض مزروعات ارضه منفعت و بعضیسی  
ضرر ویره جکندن منفعت معلوم اولیه جفته مبنی نزاعه مؤدی  
جهالت وارد درر غرره ۴۵۴ ماده یه باق رد محتار. لان الرطاب

اضر بالارض من الخطة لانتشار عروقها فيها وكثرة الحاجة الى سقمها هدايه قال في الكفاية لان الارض قد يستأجر لزراعة البر ولزراعة الشعير ولزراعة الذرة والارز وغيرها وبعضها يضر بارض لان البعض قريب الادراك ولبعض بعيدة اولان البعض يضر بالارض كالذرة والبعض لا يضره كالبطخ فـ لم يبين شيئا من ذلك لا يصير المعقود عليه معلوما واعلام المعقود عليه شرط جواز الاجارة انتهى.

بناءً عليه آجر ايله مستأجر قبل لزراعة زراع ايدرك ايش محكمهيه دوشد كده حاكم اجارهني فسخ وابطال ايدر نتيجه . اما نه اكه جكني تعين ويا تعميم ايدر ايسه اجاره جائز اولور . زيرا اولكي صورتده جهات مرتفع وايتنجي صورتده جهات نزاعه مفضى اولماز دور وغرر . بو فقره ۴۵۴ ماده دن منفيهم اولور ايسه ده بوراده فقره آتیهيه توطئه ايتون ذكر اولنيور . [فقط] بوجه بالا فساد آقدايديان اجاره [قبل الفسخ] ماجورده نه ايش ياييله جفني وزراعت ايديله جك ايسه نه ايكيله جكني مستأجر [تعين ايدوبده آجر دخي] اكا مطالع اولدق دن صكره [راضى اولور ايسه] اجاره استيجسانا [حخته منقلب] وبناء عليه اجر مسمى لازم [اولور .] لان الاجارة تنقذ ساعه فساعة على حسب حدوث المنفعة والفساد كان لاجل الجهالة فاذا ارتفعت كان الارتفاع في هذه الساعه كالارتفاع في وقت المقد فيعود جائزا رد مختار . بو

صورته اجاره نك صحته منقلب اولمسی استحسانادر قیاس اولان  
فساد اولمغله اجر مثل لازم كلی ایدی . لانه استوفی اجر  
المثل بحكم عقد فاسد فلا ینقلب الی الجواز شلی .

مجلسده راضی اولور ایسه دینلدی . زیرا اجر راضی  
اولمینیجه نزاع ممکندر .

کذا بوصورته مستأجر قبل التعین زراعت ایدوب مدت  
اجاره تمام اولمینیجه اجاره ینه استحسانا صحته منقلب اوله رق اجر  
مسمی لازم کلور . زیرا معقود علیه استعمال ایله معلوم اولوب  
فساد ایسه جهالتدن طولای ایدی . « ۲۴ » مادهیه باقی نتیجه  
ودرر ورد مختار وفتاواای جدیده . فان قیل ارتفعت الجهالة  
بمجردا لزراعة لیکن لم یرتفع ماهو الموجب للفساد وهو احتمال  
ان یزرع ما یضر بالارض لانه ان زعها جاز ان یکون مازرعها  
مضرا بالارض فیقع بينهما المنازعة وذلك لان الموجب للفساد فی  
ابتداء العقد کان احتمال ذلك علی ما ذکر ولانیفرد احد هما  
بالتعین ثم الاستعمال تعیین احد فلا یصح ذلك قلنا الاصل  
اجازة العقد عند انتفاء المانع لان عقود الانسان یصح بقدر  
الامکان والمانع الذی فسد باعتباره توقع المنازعة نهما فی تعیین  
المعقود علیه وعند استیفاء احد النوعین یزول هذا التوقع ویجوز  
هذا العقد ولهذا قلنا بالجواز عند انتفاء هذا التوقع وفي القیاس  
یجب اجر المثل لان المنافع قد استوفیت باجارة فاسدة کفایه .

آجر فلان شیئی زرع ایتمک اوزره ایجار ایتدیکی حالده

مستأجر بشقه شی زراعت ایتدیکی تقدیرده کی حکم ۴۲۶ ماده  
شرحنده مروز ایتدی.

بو ماده وجهله زراعت ایچون استیجار ایدیلان اراضیده  
شرب وطریق من غیر ذکر و شرط داخل اولور. زیرا اجاره  
انتفاع ایچون اولوب بونلرسز ارضدن انتفاع اولنه من. بخلاف  
البیع فان المقصود منه ملک الرقبة لا الانتفاع فی الحال حتی  
جاز بیع الحش والارض السبحة دون اجارتهما.

ایشته اجاره انتفاع ایچون اولدیغندن قابل زراعت اولمیان  
ارضک ومحل انتفاع بولمیان حمار یاورینک استیجاری صحیح  
اولماز رد مختار.

۲۳۵ مادهده بیان اولندینی اوزره شرب ایله طریقت  
بیمده دخولی الفاظ عمومیهیه محتاج اولوب الفاظ مذکوره  
علاوه اولمینجه داخل اولماز. و بناء علیه بیع ایله اجاره  
بیننده بوجهتله دخی فرق واردور.

### ❖ ماده ۵۲۵ ❖

[ بر کیمسه دیلیدیکنی اکمک اوزره ] مثلاً بر سننه مدته  
[ استیجار ایلدیکی ارضده ] بر سنمهده ایکی دفعه زراعت ایتک  
تمکن اولور ایسه [ صیفیه وشتائییه اوله رق بر سننه ایچنده مکرراً  
زراعت ایده بیلور. ] عقد اجارهده یالکز صیفیه وشتائییه اکمک  
اوزره دیو تخصیص ایدلماش ایسه. « ۶۴ » مادهیه باق. بو

ماده ایکی شرط ایله مشروطدر . برنجیسی مدت اجاره اولقدر اولمیدر که آنده ایکی دفعه زراعت ممکن اوله . بو صورتده مدت اجاره اولقدر اولسه که آنده یالمنز شتائییه یاخود یالکیز صیفیه اوله رق زراعتی ممکن اوله آنجق آتی زراعت ایدیهیلوب دیکرینی ایدیه منزه . ایکنجیسی تقد اجاره ده اطلاق ایدوب یالکیز صیفیه یاخود یالکیز شتائییه زراعت ایتک اوزره دیو مقید اولیه رد مختار .

بو جهته زراعت ایچون استیجار اولمان اراضیده سقی ویا کریمه احتیاجی بولمغله فی الحال زراعت ممکن اولمیدینی تقدیرده اکر مدت اجاره ده زراعت ممکن ایسه اجاره جائز اولور والا اولماز . ۴۵۷ مادهیه متناً وشرحاً باقی . کمالو استأجرها فی الشتاء تسعة اشهر ولا یمكن زراعتها فی الشتاء جاز لما مكن فی المدة رد مختار .

### ❖ ماده ۵۲۶ ❖

[زرعك ادراكندن مقدم] یعنی زراعت ایچون استیجار اولمان اراضیده اکین هنوز ادراك ایتدن [مدت اجاره منقضی اولسه] مستأجر دیلرسه زرعی فی الحال قلع ایدر اقروی . زیرا مال کندوسنک اولوب ماده « ۱۱۹۲ » حکمنجه کندو ملکنده کیف مایشاً تصرف ایدیهیلور . و دیلرسه آجرك رضائی تحصیل ایدهرک [زرعك ادراکنه دک مستأجر] متباقی مدتك

[اجر مثانی ویردرک ارض اوزرنده اکیفی ابقا ایدیهیلور .]  
 زیرا زرعک بر نهایت معلومه سی بولنوب بونده ایکی طرفک  
 حقنه مراعات ممکنه در. یعنی موجرک حقنه، اجر مثل آلق  
 حق انبات اولمغه مراعات اولمغه چی کی مستأجرک حقنه ده  
 اکیک نهایته قدر ابقایله مراعات اولنور رد مختار.

اراضی امیریه ده دخی بو حکم جاریدر. شوبله که برکیمسه  
 اراضی امیریه سی اکین زرع ایتک اوزره مدت معلومه تمامه دک  
 دیگر کیمسه ایجار و تسایم ایدوب او دخی زرع ایتدکنصکره  
 اول کیمسه احباب انتقادن کیمه سی اولمغنی حاده فوت اولمغه  
 ارضی محلول اولسه صاحب ارض ار کیمه سی دیلر سه ک قبل  
 الادرک اکیفی قلع ایله والا اکین ادراک ایدنجیه یه دک ارضک  
 احر مثانی ویر دیهیلور بهجه. مجله ده کی ادراکندن مقدم تعیری  
 اشعار ایدر که زرع نابت اولمش لیکن هنوز ادراک ایتما مشدر  
 اما مدت اجاره ده زرع اصلاً نابت اولسه مدت اجاره نک  
 مرود یله اجاره دخی ختام بوله جغندن مأجور ارض، صاحبنه  
 رد اولمق لازم کلوب آدن یعنی ارض صاحبنه رد اولندقدن  
 صکره اکین نابت اولسه ینه اکین صاحبنه یعنی مستأجره رد  
 اولمهرق مستأجرک بر موجب ماده اجر مثل ویریه سی لارم  
 کلور انقروی.

و آجر بوکا راضی اولمز ایسه مستأجر حاکمه مراجعتله  
 حکم مذکوری اجرا ایتدیریهیلور. ۲۱ و ۳۳ ماده لره باق .

یعنی اجر مثل ایلہ ابقا یا رضای آجر ایلہ یا خود حکم حاکم ایلہ اولور .

اما طرفینک رضالری ویا حاکمک حکمی اولیه رق مستأجر اکیفی ابقا ایتدکده متباقی مدتک اجر قی لازم نکمز . زیرا منافع متقوم اولماغله مضمون دکلدر . مکرکه مال یتیم ویا مال وقف ویا معدالاستغلال اوله .

بونلرده مدت اجاره منقضى اولدقدن صکره اکین ادراک ایدینجه یه دك قالسه مدت مذ کورده دن صکره کی مدت ایچون هر حالده اجر مثل ایلہ حکم اولنور . ۵۹۶ ماده یه باقی . انقرویده شویله مذ کوردر « مضت مدتھا والزرع بقل تیرک باجر المثل فی الاستحسان ان اختصما وان لم یختصما حتی مضت المدة فالاجر بحساب ذلك انتهى . »

خجل یعنی طوروب وجرز یعنی هاوج وبادنجاد وصوغان کی نهایت معلومه سی اولانلر اکین کبیدر زیرا بونلر اکین کبی زراعت اولنوب ادراک ایتدکن صکره قلع اولنور . و آرتق یرده تکرار سورده جک نسنه قالمز رد مختار .

ایشته بونده مدت اجاره موجرک رضای اولسه بیله بروجہ بالا تمدید اولسه جنی کبی بر کیمسه دیکر کیمسه نک سفینه سنی غصب ایدوب یوزدیردکن صکره مال صاحبی لجة البحرده غاصبه یتشمه سفینه ساحله چقنجه یه دك غاصبه ایجار اولنق لازم کلوب اوراده غاصبدن نزع ایدیلہ مز .



نته کیم اکیڻ ادراک ایتدن مستأجر وفات ایتدکده اجاره حقیقه منفسخ اولور ایسه ده حکما منفسخ اولماز . بلکه اکیڻ ادراک ایدنجیه دکیڻ مدت اجاره ده اجر مسمی و مدت مذکوره مرورندن صکره اجر مثل ایله ارض وارث یدنده ابقا اولنور . مثلاً یدی آی مدته برای زراعت استیجار اولنان اراضی مستأجری اوچنچی آیده وفات ایتدکده اجاره حقیقه منفسخ اولور ایسه ده حکماً منفسخ اولماز . بو صورتده اکیڻ ادراک ایدنجیه دک یعنی مدت اجاره نک ختامه دکیڻ اجاره اجر مسمی ایله باقی عد اولنور . حتام مدتدن صکره اجر مثل ایله ابقا اولنور ایکن موت ایله انفساخن صکره اجر مسمی ایله ابقا اولنور . فرق شودرکه مدت اجاره ختامنده طرفینک تراضی ایتدکری مدتک آراق حکمی قالمدی کورلمز میکه انقضای مدته اجاره مرفوع اولوب یکیدن تسمیه احتیاج مس ایدر . اما مدت اجاره هنوز منقضی اولدن تسمیه ایتدکری بعض مدت باقی اولوب اجاره نک حکمی مرفوع اولدیغندن یکیدن تسمیه احتیاج قالمدی رد مختار .

اما بر غاصب ارضی غصب ایدوب آده زراعت ایتدکده اکیڻک ادراکنه انتظار اولنیه رق قلع و ارض صاحبیه رد اولنور . زیرا ایتدای فعلی ظلماً واقع اولوب ظلمک ایسه تقریری جائز اولیوب اعدای واجبدرد مختار .

مجموده مدت اجاره منقضی اولسه دیلیدی . زیرا اکیڻ

هنوز یشیل ایکن مدت اجاره منقضی اولمیوب بلکه طرفین  
فسخ واقاله اجاره ایتهلر بعض علما اجاره اجر مثل ایله ابقا  
اولنه ماز. زیرا مستاجر کندی ضررینه کندوسی راضی اولدی  
دیشلردر. و بعض علما ایسه ابقا اولنور دیدیلر. لیکن بزازیه  
اولکنه اقتصار ایتهدی رد مختار.

بو ماده وجهله اراضی زراعت ایچون استیجار ایتک صحیح  
اولدینی کبی آغاج دیکمک و بنا و کریسیج یا بق و حیوانلری  
طور دیرمق مثللو منافع ایچون استیجار ایتک دخی صحیحدر.  
و تسلیم ایله اجرت لازم کلورده زراعت ممکن اولوب اولمدینی  
آرناماز رد مختار.

زرعک ادرا کندن مقدم مدت اجاره منقضی اولدقده  
بونک حکمی شو مادهده بیان اولندینی کبی بنا یا بق و آغاج  
دیکمک کبی منافع ایچون ارض استیجار اولندقده مدت اجاره  
منقضی اولدینی تقدیرده کی حکم دخی ۵۳۱ مادهده ذکر  
اولنیور.

بو مادهده زراعت ایچون ایجار اولنلار ارضدن بحث  
اولنسی مقام، اجاره عائد اولدیغندن اولوب یوقسه ارض مستعار  
یعنی زراعت ایچون اعازه اولنلار ارض بو حکمده ارض ماجور  
کبیدر. یعنی زراعت ایچون استماره اولنلار ارضده اکیتمک اجر  
مثلیله ابقا اولنسی لازم کلور. شویله که بر دیمسه کرک توقیت  
ایتمسون یعنی معین مدت بیان ایلسون و کرک توقیت ایتمسون

زراعت ایچون اراضی استیجار ایتدکده اکین ادراک ایتدن  
مستعیر رجوع ایتسه اکین ادراک ایدنجیه دک اجر متلیله ابقا  
اولنور . چونکه بونده ایکیسندن دخی دفع ضرر وایکیسنگ  
حقنه دخی مراعات اولنور . \* ۸۳۲ \* ماده شرحنده بو  
مسئله ایضاح اولنه جقدر تنویر ورد مختار . بو ماده نك حکمی  
اوقافده دخی جاریدر . شویله که برکیمسه وقف بستانی زراعت  
ایچون استیجار ایدوبده مدت اجاره منقضى اولدینی حالده  
مزروعات ادراک ایتماش بولنسه ادراک ایدنجیه دک بستان  
مستاجر یدنده اجر مثل ایله ابقا اولنور . متولی مزروعاتی  
قلع ایتدیر . میه حکمی کی مستاجر دخی ادراک ایتیان مزروعاتک  
قیمتلیغی متولیدن طلب ایده من تنقیح .

### ﴿ ۵۲۷ ماده ﴾

منازل استیجارنده مایعمل فیهانك بیانی شرط دکلدر .  
بناء علیه [ نه ایچون اولدینی ] یعنی دروننده نه ایش  
یاییله جنی [ بیان ایدیلیهك دكان و خانه استیجاری صحیح اولوب  
کیفیت استعمالی ] ۴۳ ماده به بناء [ عرف وعادته مصروف ]  
ومستأجر ماده آتییه وجهله نصرفه مقتدر [ اولور . ] زیرا  
بولنده عمل متعارف ، سکنی اولدینی جهتله عقد متعارف آکا  
مصروف اولور . چونکه متعارف مشروط کیدر زیلعی .  
مثلا برکیمسه فلان خانه کی ییللنی شوقدر غروشه استیجار

ایتمد دیو خانه استیجاری صحیح اولوب «مذکور خانه ده ساکن اولمقاخ ایچون» دیمک کبی ما یسه تأجر لیهک بیانی شرط دکلدر القیاس ان لایجوز لان المقصود من الدار والحانوت الانتفاع والانتفاع قدیکون من حیث السکنی وقدیکون من حیث وضع الامتعة فیذنی ان لایجوز مالم یبین شیئا من ذلك وجه الاستحسان ان المقصود معلوم بالعرف وهو السکنی فینصرف الیه لان المعلوم عرفا کالمشروط نضا کفایه . بو ماده وجهله استیجار اولنان خانه وذلک صورت استعمالی ماده آتیته ده بیان اولنیور . اما اراضی استیجارنده ما یسه تأجر لیهک بیانی شرط مدر . نته کیم ۴۵۴ ماده شرحنده ذکر اولنمشیدی .

« نته »

قناة ونهر مع الماء اجارده سی جائز اولدیغی کبی لاجل المرور طریق استیجار ایتک دخی عندالامامین جائز اولور . نته کیم علوی بنا ایتک ایچون سفلی مدت معینه دک استیجار جائزدر هندیه وخانیه ودر مختار .

﴿ ۵۲۸ ماده ﴾

[بر کیمسه نه ایچون اولدیغی بیان ایتیه دک] ماده آنفه وجهله [استیجار ایلدیکی] خانه بی اطلاق اوزرد استعمال یده بیلور یعنی اول [خانه ده کمدوسی ساکن اوله بیله دیکی کبی بشقه سنی

دخی] اجاره و یا اعاره طریقہ [اسکان ایدہ بیلور.] و حق مستأجر  
 بالکز کندوسی ساکن اولی اوزره استیجار ایتش اولسه بیلہ  
 آندہ اخی اسکان ایدہ بیلور رد مختار. متن ماده دن مستفاد  
 اولدنی اوزره غیرینی اسکان ایتک حق مستأجره عائد اولوب  
 یوقسه مستأجرک اهلی کی متعلقانه دکل. بناءً عایه بر کیسه  
 بر خانہ بی استیجار و تسام ایتدکنصکره اول نیمسه نک اس  
 واذنی اولقمزین آلت اوغلی مذکور خانہ نک بر او طه سنده  
 بر شخصی بلا اجر اسکان ایتکله مذکور خانہ منهدم اولدقده  
 انهدام کرک اول شخصک سکناسندن طولانی اولسون و کرک  
 آندن طولانی اولسون مستأجر اوزرینه ضمان لازم کلز ایسه ده  
 انهدام شخص مرقومک سکناسندن طولانی ایسه شخص مرقوم  
 اوزرینه بالاجماع ضمان لازم کلور. اما انهدام شخص مرقومک  
 سکناسندن دکل ایسه امام اعظم و ابی یوسف رحمهما الله تعالی به  
 کوره نه شخص مرقوم اوزرینه ونه ده مستأجرک اوغلی اوزرینه  
 ضمان لازم کلز. و امام محمد رحمه الله تعالی به کوره صاحب خانہ  
 دیلرسه مستأجرک اوغلنه و دیلرسه شخص مرقومه تضمین  
 ایتدیرر اوغلنه تضمین ایتدیرر ایسه اوغلی ساکنه رجوع  
 ایدمز اما ساکنه یعنی شخص مرقومه تضمین ایتدیرر ایسه  
 ساکن آکا یعنی اوغله رجوع ایدر هندیه فی الباب الثاني  
 والعشرون.

و کندوسی ایله برلکده بشقه سنی دخی اسکان ایدہ بیلور.

ولوکه موجر یا لکز کند و سنک ساکن اولسنی شرط ایدہ زیرا  
 کثرۃ السکان خانہ بہ مضرت و برہبوب معموریتنہ خدمت ایدرہ  
 چونکہ مسکنک خرابی ترک سکنی ایلہ اولور بناء علیہ تقييد  
 مذکور غیر مفید اولدیغندن باطل اولور زیامی . اول غیرک  
 سکناسندہ مأجور منہدم اولسہ بیلہ ضمان لازم کلز . ۹۱۰ و ۴۲۸  
 مادہ لرہ باق . [و مستأجر ایجنہ اشیا سنی وضع ایدہ بیلور] نہ آجر  
 بو کا مانع اولہ ماز کفایہ . لایہ من تمام السکنی زیامی . حتی بر  
 برکیمسہ ساکن اولمق اوزرہ استیجار ایلدیکی خانہ دہ ساکن اولیوب  
 ایجنہ اشیا قویہ حتی اولدقدہ آجر منع ایدہ مز . و درونندہ کی قیو  
 و چشمہ ایلہ انتفاع ایدہ بیلور . و قیو و کاریز و صویولی وانم و زولقدہ  
 اصلاحہ مستأجر اجبار اولنہ ماز . بلکہ آنی اصلاح ایتمک اجرک  
 وظیفہ سیدر . نتیہ کیم ۵۲۹ مادہ دہ ذکر اولنیور . و معتاد اوزرہ  
 محل مخصوصندہ اودون یارہ بیلور . و چیوی چاقہ بیلور . و جامہ  
 سنی غسل ایدہ بیلور . قوله و یکسر حبطہ ینبئ تقييدہ بان یکون  
 بمحل لا یحصل بہ اضرار بالارض و ما تحتها من مجرى الماء  
 قال الزیلعی و علی هذا له تکسیر الخطب المعتاد للطبخ و نحوه لانه  
 لایو هن البناء وان زاد علی العادة بحيث یوهن البناء فلا  
 الابرضی المالك و علی هذا ینبئ ان یکون الدق علی هذا التفصیل  
 رد مختار . [و بنایہ و هن و ضرر کتور میہ جک هر نوع] ایشلردن  
 دیلدیکی [ایش] ی درونندہ [ایشلیہ بیلور] زیرا اجارہ مطلقدر  
 درو . و درونندہ ال ذکر منی چویرمک خانہ بہ مضر دکل ایسہ

آئیده چویره بیلور . اما مضر ایسه چویره مز . و مستاجر خانه ماجورده فرون بنا ایده بیلور . و بوندن طولانی خانه محترق اولسه ضمان لازم کلز . ۹۱۰ مادهیه باق . وله ان یعمل فیها مبداله من العمل کالو ضوء والاغتسال وغسل الثباب وکسر الحطب لان ذلك كله من توابع السكنی و به تتم السكنی زیاهی . شو قدر وارکه مذکور فرون اخشاب ابنیهیه قریب و مناسبه بمنز بر محله انشا اولمسنندن طولانی خانهیه ضرر کلور ایسه ضمان لازم کلور . ۶۰۲ مادهیه باق . رد مختار .

و كذلك بر کیمسه بر خانه ویا دکانی برایش ایچون استیجار ایتدکده دروننده ضررده اولایشه مساوی اولان دیگر برایش ایشلیه بیلور . آجر مانع اوله مز . ۶۴ مادهنک فقره اولیسنه باق .

[اما بنایه وهن وضرر کتوره جک] مثلاً دروننده تیمور . جیلک ایتک کی بر [ایشی صاحبک رضای] ویا اثنای عقد اجازه مشروط [اولدجه] مستاجر بشقه سنه یا پدیره میه جنی کی کندوسی دخی [پاپه مز] . خلاصه ان کل مایو هن البناء اوفیه ضرر لیس له ان یعمل فیها الا باذن صاحبها وکل ما لا ضرر فیه جازله بمطلق المقدر واستحققه به رد مختار .

و معنادن زیاده اوله رق بنایه وهن وضرر کتوره جک صورتده اودون یاره مز . زیرا بونلر ماجوره ایراث ضرر ظاهر و بنایه وهن ایقاع ایده جکندن عقد اجازه دلالت بونلردن



بشقه سیله تقید ایدر درر ۴۳۶، مادهیه باقی.

واو منلاو ایشی صاحبک رضاسی ویا عقد اجاره ده مشروط  
اولقصرین یا پوبده مدت اجاره منقضی اولدیعی حالده بنایه ضرر  
کلمه استیجسانا ینه اجر مسمی لازم کلور. وجهه استیجسان  
شودر که مثلاً تیمور جیلکده معقود علیه اولان سکینی بوانور .  
هر نقدر سکنان زائد ایش دخی وار ایسه ده. بوجهتله معقود  
عابهی استیفا ایتمش اوله جغندن بشرط الاسلامه اجر مسمی لازم  
کلور زیاهی. امالو مضی بعضها هل یسقط اجره او یجب یحرر  
رد مختار. و بوندن طولانی بنا منهدم اولدقه ضامن اولور .  
زیرا بونده مستاجر متعدی بولمشد. لان الاهدای اثر الحدادة  
والقصارة لا اثر السکن هندیه فی الباب الثانی والعشرون ۶۰۲  
و ۶۰۳ ماددرله باقی.

وشو حالده بنا حصه سنده اجرت لازم کلز. ۸۶، مادهیه

باقی .

اما خانه وقف ایکن متولی مستاجر بوکی بنایه وهن  
وضرر کتوره جک شیئی یا بغه اذن ویره مز . ۵۸ مادهیه باقی  
رد مختار.

رجل استاجر دارا وحفر فیها ثبر الماء لیتوضاء فیها فعطب  
منها انسان ینظر ان کان حفر باذن رب الدار فلا ضمان کما  
حفر رب الدار نفسه وان کان قد حفر بغير اذن رب الدار  
فهو ضامن هندیه فی الباب الثانی والعشرون.

خانهٔ ماجورده [حیوان باغلامق خصوصندۀ عرف و عادت بلده معتبر و مرعیدر.] بنهء علیہ اولیابده عرف و عادت بلده هر نه ایسه رعایت لازمدر. « ۳۶ » مادهیه بق. فان کان فی الدار موضع معد لربط الدواب کان له ذلک والافلا لاه یؤدی الی افساد الدار اذ ربط الدواب فی موضع السکنی افساد شای حیوان باغلامقدن مقصود شرحا ذکر اولندیغی اوزره مستاجرك باغلامسیدر، اما مستاجر خانهٔ ماجورده کیرد کدنصکره آجر اولخاهده حیوانی باغلامه مز حتی باغلامسده ضررایتسه ضامن اولورر. « ۹۲۴ » مادهیه بق. مکرکه حیوانی مستاجرك اذنیله باغلامش اوله. بخلاف ما اذا اعار داره ثم ادخل الدابة بلا اذن المستعیر حیث یجوز ولا یضمن ما عطب به هذا اذا آجره کل الدار اما اذا کان لم یوآجر صحنه له ان یدخل فیہ الدابة هنده فی الباب العشرون.

[ دکلک حکمی دخی بو وجهله در. ] یعنی نه ایش ایچون اولدیغی بیان ایتیمهرك استیجار ایلدیکی دکانده کندوسی اوطوره بیله چکی کی بشقه سنی دخی اوطورده بیلور. وبنایه وهن کتورمیه جک هر نوع ایش ایشایه بیلور. اما بنایه وهن وضرر کتوره جک ایشی صاحبک رضای بولمده، ویا اثنای عقد اجاره ده مشروط اولمده یا نه من. وبناده هدم کی تصرفانده بولنه ماز.

حق بر کیمسه ایکی کشیدن ایکی دکان استیجار ایدوبده

برندن دیگرینه کچمک ایچون آره یزده یول آچسه بوزدینی  
دیواری ضامن اولور. وایکی دکا نکه تکمیل اجرتی اعطا ایدر  
هندیه .

شو حالدو بو ماده شرحی وجهله مستاجر دروننده بنایه  
وهن وضرر کتوردجک ایش ایشلمکی ایشای دق- اجارده  
شرط ایتشیدک دیو و آجر ایتدک دیو اختلاف ایتدکارنده سوز  
موجر کدر. زبرا موجر اصل اجارده بی انکار ایتش اولسه ایدی  
سوز آنک اولاجق ایدی نوع انتفاعی انکار ایدنجه ینه آنک  
اولور. وایکیسیده قامة ینه ایتدکاری تقدیرده مستاجرک ینه سی  
ترجیح قنور. زیرا زیاده بی اثبات ایدر هندیه و تنویر. ۷۶ و ۷۷،  
ماده لره باق .

طرفین نوع اجارده اختلاف ایتدکاری تقدیرده حکم  
منوال مشروح اوزره اولدینی ۴۲۶ ماده شرحنده کی لاحقه ده  
ذکر اولندی.

صدر ماده دن نه ایچون اولندیغنی بیان ایتدیرک دینلیدی.  
زیرا نه ایچون اولدینی بیان ایدر ایسه یعنی عند المقدم مستاجر  
شو خانه بی سکینی ایچون استیجار ایتدم دیسه آنده سکندان  
بشقه یعنی سکندان دها مضر برشی یاپه من جمیع الانهر.

بو ماده ده نه ایش ایچون اولدینی بیان ایدلمیه رک استیجار  
اولسان خانه یا دکاک حکمی بیان ایدلمکده اولوب اما وقت

عقدده نه ایش اولدیغی بیسان اولندیغی تقدیرده کی حکم ۴۲۶  
مادهده ذکر اولمشدر.

❖ ماده ۵۲۹ ❖

[ منفعت مقصوده فی اخلاص ایدن شیلری ] یعنی منفعت  
خلل کتوردن، مأجورده کی بوزوقلری و بنایه دائر شیلری [ بایمق  
اجره عائد ] و آنک وظیفه سی [ در. ] یعنی آجره عائد اولان  
مصارف ایکی نوعدر. ۱. منافع مقصوده فی اخلاص ایدن ۲. بنایه  
متعلق یعنی بناییدن اولان شیلردر تنویر، آتی مثاللردن بررقیه  
اشارت قلنسان برنجی نوعه و ایکی رقیه اشارت اولنان ایکنجی  
نوعه مثالدر.

[ مثلاً ] ۱. « اجاره و بریلان [ دکرمانک ] ولوکه مستأجر  
استعمالیه بوزیلان و ضولان [ خرقی آقلامق صاحبک اوزرینه ]  
لازم [ در. ] تنویر و در مختار. لانه لایمکن الانتفاع بالرحی الی  
الماء و الماء لایجری الی بکری النهر الا ان بکون شرط الکرى علی  
المستأجر هندیه فی الباب السایع عشر فی و ما یصل بهذا الباب.  
۵۱۴ ماده شرحنه دخی مراجعت اولنه.

اما مسیل حامی تقریغ ایتک و صوبنی صالیوروب آقتمق  
مستأجر اوزرینه در رد مختار و قار کورمه لیکده عرف بلده معتبرد.  
۳۶ مادهیه باقی.

و کذا تطین سطح الدار. یعنی یاغوردن محافظه انجون

طامك كرميدلرني ياقمق آجره عاڭدور. لان عدمه مغل بالسكنى  
بمخلاف تطمين جدرانها رد مختار.

[ كذلك ] اجاره ويريان [ خانه نك و ] ولو كه مستاجرك  
استعماله بوزيان و طولان [ صو يولارينك و كونكلارينك ]  
وصو قويوسنك ولغمنك [ تعمير واصلاحى وسكنايه مغل اولان ]  
سار [ شيلرك انشاسى ] و بجره وامثالى محال جاملرينك طاقلمسى  
وزردبانلرينك اصلاحى [ و بنايه متعلق سائر ايشار هپ صاحبي ]  
و خانه موقوف ايسه وقف [ اوزرينه لازمدر ] هنديه فى الباب  
السابع عشر وخيره. حتى حمامك صوقيوسى ويا كار يزي ولو كه  
مستاجرك سكناسندن طولاني بوزولدقده ويا طولدقده اصلاح  
وتفريغ وتطهيرى استحسنانا آجر اوزريندور. والقياس ان يجب  
على المستاجر لان الشغل حصل من جهته وجه الاستحسان ان  
المشغول بهذه الاشياء باطن الارض فلا يمنع التسليم بعد افضاء  
العقد ولو شرطه رب الدار على المستاجر حين آجر فى الـ  
ستحسان لا يجوز ويفسد العقد لانه لا يقضيه ولا حدها فيه منفعة  
رد مختار.

[ واكر ] خانه ماجور [ صاحبي بونلرى ] ياقمقدن [ امتناع  
ايدرايسه ] ۲۵ مادهيه بناء ياقمق اوزره اجبار اولنه ميوب فقط  
۵۱۵ و ۵۱۶ مادهلره بناء و آنلرك احكامنه توفيقاً فسخ اجاره  
ابدهرك [ مستاجر اول خانه دن چيقه بيلور ].

خانه صاحبي بونلرى ياقمق اوزره اجبار اولنه ماز دينلدى .

زیرا انسان کندی ملک فی اصلاحه اجبار اولنه ماز. ولو وقعت فی الثبر فارة او نزل بها آفة فلیس علی واحد منهما اصلاحه هندیه قال الحموی يفهم من هذا التعلیل ان الدار لو كانت وقفا یجبر الناظر علی ذلك رد مختار.

خلاصه هر شی که آنی یامق آجر اوزرینه لازم اوله آجر اول شیء یامقـدن امتناع ایدنجـه مستاجر آجرک حضورنده احاره فی فسـخ ایله ماجوری ترك ایده بیلور. آنجق صاحبی بونلری یامقـدن امتناع ایتدکـدن صکره مستاجر برمدت اوطورسه صکره حقیقه بیلورمی؟ معیب اوله رق استعمالنه راضی او اور ایسه فقره آتیـه وجهله حقیقه ماز ایسه ده رضاسنه دلالت ایده جک بشقه برشی بولماز ایسه حقیقه بیلورمی؟ ۵۱۹، ماده شرحنه باق. [ مکرکه استیجار ایتدیکی وقت اول خانه بو حال اوزره اولوبده آنی کورمش ایسه ] او حالده [ عیبیه راضی اولمش دیمک اولمش ایله صکره دن بونی ] یعنی ماجورده منفعت مقصوده فی اخلال ایدن شیلرک وجودینی [ بهـانه ایدهرک اول خانه دن حقیقه ماز. ] ۵۱۶ ماده نک فقره ثانیـه وثالثهـسنه باق. ولو استاجر ها ای الدار ولا زجاج فیها او فی سطحها تلج وعلم به فلا خیارله هندیـه فی الباب السابع عشر.

[ اکر مستاجر بو شیلری کندو طرفندن ] یعنی آجرک امری اولمقـسزین آجر ایچون [ یایار ایسه تبرع قیلندن اولوب مصرفی آجر دن طلب ] ویاخود اجرتـه محسوب [ ایده مز. ]

واکړ آجرک امريله ياپارایسه آجره رجوع ایدر. «۱۵۰۸» ماده یه باق. نته کیم ۵۳۰ ماده ده تصریح و تفصیل قلنمشد. اما کندی نفسیچون یاپار ایسه نظر اولنور. تعمیر ایچون صرف ایدیلان کراسته وطاش و طوغله ولوازم سائره مثللو مصروفات بوزلقدہ انتقاضی مال اولور راده ده قالور ایسه نقضی مأجوره مضر اولمینجه بوزه بیلورکه بوکا مرمت غیر مستهلکه دینلور. و بوراده ده قالمز ایسه بوزامز که بوکا مرمت مستهلکه دینلور. شو حاله مرمت غیر مستهلکه ابنیه دن تفریق واخذی قابل اولان ترمیاندرد مجدداً علاوه قلنان بنا کی.

مثلاً برکیمسه استیجار ایلدیکی خانه پنجره لرینه بنا صاحبنک اذننم نفسی ایچون جاملی چارچوبه وضع ایلمسه مدت اجاره نك تمامنده اول چارچوبه نك قلعی مضر اولمینجه قلع ایده بیلور. خانه صاحبی مانع اوله من نتیجه.

کذا مستأجر خانه مأجوره طاش دوشه سه و قپو و کلید مثللو شیر آصیرسه قلعی مضر اولمینجه قلع ایده بیلور انقروی. و مرمت مستهلکه ابنیه دن تفریق واخذی قابل اولیان ترمیاندرد بویا و صیوا کی.

مثلاً مستأجر مأجوری کندی نفسیچون صیواتسه بوزامز. زیرا صیوا نقض اولند قدہ چامور حاله عودت ایدوب انتفاع اولنه ماز. و مال حالنده قالمز. و حاصله انه ان عمر بمالو نقض بقی مالافله نقضه والا فلا ویتفرع علیه امور کثیره رد مختار.



بالاده اشارت اولندیغی اوزره مستأجر کندی نفسیچون  
 مأجورده باپدیردیغی شیلرک نقض وقلعی مأجورده مضر ایسه  
 قلع و نقض ایده میوب یوم خصومتده کی قیمتی آتور انقروی.  
 مثلا مستأجرک خاۀ مأجورده دوشه دیکی طاش و آصدیغی  
 قیو وکلید مثللو شیلرک قلعی مأجورده مضر اولنجه قلع ایده میوب  
 یوم خصومتده کی قیمتی آجردن آتور.


کذا بر کیمسه دکاتی کرایه ویردکه مستأجره استدیگک  
 کبی ایچنه بنالر یاب سنی دکادن جیقه ارم دیو بنایه اجازت  
 ویرمی اوزرینه مستأجر بعض بنالر یاپدقدن صکره مستأجری  
 دکادن جیقارسه مستأجر خرج ابتدکی مصرفی اله میوب بنانک  
 مقولوعا بهاسنی آتور فتاوی ابوالسعود.

نته کیم بر کیمسه استیجار ایلدیکی دکرمانه طاش و سائر  
 لوازم کندوسیچون وضع ایتدکه مدت اجاره منقضی اولنجه  
 نظر اولنور. اگر موجرک امریله وضع ایتمش ایسه رجوع  
 شرط ایتماش اولسه بیله مصرفیله رجوع ایدر. و اگر امرنمز  
 یامش ایسه مرکب اولیانی یعنی چافلی و میخی اولیو بوده قالدیرلق  
 اوزره قونیلان اشیانی مستأجر قالدیرر. و میخی اولو بوده  
 قالدیریه میه جق یعنی قالدیرلمسی خانیه مضر اوله جق اشیانک  
 یوم خصومتده کی قیمتی موجردن آتور انقروی و تنقیح.

و کذا مستأجر، ایکی کشیدن استیجار ایلدیکی بر حامی  
 آجرلردن برینک امریله تعمیر و او یولده مصرف ایتدکه

مصرفنی آمرندن آلور. دیگر آجردن بر شی اله مز. «۱۳۱۱»  
 مادهیه باق. مکر که آک دخی امری ویا حاکمک اذنی بولنه .  
 «۱۳۰۹ و ۱۳۱۳ و ۱۵۰۸» مادهلره باق هندیه فی الباب  
 الثالث والعشرون.

وبر کیمسه استیجار ایلدیکی دکر فی آخر کسنهیه ایجار  
 ایله تعمیر و ترمیمه اذن ویردکده نظر اولنور. اوکسنه اول  
 کیمسه نك مستاجر اولدیغنی بیلور ایسه مصرفنی اله مز .  
 مستاجر اولدیغنی بیلیمیوبده مال صاحبی بولندیغنی ظن  
 ایتش ایسه مصرفله رجوع ایدر . «۶۵۸» مادهیه باق بزازیه  
 وتنقیح .



### { لاحقه }

(مأجورك ویرکوسی حقنده در)

۱ — مأجورك ویرکوسی آجر اوزرینه در.

بناء علیه مستاجردن عقار مأجورك ویرکوی میریمی  
 آلدقده آجرك امریله ویرمش ایسه اکا رجوع ایده بیلور  
 تنقیح .

کذا عشرلی وقف اراضی استیجار ایلدکده عشری  
 وقفک وارداتندن ویریلور. یوقسه مستاجره لازم کلز .  
 كذلك چفتجیه دن اراضی ویرکوسی آلسه چفتجی ،

صاحبك امريله ويرمش اولدينى تقديرده آكا رجوع ايده بيلور.  
معلوم اولمليدركه آجرك امريله مستاجر، ويركوي ويرديكي  
صورته آجرك حق رجوعى اولدينى دركار اولوب ۱۵۰۶  
ماده ده دخی ذكر اوليور، فقط ويركوي مذکور آجرك  
امرئىز اوله رق مستاجردن اخذ اولندقدہ شرعا حق رجوعى  
وارميدر در مختاره شويله مذکوردر « اذا اخذت من المستاجر  
والاكار الجباية الراتبه على الدور والحوانيت فانه يرجع بها على  
الموخر وبه يفق » ومثله فى التقيق.

﴿ ۵۳۰ ماده ﴾

[اجرك] يعنى مالك بولمان آجرك امر و [اذنيه مستاجرك  
اجرا ايتديكي تعميرات اكر طامك كرميدنى اقطـ ارمق كې  
ماجورك اصلاحه و ] ماجوره [ خلل اطارقندن صيانتنه عائد  
ايسه مصرفى آجردن الموق ] ويا اجرتہ محسوب ايدلمك [شرطى]  
يعنى اذن مذکورده بو شرط [ ذكر ] رتصریح [ اولنماش  
ايسه بيله مستاجر بو تعميراتك مصرف، اجردن الور. ] وكذا  
القيم تنقيح [ واكر خانهك فرونى ] انشا و [ تعمير ايتك ]  
وكيفك قوبوسنى اصلاح ايلمك [ كې مجرد مستاجرك منافعه  
عائد ايسه اويله بر شرط ذكر اولنددجه ] مجرد امر و اذنيه  
[ مستاجر آلك مصرفى آجردن اله ماز. ] اما اويله بر شرط ذكر  
اولور ايسه يه الور. شويله كه آجر مستاجره فرونى پايدہ

اجرتہ محسوب ایت دیش ایسه محسوب ایدوبیلور. لان العمارۃ لا صلاح ملک و صیایۃ داره عن الاختلال فرضی بالانفاق بخلاف التنور والبانوعۃ فانها لمصلحة المستاجر قیه حتی لو قال له الا جر ابن تنورا واحسبه من الاجرة برجع ولو قال ابن تنورا لا يرجع تنقیح .

شو ماده وجهله مستاجر تعمیر ایدوبده مصرفله آجره رجوعی لازم کلدکده طرفین مصرفک مقدارنده اخلاف ایته لر تعمیرات واقعه اهل صنعته ارئه سیه کشف ایتدیریلور . اهل صنعت هر قنغیسنک قوانده اتفاق ایدرلر ایسه سوز آنکدر . زیرا ظاهر حال آکا شاهددر . و اهل صنعت اختلاف ایتدکلرند . یعنی بعضیسی مستاجرک و بعضیسی آجرک دیدیکنه قائل اولورلر ایسه دعوی وانکار معتبردر . یعنی سوز مع الیمین زیادهنی منکر اولان خانه صاحبیکدر . وینه مستاجرکدر تنقیح و خیره ورد مختار . و موجر تریم و صرفیات اذن و یروب فقط ترمیمات و صرفیات کندوسنک یا وکیلنک معلومانیه اولسنی شرط ایتدیکی حالده معلومانی اولقسزین صرف ایته متبرع اولور تنقیح . اما اختلاف بوجه بالا مصرفک مقدارنده اولیوب بلکه اساس تعمیرده اولور ایسه یعنی آجر ماجوری اجرتہ محسوباً تعمیر ایتسنی مستاجر امر ایدوبده مستاجر تعمیر ایتدم و آجر اصلاً تعمیر ایتدک دیو اختلاف ایلدکلرند سوز آجر کدر بزایه و تنقیح « ۷۶ » مادهیه باق .

صرفیات واقعه ده مستاجر مصدق اوله رق اختلافانه محل

قالماسق ايجون حيله شودر که مستاجر بدل ايجاره محسوب بر مقدار اجرتی آجره اعطا ایتدکن صکره آجر دخیانی مستاجر رد و تعمیراته صرفیه امر ایدر. بو صورتده مستاجر امین اوله جغندن ۱۷۷۴ ماده حکمنجه سوز مع الیمین مستأجرک اولور.

شرحاً ملک بولنان آجرک دیلدی. زیرا بر کیمسه نك استیجار ایلدیکی دکرمنی دیگر بر کسنه یه ايجار ایدرک عمارتنه اذن و یرمکه او کسنه دخی عمارتنه مصرف ایتدکده اول کیمسه نك مستأجر اولدیغنه و دکرمن کندوسنک اولدیغنه واقف ايسه اول کیمسه یه رجوع ایده من زیرا مجله نك ۹۵ ماده سی حکمنجه بر کیمسه نك غیرک ملکمنده تصرف ایتسیله امری باطلدر. واکر وقف اولیوب مالکی اولدیغنی ظن ایتش ايسه رجوع ایدر. نته کیم مادۀ آنفه شرحنده بیان اولندی.

کذا بر کیمسه وقف دکانی ناظرندن استیجار و ناظر دخی اقتضا ایتدکجه دکانک ترمیمنه و مصرفی اجرتدن محسوبنه مستاجری مأذون ایدونده فقط ترمیم و صرفیات موجرک ویا وکیلنک اطلاعی ايله اولسی و بویله اولدیغنی صورتده وقوع بولان مصرفلر اجرته محسوب ایدلیوب مستاجر متبرع اولسی شرط ایدلیوب بو یولده سند تنظیم ایتدکلرندن صکره مستاجر موجرک ویا وکیلنک خبرنسر تعمیر و صرفیات ایتسه متبرع اولوب اجزته محسوب ایده من تنقیح.

نته کیم بر کیمسه استیجار ایتدیکی وقف خانہ بی هدم و تغیر  
 و مجددا بنا ایتدکده حاکم نظر ایدهرک تغیری و مجددا بناسی  
 وقفه انفع و اجرتنک تزایدی موجب ایسه مستاجردن اجرتی  
 آنه رق مذکور بنای جدیدی وقف ایچون ابقا ایلر . و اول  
 کیمسه مصرفنده متبرع اولور . و تغیری و مجددا بناسی وقفه  
 انفع و اجرتنک زیاده لکنی موجب دکل ایسه تهقیح حامدینک  
 کتاب غصبنده مذکور اولدینی اوزره بنایی هدم و وقفی حال  
 اصلیسینه ارجاع ایلر حاکم اول کیمسه بی الزام و وقفی تغیرندن  
 طولانیده لایقی وجه اوزره تعزیر ایلر . و فی اجارات فتاوی  
 قاری الهدایة فمن استاجر دارا وقفا فهد مها وجعلها طاحونا  
 او فرنا اجاب بانه ينظر القاضی ان كان ما غيرها اليه انفع واكثر  
 ربما اخذ منه الاجرة وابقى ماعمره للوقف وهو متبرع والا  
 الزم بهدمه واعادته الى الصفة الاولى بعد تعزيره بما يليق بحاله  
 رد مختار فی الغصب.

❖ ۵۳۱ ماده ❖

[ مستأجر ] بنا یا پمف یاخود اغاج و یا یونجه مثللو شیلری  
 دیکمک اوزره استیجار ایتدیکی [ بر عقار ماجورده ] یعنی  
 مثلا عرصه و باغچه ده [ بنا احدث ایسه یاخود اغاج ] و یا  
 یونجه مثللو اصلی یرده باقی اولوبده یا پراغی و یا بیدشی صاتیلان  
 شیلر ایلر نهایت معلومه سی اولمیان و یاخود نهایت معلومه سی وار

ایسه ده قصب کبی نهایتی بعید اولان شیلری [ دیکسه اجاره نده  
انقضاسنده موجر ] بوجه آتی وجوده ثلاثه ایله [ مخیر اولور . ]  
وجه اول ، آجر دیلر سه مثلا بنا ویا اغاج ویا یونجه نك ابقاسنه  
راضی اولور . زیرا حق صاحب ارضك اولمقله اجرت ایله  
یاخود اجرت سن ابقاسنه راضی اولمقله صلاحیتی واردور . قال  
انزیامی لان الحق لرب الارض فاذا رضى بالتمتع راره علی ما كان  
باجرا وبغير اجر كان له ذلك انتهى .

بوصورتده اول عقار آجر ك ومذكور بنا ویا آغاج مستاجر ك  
ملکی اوله رق قانوب اجرت مقابله اولنور ایسه یعنی بنا  
واغاجك بقای ایچون شروطنه رعایة عقد اجاره ایلرلر ایسه  
اجاره جدیده واولمز ایسه اعاره اولور . وبو حالده مستاجر  
ایله آجر مذكور ارضی برلکده اخره ایجار ایتدکلرنده اجرت  
برکره مثلا بنانك ارض سنر وبر کرده ارضك بناسنر قیمة تلمینه  
تقسیم اوله رق هر بری اجرتدن کندی حصه سنی آلور رد  
مختار ودور . وجه ثانی ، آجر [ دیلر سه اول بنانی یاخود اغاجی ]  
ویا یونجه نی [ قلع ایتدیرر ] ده مأجوری فارغا تسلیم ایلر ویری  
دوزلدور ، و آجر ك رضایى اولمقله مستأجر اراق ارض  
مأجورده بنا واغاجی ابقا ایدمزد مختار . زیرا بنا وغرسایله  
غیر مشغول اوله رق وقبض ایتدیکی حال اوزره موجره تسلیم  
مستأجر اوزرینه لازم اولوب بو ایسه فی الحال قلع ایله اولور .  
چونککه بنا وغرسك بر نهایت معلوماسی اولمقیندن علی الدوام



اجرت ايله يا اجرتسىز تركى موجره مضر در . ٩٦ و ٥٩١ و ٥٩٢ و ٥٩٣ ، ماده لره باق . شو قدر وار كه اغاج اوزرنده ميوه بوانسه ادراكته قدر اجر مثليه ابقا اولور . « ٤٨٠ » ، ماده يه متنا و شرحا باق رد مختار . واصل ذلك ان فى البناء والغرس اتحد الجواب فى الصور الثلاث وهى الاجارة والعارية والغصب حيث يجب علمهما القلع والتسليم فارغا وفى الزرع اختلف الجواب فى الغصب يلزم القاع على الغاصب فى الحال لانه متعدد فى الزراعة وفى الاجارة تترك الى وقت الادراك استحسانا باجر المثل وفى العارية الموقته وغير الموقته لا يأخذها صاحبها الى ان يستحصد الزرع استحسانا لانه ما كان متعدد يا فى الزراعة بجهة العارية ولادراك الزرع نهاية معلومة فيترك قالو او ينبغي ان تترك باجر المثل كما فى الاجارة نظر اللجابين شلبي . ووجه ثالث ، آجر [ ديلرسه ] ومثلا اول بنا واغاجك قلعي عقار مأجوره مضر اولور ايسه اول بنا واغاجك مستحق القلع اولدينى خالده كي [ فيمتنى ] مذكور قيمت عقار مأجورك قيمتندن [ آز اولسون چوق اولسون ] مستاجره [ ويروب ] ده مذكور بنا واغاجي جبرا تملك يعنى مستأجر ك رضاسى اولمسه بيله كندوسنك اولمق اوزره [ ابقا ايدر ] زيرا قلعي ارضه مضر اولنجه قلعي حالده موجر متضرر اوله جفمندن كندندن بو ضررك دفعي ايجون بونلرك قيمتني بالاعطا تملك ايده بيلور . « ٣١ » ، ماده يه باق . لان فيه نظرا لهما حيث اوجبنا لاموحر تسلم الارض بعد انقضاء

مدة الاجارة وللمستأجر قيمتهما مستحق القلع لان اصل وصلها بحق رد مختار. وبونده موجر منفرد اولدى. چونكه ضرر موجره عائد اولوب يوقسه بوندن طولايي مستاجر متضرر اولماز. زيرا مستاجرك آلاجنى قيمت، بنا يا آغاچ مقامنه قائمدر. مستحق القلع قيمتلك تعريفي ۸۸۵ مادهده مصر حددر. اما آنلك يعنى مثلاً مذکور بنا واغاجك قلبي مأجوره مضر اولمينجه اجرانى جبراً يعنى مستاجرك رضاسى اولقميزين تملك ايدهميوب يلكه بو تملك وابقاده مستاجرك رضاسى شرطدر. زيرا نبوت ملكه آجر ومستاجر مساوى اولوب احدها آخر اوزرينه مرجح دكلدر رد مختار ودرر وهنديه وعبدالحم وخيره. فلايد من انفاقهما فى الترك بخلاف القلع حيث ينفرد به احدها فى هذه الحالة دون الآخر زيلعى.

عقار مأجور وقف اولسه دخی حکم منوال مشروح اوزره ايدوکی تنويرده ذکر اولمشدر. شوبله كه متولى وقف عرصهده مستاجره نفسىچون بنا بايمسيله اذن ويرمسيله مستاجر دخی اولوجهله بنا يابدقن صكره مدت اجاره منقضى اولدقده ديلرسه اجر مثليه اجارهني استبقا ايلر. اكر وقفه ضرر يوغيسه. وبو تقديرده موقوف عليهم مستاجرك هر حالده آنلرى قلع ايلمسنى طلب ايلييه مزلر رد مختار وتقيح. زيرا مأجور، استغلاله مشروط وقف اولدبنى صورتده ايجارى لابد اولوب مستاجر اوله ايجار اولنميوبده غيره ايجار ايتمك تعنت

واضرار در. ضرر ايسه شرعا ممنوعدر. زیرا لا ضرر ولا ضرار  
حدیث شریفی وارد اولمشدر. مکر که غیر اجرتی زیاده ایدوب  
مستأجر اول زیاده ايله قبول ایتیمه. بو صورتده غیره ایجار  
اولنور.

اراضی بیت المال، اراضی وقف کبی اولدیغی خبریهده  
ذکر اولمشدر.

ودیلرسه بنانک رفعی عرصهیه. مضر دکل ايسه مستأجر  
بناسنی رفع ایده بیلور. ویجب علی کل قاض عادل عالم وعلی کل  
قیم امین غیر ظالم ان ینظر فی الاوقاف فان کان بحیث لورفع  
البناء وانغرس تستأجر ان یفسخ الاجارة ویرفع البناء وغرسه  
اویقبها بهذه الاجرة وقلمها یضر الرفع بالارض فان الغالب  
فنیه نفعا وغبطة للوقف تنقیح.

مضر ايسه رفع ایده میوب مستأجر بنانک قیمتی اخذ ايله  
بنانک وقفه ترکمه راضی اولنجه متولی مبنیا ویامقلوعا قیمتمدن  
قنغیمی اقل ايسه انی اعطا ایدرک بنانی وقف ایچون ضبط  
ایدر رد مختار. اما بو صورتده متولی بنانک قیمتنک اعطاسندن  
امتناع ایدر ايسه متولی جبر اولسه ماز. ووجهه انه معاوضة  
وهی متوقفة علی التراضی کما هو ظاهر فقط بنا صاحبی مالنک  
یعنی بناسنک تخلصنه یعنی عرصه دن ایرلسمه قدر صبر ایلرده  
نه وقت بناسنی عرصه دن ایریلور ايسه اولوقت بناسنی ضبط  
ایدر. وبنادن بر شی سافط اولدقچه مستأجره یعنی بنا صاحبنه

اعطى اولنور. لان الخيار للناظر حينئذ بين تملكه جبراً على المستاجر وبين ان يتركه الى ان يتخلص بناء المستاجر من الارض رد مختار في اوائل الاجاره. ولا يلزم المستاجر اجرة ارض الوقف بلا شبهة لان ابقاء البناء لمصلحة الوقف للمصاحته ولو لزمته الاجرة لزمه ضرر ان احدهما التزم به بفعله والاخر لم يلتزم به واما ضرر التبرص الى وقت التخليص وقد التزم بفعله اذني في ارض الوقف بحسن اختياره بناء لا يتخلص الا بضرر الوقف فيلزمه وضرر الاجرة من غير انتفاع بالارض ولم يلتزم به فلا يلزمه خيره. اما بنائك قلبي وقف ارضه مضر اولمينجه بو صورته مخير لك مستاجر عا ددر.

نته كيم موقوف بر خانك مستاجري قيمك اذني اولميه رق اول خانده بنا يعنى مرمت غير مستهلكه يادقده مصرفى وقفدن آله ميوب فقط بنائك رفقى خايه مضر ايسه قيم اول بنائك قيمتى وبرهرك بناني وقف ايجون تملك ايلر.

رجل استاجر جهات وقف من ناظر شرعى وعمر فيها ولم يكن الناظر اذله فى شئ من ذلك فهل تلزم العمارة جهة الوقف حيث لم يأذن الناظر له فى ذلك ام لا وهل للناظر الرجوع بذلك على المستاجر المذكور وما الحكم فى ذلك فافق سىدى الجد شيخ مشايخ الاسلام بان العمارة المذكورة لا تلزم جهة الوقف والناظر مخير بين ان يملكها لجهة الوقف بقيمتها مقلوعة

او يكلف المستأجر قلعها وتسوية الوقف فيفعل الافع للوقف  
والله اعلم ولسان الحكماء.

ارض محتكه دخی بنایا غرس ایچون ایجار اولسان ارض  
وقف حکمنده در. استحکار، شول عقد اجاره درکه آنکله ارضك  
بنا و غرس و یاخو، بونلرك بر یسیله استبقا قصد اولور. و وجهه  
امكان رعاية الجانبين من غير ضرر وعدم الفائدة في القلع اذلو  
قلعت لانوجر باكثر منه وعلیه فلو مات المستاجر فلورنته  
الاستبقاه ولو حصل ضرر ما بان كان هو او وارنه مفلساً اوسى  
المعاملة او متغلبا يخشى على الوقف منه او غير ذلك من انواع  
الضرر لايجبر الوقوف عليهم رد مختار.

معلوم اولمیدرکه مثلاً بنا یا عمق وبا آغاج دیکمک ایچون بر  
عرصه استیجار اولندقدن صکره مدت اجاره منقضی اولدقدن  
ماده آنفهنك فقره ثانیه سی وجهله مستاجرك اول اغاجی ویا  
بنایی قلع ایلمسی ویا ماده مذکور دنك فقره ثالثه سی وجهله  
آجرك قیمتی و یروب المسی لازم کلوو. فقط اول غرسك یعنی  
مثلاً اغاجك قیمتی ارضك قیمتدن زیاده اولور ایسه مستاجر  
ارضك قیمتی ویرمرك ارضی تملك ایده یله جکی و عاریتده دخی  
حکم بویله ایدوکی « رد مختار » ده تصریح ایدلمشدرکه عین  
عباره سی شودر. « بخلاف ما اذا استاجر ارضا ملكا ليس للمستأ-  
جر ان يستبقها كذلك ان ابى المالك الا القلع بل يكلفه على ذلك  
الا اذا كانت قيمة الغراس اكثر من قيمة الارض فيضمن

المستاجر قيمة الارض للمالك فيكون الاغراس والارض للفراس  
وفي العكس يضمن المالك قيمة الاغراس فتكون الارض والا-  
شجار له وكذا الحكم في العارية .

شو تصریحه كوره مجله ده « قیمتی آز اولسون چوق اولسون ،  
دیو تعمیمدن « بنا ویا اغاجك قیمتی عرصه نك قیمتمندن آز اولسون  
یا چوق اولسون » معناسی مراد ایدیلور ایسه بو تعمیم صحیح  
اولماق وارد خاطر اولور شوقدر وارکه عرصه ماجوره وقف  
ایسه آنده کی بنا ویا اغاجك قیمتی عرصه دن زیاده بیله اولسه  
مستاجرك عرصه مذکوره نی تملکک صلاحیتی اوله من .

شوکا جواب اولوق اوزره دینیلورکه مجله نك ۹۰۶ ماده -  
سنده بیان اولندیغی اوزره غاصب ارض مغضوب اوزرینه  
ایده انشا یاخود اشجار غرس ایتمسه بونلری قلع ایله ارضی  
صاحبنه رد ایتمک اوزره غاصبه امر اولنور .

فقط بوبابده علما اختلاف ایدوب بعضیلری ارض مغضوبك  
قیمتی ، اوزرینه انشا اولنان بنالك ویا غرس ایدیلان اشجارك  
قیمتمندن كرك زیاده اولسون وكرك نقصان اولسون هر حالده  
غاصب بونلری قلع ایله ارضی صاحبنه رد ایتمسی لازم کله جکنه  
قائل اولمشلردزکه قهسستانی کتاب غصبده فصول عمادیدن نقلا  
فتوی بونك اوزرینه ایدوکنی وصاحب ملتقی وشیش الاسلام  
چتالجه لی علی افندی دخی بونی اختیار ایله باب ظلمك سدی  
ایچون بو قولك ترجیحی احسن اولدیغنی بیان ایلمش ومشهور

شیخ الاسلام ابو السعود افندی دخی بو قول اوزرینه فتوی ویرمشدرد. و امام کرخی کی بعض علما دخی مذکور ابنیه ویا اشجارک قیمتی ارضک قیمتدن زیاده اولانجه غاصب ارضک قیمتی مقصوب منه ویردرک ارضی تملک ایده جکنه ذاهب اولمشلردرکه شروح هدایه ودر مختار ودرر وغررده بو قول اختیار اولمش ایسه ده اقروی محمد افندی فتاوی مشهوره سی هامشنده بو قول ایله فتوی ویرلمی جائز اولدیغنی شیخ الاسلام مشارالیه ابو السعود افندی نقل ایلمشدر. بعض متأخرین علما دخی مارالذکر ایکی قول بیننده متوسط بر طریق احسن بیانیه دیمشلردرکه غاصب سبب شرعی زعمیه ارض مقصوب اوزرینه ابنیه انشا یاخود اشجار غرس ایلمش ایسه قول ثانی ترجیح ایله ابنیه یاخود اشجارک قیمتی ارض مقصوبک قیمتدن زیاده اولنجه اول حالده ابنیه یاخود اشجارک صاحبی ارضک قیمتی اعطا ایدرک ارضی تملک ایده جکنه و سبب شرعی اولمقسزین ابنیه انشا ویا اغاج غرس ایلمش ایسه قول اولی ترجیح ایدرک ابنیه ویا اشجارک قیمتی ارضک قیمتدن زیاده اولسه بیله غاصبک آنلری قلعه مجبور ایدوکنه قائل اولمشلردرکه درر محشیسی عبدالحلیم دخی کتاب غصبده بو قول ثالثده دها زیاده عدالت بولندیغنی بیان ایلمشدر.

مجله نك سالف الذكر ۹۰۶ ماده سی دخی بو قول ثالث اوزرینه بنا ایدیلهرک تنظیم ایدلمشدر. ایشته تفصیلات سالفه دن



مستفاد اوله جنى اوزره بوراده کی « قیمتی آز اولسون چوق اولسون » دیو تعمیم قول ثالث اوزرینه مبنی اولمغله صحیح اولوب اما « رد مختار » ک مذکور بیانی قول ثانی اوزرینه مبنی ایدوکنندن تعمیم مذکوره مخالف دکلدر عبدالحلیم ورد مختار فی القصب و انقروی و تنقیح .

فقط بوجوابك صحتی ایچون استیجارك بوبابده سبب شرعی اولدیغنه حکم ایتک لازمدر . ان شاء الله تعالی بو مسئله محل لایقی اولان ۹۰۶ ماده شرحنده ده ایضاح اولنور .

### ﴿ ۵۳۲ ماده ﴾

[ مدت اجاره ده ] عقرار مأجورده [ تراکم ایدن توز و طبراق ] وکول [ وسوپرندینک ] و سائر یر اوزرنده ظاهر اولان یعنی کورینان شیلرک [ تطهیر و ازاله سی مستأجر اوزرینه در ] مثلاً مأجور حمامک کولارینی و سرقینی نقل و موضع غساله نک تفرینی بدون شرط مستأجر اوزرینه اولوب بناء علیه بونلرک تفرینی مستأجر اوزرینه شرط ایدلسه اجاره بی افساد ایتمز . « ۴۶۲ » ماده شرحنده کی لاحقه یه باق . آجر اوزرینه شرط ایدلسی اجاره بی افساد ایدر .

اما انعم مثلاًو شیلرده طوپالان یعنی یر یوزنده ظاهر اولیان شیلرک تطهیر و ازاله سنه مستأجر مجبور دکلدر . بناء علیه انعم طولمغله تفریغ اوزره مستأجر اجبار ایدیله مز . واما البالوعة

واشیا ههافلیس علی المستأجر تفریفها استیحسانا والقیاس ان یجب لان الشغل حصل من جهته وجه الاستحسان ان المشغول بهذه الاشياء باطن الارض فلا ینفع التسامح بعد انقضاء العقد ولو شرطه رب الدار علی المستأجر حین أجره فی الاستحسان لایجوز ویفسد العقد لانه لایقتضیه ولا أحدهما فیہ منفعة رد مختار نته کیم ۵۲۹ ماده ده دخی شرحاً بیان اولندی.

شو قدرکه حمامک استیجارنده مسیل مسقف اولسه بیهله تطهیری مستاجر اوزرینه در. وفی البزازیة ولو امتلاء مسیل الحما فعملی المستأجر تفریفه ظاهرها کان اوباطناً رد مختار.

شو حالده مستأجر حین استیجارمده بو سپورندیلر وار ایدی وموچر یوق ایدی سن یاپدک دیو اختلاف ایتدکلرنده مأجوری استیجار ایتدیکنده بو سپورندیلرک اوراده بولندیغی حقننده کی سوز مستأجر کدر رد مختار وبزازیة .

### ❖ ۵۳۳ ماده ❖

[مستأجر] مثلاً [خانة مأجوری] دوشمه تحته لرینی سوکک وطوان ایچنده کی دیرکلری قطع ایلمک کبی [تخریب ایدر او- لوبده آجر منعه مقتدر اوله مسه] بو حال اجاره نک فسخنی موجب عذر اولوب بناء علیه آجر [حاکمه مراجعتله] قبل تمام المده [اجاره فی فسخ ایتدیره بیلور .] یعنی حاکمه فسخ ایتدیره بیلور . ۲۰۰ ماده یه باق بهجه وانقروی .

اما مأجور مستأجرک علی المعتاد استعمال وسهکناسی ایله  
 بالطبع اسکیمش اولسه مستأجر اندن مسئول اولماز بزازیه .  
 لکن مستأجر مأجور خانه ده زنا ولواطه مثلوه منهیانی  
 اظهار و خانه نی خرسزلر یانغی اتخاذا ایتدکده موجرک یا مستأ-  
 جرک حق فسخی اولدینی و بلکه کندوسنه نصیح و پند ایله  
 معروفه ارجاعه غیرت اولسه جنی ۴۴۱ ماده شرحنده ذکر  
 اولمشیدی .

شرح اشارت اولدینی وجهله بوراده خانه تعمیری احترا-  
 زی دلدرد . زیرا مستأجر مأجور ارضی تخریب ظاهر ایله  
 تخریب ایدر اولوبده مالک منعنه مقتدر اوله مسه مالک بوندن  
 طولانی حاکمه فسخ اجاره ایتدیره بیلور انقروی .

### {لاحقه}

( بیع بالاستغلاله متعلق مسائل بیاننده در )

۱۱۹ ماده شرحنده بیان اولدینی اوزره بیع بالاستغلاله،  
 بیع بالوفا ایله اجاردن مرکب بر عقد اولغله بوراده اندن بحث  
 اولنق مناسب کورولمشدر .

۱ — برکیمسه دینی مقابلنده بر عقاری آخر کیمسیه وفاء  
 بیع و بعدالتخلیه او کیمسیه تسلیم ایتدکدن صکره بدل معلوم  
 ایله اندن یعنی اول کیمسه مذکور خانه نی او کیمسهدن استیجار

ایتمه صحیح و اجرت لازم اولور . اما او کسینه دن بوجهله  
یعنی بعدالتخلیه والتسليم استیجار اولمسه اجرت لازم اولماز  
رد مختار و علی افندی . بوکا بیع « بالاستغلال » دینور .

مسقفات و مستغلات موقوفه نك استغلال صورتیه فراغنده  
دخی حکم بویه در . شویله که استغلال صورتیه فراغ اولمش  
اجارتینلو بروقف عقار فارغ طرفندن تخلیه و مفروغ لهه تسلیم  
اولندجه مفروغ لهک اول عقاری فارغه ایجار ایلمسی صحیح  
دکدر . یعنی باطلدر . بناء علیه مفروغ له ایجار مذکوره بناء  
فارغدن اجاره نامیه بر مقدار مبالغ اخذ ایتمه فارغ مبلغ مز-  
بوری اصل دینه محسوب ایده بیلور .

ملکده دخی حکم بویه در بهجه .

بوراده استیجار دنیلدی . زیرا استیجار اولمسه اجرت  
لازم اولماز . مثلاً بر کیمسه متولیمی اولدینی نقود موقوفه دن  
شوقدر غروشی دیگر کسینه یه اقراض و تسلیم ایلیوب او کسینه  
دخی ملک منزلی بطریق الاستغلال اول کیمسه یه بیع و تخلیه  
و تسلیم ایدوب لکن ایجار ایلمسه اجرت نامنه نسنه آلهماز  
علی افندی . اما تخلیه و تسلیم اولندقدنصکره ایجار ایلمش  
ایسه اجر مسمی لازم کلور بهجه .

بیع بالاستغلال ، بوجه بالا بیع بالوفا ضمننده اولور .  
یوقسه رهن ضمننده اوله ما ز یعنی مرتهن رهنی راهنه ایجار

ایتمه صحیح اولیوب اجرت لازم اولماز. و بو، بیع بالاستغلال»  
قیلندن دکلدر .

مثلا برکیمسه ملک منزلی دایمی بولنان دیگر کیمسینه رهن  
وتسلیم ایتدکن صکره او کیمسه مذکور منزلی برسنه تمامنه دک  
شوقدر غروشه او کیمسندن استیجار و قبض ایدوب سنه تمامنه دک  
ضبط ایلمسه او کیمسینه اول کیمسندن اجر مسمی الهماز علی  
افندی . و اذا آجر المرتهن الرهن من الراهن فالاجارة باطلة  
وهو بمنزلة ما اذا اعار منه او اودع منه فله ان يسترد كقوى .  
۲ — مدت اجاره مروریده تجدید عقد اجاره اولمندن  
« مستأجر وفاء صاتلمش اولان مأجور » ده برمدت ساکن  
اولسه دین ، مال یتیم ویا مال وقف ایسه تجدید عقد اولنیا  
مدت ایچون مستأجرک اجر مثل ویرمسی لازم کلور . اما مال  
یتیم ویا مال وقف دکل ایسه مذکور مدت ایچون اجر مثل  
لازم اولماز علی افندی .

مثلا وصی صغیرک مالندن شوقدر غروشی برکیمسینه اقراض  
وتسلیم و او کیمسینه دخی مبالغ مذکور مقابلنده خانه سنی استغلال  
طریقیه وصی به بیع و تخلیه و تسلیم ایتدکن صکره او کیمسینه  
مذکور خانه بی برسنه تمامنه دکن شوقدر غروشه و صیدن  
استیجار و قبض و او مدت ضبط ایدوب بعده او کیمسینه تجدید  
عقد اجاره اولمندن مذکور خانه ده بر قاج سنه ساکن اولسه  
وصی اول سنه ایچون اجر مثل آلور .

۳ — بیع استغلالده مبیع تخلیه و مشتری به تسلیم اولمدن  
بایعه ایجار اولندقدده دین مال وقف ویا مال یتیم اولنجه بابع  
آنده ساکن اولور ایسه اجر مثل لازم کلور .

مثلا برکیمسه متولیدن اودنچ آلدینی نقودموقوفه مقابلنده  
خانه سنی متولی به استغلال طریقله بیع ایدوب فقط تخلیه و تسلیم  
اولمدن مذکور خانیه شوقدرغروشه استیجار وضبط ایتدکده  
اجر مثلك اعطاسی لازم کلور علی افندی و فیضیه . فقط  
تخلیه و تسلیم اولندقدنصکره استیجار اولنش ایسه اجر مسمی  
لازم کلور بهجه . اما دین مال وقف و مال یتیم دکل ایسه اجر  
مثل لازم کلز . لانه لم یسکنها علی وجه الاجارة .

بناء علیه برکیمسه خانه سنی دینی مقابلنده اخر کمنه به وفاء  
بیع ایله اندن استیجار ایده رک ساکن اولدقدن صکره بلا تخلیه  
و تسلیم استیجار ایتمش اولمله ویردیکم اجرتی دینه طونارم دیو  
دعوی و اوکمنه دخی بعد التخلیه و التسلیم ایجار ایلمش ایدم  
وحتی وجه محرر اوزره اقرار دخی ایتمشیدک دیو مدافعه  
ایدرك مدافعه سنی اثبات ایتسه مسموع اولور نتیجه و علی افندی .  
ووجه محرر اوزره اقرار ایدوب حجت دخی ویرمشیدک دیو  
اوکمنه دعوی و تقریر مشروحنه مطابق بر حجت ابراز  
ایتدکده اول کیمسه وجه محرر اوزره اقرار ایدوب حجت  
ویردیکنه معترف ایکن اوکمنه به کاذبا اقرار ایتمشیدم تسلیم  
و قبضی اثبات ایله والا اجر مسمی ویرم دیه من و اقرارنده

کاذب اولدیغنه او کمنه یمین ویردیره من بهجه .  
 مبیع بالاستغالل بعدالتخلیه والتسلیم بایع مشتیدن استیجار  
 ایتدکدنصکریه یدنده تلف اولسه دین ۵۹۹ و ۴۰۰ و ۴۰۱ ماده لر  
 احکامنه توفیقاً ساقط اولور . مثلاً برکیمسه یری وقف و بناسی الی  
 آلتون قیمتلر بر ملک منزانی الی آلتون بورجی مقابلنده داینه  
 بطریق الاستغالل بیع و تسلیم ایتدکدنصکریه برسنه تمامنه دک  
 شوقدر غروشه بعدالتخلیه استیجار و قبض ایدوب بعده منزل  
 قضاء بالکلیه محترق اولسه دین مزبور ساقط اولور بهجه .

## ﴿ فصل ثانی ﴾

( یعنی باب سادسک ایکنجی فصلی )

[ اجارۀ عرض حقمنده ] اولوب دوت ماده یی حاوی [ در ]

## ﴿ ۵۳۴ ماده ﴾

[ مدت معلومه ایچون بدل معلوم مقابلنده ] لبس یعنی  
 کیمک ایچون [ البسه و ] استعمال ایلمک ایچون [ اسلحه و چادر ]  
 و طبخ طعام ایچون تجره و رکوب ایچون اکر و بالان و یوک  
 نقلیچون سمر و چول [ و امثالی منقولایک اجاره سی جائزدر ]  
 زیرا بونلرک دخی منافع معلومه سی بولمش و ایجاری دخی  
 متعارف و معتاد اولمشدر . « ۴۰۵ » ماده شرحنه باق .



مثلا بر کیمسه ملک قزغانی بر سـنه تمامنه دک دیگر کـسنه به  
شوقدر غروشہ ايجار وتسليم ايدوب او کـسنه دخی بر سنه تما-  
منه دک ضبط واستعمال ايلسه او کیمسه اجر مسیانی او کـسنه دن  
آلور .

فقط کیمک ايجون استيجار اولنان البسه بی کیم کیه جکی  
تعبین ویا دیلدیکنه کیدرمک اوزره دیو تعمیم وطبخ طعام ايجون  
استکرا ایدیلان تجرده نه پشوریله جکی بیان اولنق لازم اولوب  
تعمیم ویا بیان اولنمز ایسه اجاره فاسد اولور بزازیه ودرر .  
فان لبس الثوب وطبخ فی القدر فضت المدة فله ماسمی استحسانا  
ولو فسخ القاضی الاجارة لاجل الفساد ثم لبس لا یجب شیء  
هنديہ ملخصا فی الباب الخامس عشر فی الفصل الاول . ومثلا  
چادری استيجار ایتدکده ناسک نصب ایتدیکی یعنی قوردینی کی  
نصب ایدہ بیلوب کونشدن محترق ویا سفردہ مطروئلجدن فاسد  
اولسه یاخود من غیر عنف تخرق ایتسه ضمان لازم کلیه جکی کی  
استيجار ایلدیکی اسلحه ایلہ محاربه ومقاتله ایدہ بیلوب بوندنطو-  
لای هلاک اولدقده ضمان لازم کلز . مکرکه تعدیسيله تلف اوله .  
ولو استأجر فسطاطا یخرج به الی مکة لیستظل به فانه یجوز  
وله ان یستظل به لنفسه واغیره لعدم تفاوت الناس فیہ وان  
اسرج فی الخیمة او فی الفسطاط او القبة او علق به قنديل فافسد  
فلا ضمان علیه وان اتخذه مطبخا فهو ضامن لانه صنع ما لا یضع  
الناس عادة الا ان یتكون معدا لذلك العمل هنديہ فی الباب

العشرون واذا اوقد نارا في الفسطاط كان كالاسراج وان اوقد  
مثل ما يوقد الناس عرفا وعادة في الفسطاط فافسد الفسطاط او  
احترق الفسطاط فلا ضمان وان جاوز المتعارف فهو ضامن  
فبعد ذلك ينظر ان كان افسد كله بحيث لا ينتفع به ضمن قيمة  
المكل ولا اجر عليه وان فسد بعضه لزمه ضمان النقصان وعليه  
الاجر كملا اذا كان قد انتفع بالباقي وان لم يفسد شئ منه وسلم  
وكان جاوز المعتاد فالمسألة على القياس والاستحسان القياس ان  
لا يجب الاجر وفي الاستحسان يجب وان شرط رب الفسطاط  
على المستأجر ان لا يوقد فيه ولا يسرج فيه ففعل فهو ضامن  
وعليه الاجر كملا اذا سلم الفسطاط هديه في الباب العشرون .

واسـتـيـجـار اولـثـان جـادـرك اـطـنـابـي مـنـقـطـع و عـمـودـي مـنـكـسـر  
اوله رق مستأجر استعماله مقتدر اوله مسه اوله لده اجرت لازم  
كلز «٥١٨» مـادـيـه باق . ولو انكسرت الا وتاد فلا عبرة لان  
الوتاد تكون من المستأجر عادة الا اذا كانت حديدا فهي  
كالعمود ولو اخرجها مع نفسه ولم ينصبها مع المكان يجب الاجر  
من الحل المزبور . وموجر ايله مستأجر انقطاع انتفاعك مقدرا  
رنده اختلاف ايتسهلر يعنى مستأجر اون كون انتفاع ايده مدم  
موجر يالكز بشكون ايده مذك ديسهلر سوز موجر كدر . اما  
موجر انقطاع انتفاعى بالكلية انكار ايتسهلر حال حاضر حكم  
قننور . «١٧٧٦» مـادـيـه باق . فان كان المستأجر اتخذ اطنابا من

عند نفسه او عمودا من عند نفسه وانصبه حتى رجع فعليه  
الاجر من المحل المزبور .

بوماده ده مدتک « معلومه » ايله توصيفى ۴۵۱ و ۴۵۲ ماده-  
لره وبذلك « معلوم » ايله توصيفى ۴۵۰ ماده يه مبنى اولوب بناء  
عليه بووصفلك بوراده اىروجه ذكرى لازم دكلدر نته كيم  
اجاره عقار وحيوانده اىروجه ذكر اولنماشدر هندية .

بركيمسه برائى يينمك اوزره استكرا ايلديكى اكرى بشقه-  
سنه ويره مز . « ۴۲۷ » ماده يه باق . ويرر ايسه تلف اولنجه  
ضامن اولوب اجرت لازم كلز . « ۸۶ » ماده يه باق هندية .  
اما بركيمسه كندوسنك بغداينى نقل ايتمك اوزره استكرا  
ايلديكى سمر ايله بشقه سنك بغداينى نقل ايده بيلور .

جوال دخى بويله در . « ۴۲۶ » ماده يه باق هندية فى الباب  
التاسع والعشرون .

### ❖ ماده ۵۳۵ ❖

[ بركيمسه ] كيوبده [ برمحله كيتمك اوزره البسه استيجار  
ايتدكده اول محله كيتميوبده ] اول كيمسه مذكور البسه ينى [ خانه-  
سنده كيسه ياخود هيچ كيمسه بيله ] تلف اولسه ضمان لازم  
كلييه جكى كې تلف اولسه [ اجرتك اعطاسى لازم كلور . ]  
واجرت كيمكه مقابلدر . يوقسه كيتمكه دكل . « ۴۷۰ » ماده يه  
باق هندية .

ماجور حیوان اولنجه بو مسئله ده اجرت لازم کیه جکی  
۵۴۶ ماده شرحنده ذکر اولنور .

ایشته بر کیمسه کیمک اوزره استیجار ایلدیکی البسه نی معتاد  
اوزره کیه بیلور . و بوندن طولای اسکیمش اولسه مسئول اولماز .  
کذا بر کیمسه کیمک اوزره هر آیلنی شو قدر غروشه او-  
لهرق البسه استیجار ایدرک خانه سنده حفظ ایتدکه مذکور  
البسه کیلیمش اولسه فرسوده لسه جکی معلوم اوله جق مدته قدر  
هر آیلنی ایچون اجر مسمی لازم کلور . اما آنصکره اجرت  
ساقط اولور بحر .

کذاک بر کیمسه خارج شهرده کیمک اوزره استیجار  
ایلدیکی البسه نی داخل شهرده کیمسه اجرتک اعطاسی لازم  
کلور . لانه خلاف الی خیر در مختار ورد مختار .  
اما خانه سنده کیمک اوزره استیجار ایلدیکی البسه نی بر محله  
کتمکده کیه مز . کیوبده تلف اولسه ضمان لازم کلور هندیه .  
معنوم اولماید که بو ماده ده اجرتک لزومی البسه موجود  
اولدینی صورتده اولوب اما البسه غیب اولسه یعنی بر کیمسه  
بو کون کیوب فلان یره کتمک اوزره استیجار ایلدیکی البسه نی  
کیمدن بو کون غیب ایدوبده بعده ولسه اجرت لازم کلز .  
« ۴۷۰ » ماده یه باق . بو صورتده وقت ضیاعده طرفین اختلاف  
ایتسه لر یعنی مالک بو کون ضایع و غیب اولدی اجرت لازم  
کلور و مستأجر بو کون ضایع اولدی دیو اختلاف ایتسه لر

حال حاضر حکم قلندر ق البسه وقت منازعه واختلافه  
مستاجر ك النده ايسه سوز مع البين مال ككدر. مستاجر ك النده  
دكل ايسه سوز مستاجر كدر. «۵۵» ماده به متناً و شرحاً باق. هذا  
اذا ضاع ثم وجد.

كذا ثوب مذکور هیچ بولنه مدینی تقدیرده سوزینه  
مستاجر كدر هندیه فی الباب العشرون.

✽ ۵۳۶ ماده ✽

[ بر کیمسه کندو کیمك ایچون استیجار ایلدیکی البسه نی ]  
اعاره ویا اجاره طریقیله [ بشقه سینه کیدیره مز . ] زیرا بونده  
تقیید مفیددر. چونکه ناس البسه کیمكده متفاوتدر. کورلزمکه  
البسه نی بر افندینك کیمه سیله بر قصابك کیمه سی بیننده فرق  
وارددر. بو ماده ۴۲۷ ماده نك فرعیدر .

البسه نك استیجارنده اوچ احتمال وارددر. برنجیسی لابیسی  
تعین ایتماك یعنی لابیسی بیاندن سكوت ایتكدر. بو روبه کی  
شو قدر غروشه استیجار ایتدم دیمك کی . ایکنجیسی لابیسی  
تعین ایتكدر. اوچنجیسی لابیسی تعیم ایلمكدر. برنجی صورت  
فاسد اولوب اما دیگر ایکی صورته اجاره صحیحدر که مجله  
بوراده ایکنجی صورتی بیان ایدیور شرحا اوچنجی صورت دخی  
بیان اولنور. لابیسی تعین اولمجنجه اجاره جائز اولیور. زیرا بو  
وجهله اطلاقده ایکی شخصدن ایکی ركوب جنسین کی اولوب

بناء علیه معقود علیه مجهول اولور. تعمیم اولنجه صحیح اولیور.  
 زیرا تعمیم صورتنده بر رکوب ضمننده حاصل اولان مقدار  
 مالکک رضایی حاصل اولوب بناء علیه معقود علیه معلوم اولور  
 رد مختار وطوری.

حتی مجله وجهله استیجار ایلدیکی البسه بی خدمتجیسنه ویا  
 قزینه ویا اجنبی به کیدرسه غصب و تعدی دیمک اولوب تلف اولسه  
 ویا قیمتنه نقصان کلسه ضامن اولور بزازیه. وبر کونا ضرر کلسه  
 بیله اجرت لازم کلز. لانه یکون غاصبا و منافع الغصب غیر مضمونه  
 الا فیما استثنی رد مختار مجله ده کیدره من دنیلدی زیرا مستأجرک  
 اذنی اولماق سزین خدمتجیسی کیسه ده تلف اولسه مستأجره  
 ضمان لازم کلز. ضمان مرقوم خدمتجی به لازم کلور هندیه  
 فی الباب العشرون.

کذا فلان آدم کیمک اوزره استیجار اولنان البسه بشقه سنه  
 کیدریله من. کیدریلویده تلف اولسه ضمان لازم کلور. وبوحالده  
 اجرت لازم کلز. « ۸۶ » ماده یه باق. اما دیلدیکنه کیدیر مک  
 اوزره استیجار ایلدیکی البسه بی دیلرسه کندوسی کیرو دیلرسه  
 بشقه سنه کیدرور. « ۶۴ » ماده یه متناً و شرحاً باق. و هر کیم  
 کیر ایسه مراد تعین ایدوب آدن صکره بشقه سنه کیدریله من.  
 « ۵۵۲ » ماده یه باق هندیه و درر ورد مختار.

وبر قادین شوقدر کون کیمک اوزره البسه استیجار ایتسه  
 ماده آفقه موجبنجه صحیح اولوب مذکور البسه ثوب بذل یعنی

هر کون کيله جك روبا ايسه بتون کون يعنى کوندز اخشامه  
 قدر کيه بيله جكي والبسه ني لابس ايکن او بويه بيله جكي کي کيجه  
 دخی کيه بيلور. اما مذکور البسه استانبولده يا غلقچيلردن استکرا  
 ايدیلان کلين البسه سی کي ثوب صیانت و تجمل يعنى هر وقت  
 کياميوب بلکه حفظ ايديله رک ارده زينت ايجون کيله جك  
 البسه ايسه بتون کوندز ايله کيجه نك اول و آخرنده يعنى  
 اوبقويه يا تجيه قدر و اويقودن قالقديغنده کيه بيلور ايسه ده  
 کيجه اوته سنده کيه مز. و کوندز مذکور ثوب ايله يانوب  
 اويويه مز. بوجه تله ثوب صیانت بتون کيجه کيلوبده اول کيجه  
 فرسوده لشسه ضمان لازم کلور. و فرسوده لشديکي ساعت و وقتده  
 کيان غاصب اوله جنی جهتله او حالده کی اجرت لازم کلز. اول  
 کيجه فرسوده لشمیوبده صباح تخرق ايتسه ضمان لازم کلز.  
 وان صارت مخالفة باللبس کل الليل.

اما علی المعتاد کوندزين کيلمکه فرسوده لشسه ضمان لازم  
 کلز. ماده آفقه شرحنه باق.

کذا ثوب مذکور ايله کوندزين يانيلوب اويونقله فرسوده  
 لشسه ضمان لازم کلور هنديه فی الباب العشرون.

﴿ ۵۳۷ ماده ﴾

[ حلیات ] ک استیجار واستعمالنده کی احکام [ البسه ] نك  
 مارالذکر احکامی [ کیدر ].



مثلاً استعمال ایتک اوزره الماس واینجو استیجاری صحیح  
اولور . شویله که بر قادین کندوسی طافمق اوزره استیجار  
ایلدیکی حلیاتی بشقه سینه طاقاماز . طاقار ایسه ضامن اولور .  
زیرا حلیات استعمالی مستعملینک اختلافیه مختلف اولور .  
وبناء علیه بونده تقید مفید و معتبردر بزازی و هندیه فی الباب  
العشرون .

### ❧ فصل ثالث ❧

( یعنی باب سادسک اوچنجی فصلی )

[ اجاره حیوان حقنهده ] اولوب یکریمی درت مادهینی  
حاوی [ در . ]

❧ ماده ۵۳۸ ❧

[ معین بر حیوانی ] یوک یوکاتمک ویا بنمک ایچون  
[ استکرا ایلیمک صحیح ] و مذکور دابه نیک بعینها مستأجره  
تسلیمی لازم اولوب یرینه بشقه دابه نیک مستأجره اعطاسی غیر  
جائز و حتی مستأجره بشقه حیوان اعطا اولندقدده بو حیوان  
مقود علیه اولمامغله اجرت غیر لازم [ اولدینی کبی بر محل  
بعینه قدر کونورمک اوزره مکاری ایله مقاوله ایتک دخی  
خیجدر ] که اولکی صورتده ۵۳۹ ماده وایکنجی صورته دخی

۵۴۰ ماده تفرع ایدر عبدالحلیم ورد مختار وهندیه. بوراده  
 کوتورمك دنيلمشدر. كرك مستأجری کوتورمك اوزره مقاوله  
 ایتسون و كرك یوكنی کوتورمك اوزره مقاوله ایتسون فرق  
 یوقدر. بو مسئله ده یعنی کوتورمك اوزره بازارلق مسئله سنده  
 معقود علیه غیر معین حیوان دكلدر. لان استیجار ابل بغیر  
 عنیها لایجوز لجهالة المعقود علیه هندیه فی الباب السادس  
 والعشرون.

مستأجر یوكنی نقل ایچون بر حیوان استیجار ایتدكده  
 آجر مستأجر ك یوكيله برابر كندی یوكنی دخی حیوان مأجوره  
 تحمیل ایده مز. فقط ایدوبده محل مقصوده واریلنجه اجرتدن  
 بر شی تنقیص ایديله مز انقروی ورد مختار. یعنی بو خصوص  
 ۵۸۵ ماده ايله قیاس قبول ایتمز.

شرحاً ذكر اولندیی وجهله حیوانك استیجاری ركوب  
 و تحمیل متاع کی نظر شرع وعقلاده مقصود اولان منفعت  
 ایچون اولق لازم اولوب اما ناس كندوسنك آتی واردر ظن  
 ایتسونلر ایچون بر کیمسه نك قیوسی اوکنسه باغلامق اوزره  
 حیوان استیجار ایتسی صحیح اولیوب اجرت لازم اولمز  
 انقروی ورد مختار. ۴۵۵ ماده شرحنه باق.

﴿ ۵۳۹ ماده ﴾

[ فلان محله قدر ] كتمك اوزره [ دیو بر ] معین [ دابه ]

استکراء اولنديني صورده اکر دابه يولده [ وياخود هنوز يوله  
 چيمقدین تلف اولور ايسه اجاره منفسخ اولور هندیه فی الباب  
 التاسع عشر ۴۴۳ ماده شرحنه باقی. وخسته لغله [ بیتاب ]  
 ویاکور [ اولوب قتلور ايسه ] ۵۱۶ ماده مبنی [ مستاجر مخیر  
 اولور. دیلرسه حیوان ] کسب صحت ایله [ طور اتجیه ] یعنی  
 استیجار اولنديني عملی ایفایه کسب اقتدار ایدینه [ قدر بکار  
 و دیلرسه ] بکلمبوب [ اجاره فی نقض ] و حیوان صاحبی برابر  
 ايسه اکا تسلیم [ ایلر. ] بوقسه بشقه حیوان استمهک حتی بوقدر.  
 زیرا عقد اجاره معین اوله رق مذکور حیوان اوزرینه وافع  
 اولمش و دیگر حیوان ايسه معقود علیه اولمامشدر. و حیوان  
 صاحبی برابر اولمامغه مستاجر حیوانی بیتاب قالدینی رده ترکله  
 کندوسی کیدوبده حیوان اوراده تلف اولسه اکر حیوان  
 مشی و حرکتدن بالکلیه عاجز ايسه ضمان لازم گلز اقروی  
 وهندیه. لان فی ضرورة وعذرا تقبیح. لان من شان البعیر  
 ان یمشی الی ان یبقی فیہ رفق من الحیوة فاذا عجز عن المشی  
 یموت فی مقامه جواهر الفتاوی تقول بهجه.

واکر قربنده اولان قریبه کیده جک قدر فی الجمله مشیه  
 قادر ايسه ترک ایلدیکی موضعه کی قیستی ضامن اولور بهجه.  
 تنقیح حامدیده شویله مذکوردر و ان باعها واخذ ثمنها ان کان  
 فی موضع لا یصل الی الحاکم حتی بأمره بیعها فلا ضمان علیه

لافی الدابة ولافی ثمنها وان كان فی موضع بقدر علی ذلك اویستطیع  
ردها الی صاحبها فهو ضامن للقيمة»

[و بو حالده] یعنی حیوان یولده بیتاب قالدینی جهته اجاره  
نقض ایدلیدیکی و یاخود یولده تاف اولدینی صورتده [اورایه  
قدر اولان مسافه نك اجر مسادن حصه سی نه] قدر [ایسه  
آنی] بالحساب مستأجر [آجره ویرو] و بدل اجاره یولك  
شدت و سهولتنه کوره تقسیم ایدیلور.

یعنی مثلا حیوان مأجور نصف طریقده بیتاب قالمغه اجر  
مسالك نصفی لازم کلیوب بلكه قطع ایدیلاں یول ایله قطع  
ایدیله جك اولان یولك شدت و سهولتی نظر اعتباره انه رق آکا  
کوره قطع ایدیلاں یوله اجرتدن حصه افراز ایدیلور. لان رب  
فرسخ کراؤه درهم ورب فرسخ کراؤه درهمان هندیه فی الباب  
التاسع والعشرون. و بو حالده مستأجر اجاره یی فسخ ایتمبوب  
حیوانی سوق ایدهرک راکب اولسه اجر مسالك کلیسی لازم  
کلور. مکرکه اصلا کوبه اقتدار اولیوب سوق مذکور مجرد  
صاحبنه ایصال ایچون اوله. کذا مستأجر مقدار معلوم متاعی  
یوکلتمک اوزره استیجار ایدیدیکی حیوان خسته لثمغه مقدار  
مذکوردن دون یوک یوکلتمسه نام اجرت و بره سی لازم کلور  
در مختار.

ایشته بو ماده وجهله استکرا اولنان حیوان عقد اجارده  
تعیین ایده جکندن بر کیسه یوک ایچون معین حیوانی استیجار

ایدوبده مکاری مذکور یوکی بشقه بر حیوان ایله کوتورسه متبرع اولوب اجرت الهماز هندیه فی الباب السادس والعشرون. فقط فلان محله قدر شو یوکی کوتورمک اوزره معین بر حیوان استکرا اولنوبده حیوان یولده خسته لمغله آجر اول حیواندن دون بر حیوانه یوکلدوب کوتورسه مستاجر راضی اولمش اولغله نقصان مقداری اجرتی توقیف ایده من رد مختار. ۱ — مکاری اوزرینه حیوانک آرقه سی صره کتمک ویا بر آدمی کوندرمک لازم کلز. بلکه حیوان مأجوری مستاجر ه تسلیم ایله اجرت لازم کلور هندیه ورد مختار.

❀ ماده ۵۴۰ ❀

[فلان محله شوقدر یوک کوتورمک اوزره] مکاری ایله [بازارلق اولندیغی] ویاخود ماده آتیه نک فقره ثالثه سی وجهله لاعلی التعین بردابه استکرا ایدلدیکی [صورته] یوکلای [حیوان یولده] ویاخود هنوز یوله چقمندن تلف اولور ایسه اجاره منفیع اولیه جفی کبی [یتاب اولوب قالور ایسه] ینسه اجاره یه خلل کلیوب [بشقه جه حیوانه تحمیل ایله یوکی اول محله قدر کوتورمکه مجبور اولور.] زیرا بو تقدیرده معقود علیه نقل متاع اولوب یوقسه حیوان دکلدر. «۵۳۸» ماده به متا وشرحا باق هندیه واقروی.

﴿ ۵۴۱ ماده ﴾

[ لا علی التعمین بر حیوان استیجاری جائز اولماز . ] یعنی فاسد اولور . زیرا دواب مختلف المنفعة اولدینی جهته معقود علیه نزاعه مؤدی اوله حق صورتده مجهول اولور . کما سر فی شرح المادۃ ۵۳۸ . « ۴۵۱ » مادهیه باق .

[ فقط بعد العقد ] حیوان [ تعین اولوبده مستأجر دخی ] تعین اولکنان حیوانی [ قبول ایدر ایه جائز ] واجاره صحته منقاب [ اولور . ] « ۲۴ » مادهیه باق .

بوراده حیوان تعمیری احترازی دکلدره . زیرا لا علی التعمین بر عینی استیجار دخی جائز اولماز . فقط بعد العقد تعین ایدیلوبده مستأجر دخی قبول ایدر سه جائز اولور هندیه فی الباب الخامس عشر .

[ و برده معتاد اولدینی اوزره لا علی التعمین بر نوعندن بردابه استیجار اولاندقده ] یعنی مکاری حملی تمهد ایتدکده [ جائز ] ومعقود علیه حمل [ و دطابق متعارفه مصروف اولور . ] و بوجه مشروح تمهد ایدیلان شی نقل و حمل خصوصیدر . ولو تکاری الی مکة ابلا مسماة بغیرا عیایها جاز و یجعل المعقود علیه حملا فی ذمة المکاری والابل آلة وجهاتها لا تفسد فاما یفعله الحجاج من الاجارة للحمل او الركوب الی مکة بلا تعین الابل صحیح در مختار .

[مثلاً] عرف و [عادت اولدینی اوزره مکاری ایله فلان  
محلہ قدر بر بارکیر] بازارلق یعنی اولوجهله بارکیر [اسـتیجار  
اولندقدہ] اجاره جائز اولوب [مکاری بروجہ معتاد بر بارکیر  
ایله اول کیسہ بی اورایہ ایصال ایتـمـکـہ بورجلی اولور .] رد  
مختار . مجملہ نک شو ایکنجی فقرہ سی بو وجهله تحریر اولندقدہ  
«۵۳۸» ماده ده بیان اولنان «بر محل معینہ قدر الخ» فقرہ سنیدن  
بشقه بر معنای افاده ایلمز .

متن مجله ده کی «معتاد اولدینی اوزره» قیدیه دخی اکلا -  
شیلہ جنی اوزره بوخصوص معتاد اولمز ایسه بویله بازارلق صحیح  
اولمز بزازه وهندیہ فی الباب السادس والعشرون .

### ﴿ ۵۴۲ ماده ﴾

[اجارده سـنـجاق ولایت کبی] قرا ومحال مختلفه بی  
مشمعل [برقطعه نک اسمیله حد مسافه بی تعیین ایلمک] صحت  
اجارده | کافی دکلده [بلکہ واریله جق یرک تعیین وتخصیصی  
لازمدر . تعیین وتخصیص اولماز ایسه اجاره فاسد اولور .  
[مکرکه اول قطعه نک اسمی بر شهره] یعنی بر محل معینہ [اطلاق  
اولمق اوزره عرف اوله] او حاده صحیح و شهر معروفه  
مضروف اولور . «۴۵» ماده یه باق .

[مثلاً بوسنه یه دک یاخود عربستانه] ویا یمنه ویاخود خوار -  
زمه ویا خراسانه [قدر] کتمک اوزره [دیو] تحدید مسافه



ایدیه رک [ حیوان استکرا ایلمک صحیح اولیوب واريله جق شهر  
یا قصبه یا قریه نك تمینی لازم کلور . ] « ۴۵۱ » ماده یه باق .  
مثالک بو ققرده سی ماده نك فقره اولیسنه و فقره آتیسه سی  
فقره ثانیه سنه مثال اولوب لف و نشر مرتبدر .

[ فقط شام لفظی بر قطعه نك ] یعنی سوریه ولایتک بر  
قطعه معلومه سنك [ اسمی اولدینی حالد شهر دمشقه اطلاق  
اولنق اوزره عرف اولدیغندن شامه قدر دیو حیوان استکرا  
اولنسه صحیح ] و عرف اولدینی اوزره شهر دمشقه مصروف  
[ اولور . ] هندیه فی الباب الخامس عشر .

و بوماده وجهله اجارده سنجاق و ولایت کبی یالکز بر  
قطعه نك اسمیه مسافه سی تعیین اولندقدده بالاده ذکر اولندیغی  
وجهله اجاره فاسد اولور .

شوجهتله او قطعه نك اک یقین محلنه وارلدقدده اجر مسمانی  
تجاوز ایتماک اوزره اجر مثل لازم کلور . زیرا بوبابده اصل  
شو درکه هر موضعه اسم ولایت اوله مستاجر او موضعه  
ادناسنه بالغ اولدقدده مسمانی تجاوز ایتماک اوزره اجر مثل  
لازم کلور بزازیه و هندیه . بوماده بشقه و ماده آتییه بشقه در .

### ❖ ماده ۵۴۳ ❖

[ فلان محله قدر ] کتمک اوزره [ دیو بر حیوان استکرا  
اولنوبده اول محلاک اسمی ایکی ] ویا زیاده موضعه و [ بلده

اطلاق اولئور اولدینی [ حائده بریسی تصریح و تعیین ایدلمدیکی  
[ تقدیرده ] اجاره فاسد اوله جغندن مذکور بلده لردن [ هر  
قغیسنه کیدیلور ایسه اجر مثل لازم کلور . ] « ۴۵۱ و ۴۶۲ »  
ماده لره باقی .

[ مثلاً استانبولدن چکجه یه دك [ شو قدر غموشه ] بر  
حیوان استکرا اولنوبده بیوک یا خود کوچك چکجه دیو  
تصریح قلمدینی تقدیرده ] چکجه لفظی ایکی بلده به اطلاق  
اولندینی جهتله ۴۵۱ و ۴۵۳ و ۴۶۰ ماده لر احکامنجه اجاره  
فاسد اولمغه [ هر قغیسنه کیدیلور ایسه آك مسافه سنه کوره  
اجر مثل و برلك لازم اولور ] یوقسه اجر مسمی لاز اولماز  
بزازیه و هندیه فی الباب السادس والعشرون .

۴۶۲ ماده ده ذکر اولندینی وجهله اجاره نك فسادی بدل  
اجاره نك محمولیتدن طولانی اولیوب دیگر شرائط صحتك بولما-  
مسندن ناشی اولور ایسه اجر مسمانی تجاوز ایتماك اوزره اجر مثل  
لازم کلوب بو حائده بو ماده وجهله اجاره فاسد اولنجه  
مستأجر مثلاً کوچك چکجه یه کتدکده اجر مسمانی تجاوز  
ایتماك اوزره اجر مثل لازم کله چکی کبی بیوک چکجه یه  
کتدکده ینه اجر مسمانی تجاوز ایتماك اوزره اجر مثل لازم  
کلور .

### ﴿ ۵۴۴ ماده ﴾

[ بر بلده یه دك ] رکوب و یا یوک کوتورمك ایچون [ بر

حيوان استكرا اولند قدده مستأجری [ یعنی راکی ویاخود یوکی  
استحسانا [ اول بلده ده کی خانه سینه قدر کوتورمك [ و ساكن  
اولدینی خانه سندن یندرمك [ لازم اولور. ] هندیه و بزازیه.  
وشو حالده مستأجر شو بنم خانادر دیدکدن صکره خطا ایتدم  
شو دکل خانه م بودر دیسه تصدیق اولنماز. و دفعه ثانیه ده خانه  
سینه نقل ایتدیره مز.

كذلك بر کیمسه فلان قصبه بدن فلان بلده کیدوب كلك  
اوزره بر حیوان استكرا ایتدکده مکاری کیدیشنده اول بلده.  
ده کی خانه سینه قدر کوتورمك مجبور اولدینی کی کلشنده دخی  
اول قصبه ده کی خانه سینه قدر کتورر.

شو قدر وارکه بر کیمسه بر محله قدر کیدوب كلك اوزره  
حيوانك بولندینی موضعدن بر حیوان استكرا ایتدکده اول  
کیمسه دونشده اول موضعه قدر راکباً کله بیله لور. خانه مه  
واریرم دیه مز هندیه فی الباب السادس والعشرون.

### ﴿ ۵۴۵ ماده ﴾

[ بر محل معینه دك حیوان استیجار ایدن کیمسه ] كرك  
یاكز اول محله واروق ایچون استیجار ایتش اولسون و كرك  
واروب كلك اوزره استیجار ایتش اولسون [ مکارینك اذنی  
اولدقچه ] اول حیوان ایله [ اول محلی تجاوز ایده مز. ] چونکه  
اجاره اول محل معینه قدر کتمك منفعتی ایچون منفق اولدی.

[ و ] مكارينك اذنى اواقمزين اول حيوان ايله اول محلى  
 [ تجاوز ايتدكده ] كرك راكب اولديغى حالده تجاوز ايتسون  
 وكرك راكب اولميهرق تجاوز ايتسون غاصب اوله جنى جهته  
 [ صاغ وسالم صاحبه تسليم ايدنجيهدهك اول حيوان مستأجر ك  
 ضمانده اولوب كرك ذهابنده وكرك اياينده ] يعنى رجوعنده.  
 [ تاف اولسه ] اول محله قدركى اجر مساسيله برابر [ ضمان  
 لازم كلور. ] وتجاوز ايتريكى مسافه ايچون اجرت لازم كلز.  
 « ۸۶ » مادهيه متناً وشرحاً باقى رد مختار وهنديه .

وتجاوز ايتدكن صكره اول محل معينه صاغ وسالم اولهرق  
 معاودته ضماندن قورتيله مز . بو صورتده ضمان لازم كلى ،  
 بعض علما يلكز اول محل معينه كتمك اوزره استيجار ايدوب  
 بوقسه كيدوب كلك اوزره استيجار ايلمديكى تقديرده اولديغى  
 بيان ايلمشاردر . بو تقديرده سبب ضمان شودر كه مستأجر اول  
 محل معينه وصول ايله عقد منتهى يعنى رسیده ختام اولوب  
 آندنصكره آنى تجاوز ايدوب بعده اول محله عودتى سبيله  
 مالكك نائى اولان مستأجر ك يدينه مأجور رد ايدلمش اولماز . اما  
 كيدوب كلك اوزره استيجار ايدوب محل معينى تجاوز ايتدكن  
 صكره ينه اول محله عودت ايدوب بعده تاف اولسه ضمان لازم  
 كلز . زيرا بونقديرده مستأجر اول محله عودت ايتمليه مأجورى  
 معنى مالكك نائى اولان كندى يدينه رد ايلمش اولور فانه  
 لما كان مودعا معنى فهو نائب المالك والرد الى نائب المالك وه

الى المالك معنى فيكون بمنزلة المودع اذا خالف ثم عاد الى الوفاق  
هدايه وعنايه. وديكر بعض علما ايسه مطلقا ضمان لازم كله جكته  
قائل اولمشدر . يعنى كرك يالكز كتمك اوزره استيجار ايلمش  
اولمون وكرك كيدوب كلك اوزره استيجار ايلمش اولسون.  
والفرق ان المودع مأمور بالحفظ مقصودا فبقى الامر بالحفظ  
بعد العود الى الوفاق فحمل الرد الى يد نائب المالك اى المودع  
نفسه وفي الاجارة والعارية يصير الحفظ مأمورا به تبعالا لاستعمال  
لا مقصودا فاذا انقطع الاستعمال لم يبق هو نائبا فلا يبرأ بالمود  
وهذا اصح هدايه . قوله وفي الاجارة والاعارة يصير الحفظ  
مأمورا به تبعالا لاستعمال يريد به ان المالك ما امر المستأجر  
والمستعير بالحفظ قصدا ونصا وانما امرها بالاستعمال والانتفاع  
فكان لهما ولاية الحفظ ضرورة الانتفاع فاذا جاوز الحيرة اى  
الحل الذى استأجرها اليه صارغا صبا للادابة ودخلت فى ضمانه  
والغاصب لا يبرأ عن الضمان الا بالرد على المالك او على من هو  
مأمور بالحفظ من جهة المالك ولم يوجد فان قيل لا كذلك  
فان غاصب الغاصب اذا رد المقصوب على الغاصب فانه يبرأ وان  
لم يوجد الرد الى احد هذين قلنا يزيد فى المأخوذ او على من  
يؤخذ منه فبسبب الضمان يرتفع بالرد عليه وقد طعن عيسى  
رحمه الله تعالى فقال يد المستأجر كيد المالك بدليل انه يرجع بما  
لحقه على المالك بخلاف المستعير وبدليل ان مؤنة الرد على المالك  
فى الاجارة دون العارية ولكننا نقول رجوعه بالضمان للفرور

التمسك بسبب عقد المعاوضة وذلك لا يدل على ان يده ليست  
بيد نفسه كالمشترى يرجع بضمان الغرور وكذلك مؤنة الرد على  
المالك لما فيه من المنفعة بالنقل فاما يد المستاجر يد نفسه كفايه.  
بالاده تفصيل اولنان ايكي قولدن قنغيسي اختيار اولنديغنه  
دائر مجلهده صراحت يوغيسهده مطلق اولهرق ذكر اولمسيه  
ايكنمجي قول قبول اولنديغنه استبدال اولنه بيلوركه ذاتا هدايه  
ودر مختار صاحبلى دخی اصح اولان بو قول ثانی ايدوكنی  
ذكر ايلمشلردر .

فقط حيوان تلف اوليوب صاغوسالم اولديغني حالده صاحبنه  
تسليم اولندقدده يالكز اجر مسمى لازم كلوب اجر زياده اجرت  
طلب ايدهمز. زیرا مستأجر معقود عليها اولان منفعتي استيفا  
ايتمش اولور. ۵۹۶ ماده يه باق .

مثلا بر كيمسه التي ساعتك اولان فلان محله كتمك اوزره  
بر حيوان استكرا ايتسدكده اول محلي ايكي ساعت تجاوز ايله  
سكز ساعتك يره كيتسه اجر مسمى لازم كلوب التي ساعتدن  
رياده اولان ابكي ساعتده غاصب اولور فيضييه وبزازيه . نته كيم  
بر كيمسه فلان محله بغدادى بوكى كوتوروبده دوزر ايكن مذكور  
حيوان اوزرينه صاحبك اذنى اولمقسزین طوز يوكتمكله حيوان  
تلف اولسه ضامن اولور هندية فى الباب التاسع والعشرون.

﴿ ۵۹۶ ماده ﴾

[ بر محل معينه كتمك اوزره ديو دابه استكرا اولندقدده ]

مستأجر اول حیوان ایله [ محل مذکوره کتیمکه مجبور اولوب  
هیچ بر بره کتیمه رلک خانه سنده امساك ابدیه چکی کبی [ یشقه  
محله ] دخی [ کیده من . ] ولوکه بو محل حین عقد اجارده  
تسمیه قلنان محلدن قریب اولسون هنده فی الباب التاسع  
والعشرون . [ ۱ ] بناء علیه اول حیوان ایله یشقه محله [ کیدوبده  
حیوان تلف اولسه ] غصب دیمک اولمقله مستأجر اول حیوانک  
قیمتی [ ضامن اولور . ] لاه صار غصافا لاختلاف الطرق  
الی المكان فکان بمنزلة اختلاف الجنس ولا اجرة علیه لما قلنا  
شای و حیوان کرک تلف اولسون و کرک اولسون اجرت لازم  
کمز . مکر که حیوان ۵۹۶ ماده قیلاندن اوله . ۸۶ ماده  
باق .

[ مثلاً ] ر کیمسه [ تکفور طاغنه کتیمک اوزره استیجار  
ایستدکی حیوان ایله اسلمیه یه ] و باخود کوچک چکمجه یه  
[ کیمسه و ] اول [ حیوان تلف اولسه ] اول کیمسه یه [ ضمان  
لازم کدور . ] و غصب منافع قیلاندن اولمقله بر وجه بالا اجرت  
لازم کمز . لان رب طریق یفسد الدابة السیر فیها يوماً لصعوبتها  
وطریق لا یفسد الدابة فیها شهراً لسهولتها فاختلف جنس  
المنفعة فاستوفی جنس آخر فلا یجب الاجر طوری .

کذا بر کیمسه بر قصبه دن او قصبه نک خارجنده واقع  
فلان محله کتیمک اوزره استکرا ابدیه کی حیوان ایله اول محله



کتیوب داخل قصبه بر موضعه کتسه ده حیوان تلف اولسه  
ضمان لازم کلور بزازه و هندیه .

شرح ذکر اولندی و جهله بر کتسه فلان عمه کتسه  
اوزوه استکرا ایله بی حیوان ایله اوزیه کتیوب خانه سنده  
امساک ایستدکه اجرت لازم کیله چکی کی حیوان خانه سنده  
تلف اولدقد ضمان لازم کله چکی عمادیده مذکور بولمیشدر  
بحر . طالبو که ایسه استیجارنده اجرت لازم کلدیکی ۵۳۵  
ماده ده صرح اولغله فرق بولمیش ایجاب ایدر هندیه فی الباب  
التاسع والعشرون .

نته کیم بر کتسه فلان عمه بو کون کتیوب پنه بو کون  
کک اوزوه یکر می ضررش اجرتله بر حیوان استیجار ایدوب  
محل مذکوره کتدیکی حالده اول کون کسه یالکز نصف مسمی  
لازم کلور . و کتسه مخالفی جهتیه غاصب اولغله ۵۹۶ ماده یه  
مبنی اجرتک نصف دیگر می لازم کلز هندیه فی الباب السادس  
والعشرون .

بر کتسه بو کون داخل قصبه فلان عمه کتسه اوزوه  
بر حیوان استکرا ایدوبده مذکور حیوان ایله بو کون قصبه  
خارجنه چقدینی حالده بو کون مذکور حیوانی درون قصبه یه  
تقل ایسه ضماندن بری اولور دیو هندیه ده ضرر ایستدده بو  
بیان ۵۴۵ ماده ده شرح بیان اولنان قول اوله میخیدر بو خسه  
علی الاطلاق میدر تحریریه محتاجدر .

﴿ ۵۴۷ ماده ﴾

[بر محل معینه] کتمک اوزره [دیو حیوان استیجار اولوبده  
اورایه کیدن یولار متعدد اولسه] یول تعیین ایدلمدیکی تقدیرده  
[مستأجر ناسک سلوک ابتدایی] یعنی هر کسک کیتدیکی  
[یولاردن هر قنغیسیله استرسه اورایه کیده یلور.] بو صورتده  
مذکور یولاردن بریسیله کیدوبده حیوان تلف اولسه مستأجره  
ضمان لازم کلز ۹۱ مادهیه باقی. قال فی البحر لو لم یمین لا  
ضمان انتهى یعنی بونده ایکی احتمال اولوب برنجیسی یولک تعیین  
ایدللمسیدر ایکنجیسی یولک تعیین ایدللمسیدر برنجیسی فقره  
آفدهده بیان اولندیکی کی ایکنجیسی دخی فقره آیه ایله بیان  
اولنیور. شرحا اورایه کیده یلور دنیلیدی. زیرا محل معین  
مذکورده بشقه یره کیده میز. نه کیم ماده آفدهده ذکر اولندی.  
[وحیوان صاحبی] متعدد یولاردن مستأجره [کیده جک  
یولی تعیین اتمشیکن مستأجر بشقه یولدن کیدوبده حیوان تلف  
اولدیگی صورتده اگر یولار تفاوت ایسه یعنی بو یول حیوان  
صاحبنک تعیین ایللمش اولدیگی یولدن دها طولاشق] ومسافهلی  
[یا صرب] وقورقونجلی [ایسه] تعیین طریق صحیح اولوب  
بناء علیه مخالفتله [ضمان لازم کلور.] زیرا بو صورتده  
طریق تعیین اتمک مفیددر لانه یصیر مخالفا غاصبا بسلوکه شلی.  
یولارک تفاوتی اوج وجهله اولور. برنجیسی بو بشقه یول

ابعد اولمقله ايكنجيسى اخوف بولمقله اوچنجيسى اعسر اولمقله  
اولور كذا فى الضايه وقال فى الكفاية والتفاسوت هوان يكون  
الطريق الذى اخذ فيه بالسلوك او عر او ابعد او اخوف ثم  
هلك المتاع يضمن انتهى .

مجلده تلف اولدينى صورته دنيلى . زیرا بو صورته  
حيوان تلف اوليوب منزل مقصوده سالماً وارثه يالكز اجر  
مسمى لازم كلور عيى وزاويه ورد مختار . چونكه جنس  
طريق واحد اولوب مخالفت حكى آجق اثر تفاوت  
اولان هلاك ظهوريه ظاهر اولور . حيوان سالماً صاحبه  
تسليم اولسدقه تفاوت معنا اوليوب يلكز صورة اولمقله  
اجر مسمى لازم كلدى .

فاذا خالف حينئذ نقد تعدى فيضمن قيمته ان هلك وان  
لم يهلك وباع فله الاجر استحقاقاً لارتفاع الخلاف ولا يلزم  
اجتماع الضمان والاجرة لانهما فى حالتين ونظيره العبد المحجور  
عليه اذا اجر نفسه فان تلف فى العمل يجب على المستأجر  
الضمان وان سلم يجب عليه الاجر فان قلت ما الفرق بين هذا  
حيث اذا سلم يجب الاجر وبين ما اذا استأجر دابة لركوب  
معين فان ركب غيره وسامت حيث لا اجر عليه قلت الفرق  
انه هنا وافق من وجهه لان المقصود وصول المتاع الى ذلك  
المكان وهناك لم يحصل المقصود لان المقصود ركوب المعين ولم  
يحصل طورى .

[ واکر ] بو یول حیوان صاحبك تعیین ایلدیکی یوله  
 [ مساوی یاخود دها اهون ایسه ] تعیین طریق مفید اولماغله  
 صحیح اولیوب بناءً علیه [ ضمان لازم گلز . ] هندیه  
 بوراده حیوان تعمیری احترازی دکلدر. زیرا بر محل معینه  
 یوکی کوتورمك اوزره حال استیجار اولندقدده اورایه کیدن  
 یولار متعدد اولسه حال ناسك سلوك ایتدیکی یولاردن هر  
 قغیسندن استر ایسه کیده یلور. اما مال صاحبی کیده جکی یولی  
 تعیین ایتشیکن حال بشقه یولدن کیدوبده یوك تلف اولدیغی  
 صورتده اگر بو یول مال صاحبك تعیین ایلدیکی یولدن  
 طولاشق ویا صرب ویاخود اوزون و مخوف ایسه ضمان لازم  
 کلور. واکر اکا مساوی ویا دها اهون ایسه ضمان لازم گلز .  
 اما یوك تلف اولیوب محل معینه سالماً تسلیم ایلدکده هر  
 حالده اجر مسمی لازم کلور رد مختار و عبدالحلیم.

﴿ ۵۴۸ ماده ﴾

[ مستاجر شوقدر مدت ایچون استیجار ایلدیکی حیوانی ]  
 اول مدتک ختامیله اجاره منقضى اوله جنهـ دن [ اول مدتدن  
 زیاده ] مدت [ استعمان ایده مز . ] حق برکیمسه فلان کویه بو  
 کون کیدوب ینسه بوکون کلك اوزره استیجار ایلدیکی حیوان  
 ایله اول کویه بوکون کیدوب فرداسی کون کلسه حکم اجاره دن  
 طولای یالکز کتمک ایچون نصف اجرت لازم کلور . نته کیم

« ۵۴۶ » ماده شرحنده دخی بیان ایدلدی . [ و ] اول مدتدن زیاده استعمال [ ایدوبنده یدنده حیوان تلف اولسه ] غصب دیمك اوله جفندن [ ضامن اولور . ] وهر حالده یعنی تلف اولسه ده اولسه ده زیاده مدت استعمالی ایچون اجرت لازم اولماز . « ۵۴۷ » ماده به باقی . مگرکه حیوان مأجور « ۵۴۶ » ماده قیبلدن اوله انقروی .

بوماده ۵۹۱ و ۵۹۲ ماده لرك فرعبدر انقروی .

نته کیم بر کیمسه سکز دونم ترلا سورمك اوزره استیجار ایدلیکی اوکوز ایله اون ایکی دونم ترلا سوروب حیوان تلف اولسه قیمتك کلیسنی ضامن اولور بزازیه .

کذا اون کیله بغدادی طحن ایدلك اوزره استیجار ایدیلاں اوکوز ایله اون بر کیله بغدادی طحن ایدیلوبده حیوان تلف اولسه ضامن اولور . لان الطحن یكون شیاً فشیاً فلما طحن عشرة انتهى العقد فبعد ذلك هو فی طحن الحادی عشر مخالف من کل وجه فیضمن جمیع قیمتها . ایشته بو مسئله ایله ۵۵۹ ماده شرحنده بیان اولنان قدردده مخالفت مسئله سی بیننده فرق واردر . زیرا حمل دفعه واحده ایله اولوب بعض محمول مأذون فیه اولمغله آنده ضمان لازم یکنز هندیه فی الباب التاسع والعشرون .

﴿ ۵۴۹ ماده ﴾

[ فلان آدم بینمك اوزره ] یعنی بووجهله تخصیص ایدیله-

رك [ دابه استكراسى صحيح ] و تخصيص معتبر [ اولديغى كې ]  
مستأجر [ ديلديكىنى بىنديرمك اوزره ] ديو [ تعمىماً استكراسى  
دخى صحيدر . ] ۴۵۳ ماده يه باق .

بوماده نك تفصيلى شودر كه مستأجر دابه نى استيجار ايدى .  
جك اولدقده بونده اوچ صورت وار در . ۱ . يا « بينمك  
اوزره » ۲ يا خود « فلان آدم بينمك اوزره » ۳ يا خود  
« ديلديكىنى بىنديرمك اوزره » ديو استيجار ايدر .

صورت اوليده اجاره قائم اولور . لان الركوب مختلف  
اختلافا فاحشا طورى فصار الركوبان من شخصين كالجنسين  
فيكون المقود عليه مجهولا فلا يصح العقد شاي . نتهكم ۵۵۳  
ماده ده بيان اولور . و صورت ثانيه و نالته ده صحيح اولور كه  
بوماده دن مقصد بوايكى صورته ده يعنى صورت ثانيه و نالته ده  
دخى اجاره نك جوازي بيايدر . فاذا قال تركب من شئت صح  
العقد وان لم يسم شخصا بعينه لانا انما منعنا من صحته لما لحق  
المالك الضرر الذى يحصل فى بعض الركوب فاذا رضى به صار  
المقود عليه معلوما فجاز كفى الارض اذا قال على ان يزرع فيها  
ما شاء ثم اذا فسدت الاجارة فى اطلاق الركوب واستعملها  
قبل الفسخ تيمين اول الراكب وكذا فى الثوب ونحوه شاي .  
اما مذكور ايكى صورت دن صورت ثانيه نك حكى « ۵۵۱ » ماده .  
ده و صورت نالته نك حكى دخى « ۵۵۲ » ماده ده بيان اولمشدر  
هنديه ورد مختار .

﴿ ۵۵۰ ماده ﴾

[ ركوب ايجون استكرا اولنان حيوانه ينلميويده يوك  
يوكديله مز . ] مطلق اوله رق ذكرندن ا كلاشيلوركه يوك كرك  
راكب اوله جق آدم نقاتنده بولسون كرك آدن زياده يانقصان  
اولسون حكم بردركه خاليه ده دخی و حتی لوحمل عليها صديا  
صغیرا فعطبت الدابة كان المستأجر ضامنا قيمتها كما لو حمل مكان  
الصبي حملا آخر ، دينلمشدر .

مثلا برکیمسه کوچك چکمیجهیه قدر بنك اوزره استكرا  
ایلدیکی حیوانه يوك يوكديلو بده محل مذکورده قدر کوتوره مز .  
[ و ] بناءً عليه [ يوكديلو بده حیوان تلف اولسه غصب  
حکمنده اولمغله ] ضمان لازم کلور . لکن بوحالده [ یعنی ركوب  
ايجون استكرا اولنان حیوانه يوك يوكدلديکی حالده حیوان تلف  
اولسه ده اولسه ده ] اجرت لازم اولماز . [ لان الاجر والضمنان  
لا يجتمعان طورى . ] [ ۸۶ ماده ] ایله ۵۹۶ ماده [ یه باق ] .  
اما يوك يوكلتكم اوزره استیجار ایديلان حیوانه ركوب اولنه  
بیلور . نته کیم ۵۵۸ ماده ده بیان اولنور . و ركوب ایتدکدن  
صکره آراق يوك يوكديله مز یزایه وانقروى .  
بوماده ۴۲۶ ماده نك فرعیدر .

اما ركوب ايجون استكرا اولنان حیوانه هم ركوب وهمده  
ركوب ایله برابر تحمیل متاع اولنه میه جفی آتی ۵۵۱ ماده



لاحقه سنده بیان اولنور . شو قدرکه بر کیمسه بر محلدن خانه سنده بغدادی نقل ایتک اوزره بر کونلک اوله رق استکرا ایلدیکی حیوان ایله خانه یه یوک کوتور ویده حیوانی ینه یوک محله نقل ایدرکن معتاد ایسه مذکور حیوانه بینه بیلور و بو حالدله تلف اولسه ضمان لازم کلز . ۹۱ ماده یه باق . اما معتاد دکل ایسه بینه مز . و بو صورتده ینوبده تلف ضمان لازم کلور . ۳۶ ماده یه باق . فقهه ابواللیث رحمه الله تعالی لینک مختاری ایشته بودر هندیه فی الباب التاسع والعشرون و بزازیه ورد مختار .

❖ ۵۵۱ ماده ❖

[ فلان آدم بئک اوزره ] دیو ۵۴۹ ماده وجهله [ استکرا اولنان حیوانه بشقه سی ارکاب ] و یا او حیوان بشقه سنده اعاره و ایداع [ اولنه ماز ] یعنی بر کیمسه بن بینه جکم دیو استکرا ایلدیکی حیوانه کندوسی بینمیوب بشقه بر شخصی ارکاب ایده مز . ولوکه بوشخص چوجق و کندوسه ندن خفیف اولسون هندیه . لان الناس تیفاوتون فی الركوب فصیح التعمین و لیس ان یتعداه و كذلك کل ما یختلف باختلاف المستعمل هدايه .

کذا بر کیمسه فلان کمنه بی بیندیره جکم دیو استکرا ایلدیکی حیوانه دیگر بر شخصی ارکاب ایده مز . ۴۲۷ ماده یه باق . اما بر کیمسه کندی بوکنی یوکلتمک اوزره استیجار ایلدیکی

حيوانه بشقه سنك يوكنى يوكلته بيله جكي ۴۲۶ ماده شر حنده بيان اولمشيدى . [و] بناء عليه بشقه سى [اركاب] ويا بشقه سنه اعاره ويا ايداع [ اولنوبده حيوان تلف اولسه ] تعدى ايتمش اوله جغندن [ ضمان لازم كلور . ] لان التقييد مفيد لتفـاوت الناس فى الركوب اى فى العلم بالركوب قرب خفيف يكون ركوبه اضر على الداية لجهله ورب ثقیل لا يضر ركوبه بالدایة لعلمه فيعتبر فاذا خالف صار متعد يا فيضمن زيلى وشلى .

حتى بر كيمسه مثلا بن يينه جكم ديو استيجار ايلديكى حيوانه بشقه سنى اركاب ايتد كدن صكره آى اينديرو بده كندوسى بنده ضماندن قورتيله مز هندية .

خلاصه بشقه سى اركاب اولندينى تقديرده اول حيوان مستأجر طرفدن غصب ايدلمش حكمنده اولوب بناء عليه تلف اولدقده ۸۹۱ ماده موجبجه ضمان لازم كلور . لكن بو حوالده تلف اولسه ده اولسه ده اجرت لازم اولماز . ۸۶ ماده يه باقى . مكره ۵۹۶ ماده قيبلىندن اوله عبدالحليم ورد مختار . وفى الحاله نوت ليس له ان يقد فيه القصار والحداد والطحان ولو اقعده صار مخالفا واتضمن قيمته اذا عطب وان سلم تجب عليه الاجرة لانه لما سلم تبين انه لم يخالف وانه ممالا يوهن الدار ولا بشبه الدابة والثوب شلى .

كذلك بر كيمسه كندوسى بنك اوزره استكرا ايلديكى حيوانى محافظه ايتك انجون طوتدينى اجيره ويرو بده ينده

تلف اولسه اول کیمسه یه ضمان لازم کلور هندیه فی الباب التاسع والعشرون .

کذلک بر کیمسه کندوسی بنک اوزره استیجار ایلدیکی حیوانلک اکری اوزرینه اجنبی بی ارکاب ایدوبده کندوسی ردیف اولسه یعنی ترکنه بنسوده حیوان تلف اولسه صاحب بحرك غایة الیساندن نقلنه کوره کل قیمتی ضامن اولور. ایکسینی قالدیرمغه حیوان کړک متحمل بولنسون کړک بولنسون . زیرا مستأجر حیواندن کندی یدینی رفع ایدوب ید غیره ایقاع ایتدیکندن غاصب اولور رد مختار وقل الحدادی لو جعل المستأجر نفسه رد یفا وغیره اصلاً فالحكم واحد یعنی ضمن النصف کما فی المسائل الآتیه طوری تبغیر ما

### « لاحقہ »

( اردافه دأثر مسائل بیاننده در )

بو ماده ده بشقه سنک ارکاب اولنه میه جفی مصرح اولدینی کی ارداف دخی اولنه ماز شویله که:

بر کیمسه مثلاً کندوسی بنک اوزره استکرا ایلدیکی حیوانه کندوسی را کب اولدینی مثللو دیکرینی دخی ارداف ایتدکه یعنی آرقه طرفه دیکر شخصی بیندیردکه حیوان ایکسینیده قالدیرمغه متحمل اولقله برابر آندن طولانی تلف اولمینجه

بالکثر اجر مسمى لازم کلور ایسه ده آندنطولابی حیوان تلف اولدقدده نظر اولنور : او شخص بیوک آدم ویا کندولکنندن حیوان اوزرنده طوره جق و حیوانی قولالنه بيله جک قدر بیوک چوجق ایسه اول کیمسه اول حیوانک نصف قیمتتی ضامن اولور . کرك كل مدته ارداف ایتسون وکرك بعض مدته طورى . بو تقدیرده اول کیمسه ایله او شخصک خفت وثقلنه باقیماز . زیرا بو تقدیرده بر یسنگ رکوبی مأذون فیه و دیگرینک رکوبی غیر مأذون فیه اولغنه نصف قیمت لازم کلور . بونده نقله اعتبار اولمادی . چونکه خفیف و فقط عجمی بر آدمک رکوبيله آت تلف اوله بیلوب بالعکس ثقیل بر آدم بنیجیلکسده معلومات اولدقدده آت خفیف اولور . ولان الادمی غیر موزون فلا یمن معرفته بالوزن فتملق الحکم بالعدد طورى .

لعمد الجنايات فى الجنایات حتى اذا جرح رجل جراحة واحدة والاخر عشر جراحات خطاء فمات فالدية بينهما انصافا لانه ربما يكون جراحة واحدة اكثر تأثيرا من عشر جراحات فکذلك سقط اعتبار الثقل لما ذکر واعتبر عدد الراكب کفایه فان قيل یبغى ان یضمن کل القيمة لانه کما لو استاجر هالیرکها بنفسه وفى مثله لو اربک غیره یجب علیه ضمان کل القيمة وههنا وجدار کاب الفیر مع رکوب نفسه فرکوبه بنفسه ان لم یوجب علیه زیادة ضمان على ضمان الارکاب یبغى ان لا یوجب نقصان ضمان نفسه وکذا یبغى ان لا یجب علیه الاجر لان الاجر مع

الضمان لا يجتمعان وههنا يجب عليه نصف الضمان فينبغي ان لا يجب عليه نصف الاجر قلنا انما يتنفي الاجر عند وجود الضمان اذا ملكه بالضمان بطريق الغصب لانه لا اجر في ملكه وههنا لم يملك به هذا الضمان شيء مما شغله بركوب نفسه وجميع المسمى بمقابلة ذلك وانما يضمن ماشغله غيره ولا اجر بمقابلة ذلك ليسقط عنه لما بنينا ان الضرر في الدابة ليس من قبيل ثقل الراكب وخفته فلهذا توزع الضمان نصفين وهذا هو الجواب عما سأل بقوله فان قيل قد تقرر عليه ضمان نصف القيمة وقد ملك نصف الدابة من حين ضمن فينبغي ان لا يلزمه نصف الاجر والجواب ان قوله وفي مثله لو اركب غيره يجب عليه ضمان كل القيمة انه اذا اركب غيره فهو مخالف في الكل واذا ركب بنفسه فهو موافق فيما شغله بنفسه مخالف فيما شغله بغيره شلبي.

واو شخص حيوان اوزرنده كندول كندن طورده ميه حق قدر صغير وياخود ارقه طرفدن يوكلنان شيء متاع ايسه يالكنز آغراق مقدرى ضامن اولور . يعنى اهل خبره دن سؤال ايديلوب اول صغير ويا متاع حيوانه نقدر آغراق ويرديكى اخبار اولنور ايسه مذكور حيوانك او نسبتده كى قيمتى ضامن اولور. وهذا اذا لم يركب موضع الحمل لانه حينئذ يضمن كل القيمة هندية .

اما اول حيوانك ايكسىنى قالديرمغه تحملى اولمينجيه اول كيمسه حيوانك جميع قيمتى ضامن اولور. رديفك ثقلت وخفته

باقیلمز هندیه و بزازیه و انقروی ورد مختار لانه تعمدا اتلا فها  
ولا اجر علیه شلی لکن بر کیمسه مثلا کندوسی بنک اوزره  
استکرا ایلدیکی حیوانه کندوسی بنوب آخر برینی دخی اوموزینه  
الدقده حیوان تلف اولسه جمیع قیمتی ضامن اولور. ولو که  
حیوان ایکس-نیده قالدیرمغه متحمل بوله. زیرا یوک و آغراق  
محل واحدده اجتماع ایتدیکی جهتیه حیوانه اشق یعنی آغرو مشقتلی  
اولور. و حیوان تلف اولدینی تقدیرده یالکز اجر مسمی لازم  
کلور رد مختار. فقط بو مسألهده حیوانک تلف اولسی محل  
مقصوده وارلدقدن صکره وقوعبولور ایسه تضمین قیمت ایله  
برابر اجر مسمی لازم کلور. زیرا منفعت معقود علیهای مع  
زیاده استیفا ایلمشدر. فان الركوب لا یختلف بان یردف معه  
غیره اولایردف کفایه بونقدیرده اجرت ایله ضمان فصل اجتماع  
ایدیور دنیله من. چونکه اجرتک لزومی کندوسی راکب  
اولدیعندن طولایی اولدینی کی ضمانک لزومی دخی بشقه سنک  
رکوبندن طولایی بولمغله اجرت ایله ضمان اجتماع ایتمز. ۸۶۰  
مادهیه متنا و شرحا باق رد مختار. فان قیل الاجر مع الضمان  
لا یجتمعان وقد وجب علیه ضمان النصف فکان ینبغی ان لا یجب  
عیه نصف الاجر قلنا انما ینبغی الاجر عنه عند وجوب الضمان  
لانه ملکه بالضمان بطریق الغصب ولا اجر علیه فی ملکه وههنا  
لا یملک شیئا بهذا الضمان مما شغله برکوب نفسه و جمیع المسمی

بمقابله ذلك وانما يضمن ماشغله برکوب الغير ولا اجر بمقابله ذلك ليسقط عنه كفايه .

ومذكور مسئلته مالک را کبه يعنى مستأجره تضمين ايتديرر ايسه را کب رديفه يعنى اول شيخصه رجوع ايدمهز . مستاجر اكان الرديف او مستعيرا كفايه . زیرا مستاجر ضمان ايله حيوانه استناد طريقه مالک اولديغندن رديفك ركوبى مالکك اذنيه اولمش اولور . ورديفه تضمين ايتديرر دده نظر اولنور . رديف اکر را کبدن استيجار ايتمش ايسه اکا رجوع ايدر . ۶۵۸ مادهيه باق . واکر استعاره ايتمش ايسه رجوع ايدمهز . زیرا هر قدر بؤ صورته تفرير وار ايسه ده تفرير مذكور عقد معاوضه ضمانده اولمدينى کي آلتان آلتايان ايجون صفت سلاقي ضامن اولمامشدر . نته کيم ۶۵۸ ماده شرحنده ايضاح اولنور شرنبالى ورد مختار وطورى هذا اذا اردفه حتى صار الاجنبى كالتابع له فاما اذا اقعده فى السرج صار غاصبا ولم يجب عليه شئ من الاجر لانه رفع يده عن الدابة ووقعه فى يد متعدية فصار ضامنا والاجر لا يجامع الضمان شلى .

و کذا بر کيمسه مثلا کندوسى بنک اوزره بر حيوانى استکرا ايلديکي زمانده لابس اولدينى البسه دن زياده البسه کيدکده نظر اولنور . عادة ناسک کيميه چکي البسه يني کي وبده تلف اولسه ضامن اولور . اما عادة ناسک کيه چکي البسه يني کي وبده تلف اولسه ضامن اولماز . ۳۶۰ مادهيه باق رد مختار .



﴿ ۵۵۲ ماده ﴾

[ بر کیمسه دیلیدیکی بندیرمک اوزره ] یعنی بو وجهله  
 تعمیم ایدیلهرک [ استکرا ایلدیکی دابهیه دیلرسه کندوسی راکب  
 اولور و دیلرسه ] اعاره ویا اجاره طریقله [ بشقه سی ارکاب ]  
 و دیلرسه بشقه سنه ایداع [ ایدر . ] ۳۴ مادهیه باق . شرحا ذکر  
 اولندیغی اوزره مجله ده کی دیلیدیکی بندیرمک اوزره عباره سنن  
 مقصود تعمیم ایله یعنی تعمیم اوزرینه نص ایدیلهرک اولان  
 اجاره در . زیرا مطلقاً بئک اوزره یعنی دیلیدیکی بندیرمک اوزره  
 دیو تعمیم ایدلمک سزین اجاره فاسد اولور . لانه مما یختلف  
 اختلافاً فاحشاً فان قال علی ان ترکب من شئت صح العقد وان  
 لم یسم شخصاً بمینه لانه رضی به کفایه لکن بر کیمسه بو وجهله  
 دیلیدیکی بندیرمک اوزره استکرا ایلدیکی حیوانه آغیر بر  
 قادینی بندیرمکله تاف اولسه نظر اولنور . اول حیوانک آنی  
 قالدیرمه اقتداری یوغیسه حیوانک جمیع قیمتی ضامن اولور  
 لانه یکون اتلاف لا حملاً اما اقتداری وار ایسه ضامن اولماز .  
 لان اسم الانسان یناولها واجر مسمی لازم کلور هندیه .

[ فقط ] بو صورتده اول کیمسه [ کرک کندوسی بنسون  
 و کرک بشقه سی بندیرسون هر کیم ] وقتی شخص [ راکب  
 اولور ایسه مراد تعین و تخصص ایدوب ] وقت عقدده او  
 شخصک رکوبی تخصیص و تنصیص ایدلمش حکمنده اولغله ماده

آنفہ نك حكمی جاری اولوب بناء علیہ [ آدن صکرہ بشقہ سی  
ارکاب اولنه ماز . ] طوری حتی بو صورتده اولا مستأجر  
ببند کدن صکرہ بشقہ سنی ببندیرسه ویا اولا بشقہ سنی ببندیرد کدن  
صکرہ مستأجر ببندیرسه حیوان تلف اولسه ضامن اولور. ماده  
آنفده اولدینی کبی هندیه .

❖ ماده ۵۵۳ ❖

[ رکوب ایچون بر حیوان استکرا اولنوبده کیمک ببندیرجکی  
تعیین و ] یاخود [ دبلیکی ببندیرمک اوزره دیو تعمیم اولنسه  
اجاره فاسد اولور. ] ۴۵۳ ماده ببندیرسه. لانه بما مختلف اختلاف  
فاحشا کفایه .

وبناء علیہ ایش محکمه ببندیرسه حاکم اجاره ببندیر  
ایدر . حتی بر قاج کیمسه « ایچلرندن هر کیم خسته لنور وکیم  
یوریلور ایسه او ببندیرمک اوزره » بر حیوان استیجار ایتسه لر  
اجاره فاسد اولوب حقیقه انتفاع بولمده جبه اجرت لازم اولماز  
هندیه ۴۷۱ ماده ببندیرسه. وفی الحیط اشترط عقبه الاخیر وهوان  
یستأجرها اثنان نزل احد هما ویرکب الآخر ولم ببینا مقدار  
رکوب کل واحد جاز للعرف وبه قالت الائمة الثلاثة شلی .

[ فقط ] بو صورتله بر حیوان استکرا اولنوبده [ قبل  
الفسخ ] یعنی ایش محکمه ببندیرسه دوشوبده فسادینه بناء حاکم فسخ  
اجاره ایتدین [ تعیین و بیان اولنور ] و طرفین راضی اولور لر

وياخود مستأجر كندوسى بنر ويا ديكرينى بنديرر [ ايسه ]  
 اجاره استيجسانا [ سخته منقلب ] واجر مسعى لازم [ اولور . ]  
 ٢٤ ماده به باق . وان ركبها الى ذلك المكان فعليه ماسماه من  
 من الكراء استيجسانا شلى .

وبو حالده حيوان تلف اولسه ضمان لازم كلز . لانه ارتفع  
 الموجب للفساد وهوا لجهالة ولا ضمان عليه ان هلكت لانه  
 غير متعد طورى . فال الزياى فلوار كبا اوركب بنفسه اولبس  
 اولبس وجب عليه المسمى استيجسانا وفى القياس عليه اجر  
 المثل لانه استو فى المنفعة بحكم عقد فاسد ووجوب المسمى با  
 عتبار سخته التسمية ولا نصح التسمية مع فساد العقد وجه  
 الاستيجسان ان المفسد وهوا لجهالة التى تفضى الى المنازعة قد  
 زال فيزول الفساد لانا نجعل النعيين فى الانهاء كالتعيين فى  
 الابتداء ولا ضمان عليه اذا هلكت العين لانه غير متعد لعدم  
 المخالفة سوا لبس بنفسه اولبس غيره شلى .

نته كيم ٥٢٤ ماده نك فقره اخيره سى حكى بو مثللو ايدى .  
 [ وبو صورتله دخى هر كيم تعين ايدر ايسه اندن بشقه سى  
 اول حيوانه اركاب اولسه ماز . ] اولنور ايسه غصب اولوب  
 ضمان لازم كلور . نته كيم ماده آفهنك فقره اخيره سنده دخى  
 حكم بوبله ايدى عبدالحليم ورد مختار . وصاركانه نص على ركوبه  
 ابتداء آفياه .

كذا يوك ايجون حيوان استكرا اولنوبده بعده نه يوكايله جكى

تعیین ارنفور ایسه اجاره سخته منقلب اوله جفی کبی بر شی  
یوکلدیلبوده قبل الفسخ مستأجر کندوسی بینر ویاخود بشقه سنی  
بندیرر ایسه سخته منقلب اولور. زیرا حمل رکوبه دخی تناول  
ایدر. لان الرکوب یسمى حملا یقال رکب فلان وحمل معه غیره  
ولا یسمى الحمل رکوبا اصلا بحر.

وبو صورتده هر نه یوکلدیلبور ویا هر کیم بینر ایسه اول  
تعیین ایدوب آدن بشقه سی اول حیوانه تحمیل ویا ارکاب  
اولنه ماز. اولنور ایسه مستأجر غاصب وضامن اولور عبدالحلیم.

### ﴿ ۵۵۴ ماده ﴾

[ یوک ایچون حیوان ] ویا حال [ استیکرا ] ویاخود  
مستأجرک حیوانلرینه یوک یوکلتمک اوزره آدم استیجار  
[ اولندقدہ سمر وایپ وچوال ] آجر ویا مستأجر اوزرینه  
لازم اولسی [ حقننده عرف بلده معتبردر. ]

بناء علی ذلک عرف وعادته بونلر مستأجر اوزرینه لازم  
ایسه مستأجرک تدارک ایتسی و آجر اوزرینه لازم ایسه آجرک  
تهیه ایلرسی لازم کلور. « ۳۶ » مادهیه باق انقروی. اما  
مکاری اوزرینه یوکی محافظه ایچون آدم طوتمق لازم دکلدر.

بناء علیه مکاری یوکی خرسزلردن محافظه ایچون بلا امر  
بر آدمی اجرتله طوتوب کوتورسه متبرع اولوب اول آدمک  
اجرتی مستأجردن اله من خیریه وجادر استیجار اولندقدہ

اوتاد مستأجر اوزرینه لازم اولوب اما اطناب موجر اوزرینه در  
انقروی .

❖ ۵۵۵ ماده ❖

[ یوکل مقداری ] یعنی نه یوکل دیله چکی تعیین اولنوب  
فقط شو قدر کیله بغدادی در دیمک کی مقداری تسمیه و [ بیان  
یاخود اشارتله تعیین ایدلمیه رک ] یوکل یوکلنمک اوزره [ حیوان  
استکرا اولنقدقه ] یوکل [ مقداری عرف وعادته محمول ]  
یعنی عرف وعادته او مثللو حیوانه نمقدار یوکل تحمیل اولنور  
ایسه مستأجر دخی اولمقدار یوکلنمکه . مقدر [ اولور ] . ۳۶ ماده یه  
باق . حق مستأجر بوجه معتاد یوکلنوبده حیوان تلف اولسه ضامن  
لازم کلز . « ۹۱ » ماده یه باق رد مختار وهندیه اما معتاددن زیاده  
یوکلنوبده حیوان تلف اولسه نظر اولنور اکر کلیسی قالدیرمغه  
حیوانک تحمیلی وار ایسه زیاده مقداری ضامن اولور . لانه  
عطبت بماهو مأذون فیه وغیر مأذون فیه والسبب الثقل فانقسم  
عليهما هدايه مثل ان يستاجر دابة ليحمل عليها مائة من الخنطة  
فحمل مائة وعشرة يقسم على احد عشر جزءاً فيضمن جزءاً  
كفایه ای من احد عشر . واگر کلیسی قالدیرمغه تحمیلی یوغیسه  
مجموع قیمتی ضامن اولور شرنبلالی . لعدم الاذن فيها اصلاً  
الخروجه عن العادة هدايه . لکن نه یوکل دیله چکی بیان اولمز  
ایسه اجاره فاسد اولور . « ۴۵۳ » ماده یه متناً وشرحاً باق .

فقط بونك حكمى ینہ بوماده كيدر. شويله كه مستأجر معتاد اولدينى اوزره يوكته بيلور. وبوندن طولايى حيوان تلف اولسه ضمان لازم كلز. لان العين المستأجر امانة قى يد المستأجر بختوان كانت الاجارة فاسدة هذا اذا لم يتعد فاذا تعدى ضمن ولا اجر عليه. ۹۱ و ۶۰۰ ماده لره باق. وتلف اوليوب محل مقصوده وارلدقده اجر مسمى لازم كلور. زيرا معتاد اولدينى اوزره يوك يوكتمكه جهالت مرتفع اولوب اجاره صحته منقلب اولور مجمع الانهر.

بو ماده ده يوكك مقدارى تعيين ايدليه رك دينلدى. زيرا يوكك مقدارى تعيين اولنور ايسه بو بابده كى تفصيلات ۵۵۹، ماده شرحنده بيان اولنه جقدر.

### ﴿ ۵۵۶ ماده ﴾

[مستأجر كرا حيوانى صاحبك اذنى اولقسزين] اصلا [ضرب ايدهماز.] زيرا ضرب ايدلكسزين حيوان سوريله - بيلوب ضرب زياده سورمك ايجوندر.

[و] اولوجهله بلا اذن [ضرب ايدوبده آندنشاي حيوان تلف اولسه] مستأجر قيمتى [ضامن اولور].

مثلا ب. كيمسه اودون كتورمك اوزره استيجار ايلديكى هاره اورمقله بيقيلوب تلف اولسه ضامن اولور انقروى. كذا مستأجر حيوانى طور دورمق ايجون لجام ايله كج

ايدمه مز . يعنى نفسهن چكه مز . چكوبده حيوان تلف اولسه  
ضامن اولور . ٦٠٣ م مادهيه باق . الكج ان يجذبها الى نفسه  
لنقفها ولا تجرى كفايه .

اما مستاجر كرا حيوانى معتاد اوزره سورمهيلور . لكن  
خلاف معتاد عنف وشدت اوزره سوروب تلف اولسه بالاجماع  
ضمان لازم كلور . ٦٠٣ م مادهيه باق رد مختار و بزايه و هندية .  
كرا حيوانك ضربى خصوصنده اختلاف اولمش و امام  
اعظم رحمه الله تعالى ضربك عدم جوازينه قائل اولمش . در .  
وامامين رحمهما الله تعالى متعارف اولديني وجه اوزره ضرب  
ايدميله جكنه ذاهب اولمشلر در . لان المتعارف مما يدخل تحت  
مطلق العقد لان المعروف عرفا كالمشروط شرطا وربما لا يتقاد  
الدابة الا به فيكون الاذن ثابتا منه بالعرف و المتعارف يدخل  
تحت المطلق فكانت هالكه بالمأذون فيه فلا يضمنه زيلعى و هدايه  
و كفايه . امام اعظم قولى و عليه الفتوى ديه ترجيح اولنديغندن  
مجله دخی بوماده ده قول مذکورى قبول ايلمشدر هندية . ولاى  
حنيفة رحمه الله تعالى سلمنا انه حاصل بالاذن لكن الاذن فيما  
ينتفع المأذون مقيد بشرط السلامة اذ يتحقق السوق بدونه و هى  
للمبالغة فيتعقيد بوصف السلامة كالمروور فى الطريق وجه الاخلاق به  
اى بالمروور فى الطريق من حيث حصول المنفعة بذلك الفعل  
للفاعل لا بغيره وذلك لانه ان ابيح له الضرب ههنا انما ابيح بالمنفعة  
نفسه لاحق المالك فان حق المالك فى الاجر يتقرر بدونه ومثله



یتقید بشرط السلامة کالرمی الی الصيد بخلاف ما اذا اذن المالك  
الیہ نسا فان بعد الاذن فعله کفعل المالك وهذا اذا ضربه ضربا  
یضرب مثله اما اذا لم یکن بهذه المثابة یضمن بالاجماع لانه غیر  
داخل تحت العقد لانسا ولا عرفا هدايه وکفایه وعنايه .

### ❖ ماده ٥٥٧ ❖

[ کرا حیوانی ضرب ایتک اوزره صاحبی ] مسـتأجره  
[ اذن ویـدیکی صورتده مسـتاجر آنجق ضربی معتاد اولان  
یرینه اوره بیلور . ] ٣٦ ماده یه باق . وبوصورتده حیوان تلف  
اولسه ضمان لازم کلز . ٩١ ماده یه باق .

[ واکر ضربی معتاد اولان موضعدن بشقه یرینه ] ولوکه  
لزوم اوزرینه [ ضرب ایله مثلا ] کفلنه [ یعنی صاغر یسنه اوـ  
ره جک یرده باشنه ] اوره مز . بناءً علیه [ اورمقله حیوان تلف  
اولسه ضمان لازم کلور . ] مکرکه حیوان صاحبی ضربی معتاد  
اولیان موضعده یعنی بعینه اول محله ضربه نسا وصراحتہ اذن  
ویرمش اوله . اوحالده ضرب ایدمـیـلوب بوندن طولایي تلف  
اولسه ضمان لازم کلز بزازیه وهندیه فی الباب التاسع والعشرون

### ❖ ماده ٥٥٨ ❖

[ یوک ] یوکتمک [ ایچون استکرا اولنان حیوانه بنیله بیلور . ]  
٤٢٦ ماده یه باق . زیرا رکوب ضرر جهتنجه حملدن اقلدر .

و ضررڪ اعلاسنه رضا ادناسنه و مساويسنه رضادر . ولان  
الركوب يسمي حملا يقال ركب فلان وحمل معه غيره .  
مثلا بر كيمسه معين يوكي يوكتمك اوزره استكرا ايلديكي  
حيوانه يوك يوكتمه يوبده كندوسى بنسه ويا بشقه سنى بنديرسه  
جائز اولوب ضمان لازم گلز . ۹۱ مادهيه باق . بونك ديكر  
صورتى ۵۵۰ مادهده، مرور ايتدى .

### ﴿ ۵۵۹ ماده ﴾

[ يوكك ] يعنى يوكتمك ايچون حيوان استيجار اولندقدده  
يوكك [ نوع و مقدارى ذكر و بيان اوله رقى حيوان استيجار  
اولندقدده او نوع يوك يوكله ديله چكى كهي مضرتده ] ۱ [ اكا ]  
يعنى اول نوع يوكه [ مماثل ] ۲ [ ياخود ] مضرتده [ آندن دها  
اهون اولقدر ] يعنى مقدارده مساوات اولقى شرطيله [ ديكر  
برنوع يوك دخی يوكلديله بيلور . ]

بوصورتده معين ارزاق يوكتمك اوزره استيجار ايديلان  
حيوانه اولمقدار ارزاق يوكلديله بولده يولده مذکور ارزاقدن بر  
مقدارى استهلاك اولنجه ينه اولمقدار يعنى استهلاك اولنان مقدار  
ارزاق علاوه اولنه بيلور تنوير . قال الاتقانى وكذا غير ان زاد من  
المكيل والموزون اذا انتقص له ان يزيد عوض ذلك رد محتمار .  
[ اما مضرتى ] اول نوع يوكدن [ دها زياده اولان شى  
يوكلديله من . ] ولو كه مقدارده مساوات بولنسون . لان الاصل

ان من استحق منفعة مقدرة بالعقد فاستوفى تلك المنفعة او مثلها  
او اقل منها جاز وان استوفى اكثر منها لم يجز فله ان يحمل  
كر حنطة لغيره لو استأجرها لحل كر حنطة لنفسه لانه مثله بحر .  
۲۶ ماده يه باقى .

برنجى فقره دن ايکى حکم مستفاد اولنور .  
برنجيسى نوعدہ مخالفت اولنه ماز .  
ايکنجيسى مقدارده مخالفت اولنه ماز .

بو « اما مضرتى دها زياده الخ » فقره سى ظاهر اولان  
يالکىز نوعه راجع اولوب فقط مقدارده دخى يعنى هم نوع  
همده مقدارده راجع اوله بيلور . واقعا آنى مثالر بتون نوعه  
راجع و آکا دائر ايسه ده مقدارده دائر اولان ظهورينه مبنى  
ترك اولندى دنيلور .

الحاصل اجاره بر نوع ارتفاع ايله تقييد اولندقدده مستأجر  
مأذون اولدينى ارتفاعك مافوقنه تجاوزايدة من . اما اكا مساوى  
ويا اھون صورتده مأجورى استعمال ايله ارتفاع ايدم بيلور .  
وبوصورتده مأجور تلف اولسه ضمان لازم كلز . زيرا بر ضرره  
رضا آدن اقل ودون ضرره دلالة رضادر هندية فى الباب التاسع  
والعشرون .

[ مثلا بر کيمسه بش کيله بغدادى يوکلتمک ] وفلان يره  
کوتورمک [ اوزره استکرا ايلديكى بارکيره ] ۱ کرک کندوسنک  
اولسون و کرک بشقه سنک اولسون و هر قننى نوعدن اولور

ایسه اولسون بش کیله بغدادی یوکلده بیلدیکی کبی ۲ [ بش کیله  
آرپه ] سیدسام [ دخی یوکلده بیلور . ] لانه لا فائده فی اجازه کر  
حنطة ومنع کر شعیر بل الشعیر اخف منه فکان اولی بالجواز  
هندیه و طور ی .

بومثالده بررقیله اشارت اولنان فقره مثالیه متن مجلده کی  
بررقیله اشارت اولنانه وایکی رقیله اشارت اولنان ایکی رقیله  
اشارت اولنانه مثال ولف ونشر مرتبدر . وشو ایکی صورتده  
حیوان تلف اولسه ضمان لازم کلز . « ۹۱ » مادهیه باق . زیرا  
آرپه بغدادین خنیف اولدینی جهته آرپه نک حیوانه ضرری  
کیلده مساوی اولان بغدادیک ضررندن خیفدر رد محتمل  
وهندیه . بوراده یعنی مثال مذکورده کیله قیدی احترازی  
دکدر . زیرامستاجر شوقدر قیه بغدادی یوکلتمک اوزره استیجار  
ایلدیکی حیوانه تام اوقدر قیه آرپه یوکلتمه بیلور . آرپه موضع  
حلی تجاوز ایتمدیکی تقدیرده زیرا آرپه حیوانک ظهرنده بغدادیک  
اخذ ایده جکی محلدن زیاده محل اخذ ایدر . بناء علیه حیوانک  
ظهرنده یعنی محل حملنده آرپه منبسط اوله رق حیوانه اخف  
اولور . حتی بوصورنده حیوان تلف اولسه « ۹۱ » مادهیه مبنی  
مستاجر ضمان لازم کیلوب اجر مسمی لازم کلور .

[ اما بش کیله آرپه یوکلتمک اوزره استکرا ایلدیکی حیوانه  
بش کیله بغدادی یوکلده مز . ] لان الحنطة اقل من الشعیر وهی  
اصلب واشد اند ما جان الشعیر فصار کمالو حمل علیها حجارة

او حیددا . یوکلدوبده حیوان تلف اولسه قیتمک ضمانی لازم کلور . ۶۰۲ مادهیه باق . وبو حائده اجرت لازم کلز . « ۸۶ » مادهیه باق هندیه فی الباب السابع والعشرون . شو قدر وارکه بش کیله آرپه یوکلتمک اوزره استیجار اولنان حیوانه ایکی بچق کیله بغدادی یوکلدوبده حیوان تلف اولسه امام خواهر زادنهک بیاننه کوره استیجسانا ضمان لازم کلز . بناء علیه متن مجلهده « بش کیله بغدادی » دنیلدی بزازیه وهندیه وطوری .

اشبو « اما بش کیله آرپه الخ » فقره مثالیهسی واما مضرتی دها الخ فقره سنه مثالدر .

[نته کیم یوز قیه پموق یوکلتمک اوزره استکرا اولنان حیوانه یوز قیه تیمور یوکلدیله مدیکی کبی .] مجمع الانهر وعبدالخلیم . لانه یجتمع فی مکان واحد من ظهر الدابة فیضر بها اکثر طوری . بو دخی مذکور فقرهیه آروجه مثالدر .

یوکلک انواعنده مضرتی اھون اولان ایله مضرتی زیاده اولانک فرق وتمیزینه دائر تفصیلات آئیہ اعطا اولنور .

بو بابده قاعده کلمه شودر که مسمی یعنی حین عقدده تسمیه قلنان یوکلایله محمول یعنی مساندن بشقه اوله رق مستأجرک تحمیل ایلدیکی یوکل ایکسیده حیوانک آرقه سنده کی محملنه قونیله جق اولدقدہ محمولک اشغال ایدہ جکی محل مساندن اشغال ایدہ جکی محملدن آز اولنجیه وزنده مساوات اولسه بیله حیوان تلف

اولسه ضمان لازم کلور . زیرا مسمی حیوانک ظهرنده منبسط اوله رق حیوانه اخف ایکن محمول مجتمیع اوله جفتدن حیوانه اغر و مشقتلی اولور .

مثلا بر کیمسه اللی قیه آربه ویا بغدادی یوکلتمک اوزره استیجـار ایلدیکی حیوانه اللی قیه طاش ویا تیمور یوکلتمسه ده حیوان تلف اولسه ضمان لازم کلور .

اما محمولک اشغال ایده جکی محل مسمانک اشغال ایده جکی محلدن زیاده اولنجه ضمان لازم کلر . نته کیم متن مجله نک فقره اولیسنده اولدینی کی . مکرکه محمول موضع حملی تجاوز ایده . یعنی تسمیه قلنسان یو کدن بشقه اوله رق بوکلادیلان یوک حیوانـ نک آرقه سنده کی یوک محلی آشمش اوله . او حالده ضمان لازم کلور .

مثلا بر کیمسه یوز قیه بغدادی یوکلتمک اوزره استکرا ایلدیکی حیوانه یوز قیه اودون ویا صمان ویا پموق یوکلـ دو بده حیوانک یوک محملک ارقه ویا اوک طرفه آشمش اولسه ده حیوان تلف اولسه ضمان لازم کلور هندیه . زیرا بو صورتده کی یوک حیوانک ظهرنده منبسط اوله رق اخف اولمغله من وجه اهون ایسه ده یوک محل معلومی تجاوز ایتمکله من وجه آخر حیوانه ضررلی بولمغله ضرر جهتی ترجیح اوله رق یوکلـ دلمسی منع ایدلدی رد مختار ۴۶ ماده یه باق والحاصل ان الشیئین متی کان فی کل واحد منهما ضرر فوق ضرر الآخر من وجه لاستفاد

من الاذن في احدى الاذن في الآخر وان كان هو اخف ضررا  
من وجه آخر طورى.

ماده آنفاده تفصيل ايدىلان احكامه مخالفت ضمانى ايجاب  
ايدىر. نتهكيم اتناى شرحنده محلا اشارت ايدىدى. وتفصيلاتى  
بروجه آتى بيان اولور. شوييله كه مخالفت مذكوره يا جنسده  
يا قدرده اولور.

مخالفت مذكوره جنسده اولور ايسه جميع قيمتك ضمانى  
لازم كلور.

مثلا بش كيله آرپه يوكلتمك اوزره استيجار ايدىلان  
حيوانه بش كيله بغيرداى يوكلدیلوبده حيوان تلف اولسه  
مستأجر اول حيوانك جميع قيمتى ضامن اولور. لعدم الاذن  
عنايه.

و آرپه يوكلتمك اوزره استيجار اولنان حيوانه نصفى آرپه  
ونصفى بغيرداى يوكلدیلوبده حيوان تلف اولسه حيوانك نصف  
قيمتك ضمانى ونصف اجر مسمى لازم كلور. زیرا بغيرداى  
بشقه جنس و آرپه دن دها آغردر بزايه.

كذلك بر كيمسه اون كيله آرپه يوكلتمك اوزره استيجار  
ايدىكى حيوانه اون كيله آرپه ايله بر كيله بغيرداى يوكلتمسه ده  
حيوان تلف اولسه ينه جميع قيمتك ضمانى لازم كلور  
شرنبالى.

كذلك يوزقيه بموق يوكلتمك اوزره استيجار اولنان حيوانه



يوزقيه ويا دها آز نيمور يوكلديلوبده حيوان تلف اولسه جميع قيمتك ضمانى لازم كلور. وبو وجهله جنسنده مخالفتده اجرت لازم كلز. ولوكة حيوان صااغ وسليم اوله رق صاحبه تسليم ايديله. زيرا مستأجر حيوانك منافعى بطريق الغصب استيفايامش اولور. «٥٩٦» مادهيه باق.

مخالفت مذكوره قدرده اولور ايسه نظر اولنور. حيوانك قالديره ميه جنى مقدار زياده يوكلديلوبده حيوان تلف اولسه جميع قيمتك ضمانى لازم كلور. لعدم الاذن فيها اصلا لخروجه عن العادة هدايه فيكون اهلاكا زيلجى. وبوصورنده اصلا اجرت لازم اولماز. «٨٦» مادهيه باق بزازيه واقروى ورد مختار.

وقالديره جنى مقدار زياده ي دفعه واحده ايله يوكلتدكده «١» كرك بوندن طولاي حيوانه ضرر كليب محل مقصوده وارلدقندن صكره مستأجر ينده تلف اولسون ٢ وكرك محل مقصوده وارمدن تلف اولسون مستأجر مخالفت يعنى زياده ايتديكى مقدار نسبتده ضامن اولور. وهذا بخلاف ما اذا استأجر ثور الطاحن به عشرة مخاتم حنطة فطحن احد عشر مخثوما فهلك فانه يضمن جميع قيمته لان الطاحن يكون شيئا فشيئا فلما طحن عشرة مخاتم انتهى اذن المالك فبعد ذلك هو فى الطاحن مخالف فى جميع الدابة مستعمل لها بغير اذن المالك فيضمن جميع قيمتها فلما اخلل فيكون جملة واحدة فهو فى البعض مستعمل لها باذن المالك وفى البعض مخالف فيتوزع الضمان على

ذلك كفايه. شويله كه زياده قلنان تسميه اولسانك ربي ايسه  
ربع وثاني ايسه ثلث مقداري حيوانك قيمتي ضامن اولور  
لان التلف حصل بفعل المكل وبعضه مأذون فيه وبعضه غير  
مأذون فيسقط حصه الحمل المأذون ويجب حصه الباقي ولان كل  
جزء من اجزاء النقل لا يصلح علة بنفسه وانما يصلح عند الاجتماع  
وعند الاجتماع صار الكل علة واحدة فتوزع الضمان على اجزائها  
شاي. وبررقيه اشارت اولنان صورته اجرت دخی لازم كلور.  
نته كيم. آنيده بيان اولنور.

مثلا بر كيمسه بش كيله بغدای يوكتمك اوزره استكرا  
ايلديكي حيوانه آتی كيله بغدای دفعة واحدة ايله يوكلدوبده  
حيوان تلف اولسه اول حيوان آتی كيله بغدای قالديرمغه  
متحمل اولنجه حيوانك التیده بر قيمتك ضماني لازم كلور  
رد مختار.

كذا بر كيمسه اون كيله آرپه يوكتمك اوزره استيجار  
ايلديكي حيوانه اون بر كيله آرپه يوكلتسه ده حيوان تلف اولسه  
اول حيوان اون بر كيله آرپه قالديرمغه متحمل اولنجه قيمتك  
اون بر جزئندن بر جزئتك ضماني لازم كلور. زیرا مستأجر  
مأذون اولديني مقدارده ضمان اوليوب ضمان آنجق مأذون  
اولديني مقدارده در هندية شوقدرواركه مستأجر زياده ني مسمی  
ايله برلكده يعنى دفعة يوكتميوب اولا مسمانی يوكلكدن صكره  
ثانيا زياده ني يوكلتسه ده حيوان تلف اولسه ينه جميع قيمتك

ضمان لازم کلور . مکرکه زیاده بی حیوانك يوك محله قويمیوب  
مثلا صاغریسینه تعلیق ایده . بو صورتده دخی ینه زیاده مقدارك  
ضمان لازم کلور هندیه وجمع الانهر .

مثلا بر کیمسه اون کیله آرپه یوکلتمك اوزره استیجار  
ایلدیکی حیوانه اولا اون کیله آرپه یوکلتمكدن صکره بر کیله  
آرپه آروجه یوکلتمده حیوان تلف اولسه ینه جمیع قیمتك  
ضمان لازم کلور . شو قدر وارکه مذکور بر کیله بی حیوانك  
صاغریسینه آصار ایسه او حالده ینه اون بر جزئندن بر جزئنگ  
ضمان لازم کلور .

لکن قدرده مخالفت مستأجر طرفدن وقوعبولیوب  
بلکه آجر طرفدن وقوعبولور ایسه مستأجره ضمان لازم  
کمز . زیرا مباشر آجر یعنی حیوان صاحبدر .

مثلا آجر بش کیله آرپه یوکلتمك اوزره ایجار ایلدیکی  
حیوانه مستأجرك بش کیله در دیو آجره اراء ایتدیکی چوال  
یدی کیله اولدیغنه واقف اولمدين یا تمز کندوسی یعنی آجر  
یوکلتموده حیوان تلف اولسه مستأجره ضمان لازم نر  
طوری و مستأجرك سوزینه اعتماد ایتمیوب وزن ایتدکنصکره  
یوکلتمیدی .

اما آجر ایله مستأجر معا و برلکده اوله رق یوکلدرلر ایسه  
یا کمز فضلهدن حصه سینه اصابت ایدن مقداری ضامن اولور .  
یعنی مستأجرك فعلی موجب ضمان اولوب حیوان صاحبك

فعلى هدر اولور طورى . شويله كه مثلا بر كيمسه بش كيله  
بغداى يوكلتمك ارزره ايجار ايلديكى حيوانه مقدارينه واقف  
اولدين مستأجر ايله برلكرده التى كيله بغداى يوكلدوبده تلف  
اولسه مذكور حيوانك قيمتك سدسنتك نصفنى مستأجر ضامن  
اولور رد مختار وهنديه وشر بناللى .

شو قدر كه يوك مثلا ايكي چوال ايچنـده اولوبده آجر  
ومستأجر برلكرده اوله رق برر چوالى يوكلتسه لر ويا خود اول  
بر چوالى مستأجر ونايا ديكر چوالى آجر يوكلتسه مستأجره  
اصلا ضمان لازم كلز . ومستأجر ك يوكلتسى عقد اجاره ايله  
مستحق اولديغى شى اولور . وديكر كيكى هدر اولور . اما  
اولا آجر نايا مستأجر يوكليوبده حيوان تلف اولسه  
مستأجر نصف قيمتى ضامن اولور طورى و آجر ك فعلى هدر  
اولور .

مسائل آنفده يعنى حيوانه مسمانن زياده اوله رق مسمى  
جنسـندن يوكلديلوبده ضمان لازم كلديكى خصوصانده حيوان  
محل مقصوده وارد قـدن صكره تلف اولسه بـروجه مذكور  
تضمين ايله برابر اجر مسمانك جمعيسى لازم كلور . ضمان زائد  
مقابله سنده اولديغى كى اجر مسمى دىخى استيفائى منفعتدن  
طولاييدر . بناء عليه اجر ايله ضمان اجتماع ايتمن اولماز « ۸۶ »  
ماده شرحـنه باق . وان استاجرها ليحمل عليها عشرة متخاتم  
حنطة فحمل عليها خمسة عشر مختوما من الحنطة وجاء بالمار

سایا و هلك قبل ان يردده الى صاحبه ان كان يعلم ان الحمار يطبق ذلك كان عليه ثلث القيمة وكال الاجر المسمى هنديه .

اما حيوان محل مقصوده واردينى حالده تلف اولسه يالكز اجر مسمى لازم كلوب مثلا زياده يوكلتديكندن طولاي زياده اجرت لازم دكادر . لانه استوفى من غير عقد شاي . « ۵۹۶ » ماده به باق رد مختار وهنديه وبزايه . اجر مسمى لازم نلدى . زيرا مستاجر معقود عليه اولان منفعتى مع زياده استيفا اتمش اولور .

بالاده قدرده مخالفت موجب ضمان ايدوكى ذكر اولندى . قدرده مخالفت ايدن كرك مستاجر اولسون نته كيم بيان اولندى . وكرك مستاجر المستاجر اولسون . شويله كه بر كيمسه بش كيله بغدادى يوكلتمك اوزره استكرا ايلديكى حيوانى ديكر كمسنه اون كيله بغدادى يوكلتمك اوزره ايجار ايدوبده او كمسنه اون كيله بغدادى حيوانه يوكلتمكه حيوان تلف اولسه صاحبي بخيردر . ديلرسه مستاجر اوله يعنى اول كيمسه به تضمين ايتديرور . ۴۲۸ ماده به و شرحنه باق وبو حالده اول كيمسه او كمسنه به رجوع ايدنه مز . وديلرسه مستاجر ثانى به يعنى او كمسنه به تضمين ايتديرور . وبو حالده او كمسنه اول كيمسه به رجوع ايدر . ۶۵۸ ماده به باق طورى وهنديه .

### ✽ ۵۶۰ ماده ✽

[ كرا حيوانندن ] يعنى يوكى حيوان صاحبي يوكلتمك

اوزره استیجار اولنسان حیوان اوزرنده کی [ یوکی ایندیرمک  
مکاری ] یعنی حیوان صاحبی [ اوزرینه در . ] هندیه فی الباب  
السابع عشر . اما خایه اذخلاق حکمی ۵۷۵ ماده ده متنا  
وشرحا کلور .

❁ ماده ۵۶۱ ❁

[ مأجورك نفقه سی آجر اوزرینه در . ] اجرت كرك عین  
اولسون و كرك دین اولسون . زیرا مأجور آجرک مالکیدر .  
حقی مأجورك نفقه سی مستأجر اوزرینه شرط ایدیلور ایسه  
اجاره فاسد اولور . زیرا مقتضای عقددن اولمیوب موجره  
نفع وفائده سی اولان شرطدر . ۴۶۲ ماده شرحنده کی ۳ مسئلهیه  
باق و بو شرطه مبنی مستأجر اتفاق ایتدکده بدل اجاره دن  
محسوبی اجرا ایدیلور . والحیلة ان یزید فی الاجرة قدر العلف  
ثم یوكله ربها بصرفه اليها رد مختار .

[ مثلاً استکرا اولنسان بارکیرک عافی و صوارلمسی صاحبی  
اوزرینه در . ] بناءً علیه مستأجر حیوانه علف ویرمیوبده  
تلف اولسه ضمان لازم کلز بزازیه .

و كذلك یعنی قسد الاجارة ان شرط العلف علی المستأجر  
وان لم یعلف حق مات فلا ضمان علیه هندیه فی ۱۵ باب ۲  
فصل .

[ فقط آنک اذنی اولمقسزین مستأجر حیوانه یم ویرر ]

یعنی نفقه سی یولنده مصرف ایدر [ ایسه تبرعدر . ] بناء علیه  
[ صکره ] حیوان [ صاحبندن اچقه سی آله من . ] انقروی  
وهندیه فی الباب السابع عشر . نته کیم مستاجر حیوان مأجوره  
انفاق ایتمسی بر کیمسه یه امر ایدوبده مأمور دخی انفاق  
ایتدکده مأمور، حیوان آمرک ملکی اولمدیغنه واقف ایسه  
آمره رجوع ایده میوب متبرع اولور . اما واقف دکل ایسه  
رجوع ایده بیلور . ولوکه امرنده رجوعی شرط ایتمیه ۵۲۹  
ماده شرحنه باق . و آجر اجرتیه محسوب حیوانی انفاق ایتمسی  
مستاجره امر ایسه مستاجر دخی اول وجهله انفاق ایده بیلور .  
و آجر مصرف مقدارنده مستاجری تصدیق ایتماسندن  
خوف اولندیغی تقدیرده مستأجر بر مقدار اجرتی آجره  
تأدیه ایدوب آجر دخی مبلغ مزبوری ماجورک نفقه سنه صرف  
اولمق اوزره مستاجره ویروب اودخی صرف ایدنبجه  
صورته مستأجر امین اولغله ۱۷۷۴ ماده حکمنجه تصدیق  
اولور . « ۵۳۰ » ماده شرحنه باق رد مختار .



## ❦ فصل رابع ❦

یعنی باب سادسک دردنجی فصلی

[ اجاره آدمی ] یه دار مسائل [ بیاننده ] اولوب یکریمی

ماده بی حاوی [ در ]



❖ ماده ٥٦٢ ❖

[ خدمت یا اجرای صنعت ] یعنی خیساطه و نجارلق مثللو صنعتلری ایفا ویا تعلیم قرآن و علم صرف و نحو و فقه [ ایچون باب ثانینک فصل ثالثنده بیان اولندیفی اوزره مدت ] یاخود مسافه [ بیانیه یاخود دیگر صورتده عملی تعیین ایله اجاره آدمی جائردر. ] علی افتدی.

٤٥٥ ماده شرحنده بیان اولندیفی اوزره عمل اوزرینه اولان اجارهده مدت اجارمنک بیانی لازم دکلسمده مدت اوزرینه اولان اجارهده عملک دخی بیانی لازم اولوب عمل بیان اولمنز ایسه اجاره صحیح اولماز هندیه فی الباب الثامن والعشرون .

مثلا بر کیمسه کندوسیچون شو قدر کون آو اولامق ویاخود اودون کسمک اوزره دیگر برکسنهنی استیجار ایتدکده جائز اولوب اوکسنهک اولادیفی آو وکسیدی اودون مستأجرک اولور. ومدت بیان اولمنز ایسه باقیلور. مثلا کسینهک اودون تعیین ایدیاور ایسه اول اودون یعنی آتاج مستأجرک ملکی اولدقده اجاره صحیح اولور. و اودون مستأجرک ملکی دکل یعنی مباح ایسه اجاره فاسد و احتطاب اولنان اودون مستأجرک ملکی اولوب اجیر اجر مثانی آور.

اما اودون تعیین اولمنز ایسه اجاره فاسد وکسیلان اودون

اجيرك اولور هندیه. ومدت ايله عمل بینی جمع اولندقدده — بر  
اتمکچینی شو قدر قیه دقیقی بو کون اتمک یایق اوزره شو قدر  
غروشه استیجار کبی — امام اعظمه کوره فاسد اولور ایسه ده  
امامینه کوره صحیح اولور. ۴۲۲ ماده ايله ۵۰۵ مادهیه متنا  
وشرحا باق.

کذا مودع حفظ و دیعه ایچون و دیعی اجرت مقابلنده  
استیجار ایده بیلور. ۷۷۷ مادهیه باق رد مختار.

وکذا عین اولان و دیعه سنی و دیعدن آلب کتورمک  
اوزره برینی توکیل ایدوب مقابلنده اجرت شرط ایتسه جائز  
اولور. ولوکه مدت تعیین اولمیه. وکذا بر کیمسه صغیر اوغلنه  
علم صرف تعلیم اتمک ایچون دیگر بر کسنهیی بر سنه تمامنه دک  
شو قدر غروشه استیجار ایدوب او دخی مدت مذکوره ده  
تعلیم ایلسه اجر مسمانی آلور علی افندی.

کذلک قبض دین و خصومت و محاکمه ایچون مدت بیان  
اولنور ایسه اجاره جائز اولور. اما مدت بیان اولمز ایسه  
اجاره جائز اولماز انقروی.

مثلا بو کیمسه دیگر کسنه ذمتنده اولان آله جفنی آندن  
دعوی و تحصیل ایچون تعیین مدت ایتمکسزین بر شخصی  
استیجار ایتسه اجاره فاسد اولوب او شخص سکز اون کون  
سبی و مبلغ مذکوری دعوی و تحصیل ایدوب اول کیمسهیه

تسليم ايتسه اجر مثل آنور. لکن مساي تجاوز ايلمز علی افندی.

کذلک بر کيمسه ملک عرصه سنده کندی طاشی و کرچی ايله طول و عرض و قدمی بيان ايدرك شوبله بر مخزن بناسيچون بر بخاری شوقدر غروشه استيجار ايتسه جائز اولور.

کراسسته ولوازم سائردهی مستأجردن اولمق اوزره طول و عرض و مقدار زراعی کبی شیلری تعیین ايله بر دولکر ايله برارلق ایتک دخی تعامل ناسه بناءً جائز در فیضیه.

فقط زمانزده متعارف اولدینی اوزره الات و ادوات جملةً یا بعضاً دولکردن اولمق اوزره بر خانهک انشاسنی بر دولکر ايله مقاوله ایتک جائز دکلدرد. قال فی البرازیه تقبل من رجل بناء حائط بلبن وحائط من عند البانی فسد فان بنی ينظر الى قيمة اللبن والطين يوم الخصومة مثلاً قيمتهما ثلاثون يقوم الحائط مبنياً مثلاً قوم باربعين علم ان قيمتهما ثلاثون وقيمة اجر البناء عشرة فلزم قيمتهما واجر مثل البناء لا يتجاوز عن عشرة بزازیه.

و کذلک آياق ايله خدمتکار «اوشاق» طوتمق دخی صحیح اولوب مرقوم خدمتکار شمععلری تميزلک و یا قق و آبدست آدیر مق و صوکتور مک و قشین صباح و اقشام آتش یا قق کبی خدمانی یا تسودن صکره و ناس او یونجهیه قدر ایضا ایدر رد مختار و هندیه.

بوراده اجاره آدمی دنيلمشدرکه قادین وارککه عام اولور.

ارکک ارککی وقادین قادینی استیجار ایدم بیلوب فقط  
ارکک حره اولان قادینی استیخدام و آنا خلوت ایچون استیجار  
ایلمسی مکروهدر . لیکن خلوت ایتماک اوزره صاحب عائله  
اولان برارککک حره اولان قادینی استیجار ایلمسندم بئس  
یوقدر هندیه فی الباب الحادی عشر .

محلده مذکور اولدینی وجهله اجاره آدمی خدمت و اجرای  
صنعت ایچون جائز اولوب اما کفالت کبی صنعت و خدمتدن  
معدود اولیان شی ایچون اجاره آدمی جائز دکلدر . اذالاجاره  
تملیک نفع بموض و الکفاله ضم ذمه الی ذمه خیریه . یعنی  
استیجار علی الکفاله صحیح دکلدر .

مثلا بر کیمسه کندوسنک فلانه اولان بورجنه کفالت  
ایتمک اوزره یکر کمنه بی استیجار ایتسه صحیح اولماز . واجیر  
بر موجب مقاوله ایشی یاپسه مستأجر قبوله مجبوردر . یعنی بر  
بر کیمسه مثلا تیمورچی به تیمور و بره رک فلان شی یایمق اوزره  
پازارلق ایتدکده تیمورچی دخی امری اوزره یاپسه اول کیمسه  
قبوله مجبور اولور . اما امرینه مخالفت ایتدیکی تقدیرده اگر  
جنسده مخالفت ایدر ایسه تیمورچی تیموری ضامن اولوب  
یاندینی شی کندینه قالیر . واکر وصفده مخالفت ایدر ایسه  
تیمور صاحبی بخیر اولوب دیلرسه تیموری تضمین ایتدیروب  
مصنوعی تیمورچی به ترک ایدر . دیلرسه مصنوعی قبول ایدوب  
اجرتی و برر هندیه فی الباب الحادی والثلاثون .

مثلا کسر یا بق اوزره تیمورجی به ویریلان تیموردن تیمورجی کلنک یاپسه تیموری ضامن اولوب کلنک کندینه قالور. و بونده تیمور صاحبی بروجہ آتی مخیر دکدر . « ۸۹۹ » ماده به باق . اما نجار کسری یا بق اوزره تیمورجی به ویریلان تیموردن تیمورجی اودون کسمک ایچون کسر یاپسه تیمور صاحبی مخیر اولوب دیلرسه تیموری تضمین ایتدیروب مصنوعی تیمورجی به ترک ایدر . دیلرسه مصنوعی قبول ایدوب اجرتی ویرر .

نتہ کیم بر کیمسه خطاطہ کتاب یازدیردینی حالدہ خطاط بعض مجلدہ خطا ایتدکده نظر اولنور . خطا اکر هر یاپراقده موجود ایسه دیلرسه یازیلان کتابی قبول ایدرک خطاطک اجر مسمانی تجاوز ایتماک اوزره اجر مثلنی اعطا ایدر . لانه وافق البعض وخالف فی البعض . دیلرسه کتابی خطاطہ ترک ایدرک کاغد ایله مرکبک بدلنی تضمین ایتدیرر . و خطا بعض یاپراقدرده ایسه کتابی قبول ایله طوغری اولانلرک اجر مسمان حصہ سنی و خطا یازیلانلرک اجر مثلنی ویرر رد مختار .

اجارہ آدمیده مدت یا عملک بیانی مجلدہ اشعار اولندینی اوزره لازم ایسه ده بولزومدن مستثنا اوله رق سمسار، منادی، حامی، حکاک و هر شیکه آندہ نقدر وقت و عمل ممکن اولیه آندہ اجیری بلا بیان وقت و مدت استیجار جائز اولور . زیرا ناسک احتیاجلری واردر . بو صورتده اخذ اولنان اجرت اجر مثل ایسه اخذ ایدنه حلال اولور رد مختار .

۴۲۴۰، ماده ده دخی ذکر اولندیغی اوزره اجیر ایشی ایفا ایتدکده اجر نه مستحق اولور. بوجهته اجیر مستأجرک خانه سنده بر عملی ایفا ایتدکدن صکره او عمل بوزولسه اجیرک اجر مساسنه خلل کلز. واجیر ایکنجی دفعه ده اصلاح ایتک اوزره اجبار ایدیه من.

مثلا بر اجیر صویک قنوائی معتاد اوزره دوشه یوب صوینی اجرا ایتدکدن صکره معطل اولسه اجرته خلل کلیه جکی کبی اصلاحه دخی اجبار ایدیه من فیضیه.

﴿ ۵۶۳ ماده ﴾

[ اجر مقاوله ] وعقد اجاره [ ایدیه رک بر شخص بر کیمسه نك طلبی اوزرینه اول کیمسه یه ] بر مدت [ خدمت ایتدکده ] او شخص [ اجرت ایله خدمت ایدر مقوله دن ] وکونده لکی معلوم ایسه اجرت معلومه وکونده لکی معلوم دکل [ ایسه ] بالغاً مبالغ [ اجر مثل ] ی او شخص اول کیمسه دن ووفات ایتش ایسه ترکه سندن [ آور. ] مکرکه اجرتسز اولوق اوزره مقاوله ایدیه علی افتدی. اشیبو « اجرت ایله خدمت ایدر مقوله دن الح » فقره سی آتی ۵۶۵ ماده ده دها تفصیلی اوله رق مصر حدر. « ۴۵۱ و ۴۶۲ » ماده لره دخی باق.

اجرت ایله خدمت ایدر مقوله دن [ دکل ایسه ] عملنده متبرع اولوب [ برشی اله من. ]

مثلا بر کیمسه کندوسنک بر ایشنی دیگرینه امر ایدرک  
اجرت سویلشمیدن یابدیردقده اوکسنه اوکی عملی اول کیمسه  
ویا بشقهسنه بلا اجر یاتمق عادتی اولنجه متبرع اولوب اجرت  
اله من . واجرت ایله یاتمق عادتی اولنجه بالغه ماباغ اجر مثل  
آلور . حتی بر کیمسه درزی یه شوالبسه می دیک دیو ویردکده  
درزی اجرت ایله دیکمکه معروف ایسه اجر مثل آلور . دکل  
ایسه برشی اله من .

کذا فلان محله نقل ایچون حماله یوک ویرلدکده حمال اجرتله  
نقل ایله معروف ایسه اجر مثل آلور . دکل ایسه برشی اله من  
هنده .

کذا اجرت ایله طالغیجک، ایتک معنادی اولان کیمسه  
اجرت ذکرانمز دیگر کسنه نک طلبی ایله دریایه طالب مال  
چیقارسه اجر مثله مستحق اولور فیضیه .

وکذلک اجرتله بکجیلک ایله معروف اولان بر کیمسه دیگر  
کسنه نک طایله اوکسنه نک بر محلی برمدت بکله اجرت آلور  
خیریه . وکذلک بر کیمسه صاندیرمق اوزره دلالة بر متاع  
ویروبدی اجرت مقاوله ایدلیهرک دلال دخی صائسه اجر مثل  
لازم کلور . زیرا معروف اولان، دلالک اجرت ایله صمائسی  
اولوب عرفا معروف مشروط کیبدر . « ۴۳ » مادهیه باقی .

لیکن بر کیمسه چارشوده برشی صاتمق ایچون بر آدمدن  
استعانه ایدوبده اوده صائسه اجرت ایله خدمت ایدر مقوله دن



اولینجه اجرت آله میوب عملی اعانه اولور . بناء علیه مجاهده  
اجرت ايله خدمت ایدن مقوله دن ايسه دنیلدی .

اما مثلا بر کیمسه درزی به اجرت ايله شونی دیک دیو  
ایسه یی ویردکده درزی اجرت استتم دیدکدن صکره دیکر  
ایسه آرتق اجرت اله منر هندیه فی الباب الثانی والاسلائون .  
نته کیم ۴۳۳ ماده شرحنده کچدی .

وشو حالده اجیر عملی ایفا ایتدکدن صکره مستأجر بلااجر  
یایمق اوزره سوبلشمش ایدک واجیر اجرت ايله یایمق اوزره  
سوبلشمش ایدک دیو اختلاف ایتدکدرنده نظر اولنور .  
اجیر بو صنعی اجرت ايله یایمق اوزره معروف ایسه تبرعا  
ایشلمدیکنه یمینله سوز اجیر کدر . والا مستأجر کدر . اما اجیر  
هنوز عملی ایفا ایتدین بوجه محرر اختلاف ایتدکدرنده تحالف  
جاری اولوب مستأجرک یمینله بدأ اولنور رد مختار و تحقیق .

بو ماده ده « طلبی اوزرینه الخ » دینلدی . زیرا بر کیمسه  
دیکر کسینه نك امری اولمقسزین او کسینه به خدمت ایتسه ویا  
اکا لازم اولان بر ایشنی کور یورسه نظر اولنور . اول کیمسه  
اگر حین عملنده بالغ اولوب اولوجهله اهل تبرع دن ايسه  
عملنده متبرع اولور . واکر اهل تبرع دن دکل ايسه بالغ ماباغ  
اجر مثل لازم کلور . « ۵۹۹ » ماده به باق خیریه .

نته کیم بر کیمسه معین یوکی نقل ایچون ایکی حمالی استیجار  
ایتدیکی حالده یوکلک جمعوعنی یالکز بریسی نقل ایتسه نصف

اجرت الوب نصف اخرده متبرع اولور زیرا مرقوم حامل بلا امر ولا طلب اول دیکر یوکفی نقل ایلمش-در. مکرکه حاملار قبل الحمل یکدیگریله حمل وعملده شرکت صنایع ایله شریک اوله-لر. او حالده اجرتک مجموعی آلور. واجرت ایکی شریک بیننده تقسیم ایدیلور. وبمحکم الشرکه بریسنک عملی ایکسسنک عملی کبی اولور. ۱۳۸۹ء مادیه باق.

کذلک بناءً حائط وحفر بئر ایچون ایکی اجیر استیجار اولندیفی حالده یالکز بریسی عمل ایتسه حکم بویله در اشباه هندیه فی الباب الثامن عشر.

❖ ماده ۵۶۴ ❖

[بر کیسه بر شخصه مقدار] اجرت [بیان ایتیه رک فلان ایشی کور سکا اکرام] ویا رعایت [ایدهرم] ویا اجرت ویریریم ویا خاطرکی خوش ایدرم [دیوب اودخی ایفای خدمت ایلسه] بالغاً مابلغ [اجر مثله مستحق اولور.] ۴۵۱ و ۴۶۲ ماده لره باق. اوشخص کرک اجرتله خدمت ایدر مقوله دن اولسون کرک اولسون زیرا اکرام اجرت دیمک اولوب لکن مادامکه مجهولدر وجهالت بدل اجاره یی مفسددر اجر مثله مستحق اولدی. واول کیسه شخص مرقومه اجر مثلندن فضله بر مقدار مبلغی رضاسیله ویرسه استرداد ایده من. وشخص مرقومه دخی مبلغ مذکور طیب اولور. فقط او شخص برشی استتم دیهرک ایفای

خدمت ایلمسه اجرت آله ماز. مادهٔ آنفه شرحه باق فیضیه  
و علی افندی. اما او شخص ایفای خدمت ایلمسه اجرت آله ماز.  
«۴۷۱» مادهیه باق .

مثلا بر کیمسه دیکر کسته یه کل بکا تجارتده خدمت ایله  
حاصل اولان کارده سی تشریک ایدیم دیوب لیکن او کسمسه  
مذکور تجارتده اصلا خدمت ایلمسه نسسه آله من فتنای  
جدیده .

کذا بر کیمسه بر شیخسه باغمده چالش سکا قزمی تزویج  
ایدرم دیسه ده اوده عمل ایتسه بالغما بلغ اجر مثل آلور .  
قزنی کرک تزویج ایتسون کرک ایتسون حامدیه .  
وکذا مدیون داینه حیوانی ویروده دینی ایفا ایدنجیه  
دک آنکله انتفاع ایت دیسه ده داین دخی آنکله انتفاع ایتسه  
اجر مثل لازم کلور علی افندی عن القنیة وهندیة فی البساب  
الثانی والثلاثون .

❀ ماده ۵۶۵ ❀

[ اجرت تسمیه ] و شرط [ اولنقسزین ] جمال و درزی  
و بویاجی و جامه شوی و سمسار مثلوایشی اجرت ایله کورملری  
معروف اولان [ عمله استخدام اولندقدده ] یعنی مستأجر طلبیه  
قوللاندقدده [ کونده لیکی معلوم ایسه اجرت معلومه و ] کونده لیکی  
معلوم [ دکل ایسه اجر مثلی ویریلور. ] « ۴۵۰ » و « ۴۶۱ » و « ۴۶۲ »

ماده لره باقی. و مستأجر رضاسیه اجر مثلندن زیاده و یردیکی  
تقدیرده آرتق استرداد ایدمهز هندبه فی الباب الثانی والثلاثون  
وانقروی.

[بوکا مماثل اصنافك معامله لری دخی بو وجهله در.]

مثلا زمانمزه دوسه سادنده بازارلق ایتمکسزین قالایچی به  
باقرلرینی کوندرویده اوده قالایلاسه یارچه باشنه معروف اولان  
اجرتک اعطاسی لازم کلور. «۴۳» مادهیه باقی.

کذلک بر کیمسه اجرت تسمیه اولقمسزین دیگر کمسنه دن  
استعانه ایدمهز چارشوده بر مال صاندقدن صکره او کمسنه اول  
کیمسه دن اجرت طلب ایتدکده اول چارشو اهالیسنک عادتنه  
باقیلور. اگر اجرت ایله عمل ایتمکده لر ایسه اجر مثل لازم  
کلور. والا لازم کلز.

کذلک بر کیمسه ایشلمک اوزره دکاننده بر آدمی آلدقده  
حکم بویله در رد محتار واشباه.

مجله ده استیخدام دینلدیکه طلب خدمت دیمکدر. اجرت ایله  
عمل ایتملری معروف اولان کیمسه لردن بری بلاطلب دیگرک ایشنی  
کورویورسه یعنی مثلا اجرت ایله حمالاک ایتمکله معروف اولان  
بر آدم بر کیمسه نک یوکفی اول کیمسه نک طلب وامری  
اولقمسزین آنک خانه سنه نقل ایدیورسه اجرت طلب ایدمهز بیلور.  
می «۵۶۳» ماده شرحنه باقی.

﴿ ۵۶۶ ماده ﴾

[ قیمیاتدن لا علی التبعین بر شی ] یعنی غیر معین بر مال  
[ ویرمک اوزره اجیر ایله عقد اجاره ] و ۴۷۱ ماده ده بیان  
اولندیغی اوزره منفعت استیفا [ اولندقدده ] بالغاً مبالغ [ اجر  
مثل لازم اولور. ] ۴۶۵ و ۴۶۱ و ۴۶۲ ماده لره باقی .

[ مثلاً بر کیمسه برینه کل بکاشو قدر کون خدمت ایت  
سکا برچفت اوئوز آلیوریم ] و باواب ایدیوریم [ دیسه ] ده  
اوکوزی ویا انوانی تعین ایلمیوب اجیر دخی اول قدر کون  
ایفای خدمت ایتسه [ اوکوزک اعطاسی لازم گلیوب اجر مثل ]  
اعطاسی [ لازم کلور . فقط عادت اولدیغی اوزره ] سوت انابه  
[ البسه یا بلق ] ویمک ویرمک اوزره [ سوت انا استیجاری جائز ]  
اولوب البسه نک طول و عرض نک و وصف نک و طعام نک نوع  
و وصف نک بیان اولغایمی اجارمک عختنه مانع اولماز . نته کیم  
بدل معلومه مقابل دخی سوت آنالمک استیجاری جائز در تنویر .  
[ و البسه نک ] و طعام نک [ نصل اوله جنی وصف و تعریف اولندیغی  
تقدیرده اوسط درجه می لازم اولور. ] امامین رحمهما الله  
تعالی جهالت اجرتدن طولانی بویله البسه یا بلق مقابلنده سوت  
آنا استیجاری جائز اولندیغنه قائل اولدیلار و امام اعظم رحمه  
الله تعالی جائز اولدیغنه قائل اوله رق امامینه جواباً بیوردیلرکه  
بو بابده جهالت وار ایسه ده چو جغه شفققتدن طولانی سوت

انابه توسعه وبولاك كوسـ ترمك ايله عادت جارى اولديغـندن  
جهالت المذكوره نزاعه مفضى اولماز. جهالت لذاتها مانع اجاره  
دكلدر. بلكه منازعه به مفضى اولمـسـندن طولاي مانع اجاره در  
مجمع الانهر وانقروى وعلى افندى ورد مختار .

اما البسهـ نك فصل اولهـ جنى وصف وتعريف اولندينى  
تقديرده مستأجر اوزرينه وصف وتعريف اولنـانـدن اعطاسى  
لازم كلوز. ۴۶۵۰، ماده به باق.

سوت آنلك ايفاسنه مجبور اولدينى خدمتـلـر دخی چوجنى  
والبسهـ سنى بول كى پسـلـكلـردن يايقامق وچوجغه يمك پشورمك  
وسودنى افساد ايدمـك شى اكل ايتماك اولوب اما چوجنى  
والبسهـ سنى كيردن طولاي يايقامق لازم گلز هـنـديـه ودر مختار .  
وسوت آنا چوجغه حيوانات سودنى امديره مـزـ. امديره بده بو  
وجهله مدت اجاره مرور ايتسه اجرت الهماز. زيرا معقود عليه  
ارضاع وتربيه اولوب يوخسه لبن وتغديه دكلدر . اى فلم تات  
بالعمل الواجب عليها وهو الارضاع وهذا ايجار وليس بارضاع  
وفى المحيط استأجرت شاة لترضع جديا اوصبا لايجوز لان اللبن  
البهائم قيمة فوقعت الاجارة عليه وهو مجهول فلايجوز وليس  
للبن المرأة قيمة فلا تنفع الاجارة عليه وانما تقع على فعل الارضاع  
والتربية والحضانة زيلعى ورد مختار.

❖ ۵۶۷ ماده ❖

[خدمه به خار جـدن ويرمـش] و تسليم ايدمـش [اولان بخشش]



کندولرینک اولوب [ اجرتہ محسوب ایدیلہ ماز . ] و بناء علیہ  
اجرتی آبروجہ ویرلمک لازم کلور . زیرا بو وجهله ویریلان  
بخشش هبه اولوب ۸۶۱ مادهیه بناء موهوب له قبض ایلہ اکا  
مالک اولور . و بو حالده موهوب له خدمه اولوب افندیسی دکلدور .  
یعنی افندیسنه هبه و تسلیم ایدلما مشدرکه آ کا مالک اوله بیاسون .  
مثلا بر کیمسه شهریه شوقدر فروشه اولق اوزره بر  
خدمتکار استیجار ایدوبده بعض کسان خدمتکاره بایرام کی  
بعض ایامده بر مقدار پاره هبه و تسلیم ایتدکارنده مبلغ مذکور  
خدمتکارک مالی اولوب اول کیمسه مجرد خدمتمده ایکن هبه  
اولمغله مبلغ مذکور بنم اوله جفتدن اجرتہ طوتارم « ديه من » .

### ❖ ماده ۵۶۸ ❖

[ بر علم ] مثلا علم فقه ونحو و صرف و طب و نجوم و لغت  
و ادب و خط و حسانی [ یا صنعت تعلیمی ایچون استاد استیجار  
اولندقدده اکر ] آی وییل کی [ مدت ] و برده اجرت [ بیان  
اولنور ایسه اجاره ] صحیح و [ مدت اوزرینه منعقد اولور . ]  
[ حق ] بو صورتده [ استاد تعلیمه حاضر و مهیا بولمق ایلہ  
اجرتہ مستحق اولور . شا کرد کرک تعلم ایتسون و کرک ایتسون . ]  
علی افندی . زیرا وقتاکه اجاره اجرت و مدت تعیین ایلہ صحیح  
اوله رق منعقد اولدی استاد مدت معقود علیها ده تعلم ایچون  
تسلیم نفس ایتسیله اجرتہ مستحق اولدی چونکه استاد اجیر



خاص اولش اولور . « ۴۲۵ » مادهیه باقی .

فقط استاد تعلیم ایتمکدن امتناع ایدهن ایدر ایسه مستاجر

اجاره‌نی فسخ ایده بیلور بزازیه « ۴۲۵ » مادهیه باقی .

وبرده مدت اجاره‌نك بعضیسی مرو رايتدیکی حالدده شا کرد

تعلیم ایتسه شا کردك و لیس فسخ اجاره ایده بیلور خانیه .

[ واکر مدت بیان اولماز ایسه ] « ۴۵۱ » و « ۴۶۲ » ماده‌لر

احکامنجه [ اجاره فاسد اولدوق منعقد اولور بوصورتده شا کرد

تعلیم ایدرسه استاد اجرتیه ] یعنی اجر مسمانی تجاوز ایتماك

اوزره اجر مثله [ مستحق اولور . والا اجرت الهمز . ] هندیه

فی الباب السادس عشر . « ۴۷۱ » مادهیه باقی .

### ❖ ۵۶۹ ماده ❖

[ بر کیمسه مثلا اوغانی ] بز طوقومق کبی [ صنعت

اوکرنك ایچون ] شو قدر مدت [ اوسته‌یه و یروب احد ها

آخره ] یعنی اول کیمسه اوسته‌یه و یاخود اوسته اول کیمسه‌یه

[ اجرت شرط ایتدکلری حالدده چوجق صنعت اوکرنكدن

صکره یکدیگردن ] یعنی اول کیمسه اوسته‌دن و اوسته اول

کیمسه‌دن [ اجرت مطالبه ایتسه‌لر عرف و عادت بلده نه ایسه

انکله عمل اولنور . ] یعنی عرف بلده اوسته لهنه یعنی اوسته‌نك

شا کردن اجرت آلمی خصوصنه شهادت ایدر ایسه اوسته

تعلیمنك اجر مثانی اول کیمسه‌دن آلور . و اول کیمسه لهنه

شهادت ایدر ایسه اول کیمسه اوغلنك اجر مثانی اوسته دن  
آلور. زیرا معروف مشروط کیدر رد مختار «۳۶ و ۴۴» ماده -  
لره باقی شرنبلالی و درر.

اما بری دیگر اوزرینه اجرت شرط ایتدکاری حالد  
شرطلری اوزره معامله اولنوب یعنی اجر مسمی لازم کلوب بو  
حالد عرفه باقلمازه «۳۷» ماده شرحنه باقی.

مثلا اول کیمسه اوسته یه شو قدر غروش ویرمك اوزره  
مقاوله اولنمش ایسه اوسته یه اول قدر غروش ویرمسی کلور.  
اوسته اول کیمسه یه شو قدر غروش ویرمك اوزره شرط  
ایدلش ایسه اوسته نك ویرمسی لازم کلور بزازییه وهندییه فی  
الباب السادس عشر.

### ❖ ماده ۵۷۰ ❖

[ بر قریه اهالیسی ] فر آن کریم وفقه مثللو درس لری  
وعلومی اوقوتمق ایچون [ بر خواجه یاخود ] نماز قیلدیرمق  
ایچون [ امام یا ] مؤذنك ایتك ایچون [ مؤذن ] ی وکذا ناسه  
وعظ ایله نصیحت ایلمك اوزره واعظی تعیین مدتله [ استیجار  
ایدوب انلر دخی ] مدت اجاره ده [ ایضای خدمت ایلسه لر  
اجرتلرینی ] یعنی اجر مسالرینی [ اول قریه اهالیسندن آلور -  
لر . ] « ۴۶۹ » ماده یه باقی . اجرتلرینی ویرمز لر ایسه اجبار  
ایدیلور . فهذا مجموع ما افقی به المتأخرون من مشایخنا وهم

البلخیون علی خلاف فی بعضه مخالفین ما ذهب الیه الامام  
وصاحباه وقد اتفقت کلماتهم جميعا علی التعلیل بالضرورة وهی  
خشیه ضیاع القرآن رد مختار .

بوراده ایفای خدمت ایلمه لر قیدی احترازی دکدر . زیرا  
بونلر وقت اجاره ده عمل ایچون حاضر بولنلریله دخی ولوکه  
بالفعل خدمت ایلمیه لر اجرتیه کسب استحقاق ایدرلر . ۴۲۳  
و ۴۲۵ ماده لره باق . شو قدر وارکه اجرت یا وقت تعیین اولنماز  
ایسه اجاره فاسد اوله جغندن ۴۸۱ ماده شرحی موجبجه بالفعل  
عمل اولندقدیه اجر مثل لازم اولور در مختار .

مثلا برقریه اهالیسی کندولرینه امامت ایتمک اوزره فلان  
محلده ایفایلمک شرطیله شومقوله شو قدر کیله بغدادیه برکیسه  
ایله . مقاوله ایدوبده اول کیسه دخی انلره بر سنه امامت ایلمه  
اول کیسه محل مذکورده اول مقوله اول قدر بغدادی اهالیدن الور  
نتیجه . بوراده قریه اهالیسی تعبیری احترازی دکدر . زیرا  
بر جامع شریف امامی بر کیسه یه بریمه اول جامع شریفده  
امامت ایله ایده سکا شو قدر غروش ویرهیم دیمکه اول کیسه  
دخی انک یرینه اول جامعده بر قاج ای امامت ایلمه امامدن  
اجر مسمانی الور نتیجه .

کذلک بر مسجدک متولیس بر سنه مدته مذکور مسجدده  
امامت و قتادیلی ایقصاد ایتمک اوزره بدل معلوم ایله بر آدمی

استیجار و او آدم دخی بر سنه مدته ایفای خدمت ایتدکده  
اجرتی وقفدن آلور تنقیح .

وکنلک بر مکتبک معلمی اخر دیاره کیدر اولدقد بر کیمسه  
فلان وقته قدر مکتبده تعلیم صبیان ایت یومیه شو قدر غروش  
ویرهیم دیوب کتدکن صکره اول کیمسه بر سنه مذکور مکتبده  
تعلیم صبیان ایتسه اجر مسمای آلور علی افندی  
وهمجه اما مدت ذکر و تعیین اولنسه اجاره فاسد اوله جغندن  
بونلر ایفای خدمت ایتدکدرنده اجر مثل آلور لر رد مختار  
و بزایه وانقروی .

مثلا بر کیمسه مدت بیان ایتدکسزین دیگر کیمسه ده رکون  
منزله کلوب صغیر فلان او غلمه قر آن کیم اوقوت ختم ایتدکده  
سکا شو قدر غروش اجرت ویرهیم دیسه و او کیمسه دخی  
تعلیم ایتدکله چوجق ختم ایتسه عملنک اجر مثلیله مسمان اقلنی  
آلور .

کذا بر مؤذن دیار آخره کیدر اولدقد بر کیمسه بن  
کلنجهیه قدر مؤذنلک ایت شو قدر غروش ویرهیم دیویازارلق  
ایدوبده او کیمسه دخی بر سنه مؤذنلک ایتسه اجر مسمای تجاوز  
ایتماک اوزره اجر مثل آلور . ۴۶۲۵ مادهیه باقی نتیجه و همجه .  
بو مادهیه استیجار دینلدی . زیرا اجرت ایله خواجهیه  
اصلا استیجار ایتدکسزین چوجغنی خواجهیه کوندرن آدم اوزرینه  
ینه اجر مثل لازم اولور هندیه فی الباب السادس عشر .

مثلاً بر کیمسه چو جغنی اوقوتمق ایچون مکتبه کوندروبده  
بر مدت اوقویوب ختمه تقرب ایتدکده معناد و متعارف اولان  
اجرت و هدایای حواجهیه و یرمیهیم دیو چو جغنی ختم ایتزدن  
اول مکتبدن آلسه خواجه اول کیمسه دن اجر مثلی آلور  
تنقیح .

معلوم اولمیدرکه طاعت و عبادت ایچون استیجار آدمی  
باطلدر. لان القربة متى حصلت وقعت عن العامل ولهذا تتعین  
اهلیته فلا يجوز له اخذ الاجرة من غيره رد مختار

مثلاً بر کیمسه کندوسیچون نماز قیلحق و اوروج طوتمق  
و ختم ایتک اوزره دیگر کسمه نی استیجار ایتسه صحیح اولماز  
انقروی . بالاجرة لا يستحق الثواب لاللمیت و لاللقاری و بمنع  
القاری للیدنا و الاخذ و المعطى آثمان رد مختار. فقط تعلیم  
وامامت و اذان و کذا و عظ عبادت اولدینی حالده مستثنا اوله رق  
بونلر ایچون استیجار جائز اولمغله متن مجله بونلره تخصیص  
ایدلمشدر. متقدمین فقهاء، بونلرده دخی استیجارک عدم جوازینه  
قائل ایکن متأخرین بونلرده اصتیجاری تجویز ایتدیلر. زیرا  
متقدمین ، زمانلرنده معلمینه من غیر شرط متعلمین طرفلرندن  
مجازاة الاحسان بالاحسان اولحق اوزرنده احسان اولنور ایدی  
واما الیوم فذهب ذلك واشتغل الحفاظ بما شههم و قل من یعلم  
حسبة ولا یتفرغون له ایضا فان حاجتهم تمنعهم من ذلك فلو لم  
یفتح لهم باب التعلیم بالاجر لذهب القرآن فافتوا بجواز ذلك

ورأوه حسنا وقالوا الاحكام قد تختلف باختلاف الازمان  
زياعى . اتفقت النقول عن ائمتنا الثلاثة ابى حنيفة وابى يوسف  
ومحمد ان الاستيجار على الطاعات باطل لكن جاء من بعدهم  
من المجتهدين من اهل التخرج والترجيح فافتوا بصحته على  
تعليم القرآن للضرورة فانه كان للمعلمين عطايا من بيت المال  
وانقطعت فلزم يصح الاستيجار واخذ الاجرة لضاع القرآن  
وفيه ضياع الدين لاحتياج المعلمين الى الاكتساب وافق من  
بعدهم ايضا من امثالهم بصحته على الاذان والامامة لانهما من  
شعار الدين فصحيحوا الاستيجار عليهما للضرورة ايضا فهذا  
ما افق به المتأخرون عن ابى حنيفة واصحابه لعلمهم بان اباحنيفة  
 واصحابه لو كانوا فى عصرهم لقالوا بذلك ورجعوا عن قولهم  
الاول وقد اطبقت ائمة المتون والشروح والفتاوى على نقلهم  
بطلان الاستيجار على الطاعات الا فيما ذكر وعلموا ذلك للضرورة .  
بوصورته مجرد قرآن كريمى تلاوت يعنى ختم وذكر مقابلته  
اجرت الملق ووزمك حرام وممنوع . وصار الناس يعتقدون  
ذلك من اعظم القرب وهو من اعظم القبائح شرح رسم المفتى  
لابن عابدين .

بو بابه معلومات مختصره آرزو بيوران ذوات « تنقيح  
حامدى » نام فتوانك كتاب الاجاره سى او اخريته ور دختاره  
مراجعت بيورسون .

بو ماده وجهله خواجه استيجارنده خواجه نك او قوته جنى

طالبك معلوم ومعين اولمسی شرط دكلدر هندیه فی الباب السادس عشر .

یعنی طالبك معلوم اولمسه دخی اجارهك صحنه خلل كلز .  
 بو ماده وجهله اجر تلرینی آله بیله جكلری کی چوجق  
 ختم ایتدكده ویا بعض سوره لر تکمیل ایلدكده ویا خود پنجه شنبه  
 یا جمعه ویا بیرام كلدكده معلمه ویرلمسی معتاد اولان همدایانك  
 اعطاسنه ولی یعنی چوجنی معلمه کوندون کیسه اجبار اولنور  
 در مختار .

چارشو رئیس ویا اکثر اهالیسی چارشونی بکلنمك اوزره  
 بکچی استیجار ایتدکارنده دیکر لر راضی اولمسه لر بیله جائز  
 اولوب اجرت هپسی اوزرینه لازم کلور ، « ۳۶ » ماده یه متنا  
 وشرحا باق بزازیه .

منافع قریه ده دخی حکم بویله در اشباه .

### ❖ ماده ۵۷۱ ❖

[بالنفس عمل ایتك یعنی كندو ایشلمك اوزره استیجار  
 اولنان اجیر كندو یرنده بشقه سنی] ولو كه قلفه سنی ویا خدمتكارینی  
 [قوللانه مز.] بو صورتده كرك بشقه سنه یا پدیرمه دیمش اولسون  
 وكرك اولسون رد مختار . صورة المسئلة فیما اذا قال للاخیاط مثلا  
 علی ان تعمل بنفسك او بیدك اما اذا قال علی ان تعمل فهو  
 مطلق شایب زیرا عمل صانعك اختلافیله جودت و رد اتجه مختلف



اوله جغفسدن شرط مفید اولور مجمع الانهر و عبدالحیم و برده  
بو صورتده معقود علیه محل معین اولمغله غیرسی آنک مقامنه  
قائم اوله ماز و مثلاً بر کیمسه بر شخصی استیجار ایلدیکی حالده  
شخص مرقوم کندی برینه دیگر بر آدمی اقامه ایده من لانه  
استیفاء للمنفعة بلا عقد زیاعی قال فی العناية وفیه تأمل لانه  
ان خالف الی خیر بان استعمل من هو اضع منه او سلم دابة  
اقوی من ذلك ینبغی ان یجوز انتهى واجاب السائل محانی بان ما  
یختلف بالمستعمل فان التقييد فيه مفید وما ذکر من هذا القلیل  
اه وفي الخاتمة دفع الی غلامه او تلمیذه لایجب الاجراء رد  
محار. بونده بشقه سی قوللانه میه جنی مطلق اوله رق ذکر اولندیغندن  
اکلاشیله جنی اوزره بالذات و بالنفس عمل ایتک اوزره استیجار  
اولنان اجیر کندو یرنده کندوسندن ده ا زیاده صنعتکار و ماهر  
آدمی دخی قوللانه من. ۴۲۷» مادهیه دخی باق.

[ مثلاً بر کیمسه بر جبهی شو قدر غروشه درزی کندو  
الیله ] وبالذات کندو [ دیکمک اوزره یازارلق ایتدکده درزی  
آنی آخره ] ولو که قلفه سنه و یا اوغلنه [ دیکدیره میوب ] بالذات  
[ کندوسی دیکمک لازم طور . و آخره دیکدیردیکی تقدیرده ]  
اجرت لازم کیله چکی مثللو مستأجر فیه [ تلف اولسه ضامن  
اولور. ] ۷۶۲ و ۷۹۰ ماده لره باق رد مختار .

مثلاً بر کیمسه بالنفس کندوسی دیکمک اوزره جبهی  
درریه ویردیکی حالده درزی اوغلنه یا قلفه سنه یا شخص

اجنبی به اجرت معلومه ایله دیکدیرسه اول درزی اول کیمسه دن  
اجرت الهماز لعدم العقد بینهما اصلا رد مختار فقط کندوسنک  
اجر مسای اوغلنه یا قاغهنه یا شخص مرقومه ویره سی لازم  
کلور.

کذا چوجنی بالذات کندوسی ارضاع ایتک اوزره استیجار  
اولنان سوت آنا بشقه سنه ارضاع ایتدیرر ایسه صحیح اولان  
شودرکه سوت آنا اجرت آلهماز.

کذلك بالذات کندوسی یا یقامق اوزره ویریلان البسه یی  
چامه شوی بشقه سنه یا بقاتسه ده تلف اولسه ضامن اولور انقروی  
وتلف اولسه اجرت آلهماز.

بو ماده ده شرط عمل اوزرینه اقتضار اولندی . زیرا  
مثلا بو کون یاخود یارین اکیال ایتک اوزره شرط ایتدیکی  
حالده اجیر تم اهل ایدوب او مدته اکیال ایتیوب فقط امر  
محافظه ده دخی تقصیر ایتدیکی حالده مستأجر فیه سرقت اولندوقده  
بونده اختلاف اولنمش اولوب بعض علمایه کوره ضمان لازم  
کلز . زیرا بوکی مثلا کونک ذکر ی استعجال اچوندرد . وبعض  
علمایه کوره ضمان لازم کلور . ولو اختلفا ینبغی ان یصدق  
القصار لانه نیکر الشرط والضمن والاخر یدعیه ثم لو شرط  
وقصر بعد ایام ینبغی ان لایجب الاجر اذ لم یبق عقد الاجارة  
بدلیل وجوب ضمانه لوهلك وصار کالو جحد الثوب ثم جاء به  
مقصور ابعده جحدوده رد مختار .

﴿ ۵۷۲ ماده ﴾

[مطلق اوله رق] یعنی ماده آشفه وجهله بالنفس عمل ایتک اوزره قیدله مقید اولیه رق [مقاوله] یعنی عقدا جاره [اولندیغی صورتده اجیر کندویرنده بشقه سنی] یعنی مثلاً قلفه سنی [قوللانه بیلور] ۶۴ و ۷۸۰ ماده لره باق. کرک کندوسی عمل ایتسون و کرک قلفه سنه یایدیرسون اجیر اجرتیه مستحق اولور. زیرا اطلاق ایله بشقه سنک عملنه دخی راضی اولمش اولور و بوضورتده معقود علیه اولان عمل ذات اجیره تعلق ایتیموب بلکه ذمت اجیره تعلق ایدءجکی جهتله بالذات عمل ایده بیلءجکی کبی استعانه دخی ایده بیلور. قال فی البحر لان المستحق عمل فی ذمته و یمكن استيفاءه بنفسه وبلاستعانة بغيره بمنزلة ايفاء الدين انتهى وقال الشلبي لان المطلق ينصرف الى المعتاد والمتعارف فيما لم يشترط والضاع يعملون فی العادات بانفسهم وبا جرائهم فیکان له ان يعمل بنفسه واجیره وهذا لان المعقود علیه مطلق العمل فی الذمة وذلك موجود فی فعله وفعل غیره فیجوز ان یو فیه باستعانة غیره كما فی ايفاء الدين انتهى.

بوراده بشقه سندن مقصود شرحا اشارت اولندیغی اوزره قلفه سیدر. یعنی اجرت ایله طوتدینی کیمسه در. اما بو صورتله قلفه سنی قوللانیموبده امینی اولیان اجنبیه ویرسده تلف اولسه ده بلا خلاف اجیر اول ضامن اولور.

«۷۹۰» مادهیه باق رد مختار اما اجر ثانی ضامن اولماز هذا عنده  
اما عندها له تضمین ایها شاء رد مختار کا اختلافهم فی مودع المودع  
انقروی و بحر .

مثلا بر کیمسه بز طوقومق اوزره بر مقدار ایلیکی چوخلیه  
ویروده چوخله دخی انی دیگر بر چوخلیه ویرسده آندن  
چالسه نظر اولنور. ایکنجی چوخله اولکینک اجیری ایسه  
هیچ برینه ضمان لازم کلز. «۹۱۰» مادهیه باق. اجنبی ایسه اولکی  
چوخلیه ضمان لازم کلور .

كذلك مطلق اوله رق استیجار اولنان سوت انا چو جفی  
بشقسه نه ارضاع ایتدیرر ایسه اجرته مستحق اولور . لان  
الانسان تارة يعمل بنفسه وتارة بغيره رد مختار .

كذلك بر کیمسه بر مالک حفظی ایچون دیگر کسنه یی استیجار  
ایتدکده اوکسنه مذکور مالی حفظ ایتک اوزره عیالندن اولیان  
دیگر بر شخصه ویرسه اجرته مستحق اولور . لان الاجیر اذا  
لم یشرط علیه ان يعمل بنفسه له ان یستعمل غیره والعین وان  
كانت امانة عنده والمودع لایلی الایداع لیکنه امانة ضمنا والضمن  
یخالف القصدی انقروی . «۵۴» مادهیه باق .

### ❖ ماده ۵۷۳ ❖

[ مستأجرک اجیره بوایشی یاپ دیمسی اطلاقدر . ]  
یوخسه تقیید دکلدرد. بناءً علیه بوصورته اجیر ماده آفه وجهله

کند و برنده قلفه‌سی یعنی بالاسه‌تیجار طوتدینی آدمی قوللا-  
نه بیلور رد مختار .

[ مثلاً بر کیمسه درزی به بالذات یاخود کندک ] ویاخود  
بالنفس عمل ایتمک اوزره [ دیو ] ۵۷۱ ماده مثللو [ تقیید  
ایتمکسزین شوقدر غروشه بوجهی دیک ] ویا بویاجی به بویات  
[ دیو مقاوله ایتدکده درزی ] ویا بویاجی [ انی قلفه‌سنه یاخود ]  
استیجار ایتدیکی [ دیگر بر درزی به ] ویا بویاجی به [ دیکدرسه ]  
ویا بویاتدرسه [ اجر مسایه مستحق اولور . و ] بو صورته  
[ بلا تعد ] ولا نقصیر [ جبه ] قلفه‌سی ویا اجر تله طوتدینی  
دیگر درزی ویا بویاجی نزدنده [ تلف اولسه ضامن اولماز . ]  
۹۱ ماده به باق جمیع الانهر ورد مختار .

بومثال ماده آغه شرحنده کی « بوراده بشقه‌سندن مقصود  
الح » فقره‌سنه مخالف اولماز .

بو صورته مستأجر بالذات عمل ایتمک اوزره شرط ایتشیدم  
ومثلاً خیاط اطلاق ایتشیدک دیو اختلاف ایتدکدرنده سوز  
خیاط کدر . زیرا شرط وضمانی انکار ایدیور . وینه مدعینکدر .  
« ۷۶ » ماده به باق رد مختار .

### « لاحقہ »

حاله امره مخالفت و بولده توقف ایتسند نطولانی  
یوکک تلف اولسنه دائرور  
بر کیمسه حاله یوک و یروب فلان و فلان کسنه لر ایله بر لکده

کیت دیو رفیق‌لری تعیین ایتمش یکن یالکز کیدوبده یولده قطاع طریق یوکی غصب ایتسه نظر اولنور. بول اکر مخوف اولوب ناس رفیق‌سز کیتمز اولور ایسه حال ضامن اولور. واکر مخوف اولوب هر کس رفیق‌لری اولقمیزین کیدر اولور ایسه ضامن اولماز تنقیح. و حال، طریقده ایما توقف ایده مز. ایدر ایسه مخالف و غاصب اولور. قبض ایتدیگی اجرتدن حصه‌سی آدن یعنی توقف مذکوردن اعتباراً صاحب احواله رد ایلمسی لازم کور. و بو توقفدن طولانی صاحب احوال اوزرینه استیجار ایلدیگی اوعیه‌نک اجرتی ایچون مبلغ کثیر لازم کلسه بو مبالغی صاحب احوالک ویرمسی لازم کور. یوقسه مجرد یولده توقف ایتسندن طولانی حال اوزرینه لازم کیز هندیه قیل

الباب الثامن عشر.

﴿ ۵۷۴ ماده ﴾

[ عمالك ] یعنی عمل اوزرینه واقع اولان اجاره‌ده عمالك [ توابعدن اولوبده اجیر اوزرینه شرط قلمیای هر نه اولور ایسه اولسون بونده عرف وعادت بلده اعتبار اولنور. ] ۵۵۴ و ۵۷۵ ماده‌لر بوندن تفرع ایدر. « ۳۷ » ماده‌یه باق. و قد قالوا فی توابع العقود التي لا ذکر لها فيها انها تحمل على عادة كل بلد كالمسلك على الحياط والدقيق الذي يصلح الحاتك به الثوب على رب الثوب وادخال الخنطة المنزل على المكارى بخلاف الصعود

بها الى الغرفة او السطح والاكاف على رب الدابة والحبال والجوالق  
على ما تعارفوه رد مختار .

[ ايپاك درزينك ] ويوك حيواني يولارلامق وايپ وبالان  
وسائر مكارى ومركب كاتب اوزرينه [ اولق اوزره ] فى زماننا  
[ عادت اولدينى كى . ]

مثلا آرقه وبا كندى حيوانى ايله يوكى نقل ايدن مكارى  
استيجار اولندقدى ايپ مكارى اوزرينه در . لان الحبل يكون  
لصيانة الحمل عن الوقوع . وچوال دخى مكارى اوزرينه شرط  
ايديلور ايسه اكا لازم اولور هندية فى الباب السابع عشر .  
كذا ولیمه ايجون استيجار اولانان آشجى اوزرينه يكلرى  
مخنله وضع ايتك لازمدر . وان استوجر لطبخ قدر خاص لا  
يكون ذلك على الطباخ هندية فى المحل المزبور .

يوك ايجون حيوان استيجار اولندقدى اكاف، حبال وجوا-  
لقدى عرف معتبر اولدينى كى ركوب ايجون حيوان استيجار  
اراندىنى صورتده دخى لجام وسرجده كذلك عرف معتبردر  
هندية فى الباب السابع عشر .

٥٦٦ ماده شرحنده ذكر اولندينى اوزره سوت آنا اوزرينه  
چوجنى والبسه سنى بول ونجاستدن تطهير ايتك وچوجق ايجون  
طعام پشورمك لازم اولوب اما بوناره دائر مصرفى كندو  
ماندن تسويه سى لازم دكلدر .

بومادهده عملاك توابعدن اولان دنيايدى . زيرايوك قونيان



محلک اجرتنده تفصیلات آتیه جریان ایدر. شویله که حال موضع مشروطه یوکی نقل ایله بر محله وزن واوراده صاحبسه تسلیم ایتدیکی حالده صاحبی برمدت قالدیرمیوب اول محلک مالکی کرا استدکه نظر اولنور. اول محلی حال ویا یوک صاحبندن هر قنغیسی وضع حمل ایچون استیجار ایلمش ایسه اجرت آنک اوزرینه لازم اولور. باب ثالثک ایکنجی فصلنده کی شرحه باق. وهیج بریسی استیجار ایلمامش ایسه وضع و تسلیمندن صکره کی اجرت یوک صاحبی اوزرینه لازم کلور. وقیل یکون علی الحمال هندیه فی الباب السابع عشر.

❖ ماده ۵۷۵ ❖

[یوکی خانهیه ادخال ایتک حاله] یعنی آرقه سیله یوکی کتورن شخصه [لازم اولوب اما محله قویق آنک اوزرینه لازم دکلدر] مکرکه شرط ایدلمش اوله. اولخالده محله قویق دخی آنک اوزرینه لازم کلور هندیه.

[مثلا یوکی اوست قاته چیقارمق و ذخیره یی انباره دوکمک] سالف الذکر [حمالک بورجی دکلدر]. فقط قاطرجی مثللو یوکی حیوان ایله نقل ایدن حمالارک یوکی حیواندن ایندیرملری لازم ایسه ده خانهیه ادخالنده عرف معتبردر. و اوست قاته چیقارمق بونلره دخی لازم کلز. مکرکه شرط ایدلمش اوله بزازیه و هندیه فی الباب السابع عشر.

﴿ ۵۷۶ ماده ﴾

[ اجیره ] مالندن [ يـك و يرمك مستأجره لازم اولماز . ]  
مثلا بر کیمسه زمانمزده درسعادنده دولکر استیجار ایتدکده  
آنک یکنی ویرمی اول کیمسه اوزرینه لازم کلز . [ مکرکه  
عرف بلده اوله . ] رد مختار « ۴۳ » ماده یه باق .  
الحالة هذه استانبولده اوشاغه يـك و يرمك کي .  
کذلک بر کیمسه سوت آنا استیجار ایتدکده حین عقدده  
مستأجر اوزرینه شرط اولندجقه البسه و طعامی کندی یعنی  
سوت آنا اوزرینه در بزازیه ورد مختار .

﴿ ۵۷۷ ماده ﴾

[ بر دلال ] دلایه سی شو قدر غروش اولق اوزره  
مقاوله اولنمشیکن [ بر مالی کزدير و بده صانه مسه بعده صاحبي ]  
اول مالی [ صاندقده ] ویا هیچ صاتمقده [ اول دلال ] اصلا  
[ اجرت الهماز . ] « ۴۴ » ماده یه باق . واجرت دلایه صاتمغه  
مقابل اولوب یوقسه بیعه عرضه و بر مدت ندا ایتکه مقابل  
دکدر . زیرا عرف و عادت بویله در . « ۳۶ » ماده یه باق .  
بوراده کزدير يـمك مطلق اوله رق ذکرندن مستفاد اولورکه  
کزدير مکده و بیعه عرض ایتکه مشقت چکمش اولسه دخی  
ینه نه اجر مثل ونده اجر مسمی آلهماز .

[ و ] اول مالی [ دیگر بر دلال صاندیغی تقدیرده اجرت  
دلالیهنی کاملاً ایکنجی دلال آلوب اولکیسی ] کز دیر مسندن  
طولانی [ بر شی آله مز . ] ۴۶۹ مادهیه باق هنسده فی الباب  
السادس عشر .

کذلک بر کیمسه بر مصلحتی کورمک ایچون دیگر کسنهنی  
استیجار ایتشیکن مذکور مصلحتی او کسنه کورمیوب بلکه  
مستأجر کورسه اجیر اصلاً اجرت الهماز فیضیه وانقروی .  
اما بر کیمسه بیع و شرا ایچون بر شخصی اجرت معینه  
ایله استیجار ایتدکه اکر وقت بیان اولمش ایسه جائز اولوب  
بیع حاصل اولسده اولسده اجرت لازم اولور . ومدت بیان  
اولماز ایسه جائز اولماز . بو مسئله مجلهده بیان اولنان مسئلهدن  
بشقهدر انقروی ونتیجه .

❖ ماده ۵۷۸ ❖

[ بر کیمسه مائی دلاله ویروب ] بو کون [ شو قدر  
غروشه سات دیدکده دلال اندن زیادهیه صائسه اول زیاده  
دخی مال صاحبک اولوب دلال ] مقاوله ایدیلان [ اجرت  
دلالیهسندن بشقه بر شی الهماز . ] علی افندی و اجرت تسمیه  
اولنماش ایسه بالغاً مابلغ اجر مثل لازم کلور .  
و بر کیمسه شو مالی شو قدردن زیادهیه صائار ایسه ک  
زیادهسی سنک اولسون دیو بر مالی دلاله وردکده اجاره فاسد

اولور . « ۴۵۰ » مادهیه باق نتیجه . و بو دلال اجیر مشترک حکمنده در بزازیه . اما بر کیمسه مالی دلاله و یروب نهایت اون غروشدن زیادهیه صاتیلور ایسه زیادهسی ینمزده مشترک اولسون دیدکده هیچ صاتلمز و یا اون غروشه صاتیلور ایسه دلال اجرت الهماز . و اوکه امک چکمش اوله . زیرا امر ، اون غروشدن زیاده صاتلمینجه اجرتک نفی متضمندر . زیادهیه صانار ایسه زیادهنک نصفی تجاوز ایتماک اوزره اجر مثل آلور همدیه فی الباب السادس عشر و نتیجه .

❖ ماده ۵۷۹ ❖

[ بیعه ] یعنی [ دلال ] بر مالی صانوب [ دلایلهسی ] الدقن صکره بر مستحق چیقوبده میبعی آله یاخود عیب ایله [ حکم حاکم ایله و یا حکم حاکم اولیهرق ] [ مبیع رد ] و یاخود بیع اقاله و الحاصل بیع لسبب من الاسباب فسخ [ اولنسه دلایله استرداد اولنهماز . ] « ۴۶۹ » مادهیه باق علی افندی و بهجه . زیرا دلایله دلالاتک عملنک اجرتی اولوب عمل تام اولوبده اجرت النجه آرتق استرداد اولنهماز . نته کیم بر آدم درزییه روبادیکدیردکن صکره اول ادم روبایی بوزسه درزینک اجرتنه خلل کلز بزازیه و همدیه . و بر کیمسه قلفهیه بر خانه انشا ایتدیردکن صکره خانهسی هدم ایتسه قلفهدن اجرت ویومیه استرداد ایده مز . شو قدر وار که مبیع وقف

اولدینی ظاهر اولق مثللو بر وجهله بیع منعقد اولمادینی  
اکلاشله اجرت استرداد اولنور اقروی وفتا وای جدیده  
وهندیه .

﴿ ۵۸۰ ماده ﴾

[ بر کیسه نك ترلاسنده کی اکیفی یچمک اوزره شو قدر  
غروشه استیجار ایلمش اولدینی اورا قییار اکینک بر مقداری  
یچدکاری حالدده طولو یا غمغه یا خود بشقه بر قضا ظهوریه  
اکینک ] یچیلان مقداردن [ ماعداسی تلف اولسه ] اورا قییار  
[ اجر مسادن ] یالکز [ یچدکاری اکینک حصه سینه اصابت  
ایدن مقداری اله بیلوب باقیسنی اله مزله . ]

بو ماده ایکی فقره حکمییه یی شامل اولوب برنجیسی  
اورا قییارک یچدکاری اکینک حصه سینه اصابت ایدن اجرتی  
اله بیلملری ایکنجیسی ماعداسنی اله ماملریدرکه فقره اولی ۴۶۹  
ماددنک و فقره ثانیه ۴۷۰ ماددنک فرعلریدر بهجه .

کذا بر کیسه شو عمق و وسعتده قویو قازمق اوزره دیگر  
کسنه یی استیجار ایتدکده بر مقدار حفر ایتدیکی حالدده حفری  
موجب مشقت و مستلزم مصارفات کثیره اوله چق بر حالدده  
اولدینی ظاهر اولدقده باقیلور . اکر قوبولرک حفرینه مخصوص  
آلات اله حفری ممکن ایسه زیاده مشقت و تعبیه باقلمیه رق  
اجیر حفره مجبور اولوب اما ممکن دکل ایسه مجبور دکلدر .

وحفر ایتدیکی مقدارک اجرتنه کلنجه قویو اکر مستأجرک  
خانه سنده ایسه اولمقدار اجرت لازم کلور. دکل ایسه لازم  
کلز. « ۴۸۲ » ماده شرحنه باق هندیه فی الباب السادس عشر.

﴿ ۵۸۱ ماده ﴾

[ سوت آنا خسته اولدوقده فسح اجاره ایده بیلدیکی کبی ]  
سوت آنا [ بویله خسته یا کبه ] ویا چرکین سوزلی ویا خرسز  
[ اولور یا خود چوجق آنک مهنی الماز ویا ] خود چوجق  
[ سوتی استفرغ ایلر ایسه مسترضع دخی فسح اجاره ایده -  
بیلور . ] زیرا سوت آنا خسته یا کبه اولنجه سوتی چوجقه  
مضر اولهجنی کبی بو حالد ارضاع سوت آناه دخی مضر  
اولغله طرفینک حق فسخلری وارد رد مختار .

وکذا اذا لم تجرلها عادة بارضاع ولد غيرها وكذا اذا عيرواها  
به لانها يتضرر به على ما قيل تجوع الحرة ولاتأكل بشديها  
زيلعي وهذا اذا امکن معالجته بالغداء او ياخذ لبن الغير والا فليس  
لها الفسخ وعليه الفتوى رد مختار.

کذلك چوجق طرفی سفره کتمک استیوبده سوت آنا  
برابر کتمکه موافقت ایتینجه فسح اجاره ایده بیلور.  
کذلك مسترضع طرفی سوت آناه ایدر اولدوقده سوت  
آنا دخی فسح اجاره ایده بیلور.

کذلك سوت آنا زانیه ویا مجنونه ویا احمق اولدینی ظاهر

اولسه مسترضع فسخ اجاره ایده بیلور . زنا سببیه فسخ اجاره اولنسی مرضه نك بو کبی فجور ایله مشغولیتی صبی محافظه مانع اولسندن طولاییدر رد مختار. بو ماده ده سوت آنا فسخ اجاره ایده بیلور دنیلسمی زوجندن احتراز ایچون دکلدر. زیرا سوت آنا زوجنك اذنسمز نفسی ایجار ایتدکده زوجی هر حالده یعنی بعدر و بغیر عذر فسخ اجاره ایده بیلور . چونکه زوج زوجه سنی خانه سندن خروجدن منع ایده بیلور . وارضاع وکیجه اویانق قالمق سوت آنا به ضعفیت ایراث ایدر و جمالنی ازاله ایلر . وشو حالده حق فسخ مطلقدر. ولوکه صبی بشقه سنك مهنی الماز اوله و بناء علیه تلفدن خوف اولنه . اگر زوجیتی ظاهر و طرفینك یعنی سوت آنا ایله زوج مرقومك اقرارلندن بشقه بروجله معلوم ایسه . اما ینلرنده کی زوجیت یالکز طرفینك یعنی سوت آنا ایله اول آدمك اقرارلندن معلوم اولور ایسه زوج مرقوم اجاره بی فسخ ایده مز لان قولها لایقبل فی حق المستأجر ٧٨ ماده به باق رد مختار .

١ — سوت آنا چوجنی کندی خانه سنده ارضاع ایده . بیلور . مکرکه چوجنك متعلقاتی خانه سنده ارضاع معروف ویا مشروط اوله . ٤٣ ماده ایله ٨٢ ماده به باق رد مختار .

### {لاحقه}

(مستأجر ایله اجیر بیننده کی اختلافه واجیرك ایام تعطیلیه سنه دائردر)


٢ — مستأجر غنتری دیککمک اوزره امر ایتشیدم



ودروزی کوملك ديكمك اوزره امر ايتمشيدك ديو اختلاف  
ايتدكلرنده سوز مستأجر كدر.

كذلك مستأجر قرمىزى بويامق ايله امر ايتمشيدم و بوياجى  
صارى بويامق ايله امر ايتمشيدك ديو اختلاف ايتدكلرنده سوز  
مستأجر كدر رد مختار.

۳ — بر كيمسه فلان ايشى يامق ايجون بر آيلق اوله رق  
بر شخصى استيجار ايتدكده عرفه مبنى جمعه كونى داخل  
اولماز هندية.



## ﴿ باب سابع ﴾

يعنى سكز بابى شامل اولان كتاب اجاردنك يدنجى بابى  
[ بمدالعقد آجر و مستأجر ك وظيفه و صلاحيتلرينه دائر اولوب  
اوچ فصلى ] و جمماً ۱۴ مادهينى [ حاويدر. ]

## ﴿ فصل اول ﴾

( يعنى باب سابعك برنجى فصلى )

[ تسامم مأجور ]، دائر مواد [ حقنده ] اولوب درت مادهينى  
حاوى [ در. ]

موجر اجاره تحيجه ايله ايجار ايديلان عين ماجورى

مستأجره تسلیمدن امتناع ایتسه تسلیمیه اجبار وحتی حبسیله  
تضییق اولنور خیره .

﴿ ٥٨٢ ماده ﴾

[ ماجورک تسلیمی مستأجره بلا مانع ] ولاحائل [ انکله  
انتفاع ایدیه یله جک حالده آجرك ] ماجوری قبض و تسلیمه  
[ اذن و رخصت ویرمسیدر . ] وبو وجهله ماجور، مستأجره  
تسلیم ایدلمدکجه کرا ایشلمز ٤٧٧، مادهیه باق . یعنی تسلیمک  
ثمره سی بدل ایجارده ظاهر اولورده تسلیم ایدلمش ایسه کرا  
ایشلره ایدلماش ایسه ایشلمز . اتی ٥٨٣ و ٥٨٤ و ٥٨٥ ماده لر  
بوندن تفرع ایدر هنديه فی الباب الثانی عشر .

مثلاً برکیمسه بر قصبه ده کی کلیدی عقارینی آخره ایجار  
ایدوب مفتاحنی مذکور قصبه ده مستأجره تسلیم ایله برابر قبضه  
رخصت ویرمک تسلیمدر فیجب الاجر بمضى المدة وان لم یسکن  
وقیده فی القنیة بان یكون فی المصر حیث قال و تسلم المفتاح فی  
السواد لیس بتسليم للدار و ان حضر فی المصر والمفتاح فی یده  
واقره فی البحر والمنح لکنه خلاف ما فقی به قاری الهدایة واقره  
محشوا الاشباه رد مختار . اکر بلا کلفة او مفتاح ایله مذکور عقار  
آچیله بیلور ایسه رد مختار و مجمع الانهر . نته کیم بیعه ده دخی بویه  
ایدی . ٢٧١٥ مادهیه متناً و شرحاً باق .

اما برکیمسه استیجار ایتدیکی عقاری آچق ایچون آجردن

مفتاح آلفی خالد اول مفتاح ايله اول کیمسه آچغه مقتدر اوله مسه تسلیم تحقق ایتیه جکی جهته کرا ایشلمز رد مختار وانقروی. وبوصورته آجر بومفتاح ايله آچغه مقتدر اولدینک جهته تسلیم تحقق ایتدی دیو و مستأجر مقتدر اوله مدینم حسیه تسلیم اولمندی دیو اختلاف ایدوب طرفینک بینه لری بولنسه حل حاضر حکم قانور. شویله که اول مفتاح اکر مذکور عقارک کلیدینه اویار ایسه سوز آجرک و الا مستأجر کدر رد مختار. « ١٠ » ماده به باقی. ولو برهنه فینه الموجر وان کان المفتاح لایلایم لانه لا عبرة لتحکیم المال متى جاءت البنية بخلافه کمسألة الصاحونة و انما تقبل اذا کان الموجر یدعی انه کان یلائم الغلق و لکن غیره والمستأجر یقول لابل لم یکن ملائما من الاصل رد مختار.

بو تقدیرده آجر بنم ویردیکم مفتاح بو اولیوب عقارک کلیدینه اویار دیگر مفتاح ایدی دیو و مستأجر ویردیکک مفتاح بو اولوب اساسا اویمندی دیو اختلاف و ایکسیده اقامه بینه ایدمک اولور ایسه موجرک بینه سی ترجیح اولور.

کذا برکیمسه استیجار ایتدیکی عقاری آچق ایچون آجر دن بر مفتاح آلفی خالد آچزدن اول مفتاح بدنده ضایع اولمغه اچدقده مفتاح مذکور بعده بوانسه نظر اولور. اول مفتاح ايله مذکور عقاری آچق اکر ممکن ایدیسه تسلیم تحقق ایتکله اجرت ایشار و اکر اول مفتاح بشقه بر یرک مفتاحی اولق کی

برسبب ايله آچق ممکن دکل ايديسه اجرت ايشلمز. وبوصورته  
آجر مستأجره مأجورك قپوسنى قيروب كيريدك ديمكه صلاحيتى  
يوقدر رد مختار .

مدت اجاره. اثناسنده مأجور مستأجر دن غصب ايدلده  
تسليم دخی زائل اولمغله مدت غصبده كى اجرت ساقط اولور .  
آجر. مدت اجاره نك بعضيسى مرور ايتدكدن صكره تسليم  
ايدجك اولدقده بونده كى حكم ۷۷ ماده شرحنده بيان  
اولنشىدى .

بالاده ايضاح اولندينى اوزره ثمره تسليم بدل ايجارده  
ظاهى اولمغله بوحالده مدت اجاره منقضى اولدقدن صكره آجر  
مأجورى تسليم ايتمشيدم ديو ومستأجر تسليم ايتدك مدت  
اجارده يدكده ايدى ديو اختلاف ايلدكلرنده آجر كينيه سى  
ترجيح قلنور . واقامة يينه ايدمديكى تقديرده سوز مع اليمين  
مستأجر كدر. «۷۶» ماده يه باق خصالى .

ولو اتفاقا انه سلم فى اول المدة او المسافة واختلفا فى حدوث  
العارض فقال المستأجر عرض لى مانع عن الانتفاع به من غصب  
مثلا وجحد الموجر ذلك فان كان العارض قائما عند الخصومة  
فالقول قول المستأجر مع يمينه البتة وان لم يكن قائما فالقول  
قول الموجر مع يمينه على علمه ولو اتفقا على حدوث المنع  
واختلفا فى مدة بقاء المانع فالقول قول المستأجر هندية فى الباب  
الخامس والعشرون .

﴿ ۵۸۳ ماده ﴾

۱ [ مدت ] ۲ [ یا مسافه اوزرینه اجاره صحیحه عقد اولندقده ] صورت اولیده [ مدتک انقضاسنه و ] صورت ثانیه ده [ مسافه نك ختامنه قدر مأجورك متصلا ومستمرأ یدنده طورمق اوزره مستأجره تسلیمی ] لزوم اجرتده [ لازمدر . ] هندیه فی الباب الثانی عشر . آرده مانع انتفاع برشی ظهور ایتدکده منع مدتجه اجرت ساقط اولور . ۴۷۰۰ مادهیه باقی .

[ مثلاً برکیمسه شو قدر مدت ایله یاخود فلان یره کتمک اوزره بر عربیه استیجار ایتدکده اول مدت ظرفنده یاخود اورایه وارنجیه دك اول عربیهی قوللانه بیلور . و آرده صاحبی انی الوبده کندو امورنده استعمال ] و یاخود یدنده توقیف یا برینه ایجار یا اعاره [ ایده مز . ]

بو مثاله صاحبی آلبده قیدی احترازی دکلدر . زیرا مدت اجاره نك بعضیسنده غاصب مأجوری غصب ایتسه اجرت ساقط اوله جفی ماده انقه شرحنده بیان اولنشیدی .

مدت اجاره ابتداسنده مأجورك تسلیمنده طرفین اتفاق ایدوب فقط عارض یعنی مانع انتفاعک حدوشنده اختلاف ایتدکلرنده حاضر حکم قلنه رق مانع مذکور وقت خصوصتده موجود ایسه سوز بتانه یمینیه مستاجرکدر . موجود دکل ایسه عدم علمه یمینیه سوز موجرکدر . ۱۰۰ مادهیه باقی . اما مانعک

حدوث شده اتفاق ایدوب فقط مدت بقا سنده اختلاف ایتسه لر  
سوز مستاجر کدر هندیه.

❀ ماده ۵۸۴ ❀

[آجر بر ملک عقارینی] مشغولاً یعنی [ایچنده کندو مالی  
اولدینی حلاله ایجار ایتسه] اجاره صحیح اولوب ۵۲۳ مادهیه  
بناءً تفریغ ایدرک مستاجره تسلیمه آجر اجبار اولنور و [فارغا  
تسلیم ایتدکجه کرا ایشلمز.] « ۴۷۷ » مادهیه باق انقروی.  
[مکرکه] آجر [اول مالی دخی مسناجره صامش اوله.] یعنی یا  
فارغا تسلیم ایتلی یا خود اول مالی مسناجره صامش اولملیکه  
تسلیم صحیح اولوب کرا ایشلسون هندیه فی الباب الثانی عشر.  
کذلک برکیمسه دکافی آخره ایجار ایدوبده آجر و مستاجر  
اورتاق اوله رق آنده عمل ایتسه لر مستاجر اوزرینه اجرت  
لازم کلز. زیرا بووجه اوزره تسلیم صحیح دکدر بزازیه و هندیه  
فی الباب الثامن عشر.

کذلک برکیمسه بر خانیهی استیجار و قبض ایتدکدن صکره  
آجر خانه ماجورک بعضیسنی کندی متاعیله مشغول ایتسه  
اولقدر اجرت مستاجردن ساقط اولور انقروی.  
و کذلک آجر ماجور ارضی اکیذیله مشغولاً ایجار و تسلیم  
ایتسه کرا ایشلمز. نته کیم برقادین خانهسنی زوجنه ایجار ایدوبده  
ایکیسی برلکده ساکن اولسه لر زوج اوزرینه اجرت لازم کلز  
بهمجه .

✽ ماده ۵۸۵ ✽

[آجر خانه‌ی] مستاجر به [تسلیم ایدوبده ایچنده کی اشیا سی قویدینی بر او طه‌ی تسلیم ایتسه] و یا خود خانه‌نک جمعیت سی تسلیم ایتدکان صکره بر او طه‌سی النذن السه [اول او طه‌نک بدل اجاره‌دن حصه‌سی مقداری ساقط اولور.] هندیه فی الباب الثاني عشر. نته‌کیم موجر ایجار ایتدیکی خانه‌ده مستاجر ایله ساکن اولسه موجرک سکناسیله اشغال ایتدیکی مقدار اجرتدن ساقط اولور انقروی.

[و] شو حالده تفرق صفقه سببیله [خانه‌نک باقی‌سمنده دخی مستاجر مخیردر.] هندیه. دیلر سه اجاره‌ی فسخ ایلر و دیلر سه باقی او طه‌لرده اجرتدن حصه‌سیله ساکن اولور. ۵۱۳ ماده‌یه باقی هندیه فی الباب الثاني. [واکر اجر قبل الفسخ خانه‌ی] یعنی خانه‌ی ماجورک مذکور او طه‌سی دخی [تخلیه و تسلیم ایدر سه اجاره لازم اولور یعنی] ارنق [مستاجرک حق فسخی ساقط اولور.] ۲۴۵ ماده‌یه باقی هندیه فی الباب الثاني عشر.

بو ماده‌ده مذکور او طه‌ ایله انت‌فاع اولنه‌ممه‌سی اجرک فعلیله اولوب بناء علیه حصه‌سی مقداری اجرت ساقط اولدی اما ۵۱۹ و ۵۲۱ ماده‌لرده عدم انت‌فاع اجرک فعلیله دکلدر برازیه و هندیه.

۱ — مستاجر خانه‌ی مأجوره کیردکن صکره مستاجرک



اذنى اولمقسرين اجر خانه مأجوره حيوانى ادخال و ربط  
ايدمه مز. ايدرايسه حيوانك ايتديكى خسارى ضامن اولور هنديه  
فى الباب الثانى والعشرون.

## — فصل ثانى —

( يعنى باب سابعك ايكنيجى فصلى )

[ بعد العقد عاقدينك مأجورده ] و بدل اجاره ده [ تصر -  
فلرينه دائر ] اولوب بش مادهنى جاوى [ در٠ ]

### ٥٨٦ ماده

[ مأجور ] اكر [ عقار ايسه مستاجر ] ماده آتیه دهكى  
صلاحيته مبنى [ آنى قبل القبض آخره ] يعنى آجردن بشقه سنه  
[ ايجار ايدم بيلور. ] ٥٥٣ ماده به باق هنديه فى الباب السابع.  
و اجارة العقار قبل القبض قيل على الخلاف وقيل لايجوز  
بلا خلاف لان المعقود عليه فى الاجارة المنفعة ومنفعة العقار  
يتصور هلاكها قبل القبض بهلاك البناء فيتمكن فيه الغرر وما  
لايجوز بيعه قبل القبض لايجوز اجارته لانها بيع منفعة فلايجوز  
كبيع العين لانه يتمكن غرر انفساخ العقد فى الاجارة بهلاك  
المستاجر واقعات المفتين .

مثلا بر كيمسه مدت معلومه ايله استيجار ايلديكى خانه ويا

ارضی قبل القبض آخره ایجار ایدوب موجرا ولدن قبضه رخصت  
ویردکده صحیح اولور انقروی .

آجر ها بمنزل ما استأجر ها اواقل وان آجر ها باکثر ما  
استأجر ها فهي جائزة ایضا الا انه ان كانت الاجرة الثانیة من  
جنس الاجرة الاولى فان الزیادة تطیبه ویتصرف بها وان  
كانت من خلاف جنسها طابت له الزیادة ولو زاد فی الدار زیادة  
کما وود فيها وتدا او حفر فیها تبرا او طینا او اصالح ابوابها اوشیا  
من حیوانها طابت له الزیادة واما المکنس فانه لایکون زیادة  
وله ان یواجر ها من شاء الاحداد والقصار والطاحان وما شبهه  
ذلك مما یضرب بالبناء وبهونه هندیه فی الباب السابع .

اما مستأجر استیجار ایلدیکی شیئی موجرینه ایجار ایتسه  
صحیح اولماز. کړك قبل القبض ایجار ایتسون وکړك بعد القبض  
ایجار ایتسون. وموجر کړك مل صاحبی اولسون وکړك مستأ.  
جزر اولسون. وکړك آره یره شخص ثالث تخلل ایتسون  
وکړك ایتسون. زیرا مستأجر منفعت حقننده موجر مقامنه  
قائمدر. وموجره ایجار ایتدکده ملککنک منافعنی تملیک ایتمن  
اولوب بو ایتسه شرعاً جائز دکلدرد مختار .

مثلاً بر کیمسه خانه سنی دیکر کیمسه یه و او کیمسه دخی آخر  
بر شخصه ایجار ایتدکدن صکره او شخص دخی مذکور خانه نی  
اول کیمسه یه ایجار ایتسه صحیح اولماز. واجاره اولایه دخی خلل  
کمز. لان الثانی فاسد لایقدر علی دفع الصحیح. مستأجر اولان

موجر اول اوزرینه اجرت لازم اولماز. شو قدر وارکه بویه  
ایکنجی دفعه وقوع بولان عقد اجاره اوزرینه آجر مأجوری  
مستأجر دن قبض ایدر ایسه یدنده طور دقچه مستأجر دن  
اجرت ساقط اولور تنقیح و انقروی ورد مختار و هندیه .  
« ۵۸۳ » مادهیه باقی . و مستأجر دیلدیکی وقت مأجوری آجر-  
دن استرداد ایدر لان العقد الاول انما یفسخ فی قدر المنفعة التي  
تلف و علی حاله فیما بقی هندیه بناء علی ذلك متن مجله ده « آخره »  
دینامشدر . قبض ایدر ایسه دینلدی . زیرا قبض ایتمز ایسه  
اجرت ساقط اولماز .

کذلك مستأجر مأجوری اجاره اعاره ایسه حکم بوجه  
اوزر در . یعنی مأجور آجر یدنده طور دقچه مستأجر دن اجرت  
ساقط اولور . و مستأجر دیلدیکی وقت استرداد ایدر . نته کیم  
وکیل بالاجار مأجوری مستأجر دن استیجار ایسه ینسه حکم  
بویه در . « ۶۷۷ » مادهیه باقی اشباه و انقروی و هندیه .

بوجهله مستأجر مأجوری آخره ایجار و تسلیم ایتمدکن  
صکره مستأجر اول ایله آجری اجاره ایتمه ل اقاله صحیح  
واجاره اولی و ثانیه منفسخ اوله جفی « ۴۴۳ » ماده شرحنده کی  
۱۰ فقره ده بیان اولنمشیدی .

[ واکر ] مأجور [ منقول ایسه ] مستأجر آنی قبل القبض  
آخره ایجار [ ایده مز ] . هندیه فی الباب السابع .  
بماده ده . مأجورده قبل القبض تصرف بیسان اولنور .

اجرتده تصرف دخی بروجہ زیر تفصیل اولنور شویله که آجر  
اجرتی قبض ایتدین آنده تصرف ایده بیلور.

مثلا آجر بدل اجاره مقابلنده مستأجر دن عین صاتون  
اله بیلور بزازیه. اما اجرت معین اولان عروض ویا حیوان ویا  
مکیل ویا موزون اولنجه آجر مذکور عینی قبض ایتدین مستأجره  
صانه میه جنی که آخره دخی صانه ماز. واجرت غیر معین یعنی  
دین و ذمه نده ثابت اولان مثلا موزونات اولوب شرط تعجیل  
ویا استیفای منفعت ایله لازم اولنجه آجر قبل القبض آتی  
بشقسه سنه صانه من فان بیع الدین من غیر من علیه الدین لایجوز  
اما مستأجره صانه بیلور. و مستأجر دن مقابلنده آلمان مل عین  
ایسه بو شرحک برنجی فقره سی حکمنجه هر حالده جائز اولور.  
اما عین دکل یعنی دین ایسه اول مجلسده قبض لازم اولوب قبل  
البض افتراق و قوعبولدقه بیع منقضی اولور هندیه فی الباب  
الرابع. و موجر دین اولان اجرتی کلا مستأجره هبه ویا آندن  
مستأجری ابرا ایتدکده اگر اجرتک معجل اولسی مشروط  
ویا منفعت استیفا اولمش ایسه صحیح اولوب اجاره یه خلل کلز.  
اما اجرت معجل دکل و منفعت دخی استیفا اولنماش ایکن موجر  
اجرتی مستأجره هبه ویا آندن ابرا ایتسه امام ثانی به کوره  
جائز اولماز. و عقد اجاره یه خلل کلز. اجرت کرک دین اولسون  
و کرک عین اولسون. ۴۶۶ ماده شرحنه باق.

و مثلا منفعتک نصفی استیفا اولندقد نصه کره اجرتک کلیمندن

آجر مستأجری ابرا ویا آجر اجرتی مستأجره هبه ایتدکده  
امام مشاورالیه حضرت تهرینه کوره یا لکر نصفنده خلیج اولوب  
زیاده سنده اولماز. ولو ابراه عن الکل الادر هما مسح بالاجماع  
لانه بمنزلة الحط هندیه.

﴿ ٥٨٧ ماده ﴾

[ناسک استعمال وانتفاعده متفاوت اولمدینی مأجوری  
مستأجر] استیفاسنه مقتدر اولدینی منفعتی استیفا ایچون ومدت  
اجاره سی مقدارنجه [ بشقه سنه ایجار ] ویا عاره ویا خود ایداع  
[ ایده یلور. ] هندیه فی الباب السابع وقیل الباب الثالث والعشرون.  
خانه وارضی کی. ولوکه موجر بالنفس مستأجر اوزرینه  
استعمال ایلمسی و آخره ایجار اتمامی شرط ایتمش اوله تنقیح.  
«٤٢٨» مادهیه متنا وشرحا باق.

مثلا برکیمسه برهامی کندی ضبط ایلمک ایچون برکیمسه دن  
استیجار ایتدکن صکره دیگر شخصه ایجار و تسلیم ایلمککنده  
او کیمسه اول کیمسه نک اول حامی کندی ضبط ایتمیوب دیگر  
شخصه ایجار ایتدیککنده راضی دکم دیو اجاره یی قبل اتمام المدة  
فسخ ایده من بهجه. و آجر مستأجر اولده کی اجرتی مستأجر  
نایدن طلب ایده میوب بلکه مستأجر اولدن آلمسی لازم کلور.  
فتاوی ابن نجیم. باب ثانینک فصل ثانسی اولنده محرر شرحه  
باق.

بو ماده ٤٢٨ ماده ايله مستغنى عنه اوليور . و ٥٢٨ ماده  
بو دهك فرعيدر . و اذا استأجرها مؤجلة و آجرها معجلة ليس  
للموَجَر ان يطالب الثانى بماله على المستأجر الاول و اذا استأجر  
منه مصدقا ايله او غير مصدق يلزمه الاجرة و يجبر على دفعها  
اليه و ليس له ان يطالبه بنية انها ملكه ما لم يتبين خلاف ذلك  
تنقيح .

شرحاً مدت اجاره سى مقدار نجه دنيلدى، زيرا بر كيمسه  
بر سنه مدته استيجار ايلديكى عقارى ايكي سنه مدته آخره  
ايجار ايده مز، حتى ايجار ايتسه اجاره اولى مدتى منقضيه اولنجه  
اجاره ثانيه دى فسخ اولور . چونكه مستأجر ك مدت استيجارى  
اولان بر سنه دن زياده ايجارى فضولى اولوب مال صاحبك  
فسخه صلاحتي واردور . اما ناسك استعمال و انتفاعنده متفاوت  
اولدينى البسه و حليات و حيوانات مثلوشىي مستأجر بشقه سنه  
ايجار ويا اعاره ويا ايداع ايده مز . « ٤٢٧ » ماده يه باق هـ نديه  
فى الباب العشرون .

مثلاً بر كيمسه كندو بينمك اوزره استيجار ايلديكى حيوانى  
يوك يوكتمك ويا بينمك اوزره ديكر شخصه ايجار ويا اعاره  
ايده مز . « ٥٣٦ » و « ٥٥١ » ماده لر ايله « ٥٥٢ » ماده نك فقره اخيره .  
سنه باق بزازيه .

فقط اوچ كشي بينلرنده مشترك اولان خرمنى نقل ايتك  
اوزره آلردن برى بر كيمسه دن بر حيوان استيجار و قبض

ایتدکدن صکره مذکور خرمنی نقل ایلمک اوزره حیوانی اورتاغنه ویروده یدنده تلف اولسه اکر شریکک برینک استیجار ایلدیکی حیوانی دیکرینک استعمال ایلمسی معروف و معتاد ایسه ضمان لازم کلز. « ۳۶ » ماده یه باق هندیه فی الباب السابع والعشرون.

بوراده آخره ایجار ایده بیله جکی مطلق اوله رق ذکرندن مستفاد اولورکه بر کیمسه شوقدر غروش بدل ایله استیجار ایلدیکی مالی آندن زیاده بدل ایله دخی آخره ایجار ایده بیلور و بوضورته استیجار ایتدیکی بدل ایله ایجار ایتدیکی بدل مختلف الجنس اولور و یا اول کیمسه ماجوره بر شی علاوه ایتمش بولور و یا دیکر مال ایله بر لکده ایجار ایله ایسه زیاده دخی حلال اولور علی افتندی.

### ﴿ ۵۸۸ ماده ﴾

[اجاره فاسده ایله مستاجر اولان کیمسه] ماده انفه وجهله اخره ایجاری جائز اولان [ماجوری بعد القبض بشقه سنه اجاره صحیحه ایله ایجار ایتسه] بو ایکنجی اجاره [جائز اولور].  
اجاره فاسده ایله مستاجر اولان کیمسه ماجوری بعد القبض اخره ایجار ایتدکده بوایکنجی اجاره جائز و صحیحدر دکلیدر بو مسئله اختلاف اولمشدر. بعض فقها صحیح و جائزدر دیمشدر. درکه مجله بونی اختیار ایلمشدر. بو صورتده اول کیمسه ایجار



ایندیکی شیخصندن ظاهر اولان اجر مسمی الور. اما اول کیمسه  
کندی آجربنه اجر منل ویرر. لانه یعدیه مستعملا ولا یكون  
غاصبا حتی لا تجب علیه الاجرة رد مختار بحذف ما.

شو قدر وارکه موجر اول اجاره اولینک فسادینه بنساء  
اجاره ثانیه یی نقض ایله ماجوری استرداد ایدیه ییلور هندیه فی  
الباب السابع واشباه . لانه لو باع بیعا فاسدا ثم المشتري  
آجره فله ان ینقض الاجارة فکذا هذا بخلاف البیع لان الاجارة  
تفسخ بالاعذار والبیع لا رد مختار. «۴۶۱» مادهیه متنا وشرحا  
باقی. حالبوکه بیعده حق فسخ یوق ایدی. «۳۷۲» مادهیه باقی .  
بین الاجارة والبیع فرق فان الفاسد من البیع یملک بالقبض  
والفاسد من الاجارة لا یملک المنافع بالقبض حتی لو قبضها  
المستاجر لیس له ان یواجرها ولو اجرها وجب اجر المثل ولا  
یکون غاصبا وللاجر الاول ان ینقض هذه الاجارة بحر .

ودیکر بعض فقها بو ایکنجی اجاره جائز وصحیح دکلدر  
دیمشلمردر . هر ایکی قوله کورده ده موجر اولک فسخ اجاره  
ثانیهیه حتی بولندیغنه نظراً ثمره اختلاف ندر ؟

### ﴿ ۵۸۹ ماده ﴾

[ بر کیمسه ] تقار ویا منقول بر [ مائی مدت معلومه  
اوزرینه ] بدل معلوم ایله [ برینه اجاره لازمه ایله ایجار ایتدکن  
صکره ] اول مالی [ تکرار بشقهسنه اول مدتی ایجار ایله ] اجاره

اولايه خلال كلیوب [اجاره ثانیه] مستأجر اول حقننده [نافذ و]  
 آجر حقننده دخی [معتبر] و منقذ [اولماز]. یعنی بو اجاره‌نک  
 ایکی حکمی واردر. برنجیسی مستأجر اول حقننده نافذ اولما-  
 مسیدر. اجاره مذکورنک مستأجر اول حقننده نافذ اولماسنه،  
 مسئله آتیہ تفریع اولور. شویله که اجرک بویله نانیاً اجاره‌سی  
 مستأجر اول حقننده موقوف اولمغله دیلرسه مجیز اولورده اجرتی  
 کندوسی آلور. دیلرسه فسخ و ابطال ایلر. ولو ان المدعین  
 ادعیا الاجارة فاجر المدعی علیه باجارة احد هما لم یکن للاخر  
 ان محاف لان اجارة احد هما لما ثبت باقراره صار کله آجر  
 ثم آجر فلا تصح الاجارة الثانية فلا یكون له ان یخلفه خایه.  
 ایکنجیسی آجر حقننده معتبر اولماسیدر.

اجاره مذکورنک آجر حقننده دخی معتبر اولماسنه شو  
 زرده کی مسئله تفریع اولور. شویله که آجر اولوجهله نانیاً  
 بشقه‌سنه ایجار ایتدکن صکره اجاره اولی اقاله مثللو بروجهله  
 منفسخ و مستأجر اولک حتی ساقط اولسه آجر اوزرینه مأجوری  
 مستأجر ثانییه تسلیم ایلمسی لازم اولماز. بخلاف مالوباع المستأجر  
 فانه لو انفسخت الاجارة ینعقد البیع حموی یعنی بوصورت ماده  
 آتیہیه مقیس دکلدر بزازیہ و اشباه.

بو ماده‌ده صحت معناسنی مشتمل اولان «اجاره لازمه»  
 قیدی احترازی دکلدر. زیرا اجاره اولی فاسده اولسه دخی  
 اجاره فاسدهده اجاره صحیحیه حکمی جاری اولمغله - حکم

حاکم و یا طرفین رضای ایلد فسخ اولمزدن ایجار اولنجه ینه حکم منوال مشروح اوزره در خیریه . اما لازمه قیدی موجر ایچون خیار شرط اولمقدن احتراز ایچوندرو . زیرا موجر شو قدر کون کندوسی مخیر اولمق اوزره آخره ایجار ایلدیکی مالی مدت خیاری هنوز باقی ایکن دیگر بر شخصه ایجار ایتسه اجاره اولی منفسخ واجاره نانیه نافذ اولور .

متن مجله ده «اول مدتی» دینلیدی . زیرا بشقه مدتی ایجار ایتسه صحیح اولور . مثلاً بر کیمسه بر مالی بر شخصه ایجار ایدوب مدت اجاره منقضی اولدقدن صکره او شخص هنوز ایچنده ایکن دیگر کمنهیه ایجار ایتسه صحیح اولور . فقط ۵۸۴ ماده ده بیان اولاندیغی اوزره فارغا تسام ایتمدجه کرا ایشلمز بزازیه .

کذلک بر کیمسه غره محرمده بر آیلق اولهرق خانه سی بر کمنهیه ایجار ایتدکدن صکره ینه محرمده مذکور خانه یی شهر صفر ایچون دیگر بر شخصه ایجار ایتسه صحیح اولوب خانه اولو او کمنهیه تسام ایدیلهرک محرم منقضی اولهرق مدت اجاره تمام اولدقدن صکره صفر ایچون او شخصه تسلیم ایدیلور . ۴۴۰ ماده ده باق هندیه فی الباب الثالث .

شرح اول مالی ایجار ایده من دینلیدی . زیر بشقه مالی ایجار ایده بیلور شویلهکه بر کیمسه براوطه سی دیگرینک تحت استیجا-

رنده اولان خانه سنی آخره ایجار ایتسه مذکور او طه دن بشقه سنده  
جائز اولور تهقیح .

❖ ماده ۵۹۰ ❖

[مستأجر ك اذنی اولمق سزین آجر مأجوری صائسه مستأجر  
حقننده بیع نافذ] واجاره منفسخ [اولماز] یعنی مستأجر ك اجازتنه  
ویا فك اجاره یه موقوف اولور [ایسه ده بایع ایله مشتری بیننده]  
بیع [نافذ اولور] . مشتری میبعك مأجور اولدیغنه كرك واقف  
اولسون كرك اولسون و مستأجر بیع مذکوری خود بخود فسخ  
ایده من . بوجه تله آجر بلا اذن المستأجر مأجوری بیع ایدوبده  
مستأجر بیع و تسلیمی مجیز اولسه ده مؤخرأ مجیز اولسه اجازت  
جائز اولور بزازیه .

[حتی] یعنی بیع مذکور بایع ایله مشتری بیننده نافذ  
اولدیغندن [مدت اجاره نك انقضاسنده مشتری حقننده بیع لازم  
اوله رق] مأجوری [المقدن] یعنی قبولدن [امتناع ایده من] .  
هنده فی الباب التاسع عشر [مكركه مدت اجاره نك انقضاسی]  
ایله بیعك لزوم [ندن مقدم مشتری بایعندن میبعك تسلیمی مطالبه  
ایدوبده] میبع تحت ایچارده اولمق ملا بسه سیله [تسلیمی ممکن  
اولدینی جهته قاضی عقد بیعی فسخ ایله] . لان هذا الفسخ  
لقطع المنازعة وهو الى القاضي عنایه رد مختار فی باب ان تصرف  
فی الرهن . آندن صكره مدت اجاره مرور ایتسه بیله بیع صحته  
عودت ایتمز . ۵۹۱ ، ماده به باق .

مشتري ایچون بو حقت استعمالی یعنی حاکمه بالمراجعه بیعی  
فسخ ایتدیره بیلیمسی مطلقدر. یعنی مشتری حین اشتراسته  
مبیعت مأجور اولدیغنی کرک بیلسون و کرک بیلمسون بووجهله  
مبیعت کندوسنه تسلیمنی مطالبه ایله لدی العجز حاکمه بیعی  
فسخ ایتدیره بیلور خیریه تخیر مشتری مرهون و مأجور ولو  
عالمیه عندهما و عند ابی یوسف تخیر جاهلا لا عالما و ظاهر  
الروایة قولهما وهو الصحيح و علیه الفتوی هندیه.

[واکر مستأجر بیعی مجیز] و اولوجهله فسخ اجاره  
راضی [اولور ایسه هر بری] یعنی بایع و مشتری و مستأجر  
[حقنده بیع نافذ] و اجاره منفسخ [اولور] بو وجهله مستأجر  
بیعی مجیز اولسایله اجاره منفسخ اولدقدن صکره مشتری مبیعی  
فسخدن معدود اولیان بر طریق ایله بایعه رد ایتسه اجاره  
عودت ایتمز ایسه ده فسخدن معدود اولان طریق ایله رد ایتدکه  
اجاره عودت ایدجکی بزاییده مذکوردر. فلو باع المستأجر  
حق فسخ ثم ان المشتري رد المستأجر علی الاجر بعیب ان  
لم یکن بطریق الفسخ لا تعود الاجارة ولا یشکل فان کان  
الرد بطریق الفسخ هل تعود الاجارة صارت واقمة الفتوی  
افقی القاضی الامام الزر بخری انها لا تعود قال رحمه الله تعالی  
وافقی جدی شیخ الاسلام عبد الرشید بن الحسین انها تعود  
هندیه فی الباب التاسع عشر.

[لکن] بو صورتده [مستأجرک بوجهه بش] بن آجره

یرمش اولدینی بدل اجاره دن [منفعة و یا خود عیناً] استیفا  
ایتمدیکه مقداری اله واصل اولمده [یعنی بدل مذکور کند و سینه  
رد و تسلیم ایدلمدیکه] [ماجور آنک الذن اله مز.] و مستاجرک  
بروجه مذکور اجازت و رضاسی یالکیز فسخ اجاره حقنده  
اولدیغندن حق حبسی ساقط اولماز هندیه.

[واکر مستاجر بونی] یعنی مذکور بدلی [استیفا ایتمدن  
ماجوری تسلیم ایدر ایسه حق حبسی اسقاط ایتمش اولور.]  
بزازیه . و مستاجر بیعی مجیز اولسه یله بدل مبیعه حتی ثابت  
اولماز . یعنی « ۷۴۷ » ماده نك « و كذا » ایله مصدر اولان  
فقره سینه قیاس ایدیه من بزازیه فرق شودر که بدل بیع عین  
مقابله سنده اولوب اما بدل اجاره منفعت مقابله سنده در . مستاجر  
جرك حتی ایسه عینك مالیتنده اولوب یوقسه منفعتده دکلدر .  
حتی مستاجرک اذن و رضاسی اولمق سزین اجر مأجوری اخره  
بیع و تسلیم ایدوبده مستاجر بیع و تسلیمی مجیز اولسه اراق  
حق حبسی قالماز . اما یالکیز بیعی مجیز اولسه یله حق حبسی  
ساقط اولماز هندیه فی الباب التامع عشر و بزازیه .

و موجر ایجار ایلدیکه حیوانی بلا اذن المستاجر و بلا عذر  
آخره بیع و تسلیم ایدوبده اول حیوان ید مشتریده تلف  
اولسه مستاجر اول حیوانك قیمتی مشتریده تضمین ایتدیرد من .  
قال مستاجر فی هذا يخالف الراهن هندیه فی الباب الثانی  
و الثلاثون .

بو ماده يه دائر ٣٥٥ ماده شرحنده کی لاحقته نک میحث  
نایسندہ تفصیلات و برملکله اورایہ مراجعت اولته .

مجلده مستأجرک اذن اولقمیزین الخ دینلدی . زیرا  
مستأجرک اذیلہ آجر مأجوری صائسه نافذ اولور . و مستأجر  
ماجورک فلان شیخه بیعنه دائر آجره رخصت و یردیکی حالده  
آجر مأجوری بشقه آدمه صائسه ینہ بیع نافذ اولور . اما  
مرتهن راهنه رهنی فلانہ صات ایدیکی حالده راهن بشقه سینه  
صائسه جائز اولماز رد مختار فی باب التصرف فی الرهن .

بو ماده صائسه تعبیری احترازی دکلدر . زیرا آجر خانہ  
ماجور فلان ادمک ملکی بولنہ یعنی اقرار ایتدکده کندی  
حقنده نافذ و مستأجر حقنده باطلدر . بناءً علیہ مدت اجاره  
منقضی اولدقدن صکره مذکور خانہ مقرر لهه تسلیم ایدیلور .  
اما اندن اول مداخله ایدیلہ من رد مختار ٧٨ ، ماده یه باق .

### { لاحقہ }

بیع ماجورده مشتری نک مستأجر دن اجرت طلب واخذی  
حقنده در .

١ — برکیسه دیگر کسنه یه ایجار ایدیکی خانہ یی اخره بیع  
ایدوبده بر مدت مشتری مستأجر دن اجرت الیه اجاره مستقله  
اولمغه اجرت مشتری نک ملکی در . حتی بو صورته مشتری  
بایه و نوقت ثمنی رد ایدر ایسه ک میبئی کیرو اءاده و مستأجر دن



الديغم اجرتى محسوب ايدرم ، ديو وعد ايتسه بو وعدينك يعنى  
الديغمى اجرتك ثمن مبيعدن محسوبى خصوصتك انجازه مشترى  
اجبار اولسه مز . مع ذلك مذکور وعدينى انجاز ايتسه حسن  
اولور .

وبو مثللو شرط حين عقد بيعده ايدلسه بيع فاسد اولور  
هنديه فى الباب السابع .

### ﴿ فصل ثالث ﴾

[ رد و اعاده ماجوره متعلق مواد بياننده ] اولوب بش  
ماده بي حاوى [ در . ]

### ﴿ ۵۹۱ ماده ﴾

[ اجارمنك اقتضاسنده مستاجرك ماجور اوزرندن رفع  
يد ايتمى ] يعنى استعمال ايتامسى [ لازمدر . ] يوقسه ماجورى  
آجره رد ايتمى لازم دكلدر . ۵۹۴ ، مادهيه باق . آى ۵۹۲  
و ۵۹۳ مادهلر بو مادمنك فرعلريدر .

بونده ماجور مطلق اوله رق ذكرندن آكلاشييلور كه  
ماجورك كرك حمل وموتى اولسون . ال دكرمنى كې . كرك  
اولسون . البسه ودابه كې مستاجر اقتضاي مدته ماجوردن  
رفع يد ايدر . يوقسه آجره رده مجبور اولماز تنقيح .  
رفع يد ايتمى لازم كلدى . زيرا مستاجرك ماجورى تسلمى

آنحوق منافع معلومه نك استيفاسی ایچون اولوب منافع مذکوره  
استیفای اولندقدده عقدك حكمی دخی نهایت بولور. و بناء علیه  
مستاجرك رفع ید ایتمی لازم کلور .

مثلا بر قادین برکون کیمك اوزره استیجار ایلدیکی حامیاتی  
بر کوندن زیاده استعمال ایتسه و یا خود آجر طلب ایتدیکی  
حاده ویرمسه غاصب اولور . اما آجر طلب ایتمه مکه یدنده  
حفظ ایتسه بر شی لازم کلز تنقیح.

و حفظ ایچون امساك ایله استعمال ایچون امساك بروجه  
آتی فرق ایدیلور . شویله که ماجور شول موضعه امساك  
ایدلسه که آنده استعمال ایچون امساك ایدیلور بو امساك  
استعمالدر. وشول موضعه امساك ایدلسه که آنده استعمال ایچون  
امساك ایدلز بو امساك حفظدر. فعلی هذا اذا تسورت بالخالخال  
او تخللت بالسوار او تعمم بالقميص او رضع العمامة علی الماتق  
فهذا كله حفظ وليس باستعمال هنديه قبیل الباب الحادی  
والعشرون.

بر کیمسه نك بر سنه مدته استیجار ایلدیکی عقاری ایکی  
سنه مدته دیگر بر شخصه ایجار ایده مامسی مسئله سی دخی بو  
ماده اوزرینه تفرع ایده بیلور. « ٥٨٧ » ماده یه باق بزازیه .

بو ماده وجهله مستاجرك بعد المدة رفع ید ایتمی لازم  
اولدیغندن ماجور خانه اولوبده مستاجر ایچنه امتعه سی ترکه  
غائب اولوب آناختارینی موجره ویرمسه ختام مدته موجر

خانه‌ی کشاورز و ائمه مذکورده‌ی خانه‌نک بر طرفه وضع ايله  
آنده ساکن اوله‌یلور. بو معامله ایچون حاکمه مراجعه حاجت  
یوقدر تنقیح. و برکیمسه وقف دکانی استیجار ایتدکن صکره  
متولینک اذنسز آنده بنا یاپدقده نظر اولنور. اول بنانک  
رفعی اگر وقفه مضر دکل ایسه رفع اولنور. و مضر ایسه اول  
بنا وقفدن ایریلنجیه قدر اول کیمسه صبر ایتدکه مجبور اولور  
و مذکور بنا اول دکانک جانب وقفدن اخره ایجار اولمسنه  
مانع اوله‌مز. اذلا یدلایان علی ذلک البناء حیث لایمکن رفعه  
» ۵۳۱ « ماده شرحنه دخی باق در مختار.

﴿ ۵۹۲ ماده ﴾

[ اجاره ] مدت [ نك انقضاسندن صکره مستاجر ارتق  
ماجوری ] آجرك اذنسز هیچ بر صورتله [ استعمال ایده‌مز. ]  
۹۶ ماده‌یه باق. ایدر ایسه غاصب اولوب تلف اولسه ضامن  
اولور. ۶۰۰ و ۷۹۲ ماده‌لره باق. و اندن صکره یدنده طور دینی  
مدتک اجرتی و یرمک لارم کلز. زیرا بدون عقد استعمال  
ایلمشدر. » ۵۹۶ « ماده‌یه باق.

مثلا بر کیمسه دروننده فلان شیء پشورمک اوزره بر  
ای مدتله قزغان استیجار ایتدکه اون بش کونده فارغ اولسه  
تمام بر آیلق اجرت لازم کله‌جکی کبی بر آی تمام اولدقندن  
صکره یدنده نقدر مدت قالور ایسه اجرت لازم کلز هندیه فی  
الباب الخامس.

كذلك بر كيمسه درون شهرده اون كون بخت اوزره  
متكررا ايلديكي حيوانه هيج بنويده خانه سنده حبس ايتسه  
ايه اون كونلك اجرتك اعصامي لازم كلوب اندن زياده ينده  
اولور ديني مدتك اجرتي لازم گلز هسديه في الباب التاسع  
العشرون.

### ﴿ ۵۹۳ ماده ﴾

[اجاره] مدتی [منقضي اولوبده آجر مانی] یعنی ماجوری  
استأجردن [المق] یعنی قبض ایتک [استدکده مستأجرک دخی  
تسليم ایتسی لازمدر.] ۶۰۰ و ۷۹۴ مادهلره باقی. تسليم ایتسه  
ه ينده تلف اولسه قيمتي ضامن اولور. ۶۰۶ ماده يه باقی،  
برا امساكله متعدی اولور.

۵۹۱ مادهده مستأجرک رفع يد ایتسی لازم كلور دیديكي  
حالده بوراده تسليم ایتسی لازمدر دیدی. تسليم ايله رفع يد  
يتمده فرق واردر. رفع يد، رد مأجور طلب ایدلسهده ایدلسه.  
ه لازمدر. اما تسليم حين طلبده لازم كلور.

و آجر مانی آخره انجار ایتک استدکده مستأجر اول  
دنی الید اولممله انجاره اولایم بكا انجار ايله « ديهض. شو قدر  
واركه ماجور مثلا وقف عرصه اولوبده مستأجر آنده بناسی  
یاخود غرسی اولنجه اجره ثلایه استیجاره طالب اولور ایتسه  
مستأجر استیجاره احق اولور. والا اولماز یعنی مأجور ملك

ايسه مستأجر اول طالب اولسه بيله ديكرينه ايجار ايد بيلور.  
لان له عدم ايجار ها اصلا بخلاف الموقوف للاملة فانه لابد من  
ايجاره فاجاره من غير المستأجر الاول تعنت الا ان زاد عليه  
آخر في الاجرة ولم يقبل الاول الزيادة فتوَجَّر من الآخر هذا  
ماظهرلى تأمل تنقيح.

كذلك بر كيمسه كندى عرسه سمنده ديكديكى فرانلرى  
صولامق اوزره بر وقفك صومجراسنى صوينى ايله برابر استيجار  
و اولوجهله اغاجلر غرس ايتدكن صكره مدت اجاره منقضى  
اولوبده بشقه بر كمنه مذكور صويك مجرا ايله برابر استيجارينه  
طالب اولسه اول كيمسه يه ايجار ايدلينجه غرس ايتديكى اغاجلرك  
قوريه جنى محقق و اول كيمسه دخى بدل مثل ايله استيجاره  
راغب اولنجه اول كيمسه يه ايجار اولنوب او كمنه يه ايجار اولنم  
تنقيح و فتاواى جديده.

مدت اجاره تكميلندن صكره مستأجر خانه مأجورك مفتا.  
حتى تسليم ايتمهرك غائب اولسه آجر بشقه مفتاح اويد بره رق  
آخره ايجار ايد بيله چكى و مذكور خانه مستأجر ك اشياى  
بولندينى حاليه مذكور اشياى خانه مذكورك بر طرفه قويه رق  
اول خانه ساكن اوله بيله چكى و معامله مذكوره حاكم اذنى  
شرط اولندينى ٥١١ ماده شرحنده ذكر اولنم شيدى تنقيح.

﴿ ٥٩٤ ماده ﴾

[مأجورك] آجره [رد و اعاده مى مستأجر ك اوزرينه لازم

اولم يوب اجاره نك انقضا سنده ماجورك [ مستاجردن قبض و [ اخذی آجر اوزرينه در. ] ٧٩٤ ماده به باق. لانه ای الاجاره عقد يقصده المنفعة ببدل فلا يجب على المأقد رده بعد رفع اليد تنقيح. و ماجور عاريت كفي اولمديغندن ٨٣٠ ماده ده كي احكام بو ببدء جاری اولماز. ٥٩٥ ماده به باق هديه و تنقيح اقروى. و ار استاجرت المرأة حليما معلوما الى الليل ببدل معلوم لتلبسه حشمته اكثر من يوم وليلة صارت غاصبة قالوا و هذا اذا حبسته بعد الطلب اوجسته مستعملة فاما اذا حبسته لاحتفظ غير مستعملة لا تصير غاصبة قبل وجود الطلب وذلك لان العين امانة فى يد ها فلا تصير مضمونا الا بالاستعمال او بالمنع بعد الطلب كالوديعة بخلاف المستعير اذا امسك الثوب المستعار بعد مضي المدة حيث يضمن لان هناك وجد الطلب من حيث الحكم وقدر وجب الرد عليه بعد مضي المدة اما فى الاجارة فلم يوجد الطلب لامن حيث الحقيقة و لامن حيث الحكم فلم يوجد الاستعمال ولا المنع فلا يجب الضمان تنقيح.

[ مثلا ] اجاره به ويريان [ بر خانة نك اجاره سى منقضى اولمديغه صاحبي واروب خانه سنى تسلیم ] يعنى مستاجردن قبض [ ايتكم لازمدر. ]

[ كذلك فلان محله قدر ] يالكز كتمك اوزره [ بر حيوان استيجار اولمديغه ] آجر ك خانه سنى رد ايتكم مستاجر اوزرينه شرط ايداسه بيله مستاجر اوزرينه آجره كوتوروب تسلیم ايتكم

لازم اولیوب با که حیوان [صاحبی اول محله بولنوب حیوانی  
المق لازم کلور .] بزازیه . [و] صاحبی اول محله [کلوب]  
حیوانی [المدینی حله مستاجرک تمدی و نقصیری اولقسزین  
یدنده اول حیوان تلف اولسه ضامن اولماز.] آجر ردینی کرک  
طلب ایتمش اولسون کرک اولسون هندیه فی الباب الثالث عشر.  
مع ذلک مستاجر مذکور حیوانی آجره رد ایتمک اوزره  
آجرک خانه سینه یعنی موضع استیجاره کونورر ایکن تلف اولسه  
ضامن اولماز. اما موجر محل استیجاردن بشقه بر مملکت  
کیندوبده مستأجر دخی مذکور حیوانی او مملکتده بولان مو-  
جره نقل ایتمک اوزره اورایه کتوررکن یولده تلف اولسه  
ضامن اولور. زیرا بو معامله ایله مستأجر غاصب اولور بزازیه  
هندیه .

وهی مأجورکه صاحبنه رد اواندقدده صاحبی انده نه ایش  
یابار ایسه مستأجر دخی صاحبنه رد ایله او ایشی یاپسه ضماندن  
بری اولور. بناء علیه مستأجر استیجار ایلیدیکی حیوانی آجرک  
خانه سینه رد ایله آخورینه باغلاسه یا آخورک قپوسنی قپاسده  
آندن صکره حیوان تلف اولسه آرتق مستاجر ضمان کلز.  
فقط آخوره ادخال ایتدیکی حله حیوانی باغلامیوب قپویی  
دخی قپامیوب حیوان ضایع اولسه ضامن اولور هندیه و بزازیه.  
وکذا مستاجر مدت مدلوله یینمک اوزره استیجار ایلیدیکی  
حیوانی انقضای مدتدن صکره خانه سنده امساک ایدوبده مالکی



آنی آلق اوزره کلیوب حیوان تلف اولسه مستاجر ضمان لازم کلز. زیرا رد مستاجر اوزرینه لازم دکلدر تنقیح.

بو مثلاردن مستفاد اولدینی اوزره بو ماده نك حكي مطابقدر. یعنی ماجور كرك عقار اولسون خانه كبی . و كرك منقول اولسون. حیوان كبی. و منقول اولدینی تقدیرده ردی ایچون كرك حمل و مؤتی بولسون ال دكرمنی كبی و كرك بولسون البسه و دابه كبی. یعنی محله بو وجهله قبول ایلمشدر. هر تقدیر ماجور ك حمل و مؤتی اولدینی تقدیرده ردی و اعاده سی مستاجر لازمدر دیوبعض فقها ذکر ایلمش ایسه ده تنقیح.

[اما] مستاجر اول حیوانی [ر محل معیندن] بر موضعه [کیدوب] ینه اول محله [كلك اوزره استیجار ایتمش اولسه] بوشرط صحیح اولمغله مستاجرك اول حیوانی [اول محله] یعنی حیوانی قبض ایتدیکی یره [کوتورمسی لازم کلور.] زیرا مستاجر اول محله کمدکجه مدت اجازه منتهی اولماز. [و] حق [اورایه کوتورمیهرك کندو خانه سنه کوتوروب طوتسه و حیوان تلف اولسه] موضع عقدك غیری یره نقلیه تسدی ایتمش اولد. یغندن [ضامن اولور.] موجر ماجوری كرك طلب ایتمش اولسون كرك المسون.

بو مسئله دن ضمان لازم کلسی رد ماجور مستاجر اوزرینه لازم اولدیغندن مبنی دکلدر. بلکه عقد اجازه نك تناول ایتدیکی

مسافه آنجق او موضعه رد ايله منتهی اوله جغنه متبئيدر هندیه  
فی الباب الثالث عشر.

شو قدر وارکه مستاجر حیوانه فلان محله قدر بینوب ینه  
دونوب خانه مه کتورورمه دیدکده مستاجر اول حیوانی آجرك  
خانه سنه کوتورمکه مجبور اولمیوب بلکه آجر کلوب آلفه  
مجبوردر . لانه لماعا دالی منزله فقد انقضت مدة الاجارة فبقیت  
امانة اقروی و هندیه . بوراده بیان اولنان رد ماجوردر رد  
مستاجر فیه کلهجه مستاجر فیهی آجره رد ایتک قصار و نساج  
کبی اجیر مشترک اوزرینه لازمدر . ۳۶ مادهیه یاق . لان الرد  
نقض القبض فانما یجب علی من كان منفعة القبض له ومنفعة القبض  
فی هذه المواضع للاجیر لان للاجیر عینا وهو الاجرة ولرب  
الثوب المنفعة والعین خیر من المنفعة فکان الرد علیه هندیه مکرکه  
اجر اوزرینه شرط ایدیه . ۸۳ مادهیه یاق .

مثلا بر کیمسه قصار لمتق اوزره قصاره برطوپ بز و پروبد  
قصار بزى قصار لادقده اول کیمسهیه رد ایتک آنک یعنی  
قصارک اوزرینه در بزازیه و هندیه . کذا اجیر مشترک بولان  
چوبان حیوانلری اصحابنه اعاده و تسلیم ایتلیدر . بو صورته  
چوبان اینکی قریهیه ادخال ایتدیکنی افادن ایتدیکی حالدیه صاحبی  
آنی بوله میوب بمده تلف اولدیغی اکلاش لادقده نظر اولنور .  
اهل قریه عادتلرنجه چوبانک حیوانلری قریهیه ادخال ایلیمسی  
کافی عد اولنور . یعنی هر کسک مالی همان خانه سنه تسلیم اولنمسی

لازم دكلسه چوبان حيوانی قریبه ادخال ایتدیکنه دائر اولان  
سوزنده یمینله تصدیق اولنورده ضمان لازم کلز واکر یمین ایتز  
ایسه ضامن اولور انقروی وجمع الانهر وبرزایه .  
اما دکرمانجی بغدادی اوکو تدکدن صکره حاصل اولان دقیقی  
خانه سنه نقل مصرفی دقیق صاحبی اوزرینه در. یوقسه دکرمانجی  
اوزرینه دکلدر .

❖ ماده ۵۹۵ ❖

[ماجورک] مستاجر [ردو اعاده سی حمل ومؤنه] یعنی  
مصارف حمالیه [محتاج ایسه اجرت نقلیه سی] و واروده قبضی  
[آجر اوزرینه در]. یوقسه مستاجر ویا اجیر اوزرینه دکل. حتی  
مستاجر اوزرینه شرط ایدلسه اجاره فاسد اولور. زیرا مستاجر  
ماجورک منافعه بجانا نائل اولمدینی جهتمله اوزرینه رد ایتک کلفت  
ومضرتی تحمل ایتک لازم کلز.

کذا بر کیمسه ال دکرمنی استیجار ایدوبده مدت اجاره  
منقضی اولنجه اجرت نقلیه سی و واروده قبضی آجر اوزرینه در  
تنقیح وانقروی. ولایجوزان یشرط علی المستاجر ان یرد العین  
الی آاجر ولها حمل ومؤنه وان لم یکن لها حمل ومؤنه جازهنده  
فی الباب الخامس.

## ﴿ باب ثامن ﴾

( یعنی سکز بابہ منقسم اولان کتاب ثانیئک سکزنجی بانی )

[ ضمانات ] ه دائر مسائل [ بیاننده اولوب اوج فصلی ] و ۱۶  
مادهبی [ حاویدره ]

## — فصل اول —

( یعنی باب ثامنک برنجی فصلی )

[ ضمان منفعت ] لازم کلوب کلیان مواد [ حقننده ] اولوب  
درت مادهبی حاوی [ در ] یعنی بو فصلده موضوع بحث اولان  
ضمان « ضمان منفعت » اولوب « ضمان عین مغضوب » و « ضمان  
زوائد مغضوب » ه دائر مودا کتاب ثامنده محرردر .

## ﴿ ۵۹۶ ماده ﴾

[ بر کیمسه بر مالی صاحبئک اذنی اولقسزین استعمال ]  
ایله منفعتی استیفا [ ایتمش ] ویاخود منفعتی تعطیل ایلمش یعنی  
مالی آلهرق استعمال ایتمیوبده یدنده امساک ایتمش [ اولسه  
غصب ] منافع [ قیلندن اولهرق ] مغضوب اولان [ منافعی اوده  
مک ] یعنی انتفاعی مقابلنده اجرت ویرمک [ لازم کلز ] لکن

استعماله نقصان طاری اواسه عینک بعض اجزایی استهلاك  
ایدلش اوله جغندن نقصانك ضمانی لازم كلور رد مختار بونده  
مجتهد فی الشرع و فی المذهب بولسان امام اعظم و ابی یوسف  
و محمد رحمهم الله تعالى متفقدر لر لیکن امام شافعی رحمه الله تعالى به  
كوره منافع معضوب دخی مضمون اولور رد مختار فی الغصب.

منافعك اوده مسی لازم كمدی. زیرا غصب سببیه ضمان  
لازم كله جكنه و ٨٦ ماده حكمه نتیجه اجرت ايله ضمان اجتماع  
ایتمه جكنه بناء برده اجرت ویریه مز. و برده منافع ايله دراهم  
بیننده مماثلت یوقدر. چونكه منافعده بقا اولمدیغی جهته  
تقومی لذاتها اولیوب بلكه عقدك آكا ورودی ضرورتندن  
طولا بیدر.

لما لم یجز القضاء بمثل غیر معقول الا بالنص اودلالنه فلا-  
یضمن المنافع كالركوب و حمل الاثقال بالدابة و السكون او الوضع  
ای وضع الاموال فی الدار المغصوبة او نحوه بالنسبة الى الدار  
بالمال المتقوم و لا بالمفعة اجماعا لعدم المماثلة بین المال و المفعة اذ  
المال عین متقوم و المفعة بخلافه شرح مجامع.

لقائل ان یقوم هذا الدلیل انما یدل علی ان منافع المغصوب  
لا تضمن بالاعیان لعدم المماثلة بینهما و لا یدل علی انها لا تضمن  
بلمنافع و المدعی عدم مضمونیتها اصلا قلا یتم التقریب و یجاب  
بان تقریر هذا الدلیل علی هذا الوجه مبني علی تقرر عدم  
مضمونیتها بلمنافع بالاجماع یعنی لو صارت المنافع مضمونة علی

الغصب فاما ان تضمن بالمنافع وهو باطل ولم يقل به احد وبالأعيان وهو باطل ايضا لانها لا تماثل الأعيان لان المنافع اعراض لا يبقى وقتين والعين يبقى اوقاتا وبين ما يبقى وما لا يبقى تفاوت عظيم وضمان العدوان مبنى على المماثلة بالنص والا بجماع قال الله تعالى فاعتدوا عليه بمثل ما اعتدى عليكم نتأج افكار في الغصب ملخصا

شو دليلاره نظراً مال وقف ومال يتيمده دخی ضمان منفعت لازم کلامک ايجاب ايدرسده متأخرين فقها ناسک اموال اوقاف وایتامه اولان طمعلرینی مشاهدہ ایتملریله بونلرده منافعت تضمیننی استحسنه اناً تجویز ایتملردر. « ۳۶ » مادهیه متناً وشرحاً باقی ! متأخرين فقها بونده مجتهدیندن ائمة ثلاثه مزك اجتہادلریله عمل ایتیموب مذهب شافعی بی قبول ایتدکاری آکلاشیلدور.

معدلاستغلالده ضمان منفعت لازم کلمی دخی آتیده ایضاح اولنه جفی اوزره معدلاستغلالی استعمال عقد فاسد مقامنه قائم اولدیغه مبنیدر.

بناءً علی ذلك بر کیمسه معدلاستغلال اولیان بر حیوانی استیجار ایدوبده بعض طریقده اجاره بی انکار ایتسه ۹۰۱ ماده حکمنجه غصب دیمک اولمغه انکاره قدرکی مدتک اجر قی لازم کلور ولوکه بعد الانکار هلاک اوله ولا یلزم اجتماعهما لاختلاف الجهة رد مختار وامام ابی یوسفه کوره آندن صکره کی مدتک

اجرتی لازم کُز. حتی بعدالانکار حیوان تلف اولسه کل قیمتی ضامن آور رد مختار.

کذا بر کیمسه بر آیلوق اولوق اوزره بر خانه استیجار ایدوبده خانه صاحبی غائب اولغله مستأجر آندن صکره برسنه دها اوتورسه خانهک بو بر سنهک کراسی لازم کُز. زیرا اومدته علی وجه الاجاره ساکن اولمدی.

وکذا بر کیمسه بر آیلوق اولوق اوزره بر خانه استیجار ایتدکن صکره غائب اولوبده مذکور خانهده اول آیدنصکره عائله سی قالسه او مدتک اجرتی لازم کُز. زیرا اول عائله بو خانه نی اجرتله طوتمدی در مختار.

کذلک بر کیمسه بر قیر ترلانی استیجار ایله زراعت ایتدیکی حاملده یا غمور سزلقدن اکین بتمامش ایکن مدت اجاره مرورندن صکره یا غمور اولوب اکین بتهه اکینک کلیسی مستأجر کدر. آجر بر کراسی اله میه جفی کبی نقصان ارض دخی اله مز. شو قدر وارکه آجر اکینی قلع ایتدیره بیلور انقرری.

رجل استأجر دابة لير کبها اليوم بدر هم فرکبها غذا لایجب شی وقیل علی قول ابی یوسف ومحمد رحمهما الله تعالی یلزمه درهم خانیه.

وکذلک بر کیمسه هر آیلانی شو قدر غروش اولوق اوزره خانه سی آخره ایجار ایدوب انشای شهرده مذکور خانه نی اول کیمسه آخر شخصه بیع ایتدکن صکره مستأجر آنده بلا عقد



بر مدت ده ساله اجرت لازم گز . مگر که خانه  
معدلاستغال اوله و یا خود ٤٧٢ ماده نك فقره استثنائیه سی  
حکمی بولنه خیریه.

متن محله ده استعمال دینلمشدر . غاصب کرک بالذات استعمال  
و کرک اجره بالایجار اجرتی اخذ ایتسون مال صاحبی ایچون  
نسنه لازم گز . و مال صاحبی غاصبک آلدینی اجرتیه مداخله  
ایده مز . « ٤٤٧ » ماده یه . متنا و شرحا باق . فقط مذکور مال  
وقفک اولور ایسه حکمی ٥٩٨ ماده شرحنده ذکر اولنور .

[ فقط ] بویله غصب قبیلندن اوله رق استعمال و یا تعطیل  
ایدیلان مال [ مال وقف یا مال صغیر ایسه هر حالده ] یعنی کرک  
تأویل ملک و یا عقد بولنسون و کرک بولنسون [ و معدلاستغلال  
ایسه تأویل ملک و عقد اولمدینی حالده ] یعنی شو اوچ محله  
[ ضمان منفعت یعنی اجر مثل لازم اولور . ] رد مختار . ومثلا  
معدلاستغلال اولمق عقد فاسد مقامنه قائم اولور تنقیح . یعنی  
موجر آنی کویا اول کیمسه یه ایجار ایلمش و مستأجر یعنی اول  
کیمسه دخی مذکور مالک معدلاستغلال اولدینی حالده استعمال  
ایتمی اجرتی ویرمکه متعهد عدا اولنور : و بوجله وقوعبولان  
عقد اجاره ده بدل تسمیه اولمدیغندن اجر مثل لازم کلدی  
« ٤٥٠ » ماده یه باق .

وقف کرک سکنا یه و کرک سکنا نك غیری یه مشروط  
اولسون اول وجهله استعمال ایدلده ضمان منفعت لازم کلور .

حتى بر کیمسه بر مسجدی یا مکتبی غصب ایدوبده قهوه‌خانه  
اتخاذ ایسه مدت اشغالک اجر مثلی لازم کلور رد مختار .

معدلاستغالله کلنجیه خانه مثللو معدلاستغال اولدینی  
مشهور اولمیان مال معدلاستغالده اجر مثلك لزومی ایچون  
مذکور مالک معدلاستغال اولدیغنه مستعملک علمی لازمدر .  
وعلمی اولوب اولدیغنده اختلاف اولنسه سوزمع الیمین مستعملکدر  
رد مختار اما خان و حمام کبی معدلاستغال اولدینی مشهور  
وظاهر اولدینی حالد غاصب آنک معدلاستغال بولدیغنی  
بیلمدیکنی ادعا ایسه تصدیق اولنیوب بالغاً مبالغ اجر مثل  
لازم کلور :

[ مثلاً بر کیمسه اخرک خانه سنده عقد اجاره ایتیمکسزین  
خودبخود بر مدت ساکن اولسه ] مدت مذکوره ایچون  
صاحبنه [ اجرت ویرمسی لازم کلز ] رد مختار شوقدر وارکه اول  
کیمسه وجه مذکور اوزره ساکن اولدینی مدتک اجرتی ویرر  
ایسه استرداد ایده من رد مختار .

کذلک فلان ادم بنک اوزره استکرا اولنان حیوانه بشقه سی  
ارکلب اولنسه کرا حیوانی اولینجه اجرت لازم کلز رد مختار .  
[ فقط اول خانه وقفک یا صغیرک مالی ایسه کرک ] ۵۹۷  
مادهده اولدینی کبی [ تأویل ملک و ] ۵۹۸ مادهده اولدینی مثللو  
تأویل [ عقد بولنسون و کرک بولنسون ] و کرک متولی آنی  
اجرتسز واعاره اسکان ایتمش اولسون [ هر حالد ساکن ] ویا

غصب و تعطیل ایلمش [اولدینی مدتک اجر مثانی ویرمسی لازم کلور.] تنقیح .

حق بر کیمسه نك صاتون الوب دروننده ساکن اولدینی خانه وقفك ویا صغیرك مالی اولدینی ظاهر اولسه ویا خود بر وقف خانه ده متولی اذنیله ویا اذنسر ساکن اولسه ساکن اولدینی مدتک اجر مثانی ویرمسی لازم کلور رد مختار و اتقروی . مثلا بر کیمسه اخردن ثمن معلوم ، قابلنده اشترا ایلدیکی بر عقاری بر مدت ضبط و تصرف ایتدکدن صکره بر وقفك متولیس اول عمار متولیس اولدیغ وقفك عماراتندردن دیو دعوا و مدعاسنی بالینه اثبات ایدوب اول عمار بر نهج شرعی وقف ایچون حکم اولسه مشتری اوزرینه تصرف ایتدیکی مدتک اجر مثالی لازم کله چیکی کی بر عمارك نصفی بر کیمسه نك ملکی و نصف آخری وقف اولوبده اول عقاری اول کیمسه بر مدت تغلبا و مستقلا ضبط ایلسه وقف اولان نصف حصه ایچون او کیمسه اوزرینه مدت مذکور نك اجر مثالی لازم کلور .

کذا بر کیمسه بر آیلق اولمق اوزره صغیرك ویا وقفك بر مالی استیجار ایدهرك آنده ایکی آی ساکن اولسه ایکنجی آیلک دخی اجرتی ویرمسی لازم کلور رد مختار .

بر وقفك متولیس وقفی بیع و تسلیم ایتدکدن صکره عزل اولنوب یرینه اخر کیمسه متولی نصب و تعیین اولمغله مذکور مشتریدن ادعا ایدهرك حاکم حکمیه اخذ و استرداد ایتسه

مشتريء مرقوم اوزرينه اجر مثل لازم كلور . ولوکه وقف  
مذكور معدلاستغلال اولسون بزازه .

كذلك بر مسجد امامي كندوسنه مشروط اولان خانه ده  
مجاناً بريسي اسكان ايتسه ساكن اوزرينه اجر مثل لازم كلور  
انقروى .

كذلك متولى ويا موقوف عليهم وقفي اخره رهن ايتليله  
مرتهن انده ساكن اولسه مرتهن اوزرينه اجر مثل لازم كلور .  
ولوکه معدلاستغلال اولسون انقروى وبزازه .

وكذلك ايكي كيمسه نك سكنالرينه مشروط اولان بر وقف  
خانه ده مشترك اولان ايكي كيمسه دن بريسي اخرك اذنسز برمدت  
تغلبا ساكن اولسه شريك نك حصه سنده اجر مثل لازم كلور .  
ومذكور اجر مثلى متولى بالاخذ وقف ايجون حفظ ايدر .  
كرك انلك سكنالرينه مشروط اولسون وكرك استغلاله مشروط  
اولسون بهجه وفتاواى جديده وانقروى ونتيجه .

تغلبا دينلدى . زيرا اول ايكي كيمسه دن بريسي آنده ساكن  
اولوب ديكرى موضع بوله مدينى جهتله ساكن اوله مسه ساكن  
اوزرينه اجرت لازم گلز رد مختار .

وكذلك بر صغيرك خانه سنده صغيرك اناسى قوجه سيله ساكن  
اولسه زوج اوزرينه اجر مثل لازم كله چكى كى يتيم ايله بالغ  
بيننده مشترك اولان برخانه ده بالغ ساكن اولسه يتيمك حصه سنده  
اجر مثل لازم كلور تنقيح ونتيجه ورد مختار .

و كذلك بر کیمسه استیجار ایلدیکی وقف دکانی مدت اجاره منقضی اولدقدن صکره بر مدت کلیدلیوب تعطیل ایتسه اومدنک اجر مثانی ویرمسی لازم کلور تنقیح. معلوم اولماید که بر کیمسه وقفک یا یتیمک خانه سنده عائله سیله معا ساکن اولدقدن اجر مثل متبوع اولان آدم اوزرینه لازم کلور نتیجه و تنقیح.

[ كذلك ] مذکور خانه [ کراخانه ] یعنی معدلاستغلال [ اولوبده تاویل ملک و عقد اولدینی حالد ینه اجر مثل ] ینی ویرمسی [ لازم اولور ].

کذلك بر کیمسه معدلاستغلال اولان خانه و یا حامی بر آیلق اولق اوزره استیجار ایدوبده انده ایکی ای ساکن اولسه اولکی ایک اجر مسمانی ویرمسی لازم کله چکی کبی ایکنجی ای ایچون دخی اجر مثل ویرمسی لازم کلور. یوقسه اولکی آی ایچون تسمیه قلنان مقدار دکل رد مختار و اقروی.

کذلك بر کیمسه معدلاستغلال اولان بر عقاری استیجار وبعده اجاره ینی فسخ ایدوبده بوجه پشین آجره ویرمش اولدینی بدل ایجاری آجردن استیفا ایچون مأجوری یدنده حبس ایتک حقنه مالک اولق تاویلله اول عقارده بر مدت ساکن اولسه ساکن اولدینی مدتک اجرتی ویرمسی لازم کلور رد مختار و هندیه .

و كذلك بر کیمسه خان و حمام مثللو معدلاستغلال اولان

محلله کیر و بده غصبی ادعا ایسه بیله ینه اجرت ویرمسی لازم کلور رد مختار .

و كذلك بر کیمسه معدلاستغال اولان قریه ده کی غیرک اراضیسی صاحبک اذنسز زراعت ایتدکده نظر اولنور: اوراده عرف وعادت بو مثللو بلا امر زراعت اولسان اراضی حاصلاتندن ثلث ویا ربع کبی بر حصه نک صاحبنه ویرمسی ایسه اولوجهله حاصلاتندن ویریاور. او یولده عرف یوغیسه اول کیمسه اوزرینه اجر مثن لازم کلور تنقیح .

[ وکذا بر کیمسه صاحبک اذنی اولقمسزین بر کرا بارکریخی ] ویاخود کرا دومسی [ الولده بر مدت قوللانسه اجر مثنی لازم کلور. ] اما بر کیمسه صاحبک اذنی استحصال واجرتمز اولدیغنی تصریح ایدهرک معدلاستغال اولان بر یرده ساکن اولسه صاحبی ارتق اجرت الهماز بزازیه ۸۱۲۵ مادهیه باقی . بناء علیه متن مجله ده «صاحبک اذنی اولقمسزین» دیو تقیید ایدلایکی کبی مثالر دخی تقیید ایدلمشاردر .

معلوم اولمایدرکه یتیم ویا وقفک اراضیسی یادیکر عقارینی غصب واستعمال ایله اجر مثل لازم کلسی اجرت مذکور یتمیه ویا وقفه ده خیرلو اولدیغنی تقدیرده در . والا ضمان نقصان لازم کلور. وبو حالده اجرت لازم کلز .

خلاصه عقار یتیم ویا وقفه غصب و استعمال سببیه عارض اولان نقصانک بدلی زیاده ایسه غاصب آنی واجر مثلی زیاده

ایسه بونی ضامن اولور علی افندی و بزازیه .  
 غصب واستعمال سببیه عارض اولان نقصان مجله نك ۸۸۶  
 ماده سی وجهله معلوم اولور لیکن بونده دیگر بر قول دها وارد رکه  
 اوده نقصان مذکور بیلنمك لازم کلدکده قبل الاستعمال اولان  
 قیمتی ایله بعد الاستعمال اولان قیمتی موازنه ایدیلرک تفاوت هر نه  
 ایسه نقصان مذکور او، اولور لیکن مجله بوقولی قبول ایتما مشدر .  
 مثلا غصب با زراعت ایدی لان اراضی صاتیله جق اولدیغنده  
 قبل الزراعه بیک غروش و بعد الزراعه سکز یوز غروش ایدر  
 اولدیغی ظاهر اولسه تفاوت اولان ایکوز غروش نقصان ارض  
 اولور انقروی فقط تخصیصات قبیلندن اولان اراضی موقوفه  
 اراضی امیرییه حکمنده اولدیغندن الیوم مرعی اولان قانون  
 حکمنجه اراضی امیرییه ده غاصب اوزرینه اجر مثل یا نقصان  
 ارض لازم کلدیکی کی تخصیصات قبیلندن اولان اراضی موقو-  
 فده دخی غاصب اوزرینه اجر مثل یا نقصان ارض لازم کلز .

❖ ماده ۵۹۷ ❖

[ تأویل ملک ایله استعمال ] ویا تطیل [ اولنان ] و مجموعی  
 ملک اولوب ایچنده مال وقف ویا مال صغیر بولنمیان [ مال معد-  
 للاستعمال اولسه دخی ضمان منفعت لازم کلز . ] ۱۰۷۵ ماده یه  
 باق . زیرا متصرفك آنده تصرفی ملکی اولمق اوزره اولدیغی  
 جهته معد الاستغلال اولسه بیه اجرته رضای بولنمش اولماز .



تشریحات آنفردن مستفاد اولورکه تأویل ملک آنجق  
مالکده جاری اولوب اما وقفده و کذا ملک صغیرده جاری  
اولماز نته کیم ۵۹۶ مادهدن مستفاد اولور رد مختار.

[مثلاً] خانه و دکان کبی [بر مال مشترکی شریکلرندن بریسی  
دیگر شریکنک اذنی اولمقسزین] بلا اجاره [بر مدت مستقلاً]  
تغلباً [تصرف و] بالذات [استعمال ایلمسه ملکمدردیو  
استعمال ایلمش اوله جنفی جهتله معدلاً استغلال اولسه  
دخی دیگر شریکی] ساکن اولدینی مدته [حصه سنک  
اجرتی الهماز] نته کیم آنک مستقلاً ساکن اولدینی مقدار، بنده  
مستقلاً ساکن اولورم دیه میه چکی کبی تنقیح «۱۰۸۳» مادهیه  
باق. حتی ساکن کیندوسنه اجرت لازمدر زعمیه شریکنه  
اجرت ویرسه مؤخرآ آنی استرداد ایده بیلور خیریه «۹۷»  
مادهیه باق. بومادهدن منقهم اولورکه احد شریکین مال مشترکده  
ساکن اوله بیلور شریک دیگر کرک غائب اولسون و کرک حاضر  
اولسون اذیتعذر علیه الاستیذان فی کل مرة فیکان له ان یسکن  
فی حال غیبه تنقیح.

کذلک شریکلردن بریسی مذکور مال مشترکی تعطیل ایلمسه  
شریک دیگر اجرت الهماز رد مختار.

کذلک شریکلردن بریسی مال مشترکده کی حصه سنی بر سنه  
مدته شریکنه ایجار ایتدیکی حالدده مستأجر ایکی سنه ساکن

اولسه ایکنجی سینه ایچون اجرت لازم گلز . شریکدن خلف  
اولان اجنبی شریک کبیدر خیریه .

مثالدن دخی مسنفاد اولدینی اوزره بوراده بیان اولنسان  
مشارکک بالذات استعمال مسئلهسی اولوب اما آخره ایجار  
مسئلهسی دکادر . زیرا بالذات استعمال ایتیوب بلیکه آخره ایجار  
ایله تکمیل اجرتی اخذ ایتسه اجرتدن دیگر شریکنک حصهسی  
کندوسنه رد ایدر .

مثلا اوچ کمنه ییتنده اثلاثا مشترک اولان حامی شرکادن  
برایسی آخره ایجار ایله تکمیل اجرتی مستقلا کندوسی آلسه  
اجرت مذکورهک ثلاثی دیگر ایکی شریکنه رد واعطا ایدر  
نته کیم بو مسئله ۱۰۷۷ مادهده ایضاح وتفصیل اولنور تنقیح  
وخیریه وعلی افندی . لیکن بو وجهله مشترک اولان مالده احد  
شریکین بلا اذن الآخر آخری اجاره یا اعارة اسکان ایلمسی  
دیانة جائز اولماز . اذالتصرف فی ملک الغیر حرام ولایمنع قضاء  
اذ الانسان لایمنع من التصرف فیما بیده لولم ینارعه احد تنقیح .

### ❖ ۵۹۸ ماده ❖

[تأویل عقد ایله استعمال اولنان مال معدلاستقلال اولسه  
دخی ضمان منفعت لازم گلز .] لانه لم یسکنها ملتزما للاجر رد  
محتار . بوراده عقد لفظی مطلق اوله رق ذکر اولندیغندن عقد  
بیعه شامل اولدینی کی رهن مثللو دیگر عقده دخی شامل

اولور نته کیم آتیده مثالی ذکر اولنور .

[ مثلا بر کیمسه ] دیکریله [ مشترکا مالک اولدینی دکانی شریکینک اذنی اولمق سزین ] یعنی کندی حصه سنی اصاله و شریکینک حصه سنی فضولا [ برینه صاعقه مشتری دخی بر مدت تصرف ایدوب انجق دیکر شریکی ] ۳۷۸ ماده دن مستبان اولان صلاحیتنه مبنی [ بیعه اجازت و بر میهرک حصه سنی ] مشتری دن اخذ و [ ضبط ایلدکده دکان هر نقدر معدلاستغلال ایسه ده حصه سنک اجرتی مطالبه ایده مز . زیرا مشتری آنی ] اول کیمسه دن شراء یعنی [ تأویل عقد ایله استعمال ایتمش یعنی عقد بیع ایله متصرفم دیو قوللاشم اولدینی جهت له ضمان منفعت لازم گلز . ] چونکه مالکیت سالب اجرتدر . نته کیم ۴۴۲ ماده دن مستفاد اولور .

[ کذلک بر کیمسه بر دکر منی مالکی اولمق اوزره برینه بیع و تسلیم ایله مشتری بر مدت ضبط و تصرف ایتدکن صکره بشقه بر کمنه اول دکر مننه مستحق چیقوب بعد الاثبات ] والخلق [ والحکم مشتری دن السه مشتری دن مدت مزبوره ده تصرفی ایچون اجرت نامنه برشی الهماز . زیرا ] مثال سابقده اولدینی کبی [ بونده دخی تأویل عقد ] بیع [ وارددر . ]

کذلک بر کیمسه بر خانه بی آخره رهن و تسلیم ایدوبده مرتن آنده ساکن اولدقن صکره مذکور خانه بشقه سنک اولدینی ظاهر اولسه مرتن اوزینه اجرت لازم گلز . بلکه غاصب اولمق ملا بسه سیله اجرت رهن اوزرینه لازم کلور رد مختار .

کذلك بر کیمسه معدل الاستغلال اولان خانه سنی آخره رهن  
و تسلیم ایدوبده مرتین آندہ ساکن اولسه تأویل عقد رهن ایله  
ساکن اوله جفی جهتله رهن آندن اجرت اله من .

معلوم اولمیدرکه بر کیمسه بونلری یعنی مال وقف و یا مال  
یتیمی و یا معدل الاستغلال اولان مالی غصب ایله آخره ایجار ایلسه  
غاصب اوزرینه اجر مثل لازم کلور . ولوکه غاصبک مستأجر دن  
آلینی اجرت اجر مثلندن دون اولسون . شو قدر وارکه  
غاصبک الدینی اجرت اجر مثلندن افزون اولور ایسه زیاده سنی  
دخی ویرر رد مختار . ثم انه اذا كان المغصوب وقفا او مال یتیم  
او معدل الاستغلال وجب علی الغاصب اجر المثل ان كان ماقبضه  
من المستأجر اجر المثل اودونه وان كان اکثر فیرد الزائد ایضا وبه  
یفتی وکذا الحکم ایضا لوکان الموجر فضولیا حامدیه .

### ﴿ ۵۹۹ ماده ﴾

اب وجد و وصیدن بشقه سنی صغیری بلا عوض استخدام  
ایده من اما بونلر بطریق التهذیب و الرياضة بلا عوض استخدام  
ایده بیلورلر خیریه و هاشم بهجه . بناء علیه [ بر کیمسه ] ولوکه  
صغیرک اقرباسندن و یا اوکی باباسی اولسون [ بر صغیری و لیسنک ]  
و یا وصیدنک و یا حاکمک [ اذنی ] یعنی اجاره سی [ اولمقسزین ]  
بر مدت [ استخدام ایلسه ] صغیر رشیدا [ بالغ اولدقده ] اول  
مدتده کی [ خدمتک اجر مثلی ] اول کیمسه دن [ آلور ] اکر

کندوسنه ویریلان البسه ونفقہ اجر مثلانہ مساوی دکل ایسه .  
وصغیر بالغ اولدقدن صکرہ اجر مثل مذکور .مقابلنده اول  
کیمسه دن بر مالی آلسه صحیح اولوب آرتق اول کیمسه او مالی  
استرداد ایدہ من خیریه . ایشته اجر مثل مذکوری بعد البلوغ  
آلغہ صغیرک حق اولدیغی کبی صغیرک وایسی یا وصیسنک دخی  
صغیر بالغ اولمدین آلغہ حق واردر ۱۶۱۶ء مادهیه باق .

[صغیر] اجر قی استیفا اولمدن [فوت اولسه ورثه سی دخی  
اول مدتک اجر مثلانی اول کیمسه دن الهیلورلر.] زیرا وارث  
مورث مقامنه قائم اولور . ویتیمک نفقه وکسوه سنه اول کیمسه .  
نک ایتدیکی مصرف اجر مثلندن دون ایسه بومصرفک محسوبی  
اجرا واجر مثلنه اکال ایدیلاور . اما مصارف مذکوره اجر  
مثلنه مساوی ایسه صغیر بعد البلوغ یا ورثه سی نسنه آلہ من  
انقروی وتنقیح ویزایه وهندیه .

اب صغیری خدمت استاد وحرفت وصنعت تعلیمی ایچون  
آخره اعاره ایدہ بیلور ایسه ده بشقه شی ایچون اعاره ایدہ منهامش  
بهجه . مثلا برکیمسه صغیره قزینی تهذیب اخلاق وتعلیم آداب  
ومعارف ایچون بر قادینه اعاره ایدوب مزبورده دخی اول قزی  
منزاندہ برمدت استخدام وتعلیم آداب ومعارف واطعام واکسا  
ایلسه حالا اول قز بالغه اولدقده اول مدته خدمتک اجر مثلی  
نامنه مزبورده قادیندن نسنه آلہ ماز هامش بهجه .

## ﴿ فصل ثانی ﴾

( یعنی باب ثامنك ايكنجی فصلی )

[ مستأجر ك ضمانی حقنده ] اولوب یدی مادهنی حاوی  
[ در . ]

﴿ ۶۰۰ ماده ﴾

[ عقد اجاره كرك صحيح اولسون وكرك صحيح اولسون ]  
یعنی فاسد و یا باطل اولسون [ مستأجر یدنده مأجور ] بالانفاق  
[ امانتدر . ] هندیه فی الباب الخامس عشر « ۷۶۲ » مادهیه باق .  
نتیجه وتنقیح .

وهر موضعه عاریتده ضمانی ایجاب ایده اجاره ده دخی  
ضمانی اقتضا ایدر . واجرت لازم گلز . « ۸۶ » مادهیه باق . وهر  
موضعه عاریتده ضمانی ایجاب ایتیمه اجارهده دخی ضمانی ایجاب  
ایلمز . واجرت لازم کلور تنقیح .

بوراده بیان اولنان مأجورك مستأجر یدنده امانت اولسی  
مسئلهسی اولوب اما عینك یعنی مستأجر فیهك ید اجیرده امانت  
اولسی مسئلهسی فصل ثالث متن و شرحنده ایضاح اولنور  
تنقیح .

اشبو ماده مواد سبعة آتیتهك اصلی وقاعده کلیه سیدر .  
بنابرین مأجورده بروجه آتی احکام امانت جریان ایلر .

مثلاً مستاجر مجهلاً فوت اولدقده مأجورك وقت تجهيده کی بدلای  
ترکسندن تضمین ایتدیر بلور . ۸۰۱ ، مادهیه بق انقروی  
قبیل الا کراه .

کذلک بر کیمسه نک کیمک اوزره استیجار ایلدیکی البسه  
یئنده سرقت اولنسه ضمان لازم کلز . « ۷۷۷ » مادهیه بق  
هنديه فی الباب العشرون .

کذلک ایکی کیمسه بر شیء استیجار ایدوبده برای امساک  
بری دیکرینه ویردکده اول شی قابل قیمت دکل ایسه ضمان  
لازم کلز . ۷۸۳ ، مادهیه بق بزازیه .

مستأجر فیه ایله بر لیکده اوله رق ویریلان مال دخی و دیعه در .  
مثلاً بر کیمسه قلبج ویا یحی قیننی اصلاح ایتک ایچون  
تیوری ایله بر لیکده تیمور جی به ویروبده تیمور ضایع اولسه ضمان  
لازم کلز .

کذا بر کیمسه کتابی دوزلیمک اوزره مجلده غلافیه بر لیکده  
ویروبده غلاف ضایع اولسه ضمان لازم کلز انقروی .

مأجورك ید مستأجرده امانت اولسی آجر ایله مستأجره  
نسبتله در . اما شخص ثالثه یعنی مستحقه نسبتله مأجور ، مضمون  
و مغضوب کیدر . شویله که مأجور مستأجر یئنده تلف اولدقدن  
صکره شخص ثالث طرفندن بالاستحقاق ادعا و اثبات قلمسه مستأجر  
قیمتی مستحقه ضامن اولور . یوقسه مأجور ید مستأجرده بلا تعدات  
اولمش اولمقله ضماندن خلاص اوله ماز . و مستأجر دخی بدل ضمان ایله



آجره رجوع ایدر. «۶۵۸» ماده‌یه باق هندیه فی الباب التاسع والعشرون.

﴿ ۶۰۱ ماده ﴾

[ ماجور اکر مسـ تاجر یدنده تلف ] ویا ضایع ویاخود قیمتته نقصان طاری [ اولور ایسه مستاجرک تعدیسی یا تقصیری ویاخود ماذونیتته مخالفتی اولمدجـه ضمان لازم کلز . ] ومدت اجاره‌ده تلف اولنجـه باقی مدت ایچون اجاره منفسخ اولور . لایه فات المفقود علیه «۷۶۲ و ۷۷۷» ماده‌لره باق هندیه فی الباب التاسع والعشرون .

ماده آنفـه یه مبنی ماجور مسـ تاجر یدنده امانت اولدینی و «۷۶۸» ماده موجبنجده هر امانتک بلا تعد ولاقصیر تانی ضمانی ایجاب ایتدیکی وماذونیتـه مخالفت ایسه تعدیده داخل بولندیفی جهتلرله ماده آنفـه بوماددن مغنی ایسه‌ده زیاده ایضاح ایچون ایزاد اولنمشدر .

مثلاً برکیمسه‌نک استیجار ایلدیکی حیوان مدت اجاره‌ده یدنده ایکن هلاک اولسه ضمان لازم کلز . و آرتق باقی مدتده اجاره منفسخ اولور . «۴۴۳» ماده شرحنه باق . واولجه پشین اوله‌رق بدل ایجاری ویرمش ایسه باقی مدتـه اصابت ایدن حصه‌یی استرداد ایدر . «۹۷» ماده‌یه باق انقروی .

کذا مستاجر النذن حیوان جبراً خلاص اوله‌رق وکنندو-

سنگ تعدی و تقصیری اولمقصرین فرار ایدرك طومتفه مقدر  
اوله میوب تلف اولسه ضمار لازم گلز تنقیح .

کذلک بر کیمسه استکرا ایلدیکی حماری معتاد اوزره معتاد  
اولان محله سوررکن حیوان دوشوب تلف اولسه ضمان لازم  
غیه جکی کبی بر کیمسه یدندن حیوان ماجور غصب اولنوبده  
مستاجر اثبات مدعا ایله غاصبدن استردادده مقدر ایکن ایتیموب  
حیوان غاصب یدنده ضایع اولسه مستاجره ضمان لازم گلز  
انقروی وهندیه فی الباب التاسع والعشرون .

وکذلک بر کیمسه نک استیجار ایلدیکی اوانی قضارا الندن  
دوشوب قیرلسه ضمان لازم گلز هندیه .

وکذلک بر کیمسه استیجار ایلدیکی بالطهینی اودون یارمق  
ایچون اجیرینه ویرسه ده اجیر بالطهینی الوب صاوشسه نظر  
اولور . استیجاری مستعملینک اختلافیله مختلف اولیان بر عمل  
ایچون ایسه مستاجره ضمان لازم گلز . مکرکه اجیر خیانت ایله  
معروف اوله . واستیجاری مستعملینک اختلافیله مختلف اولان  
عمل ایچون اولدینی صورتده مستاجر بالذات کندوسی عمل  
ایتمک اوزره استیجار ایلمش ایسه اجیره ویرمسيله ضامن اولور .  
وحین استیجارده مستعملی تعیین ایتیموبده کندوسی استعمال  
ایتمزدن اجیره ویرمش ایسه ضمان لازم گلز . وکندوسی استعمال  
ایتمکدن صکره اجیره ویرمش ایسه ضمان لازم کلور هندیه  
فی المحل المزبور .

کذلك برکیمسه اوانی استیجار اید و بده بعد الفراغ عن الاستعمال  
بر حیوانه یوکلدوب آجره کوتور دایکن حیوانک ایاغی قایمغله اوانی  
تلف اولسه نظر اولنور. اول حیوان مذکور یوکی قالدر مغمه متحمل  
ایسه ضامن اولماز. والا ضامن اولور بزازیه وهندیه .

بو ماده ده عدم ضمان مطابق اوله رق ذکر اولمسنندن  
اکلاشیلور که عقد اجاره ائلمسند. ماجورک بو وجهله تلفی  
تقدیرنده ضمان شرط ایدلسه بيله ضمان لازم کلز . و شرط  
مذکورک حکمی یوقدر . زیرا امانانده ضامی شرط ایتک  
باطلدر اشباه . ۸۲ ماده شرحنه باقی.

### ❖ ماده ۶۰۲ ❖

[ مستأجرک تعدیسی ایله ماجور تلف اولسه یاخود  
قیمته نقصان کلسه مستأجره ضمان لازم کلور . ] یعنی تلفی  
تقدیرنده کل قیمتنی ونقصانیتی صورتنده نقصان قیمتنی ضامن  
اولور . ۷۸۷ و ۸۰۳ ماده لره باقی . آنجق قیمتنه نقصان  
کلدیکی تقدیرده ۹۰۰ ماده حکمی جاری اولورمی .  
بو ماده ایله ماده آفنده کی « مستأجرک تعدیسی یا تقصیری  
ویاخود مأذونیتته مخالفتی اولدقچه » قیدینک محترز عنهی بیان  
اولنیور .

[ مثلاً مستأجر کرا حیوانی اوروب اولدرسه یاخود ]  
خلاف معتاد اوله رق [ عنف و شدت اوزره ] ویاخود حیوانک

کچھ میہ جکی محلہ [ سور مکہ ] ویاخود حیوان طورسون ایچون  
خلاف معتاد اولہرق چک مکہ [ حیوان تلف اولسہ قیمتی  
ضامن اولور . ] انقروی وندیہ فی الباب التاسع والعشرون  
وتنوير ودر مختار .

کذا ۵۴۵ و ۵۴۶ و ۵۴۸ و ۵۵۰ و ۵۵۱ و ۵۵۶ و ۵۵۷  
ماده لره باق .

وکذا اکری اولہرق استیجار ایلدیکی حیوانک اکری  
چیقارہرق یرینہ سمر وضع ایدوبده حیوان تلف اولسہ ضامن  
اولور . مذکور سمر ایلہ او مثلاًو حیوانک سمر لمسی کړک  
معتاد اولسون وکړک اولسون در مختار لان الجنس مختلف  
لان الاکاف للحمل والسرچ لارکوب وکذا ینسبط احدهما  
على ظهور الدابة مالا ینسبطه الآخر فصار نظیر اختلاف الخنطة  
والحديد رد مختار .

کذلك اکری اولہرق استیجار ایلدیکی حیوانک اکری  
چیقاروبده یرینہ اول حیوانک اکری میہ جکی دیگر براکر  
وضع ایتسه ده اول حیوان تلف اولسہ جمیع قیمتی ضامن اولور  
رد مختار . واکر عاده اول حیوان اکرنه بیلور دیگر براکر وضع  
ایتسه ضامن اولماز . « ۳۶ » ماده یه باق . مکرکه اغرائی اولمکندن زیاده  
اولہ . اول حالدہ اغرائی مقداری ضامن اولور تنویر و شرحه . افاد  
الحموی والشلبی ان مجرد نزع السرج موجب للضمان وفي الجوهره  
استأجرها ليركبها بسرج لم يركبها عريانا ولا يحمل متاعا ولا يستلقي

ولایت-کی علی ظہر ہابل یرکب علی العرف والعمادة رد مختار .

وکذلت بر کیمسه خرابه دن طپراق نقل ایتک اوزره  
استیجار ایلدیکی حیوان ایل طپراق نقل ایتک ایچون یوکلتمکده  
ایکن خرابه منه دم اولوب حیوان تلف اولدقه مستأجرک  
معالجه سندن یعنی عملندن طولانی تلف اولسه ضامن اولور .  
واکر من غیر معالجه المستأجر طپراغک رخاوتندن طولانی  
تلف اولوب مستأجر رخاوتی بیله مدیکی جهتله احتراز ایتسه  
ضمان لازم کلز هندیه فی الباب السابع والعشرون .

❖ ماده ۶۰۳ ❖

[ مستأجرک خلاف معتاد حرکتی ] مأجوره [ تعدی  
اولوب ] ماده انفه موجبینجه [ بوندن تولد ایدن ضرر و خساری ]  
مستأجر [ ضامن اولور . ]

[ مثلاً ] بر کیمسه کندوسی کیمک اوزره [ استیجار  
ایتدیکی البسه نی عادت ناسه مخالف اوله رق استعمال ایدوبده  
فرسوده اولسه ضامن اولور . ] بو تقدیرده البسه بر کره  
سالما وبر کرده فرسوده لشمش اولدینی حالده تقویم اولوب  
ایکی قیمت بیننده کی نفاوتی ضامن اولور . « ۹۰۰ » ماده حکمی  
جاری اولور می .

وکذا فاره ویا کوکه بیسه وبا بر طرفی آتشد یانسه ضامن

اولور . اما علی المعتاد کیمه سیله تخرق ایتمه یعنی فرسوده لشسه ضمان لازم کلز . « ۵۳۵ » ماده شرحنه باق هندیه فی الباب العشرون .

[ كذلك ] مستأجر [ خانه مأجورده ناسک یاقدینی مرتبه زیاده آتش یقسنندن ] یعنی آتش یاقدیده کی معتادی تجاوز ایتمسندن [ ناشی حریق ظهوری ایله ] یالکز مذکور [ خانه ] ویا بونکله برابر قوکشولرک اولری [ محترق اولسه ] جمله سنی [ ضامن اولور . ] اما مذکور آتش خلاف معتاد زیاده اولینجه کرک صاحبک اذنیله یقش اولسون وکرک اذنسز یقش اولسون بوندن طولای یالکز خانه مأجور ویا بونکله معا قوکشولرک خانه لری محترق اولسه ضمان لازم کلز . « ۹۱ و ۶۰۱ » ماده لره باقی .

کذلك مستأجر خانه مأجورده معتاد وجه اوزره فرون بنا واستعمال ایدوبده بوندن خانه مأجور ویا قوکشولرک خانه لری محترق اولسه ضمان لازم کلز . « ۹۱ » ماده یه باق کرک آجرک اذنیله بنا ایسوز وکرک اذنسز . زیرا بووجهله انتفاعه مستأجرک صلاحیتی واردر . « ۳۶ » ماده یه باق لان هذا انتفاع بظاهر الدار علی وجه لا یتغیر هیة الباقی الی النقصان رد مختار . اما خلاف معتاد احتیاطسز اوله رق فرون بنا ایدوبده آدن طولای محترق اولسه ضامن اولور . « ۵۳۸ » ماده یه متنا وشرحا باق هندیه فی الباب الثاني والعشرون .

﴿ ۶۰۴ ماده ﴾

[ مستأجر ك امر محافظه ده نقصیری ایله ماجور تلف اولسه یاخود قیمتته نقصان کلسه ضمان لازم کلور . ] یعنی ماجور تلف اولدینی تقدیرده جمیع قیمتی و قیمتته نقصان کلدیکی صورتده نقصان مقداری مستاجر ضامن اولور. نقصان صورتنده «۹۰۰» ماده حکمی جاری اولورمی؟

[ مثلاً مستأجر كرا حیوانی باشی بوش بر محله صالیور مکه ] ویاخود مذکور حیوان خود بخود بر طرفیه کیدوبده مستاجر کورمشیکن طوتوب محافظه ایتما مکه کوزندن غیب اولدقدن صکره تلف یا دیگر صورتله [ ضایع اولسه ] تکمیل قیمتتی [ ضامن اولور . ] رد مختار و هندیه فی الباب التاسع العشرون.

کذا مستأجر حیوانی قیوده باغلا یوب و یا باغلامق سزین براقوبده خانه یه برایش ایچون کیره رک کوزندن حیوان غیوبت ایتدکدن صکره تلف اولسه ضمان لازم کلور. مکرکه بر موضعه بولنه که بو ترک تضییع عد اولماز . سکئ غیر نافذه و یاخود بعض قراده اولمق کبی اول حالده ضمان لازم کلز . ربط الحمار علی بابه ودخل الدار لیأخذ شیاء او المسجد فهذا وترك الربط سواء فیضمن فی المختار هندیه فی الباب السابع والعشرون . وکذا بر کیمسه حیوان ماجوری بر یره طور دیروبده نماز



قیلمقله مشغول اولدیغنده حیوان بر طرفه کیدر کن کوردیکی  
ویا خود بریسی حیوانی قایدیغنی مشاهده ایتدیکی حانده نمازی  
قطع ایدوب حیوانی محافظه ایتسه ضمان لازم کلور من المحل  
المزبور. و کذا مستأجر قضاء حاجت ایچون یولدن تخلف ایدوب  
یعنی بر طرفه چکیلوب ویا خود بریسیله قونوشوبده حیوان  
کوزندن غیوبت ایتدکن صکره تلف یا ضایع اولسه ضامن  
اولور. اما کوزندن غائب اولمین تلف یا ضایع اولسه ضامن  
اولماز. یعنی بو باده معتبر اولان حیوانک مستأجرک کوزندن  
غیبریتیدر. چونکه حیوان مستأجرک کوزندن غیوبت  
ایتدکده مستأجر حافظ عد اولماز. ولوکه بر شیئیه ربط ایده  
خانیه ورد مختار.

کذا بر کیمسه استیجار ایلدیکی حیوان ایله فرونجی به واه  
رویده اتمک المقدمه ایکن حیوان ضایع اولسه کوزندن غائب  
اولدقن صکره ضایع اولورسا ضامن اولوب والا اولماز.  
کذلک بر کیمسه بر محله کتمک اوزره بر دابه استیجار  
ایدوبده یولده خرسز بولندیغنی کندوسنه خبر ویرلدیکی حانده  
کتمکله حیوان الندن النسه نظر اولور. او مثللو خبر طویولد  
قدن ناس کتمز اولور ایسه ضمان لازم کلور. و اگر کیدر  
ایسه ضمان لازم کلز هندیه فی الباب السابع والعشرون. ۳۶۰  
ماده به باقی.

وکذلک مستأجر یولده اویوبوبده مأجور حیوان ضایع

اولدقده اكر قاعداً اويويوب حيوان دخى اوكنده ايديسه  
ضامن اولماز. و اكر مضطجما اويومش ايسه ضامن اولور  
حامديه.

مثال مجلهده « مستأجر كرا حيوانى باشى بوش بر محله  
صاليويرمكله . » دنيلدى زيرا حيوانى باشى بوش بر محله مستأ-  
جر صاليويرميوب بلكه مستأجر ك خبرى اولمق سز بن حيوان  
يولده صاوشسهده بعهده مطلع اولديغنده اول حيوانى تحرى  
ايدوبده بوله مسه و ياخود تحرى ايتديكى نقديرده بوله ميه جغنى  
بيلديكى جهتله آرمه مسه ضمان لازم كلز. و بوله ميه جغنى بيلديكى  
جهتله آرمه مديغنى دعواده مستأجر تصديق اولنور هندية فى الباب  
السابع والعشرون . الظاهر ان المراد به غلبته الظن وظاهر  
هذا الصنيع انه يصدق فى دعواه انه لا يجده رد مختار.

بو ماده دن تقصير دينيلور كه مستأجر ك تقصيرى مأجورك  
محافظه سنده بلا عذر قصور ايتميدر.

مثلا بر كيمسه مأجور حيوان ايله برابر كندوسنك حيوانه  
يوكتمش اولدينى حالده كيدر كن كندو حيوانى دوشمكله آنكله  
مشغول ايكن مأجور حيوان فرار ايتسه يا تلف اولسه اكر  
مأجورك آرقه سى صره كيده جك اولدينى نقديره كندى  
حيوانى و يا يوكى تلف اوله جنى معلوم اولور ايسه اول كيمسه يه  
ضمان لازم كلز. والا ضامن اولور. « ۶۰۹ » ماده يه دخى باق  
هنديه فى الباب السابع والعشرون.

﴿ ۵۰۶ ماده ﴾

[ مشروطك مافوقه تجاوز ايله مستأجر ك كندو مأذونیتنه مخالفتی ] تعدی اولمغله [ ضمانی موجب اولور. ] «۷۷۹» مادهیه باق. [ اما ] مشروطك [ مثانه یاخود مادوننه عدول ايله ] مستأجر ك [ مخالفتی ] تعدی اولمغله [ ضمانی ایجاب ایتمز. ]

خلاصه، عقد اجاره ايله منفعت معینهیه مستحق اولان کیمسه اول منفعتی یا آلك مثلنی یا مادوننی استیفا ایده بیلوب اما دردنجیسی اولق اوزره مافوقه تجاوز ایده من رد مختار.

[ مثلاً مستأجر شو قدر قیه یاغ یوکلتمك اوزره استکرا ایلدیکی حیوانه اولقدر تیمور یوکلدوبده ] اولوجهله مشروطك فوقه تجاوز ایتسه ده [ حیوان تلف اولسه ] تکمیل قیمتی [ ضامن اولور. ] و اجرت لازم کلز. زیرا اجرت ايله ضمان اجتماع ایلمز «۸۶» مادهیه باق.

بوراده اولقدر تیمور دینلمسی قید احترازی دکلدر. زیرا تیمورك قیهسی یاغدن نقصان اولسه بیهینه ضامن اولور. لانه یجتمع فی مکان واحد من ظهرها فیضرها فحاصلهتی کان ضرر احدها فوق ضرر الآخر من وجه لایجوز و ان کان اخف ضررا من وجه رد مختار. «۸۶» مادهیه باق [ اما مضرتده یاغه مساوی یاخود ] یاغدن [ دها خفیف برجنس حموله یوکلدوبده حیوان تلف اولسه ضمان لازم کلز. ]

كذلك ۴۲۶ و ۵۴۵ و ۵۴۶ و ۵۴۷ و ۵۴۸ و ۵۵۰ و ۵۵۱  
و ۵۵۶ و ۵۵۷ و ۵۵۹ ماده لره باق.

﴿ ۶۰۶ ماده ﴾

[ اجاره نك انقضاستنده مأجور كما كان ] يعنى قبل الانقضاء  
اولدينى كې ينه [ مستأجر يندنده وديعه كې امانت ] اوله رق  
[ قالور. ] حتى بر كيمسه استيجار ايلديكى اوانى مدت اجاره  
منقضى اولدقدن صكره مالكنه رد ايدركن بلا تعد ولا تقصير  
يولده تلف اولسه ضمان كلز. « ۵۹۴ » ماده شرحنه باق. هندية  
فى الباب السابع والعشرون.

[ بناء عليه ] مدت [ اجار منقضى اولدقدن صكره مستأجر  
مأجورى استعمال ايدوبده تلف اولسه ضمان اولور ] نته كيم  
وديعه ده دخى حكم بويله در. « ۷۸۷ » ماده يه باق. و استعمال  
ايتسه اجرت لازم كلز. « ۸۶ » ماده يه باق. لانه يكون غاصب و منافع الغصب  
غيره ضمانة الافيا استثنى رد مختار ۵۹۲ و ۵۹۶ ماده لره باق.

مثلا بوكون بنك اوزره بر حيوان استيجار ايدوبده ظهور  
ايدن مانع جهتيله بوكون بنموب يارين بنسده ده حيوان تلف  
اولسه ضمان لازم كلوب بو تقديرده اجرت لازم كلز خانه.

كذا مستأجر مدت اجاره منقضى اولدقدن صكره اوانى  
مأجور يه حيواننه تحميل ايدهر ك صاحبنه اعاده ايتمكدن ايكن  
حيوان قايرق اوانى تلف اولسه مذكور حيوان اول يوكك

قالدير مسنه متحل اولمنيجه ضامن اولوب ۹۳۰ ماده و شرحي موجبيجه  
اما متحمل اولنجه ضامن اولماز هندیه في الباب السابع والعشرون.  
[ كذلك ] مدت [ اجاره نك انقضاء سنده آجر مالی طلب  
ایدوبده مستأجر ویرمیوب امساك ایتدکن صکره اول مال ]  
یندنه [ تلف اولسه ضمان لازم کلوره. ] نته کم و دیعه ده دخی  
حکم بویله در. ( ۷۹۴ ) ماده یه باقی.

-----

### ﴿ فصل ثالث ﴾

( یعنی باب ثامنك اوچنجی فصلی )

[ اجيرك ] یعنی اجیر خاص و یا اجیر مشترک مستأجر فیہی  
[ ضمانی ] وعدم ضمانی [ حقننده ] اولوب بش ماده یی شامل [ در. ]

### ﴿ ۶۰۷ ماده ﴾

[ اجيرك ] یعنی اجیر خاص و یا اجیر مشترک [ تعدیسی  
یا خود تقصیری ایله مستأجر فیہ تلف ] و ضایع [ اولسه ضامن  
اولور. ] لانه امین فلا یضمن الا بما ضمن به الامین و المودع  
وهو التعمدی و التقصیر هامش انقروی. اجاره كرك صحیح اولسون  
و كرك فاسد اولسون زیرا مستأجر فیہ اجیر یندنه امانت اولوب  
تعدی ایله مضمون اولور.

خلاصه اجیر، امین اولوب آنده ۷۶۸ و ۷۶۷ و ۷۸۷، ماده لر  
احکامی جاریدر انقروی . اشبو ماده آتی « ۶۰۸ و ۶۰۹ »  
ماده لری ایله ایضاح اولیور .

مثلا مکاری یوکی بلاذن دیگر مکاری به بعد التسلیم مکاری  
اول مفارقت ایتدکن صکره یوک تلف اولسه مکاری اوله  
ضمان لازم کلور . « ۷۹۰ » ماده به باق خیره .

کذا راعی قیونی ضرب ایدوب کوزینی جقارسه یا آیاغنی  
قیرسه ضامن اوله جنی کی بدضیلرک قیونلری بعض آخرک قیونلریله  
خاط ایتدکده تمیزی ممکن اوله سه قیونلرک بوم خاطده کی فیمتنی ضامن  
اولور . « ۷۸۸ » ماده به باق . لان یوم الحلط هو یوم الاستهلاک  
رد مختار .

وقیمتک مقدارنده سوز راعینکدر . لکن تمیزی ممکن ایسه  
ضمان لازم کلیوب هر کسک قیونی تعینده سوز راعینکدر  
رد مختار .

لکن اجیرک تعدی و تقصیری اولقسزین مستاجر فیه تلف  
اولسه امام اعظم حضر تارینه کوره ضمان لازم کلز . اجیر کرک  
خاص اولسون و کرک مشترک اولسون نته کیم قریبا ایضاح اولور .  
مثلا برجامه شوی دکاننده کی قفدیانی اظفا ایدرک ترک ایتدیکنده  
قفلجم صیچرا یوب برینک البسه سفی افساد ایتدکده ضمان لازم  
کلز انقروی . کذا بویاجی بویادیفی البسه نی دیگر البسه لر ایله  
برلکده آصدقدن صکره ضایع اولسه دکانک ایچنه آصمش ایسه

ضامن اولماز . اما طيشنه آصمى ايسه ضامن اولور انقروى .  
شوقدر واركه اجير مشترك كندى فعليله تولد ايدن خسارى  
تعدى و تقصيرى اولمسه بيله ضامن اولور . نته كيم « ۶۱۱ » ماده ده  
تصریح قلنمشدر .

اجيرك ضماننده اختلاف الائمه بولنوب مذکور اختلافك  
بينانيله بوراده يعنى مجله ده هانكى مذهب اختيار قلندينى  
ايضاح ايتكم مناسب كوردى . ايمدى بوراده شايان تصریح و ايضاح  
بر مسئله بولنوب اوده اجيرك يدى « يد امانت » ميدر يوقسه  
« يد ضمان » ميدر كيفيتك حليدر .

اجير خاصك يدى « يد امانت » اولديغنه اتفاق الائمه بولنوب  
مجله نك ۶۱۰ ماده سنده دخی تصریح و شرحا توضیح ايدلمشدر .  
اجير مشتركه كلنجه امام اعظم حضرت تيرينه وزفر و حسن بن زياد  
وحما در حهم الله تعالى به كوره كه قياس اولانده بودر بونك  
يديده اجير خاص يدى كې « يد امانت » در . لان القبض حصل  
باذنه فلا يكون مضمونا عليه كالوديعة اما امامين هامينه يعنى امام  
ابى يوسف ايله امام محمد حضرتانه كوره اجير مشترك يدى  
« يد ضمان » در انقروى .

زيلي ناسك احوالى تغير ايتديكى جهته صيانة لاموال  
الناس امامين قوليله افنا اولنجه جفنى بيان ايلمى ايسه ده مجله  
امام اعظم مذهبنى اختيار ايتديكى قريبا اثبات اولنور . اشته  
بو اختلاف اوزرينه بوجه آتى مسائل تفريع ايدلمشدر .



اجیر مشترک، مستاجر فہمی مستاجرہ رد ایتدم ویا بلا تعد  
ولا تقصیر یدمدہ تلف وضایع اولدی ویا سرقت اولندی دیو  
ادعا ایتدکده امام اعظم حضر تہرینہ کورہ «۱۷۷۴» مادہیہ مبنی  
یمیزلہ تصدیق اولنور تہقیج. لانه امین عنده فی القبض واقول  
قول الامین مع الیمین ولكن لا یصدق فی دعوی الاجر وعند  
ہما القول قول صاحب الثوب لان الثوب قد دخل فی ضمانہ  
عندہما فلا یصدق علی الرد الابنیۃ شلی .

مثلا برکیمسہ دیکمک اوزرہ درزی یہ ویردیکی البسہ یی  
درزیدن طلب ایتدکده درزی سکا ویرمش ایدم دیو ادعا ایتسہ  
یمیزلہ تصدیق اولنوب بینہیہ حاجت یوقدر. اما امامین ہامینہ  
کورہ بلا برہان تصدیق اولتماز بزازیہ واقروی وفتساوی  
ابن نجم .

کذا اجیر مشترک یدندہ بلا صنعہ مستاجر فیہ تلف وہلاک  
اولدقدہ کړک قبل العمل تلف اولسون وکړک بعد العمل تلف  
اولسون وکړک اجیر مشترک اولان چوبان یدندہ کی حیوانی قورت  
یمک کبی ممکن التحرز اولان بر سپیدن طولای تلف اولسون  
وکړک ممکن التحرز اولیان بر سپیدن طولای تلف اولسون  
وکړک ضمانی شرط ایدلسون وکړک ایدلسون امام اعظم  
حضر تہرینہ کورہ ضمان لازم کلز . لان القبض حصل باذنہ فلا  
یکون مضمونا علیہ کالودیعة والعاریة والمعقود علیہ العمل والحفظ  
وجب علیہ تبعا او اقتضاء لا مقصودا لان العمل لا یتأتی بدون

حبس العین و لما لم یکن العملی الا بحبس العین کان له حبسه  
ولهذا لایقابله شیء من الاجر ولو کان المعقود علیه هو الحفظ  
لکان له حصه من الاجر فصار کاجیر الواحد بخلاف الودیعه  
باجر لان الحفظ واجب علیه مقصودا ببدل زیای.

مثلا اجیر مشترک اولان چوبان یدندن بر حیوان ضایع  
اولدقده فصل ضایع اولدیغنی بیلمدیکنی بیان ایتسه بیله ضمان  
لازم اولماز خیریه .

اما امامین مشیر الهمایه کوره حتف انفه تلف ویا بیوک  
یانغین واشقیا جمعیتک باصمسی وقریه مرعاسی اورمانلق اولوبده  
چوبانک کافه حیوانانه باقمسی ممکن اولماسی جهت له بر حیوان  
ضایع اولمسی کبی ممکن التحرز اولمیان بر سبیدن طولای تلف  
اولسه ضمان لازم کلز ایسه ده چالینمق وقایلمق مثله ممکن  
التحرز بولنان بر سبیدن طولای تلف اولور ایسه ضمان لازم  
کلور انقروی وتنقیح .

مثلا اجیر مشترک اولان چوبان یدندن بر حیوان ضایع  
اولسه ده چوبان فصل ضایع اولدیغنی بیلمدیکنی بیان ایتسه  
تضییع ایلیدیکنی اقرار دیمک اولمغله ضامن اولور خیریه ورد  
مختار. نته کیم «۶۱۱» ماده شرحنده بیان اولنور.

خلاصه کلام . اجیر مشترک یدنده بولنان مسـ تاجر فیهک  
هلاکی درت وجه ایله اوله بیلور .

- ۱ اجيرك بالتعدى وقوعبولان فعلى  
 ۲ اجيرك بدون التعدى وقوعبولان فعلى  
 ۳ اجيرك فعلى اوليه رق ممكن التحرز اوليان شى  
 ۴ اجيرك فعلى اوليه رق غصب وسرقت كې ممكن  
 التحرز اولان شى

برنجى وايكنجى صورتلرده بالاتفاق ضمان لازم كلديكى كې  
 اوچنجى صورتده دخى ضمان لازم كليون فقط دردنچى صورتده  
 امام اعظمه كوره مطلقا يعنى اجير كرك مصلح اولسون وكرك  
 اولسون ضمان لازم كلز ايسه ده امامينه كوره مطلقا ضمان لازم  
 كلور. وجه خلاف شودر كه امام اعظم اجرت يالكر عمل مقابله.  
 سنده اولوب يوخسه يالكر عمل ويا خود هم عمل همده حفظ  
 مقابله سنده اولمامغله مستاجر فيه مضمون ومجملتك « ۷۷۷ »  
 ماده سنك فقره ثانيه سنه قابل قياس اولماز بيورم شدر. اما  
 امامين اجرت هم عمل همده حفظ مقابله سنده اولوب يوخسه  
 يالكر عمل مقابله سنده اولمامغله مار الذكر « ۷۷۷ » ماده نك  
 فقره مذكوره سى حكمنده اولور ديديلر تكمله رد مختار  
 فى الوديعه .

مذهبك نقلى ايچون موضوع اولان فقهه متلرنده واجل  
 اصحاب ترجيحدن بولنان قاضيجان طرفندن فصل فى الحماى  
 والثياب ديديكى يرده امام اعظم حضرتلرينك مذهبي ترجيح  
 بيورلدينى كې آتى « ۶۰۹ » ماده نك صورت مطلقه ده ذكر

اولنسی یعنی اجیر خاصه تخصیص ایدلماسی مجله ده امام مشارالیه  
 حضرت تلمینک مذهبی اختیار بیورلدیفنه دلالت ایدر. زیرا امامین  
 همامینه کوره «اجیر» مشترک اولنجیه ماده مذکوره مثالک  
 ایکنجی فقره سنده دخی ضمان لازم کلور. نته کیم اوراده ایضاح  
 اولنه جقدر رد مختار. و برده ۴۸۲ ماده نک «وبو وجهله حبس  
 ایدوبده یدنده اول مال تلف اولسه ضامن اولمازه فقره سی ینه  
 امام مشارالیه قولی اوزرینه مبنی اولوب اما امامین ورحهما  
 الله تعالی به کوره فقره مذکوره ده ضمان لازم کلور. نته کیم  
 هدایه ده وکل صانع لعمله اثر فی العین کالقصار والصباغ فله ان  
 یحبس العین بعد الفراغ عن عمله حتی یتستوفی الاجر لان  
 المعقود علیه وصف قائم فی الثوب فله حق الحبس لاستيفاء  
 البدل كما فی المبیع ولو حبسه فضاع فی یده لا ضمان علیه  
 عند ابی حنیفه رحمه الله تعالی لانه غیر متعد فی الحبس فبقی  
 امانه كما کان عنده ولا اجرله لهلاك المعقود علیه قبل التسليم  
 وعند ابی یوسف ومحمد ورحهما الله تعالی العین كانت مضمونه  
 قبل الحبس فكذا بعده لکنه بالخیار ان شاء ضمنه غیر معمول  
 ولا اجرله وان شاء ضمنه معمولاً وله الاجر وسنبین من بعد  
 ان شاء الله تعالی دیو ذکر اولنمشدر. مارالذکر ۴۸۲ ماده شرحنه  
 دخی مراجعت اولنه.

فقط قول ثالث اولمق اوزره بعض متأخرین علما اجیر  
 مشترک یدنده ممکن النحرز بر سیدین طولای تلف اولان

مستأجر فیهک نصف قیمتی اوزرینه جبراً طرفینک صالح ایدلمسی  
جهتتی تنسیب ایللمشار وحتی مشایخ اسـالامیه طرفندن دخی  
بروجه مذکور افتا ایدلمش ایسه ده مجله نك نشرندن صکره امام  
اعظم مذهبی اوزرینه فتوی ویرمک لازمدر. ۱۸۰۱ء ماده یه باق.  
قول رابع اوله رق دیگر بعض علما دخی اجیر مصلح ایسه  
ضمان لازم کلز. واکر مصلح دکل ایسه ضمان لازم کلور. واکر  
مستور الحال ایسه نصف قیمت اوزرینه صلح اولور دیمش.  
وفتاوای خیریده بو قول رابعك پك وزل اولدینی ذکر  
اولمشدر.

شوراسی دخی خفی اولیه که امام اعظم حضر تلیله امامین  
هامین بینلرنده کی اختلاف مذکور اجاره صحیح اولدینی تقدیرده  
اولوب اما اجاره فاسد اولور ایسه مستأجر فیه اجیر مشترک  
یدنده بالانفاق امانت اولوب ضمان لازم کلز مجمع الانهر وتنقیح.  
معلوم اولمیدرکه اجیره تسلیم ایدیلان شی مایحدث فیه  
العمل یعنی اجیرك عملی آنده احدث ایده جکی شی دکل ایسه  
بالاتعد ولانقصیر تلفیه بالانفاق لازم کلز.

مثلاً بر کیمسه غلاف یعنی قاب یا بقی اوزره بر مصحفی  
دیگر بر کسنه ویروبده مذکور مصحف یدنده بالاتعد ولا.  
تقصیر ضایع اولسه ضمان لازم کلز. زیرا مصحفده عمل احدث  
اولنمور بلکه غیریسنده احدث اولنور. بو جهته مصحف  
مایحدث فیه العمل دکلدر علی افندی وتنقیح.

و محل الخلاف ايضا فيما اذا كان الهالك محرثا فيه العمل كافي  
الجوهرة للحدادی او لا يستغنى عنه ما يحدث فيه العمل لما في البدايع  
روى هشام عن محمد ويمن دفع له رجل مصحفا يعمل فيه  
ودفع الغلاف معه او سكيناً يصقله ودفع الجفن معه قال محمد يضمن  
المصحف و الغلاف و السيف و الجفن لان المصحف و السيف  
لا يستغنيان عن الغلاف و الجفن رد محتار.

بو مادهده مستأجر فيه تلف اولسه دينلمشدر. اما تلف  
اوليوبده اجير مشروطه مخالفت ايسه تفصيلات آتیه جربان  
ايلر: شويله که بر کيمسه فلان درلو بو يامق اوزره بوياجي به  
البسه و يرونده بوياجي مخالفت ايتسه يعني بشقه درلو بوياسه نظر  
اولنور. مخالفت مذکوره جنسده اولور ايسه اول کيمسه مخير  
اولوب ديلرسه البسه نك لون اصلينسده کی قيمتي تضمين ايتد  
يره دك البسه ي بوياجي به ترك ايدره. ديلرسه البسه سني آلهرق  
اجر مسمانی تجلوز ايتماک اوزره اجر مثلي اعطا ايدره. مخالفت  
مذکوره وصفده اولور ايسه اول کيمسه ينه مخير اولوب ديلرسه  
البسه سني بوياجي به ترك ايله لون اصلينسده کی قيمتي تضمين  
ايتديرره. ديلرسه البسه سني آلهرق اجر مسمي ايله برابر وصف  
مذکورک زياده ايتديکی مقدارک اجرتي بوياجي به ويرره.

کذا بر کيمسه اسمي نقش ايتک اوزره حکاکه ويرديکی  
مهره حکاک عمد اويا خطاء ديکر کمنه نك اسمي نقش ايتسه  
او کيمسه مخير اولوب ديلرسه مهرينک قيمتي تضمين ايتديرره.



دیلسه مهری اولوجهله منقوشا اخذ ایدرک اجر مسمای تجاوز  
ایتمامک اوزره اجر مثلنی ویرر.

کذلک بر کیمسه نك فلان عبارته نقش ایتک اوزره نقاشه  
ویردیکی لوحه یه نقاش بشقه عبارته نقش ایتسه اول کیمسه بخیردره دیلسه  
لوحه نك قیمتی تضمین ایتدیرر. و دیلسه مسمای تجاوز ایتتمامک اوزره  
عملانک اجر مثلنی ویرر. کذلک کوملک دیکمک اوزره درزی یه  
ویردیکی بزایله درزی طون دیکسه حکم بویله در هنديه فی الباب  
السابع والعشرون.

### { لاحقه }

(برقریه اهالیسی حیوانلرینی مناوبه رعی ایتملرینه دائردر)

برقریه اهالیسی طوارلرینی نوبتله کودر اولملریله برکیمسه-  
نك نوبتنده دیگر بر شخصک طواری ضایع اولسه تعدی ایتدیکی  
تقدیرده ضمان لازم کلز. و بو اجاره اولیوب اعانه در بهجه  
وفتاوای ابی السعود.

### ✽ ماده ۶۰۸ ✽

[ اجیرک ] یعنی اجیر خاص ویا اجیر مشترک ماده آنفه  
وجهله موجب ضمان اولان [ تعدیسی مستأجرک صرحه یادلاله  
امرینه ] ویاخود مقتضای عقده [ مخالف عمل وحرکت ] و مستأ-  
جر فیهی استهلاك [ ایتسیدر ] اما مثالده اجیر خاص ایله ایرادی  
قید اتفاقی اولوب یوقسه احترازی دکلدر.



اجیر بر کره مخالف حرکت ایتدکدن صکره وفاقه عودت  
ایتسه بیله ضماندن قورتیله من انقروی. والمراد من النعدي في هذا  
الباب هو الاستهلاك وجناية اليدو من التقصير هو التقصير في  
الحفظ وهذان اللفظان انما هو على مذهب الامام هاشم انقروی.  
[ مثلاً بر کیمسه اجیر خاص ] یعنی اجیر وحد [ اولان  
چوبانه شو حیوانلری فلان محله ده رعی ایت آخر یره کوتورمه  
دیمشیکن چوبان ] مذکور حیوانلری [ اول محله ده رعی ایتدرك  
بشقه محله کوتوروب رعی ایتسه ] صراحة امرینه مخالف حر-  
کت ایتسیله [ تعدی ایتمش اولور. و ] شو جهته [ اوراده رعی  
ایدركن حیوانلر تلف اولسه چوبانه ضمان لازم کلور. ] یعنی  
مکان مشروطك غیر یسنده رعی ایدوبده حیوان تلف اولسه قیمتی  
ضامن اولور. و اجرت اله ماز. اما تلف اولسه استحسنانا اجر-  
مسمی لازم کلور.

و بو حالده مال صاحبی حیوانلری فلان محله ده رعی ایتکی  
شرط ایتشیدم دیو و چوبان بوراده رعی ایتکی شرط ایتشیدك  
دیو اختلاف ایتدكرنده قنقیسی اقامه بینه ایدر ایسه قبول  
اولنوب ایکیسیده اقامه بینه ایدر ایسه چوبانك بینه سی ترجیح  
اولنور اذ هو المدعی اذ ثبت مالیس بثابت وكذا لو خاصاً واختلفا  
على مامر صدق المالك. هیچ بریسی اقامه بینه ایده مسه بالاجماع  
سوز مالكدرك. فیضمن اذا لاذن يستفاد من جهته انقروی  
وخصالی وبرزایه .

[كذلك برکیمسه درزی به بر قاش و یروب و بکا بر اوزون  
انتاری چیقارسه] شو قدر غروش اجرته [کس دیوب درزی  
دخی چیقار دیورک کسدکده اوزون انتاری چیقمهسه] درزی  
قاشی اتلاف ایتش حکمنده اولمغه [اول کیمسه قاشی درزی به  
تضمن ایتدیره بیلور.] زیرا کسمکه اذن کفایت ایله یعنی بر  
اوزون انتاری چیقمهسیله مشروط اولوب بوندن اکلاشیلورکه  
انتاری چیقمهینهجه کسمکه اذن ویرمامش اولور انقروی بو حالده  
درزی دلالة مستاجرک امرینه مخالفت ایتش اولور.

اما اول کیمسه درزی به واروبده بو قاش بکا اوزون  
انتاریلکه یتیمی دیو سؤالی اوزرینه درزی « یتر » دیوب اول  
کیمسه دخی کس دیمکه کسدکدن صکره انتاری چیقمهسه درزی به  
ضمان لازم کلز . لان الاذن مطلق فلا تعلق باول کلامه فیکون  
قاطعا باذنه نم لایکون قوله نعم اغراراله حتی یضمن به لان بمجرد  
القول لایوجب الضمان علی الغار واما یوجبه ان لوکان فی ضمن  
العقد ولم یکن فلا یضمن . شو قدر وارکه اول کیمسه « اولیه  
ایسه کس » دیسه ده اوده کسوب انتاری چیقمهسه ینه ضمان  
لازم کلور انقروی . وکذا لو قال الخياط نعم فقال المالك فاقطعه  
او اقطعه اذن ضمن اذ علق الاذن بشرط رد مختار .

وكذلك قاطیرجی برقره اینوب کتمک ممکن ایکن کتاما کله  
یاغمورک یاخود اول محله خرسزلغک چوقلنی ملابسه سیله  
یوکی یاغمور افساد ایتسه ویا یوک چالسه تعدی دیمک اولمغه  
قاطرچی ضامن اولور رد مختار .

و كذلك تر لا صاحبی چفتجی به « بو یغدائی فلان بره نقل  
ایت زیرا یاشدر بوراده قالوبده چوریمسون » دیوب چفتجی  
دخی قبول یعنی نقلی تعهد ایتمش ایکن نقل ایتسهده یغدای  
بوزولسه بدائی ضامن اولور هندیه فی الباب السابع والعشرون.  
و كذلك حمال تعین اولمان طریقدن بشقه یردن کتسهده  
یولده تلف اولسه ضامن اولور. ۵۷۳ ماده شرحنه باقی من المحل  
المزبور.

اجیرک مقتضای عقدہ مخالف حرکتی دخی موجب  
ضماندر. « ۴۸۳ » مادهیه باقی.

و كذلك اجیرک مستأجر فیہی انکار ایتسی دخی موجب  
ضماندر.

مثلا جامه شویہ ویریلان البسه کندوسندن طلب اولندقدہ  
انکار ایتسهده بعده سرقت اولنسه ویا یانسه قیمتنی ضامن  
اولور. زیرا انکاربله غاصب اولور. بعد الانکار المذکور مال  
صاحبی آئی استیخلاص ایتدکده اجیر اگر قبل الجحود غسل  
ایتمش ایسه اجرتنی دخی ویرر. لان العمل وقع لصاحب الثوب  
اما بعد الجحود غسل ایلمش ایسه اجرت لازم کلز. لانه قصره  
بغیر عقد فلا یتحق الاجر خانیه.

اجیر بویاجی اولدقدہ حکم بر منوال محرودر. شویله که  
قبل الجحود بویاتمش ایسه اجرت لازم کلور. بعد الجحود  
بویاتمش ایسه مال صاحبی مخیر اولوب دیلرسه البسهنی اخذ

وبویانك زیاده ایتدیکی مقصداری بویاجییه ویرر . و دیلر سه  
البسه یی بویاجییه بالترك تكمیل قیمتنی تضمین ایتدیرر . (۸۹۸)  
ماده یه باق .

کذا اون یایمق اوزره دکرمنجییه بغدادی ویرسه ده دکرمنجی  
بغدادی انکار ایتسه اگر بعدالانکار طحن ایدر ایتسه اجرت  
آله مز . و اون دکرمنجییه قالب مال صاحبك بغدادی ضامن  
اولور . نته کیم نساجه بزطوقومق اوزره ایپلیک ویرسه بونده کی  
حکم ، بروجه مشروح بغدادیك حکمی کیدر خانیه .

معلوم اوله که چوبانك تعدی و تقصیری اولقمیزین حیوان  
تلف اولدقده چوبان كرك اجیر خاص اولسون و كرك اجیر  
مشترك اولسون ضمان لازم کلز .

مثلا چوبان یدنده کی حیوان افت سماویه ایله تلف اولسه  
ضمان لازم کلز بزازیه .

اجیر ایچون موجب ضمان اولان بعض احوال بروجه آتی  
ایضاح اولنور شویله که . راعی دیشی حیوانلر اوزرینه صاحبك  
اذنسنز ارککی آشوره مز . آشور و بده تلف اولسه ضمان لازم کلور .  
اما حیوان خود بخود آشمسیله تلف اولسه ضمان لازم  
کلز . زیرا صورت اولاده مستأجر مأذون اولمדיنی فعلی ایقاع  
ایدرك تعدی ایتمش اولوب اما صورت ثانیه ده فعلی یوقدر در  
مختار . درزی البسه یی صاحبنه کتوردیکنده صاحبی البسه یی  
دورینك الندن چکوبده اول وجهله مدمالکدن ناشی یرتله

درزى به ضمان لازم گز . اما ايکسنگ يعنى مالک ايله درزىنگ  
چکملرندن ناشى ييرتلسه درزى نصف قيمتى ضامن اولور .  
« ۹۱۵ » ماده يه باقى بزازيه .

ودرزى البسه يي دیکدکن صکره عيالنده بولنان کندی  
اوغلى يديله صاحبنه کوندرونده تلف اولدقده نظر اولنور .  
اوغلى اکر بالغ و عاقل اولوب حفظه مقتدر ايسه ضمان لازم  
گز . « ۷۹۵ » ماده يه باقى . والا حفظده تقصير و تضضيع ايدلمش  
اولغله ضامن اولور هنديه و بزازيه و انقروى .

کذلک چوبان حيوانلرى اجير خاصى و عيالده بولنان کير  
اوغلى و سائر امينى يديله رد ايدم بيلور . اذالرد من الحفظ وله  
الحفظ بيدمن فى عياله فله الرد مع من فى عياله کمودع فلو هلك  
فى يده حالة الرد فلو كان الراعى مشترکاً يبرأ عند ابى حنيفة مطلقاً  
وعند هما يضمن لو امکن التحرز کالورد بنفسه ولو خاصاً يبرأ  
مطلقاً . اما امينى اولميان ايله رد ايدم من . ايدوبده تلف اولسه  
ضامن اولور انقروى . « ۷۹۵ » ماده يه متناً و شرحاً باقى .

کذلک بر کيمسه بز طوقومق اوزره چوخه يه ايپلک  
ويروپده چوخه دخى طوقومق اوزره ايپلکى بشقه بر کيمسه يه  
ويردکن صکره تلف اولسه نظر اولنور . او کيمسه چوخه ننگ  
اجيرى ايسه چوخه ضامن اولماز . واکر اجنبى ايسه ضامن  
اولور . « ۷۹۵ » ماده يه باقى بزازيه و انقروى .

ودلال مال صاحبنک اذنتسز سوم شرا ايدن اجنبى بر

کسسه یدنده مالی براقوبده دلال مفارقت ایتدکن صکره مذکور  
مال او کسسه یدنده ضایع اولسه دلاله ضمان لازم کلور . زیرا  
دلال ودیع اولوب ودیعه یی آخره ایداع ایده من تنقیح ۷۹۰۰  
ماده یه باق .

وبر کیمسه نك قرمزی بویامق اوزره بویاجی به ویردیکی  
بیاض البسه یی بویاجی صاری یه بویاصه اول کیمسه مخیر اولوب  
دیلرسه مذکور البسه نك بیاض حالنده کی قیمتی تضمین ایتدیرر .  
دیلرسه قبول ایدهرک صاری بویانك البسه یه موجب اولدیغی  
زیاده قیمتی بویاجی به ویرر وهر حالده اجرت لازم کلز . اما  
بویاجی قرمزی بویایوب فقط فنا بویا ایله بویاسه نظر اولنور .  
بویانك فنا لئی اهل خبره عندنده اکر فاحش ایسه البسه نك  
بیاض حالنده کی قیمتی ضامن اولور . واکر فاحش دکل ایسه  
ضمان لازم کلیوب اجر مسمی ویریلور تنویر وحاشیه .

درزی البسه یی بوزدینی حالده صاحی بوزق اولدیغی  
بیله رک آلوب کیمسه آرتق تضمین ایتدیره من انقروی .

### ❁ ۶۰۹ ماده ❁

[ اجیرك ] یعنی اجیر خاص ویا اجیر مشترک ۶۰۷ ماده  
موجبینجه موجب ضمان اوله حق صورتده [ تقصیری مستأجر  
فیهك محافظه سنده بلاعذر قصور ایتسیدر . ]  
[ مثلاً سوریدن بر حیوان فرار ایتدکده چوبان ] آنک



آرقه‌سی صره کیتدیکی تقدیرده دیگر حیوانلرک ضایع اولمق احتمالی یوغیکن [مجرد تکاسل واهانندن ناشی واروب طوتمدیغی جهته حیوان ضایع اولسه چوبان] حفظده [تقصیر ایتمش اوله جغندن ضامن اولور .] چوبان کرك اجیر خاص اولسون وکرك اجیر مشترک اولسون.

کذا چوبان یانوب اویودیغی صرهده حیوان تلف اولسه حفظی ترک ایتمش اولمقله ضمان لازم کله چکی کی چوبان اوطوردیغی یرده اویوقلیوب حیوان کوزندن غیب اولدقدن صکره تلف اولسه ضامن اولور انقروی .

کذلك دکرمن بوغازی آچیلوبده بغدای تلف اولسه دکرمننجی ضامن اوله جغنی کی دکرمانجی دکرمن قپوسنی کلیه دکرمن براغوب کتمکله دکرماندن بغدای یا اون چالغسه ینه ضامن اولور هندیه قبل الباب الثامن والعشرون وفتاوی ابن نجیم .

[اما] چوبان [آنک] یعنی فرار ایدن حیوانک [آرقه‌سی صره کیتدیکی تقدیرده دیگر حیوانلرک ضایع اولمق احتمالی غالب اولدیغی جهته واروب طوتمامش] وارقه‌سی صره کوندره جک آدم دخی بولنه مامش [ایسه معذور اولمقله ضمان لازم کلز .] چوبان کرك اجیر خاص اولسون وکرك اجیر مشترک اولسون . زیرا بوبابده کرچه ترک حفظ وار ایسه ده عذر ایله اولدیغندن معفو اولور نتیجه وفتاوی جدیده وجمع الانهر .

نته کیم و دیعهده دخی بوبله در . ۷۸۷، ماده و شرحه باقی .



بومسئله ده عدم ضمان چوبان اجير خاص اولديني صورتده بالانفاق اولوب اما اجير مشـترك اولنجه عدم ضمان امام اعظم حضرت تارينك مذهبي اوزرينه در . نتهكيم خلاصه ده لوندت شاة فيخاف ان يضيع الباقي لا يضمن في ترك طلب ماند في الخاص بالاجماع وفي المشترك عند ابى حنيفة رح لان الامين لا يضمن بترك الحفظ ان كان بعذر ديو ذكر اولنمشدر .

امامين رحمهما الله تعالى به كوره مسئله مذكوره ده ضمان لازم كلمنى شـوندندركه اجير ، اجر وافر طمعا كثرى تقبل يعنى اقتدارى فوقنده حيوانلرى قبول ايلمشدر رد مختار .

بو مسئله دن دخى اكلاشيلوركه مجله اجير مشـتركك عدم ضماننده امام اعظم مذهبنى اختيار ايلمشدر .

كذلك حيوانلر اوركوب بر قاج فرقيه ايرملغه جمله سنك ارقه سى صره كيدوب طويلامغه مقتدر اوله مزايسه امام اعظمه كوره ينـه ضمان لازم كلز . اما امامينه كوره ضمان لازم كلور رد مختار .

كذلك اجير مشـترك اولان چوبان حفظه مقتدر اولميان چوجقلرى ايله وياخود امينى اولميان بر شخص ايله صاحبنه رد ايدركن بولده تلف اولسه ضمان لازم كلور . اما امينى ايله رد ايدركن تلف اولسه ضمان لازم كلز . « ۶۰۷ » ماده شرحنه باق ينتقيح .

كذلك بر كيمسه يوك ايچون استيجار ايلديكى استرى كندى

حماریله برلکده اوله رق سـورر ایکن حماری دوشمه کله تلفندن  
خوف اولندینی و بونی قالدیرمه یله مشغول اولدینی حالده استری  
محافظه یه قدرتی اوله میه جفی جهته بو صروده استری رفیقنه  
ویرسه ده استر رفیقی یدنده تلف اولسه اول کیمسه یه ضمان لازم  
کمز خیریه .

کذلک چولخه نسج ایتدیکی شیئی خرسزلرک چوقلانی زما-  
نده دستکاهده براغهرق قپویی کلیدلیوب خانه سـنه کیتدکن  
صکره چالنسه نظر اولنور. اوکی وقتده او مثللو دکان اولوجهله  
براغیلور اولسه ضمان لازم کمز. والاضامن اولور زیرا حفظده  
تقصیر و مال اضاعه ایدلمش اولور انقروی .

### ❀ ۶۱۰ ماده ❀

[اجیر خاص امیندر. حتی یدنده بغير صنعہ] یعنی کندو عملیله  
اولمقسزین [تلف اولان مالی] ضمان شرط ایدلسه بیله بالانفاق  
[ضامن اولماز]. واجرتی تنقیص ایدیله مز. لمامران المعقود علیه تسلیم  
نفسه جوهره و ظاهر التعلیل یفید بقاء الاجرة لو هلك کلها  
وبه صرح فی العمادیة در مختار. اما عدم الضمان فلان العین امانة  
فی بده لانه قبضها باذنه وهذا عند ابی حنیفة رحمه الله تعالی ظاهر  
وکذا عندها لان تضمین الاجیر المشـترک کان نوع استحسان  
عندها صيانة لاموال الناس لانه تیقبل الاعمال من خلق کثیر  
رغبة فی کثرة الاجرة وقد یمجز عن القيام بها فیقعد عنده

طويلا فيجب عليه الضمان اذا هلك ما يمكن التحرز عنه حتى لا يتوانى في حفظها واجير الواحد يعمل في بيت المستاجر ولا يتقبل الاعمال من غيره فاخذ فيه بالقياس زياعى .

مثلا اجير خاص اولان خان بكجيسى مذكور خالك او طه .  
لرنده ويا خارجنده يعنى حواليسنده سرقت اولنان شئي ضامن اولماز . اذا الاموال المحفوظة في البوت في يد مالكيها . چارشو بكجيسى دخی بويله در در مختار . وما على الحارس شئ اوتقب . في السوق حانوت على ماقد كتب . وليس يضمن الذى منها سرق . اذ بالاجير الخاص ذاك يلتحق . منظومة محبيه .

كذا چوجوق ويا اوزرنده ولنان حليات ضايع اولدقه ويا چوجوق الندن دوشوب وفات ايتدكه اجير خاص اولان سوت آنا ضامن اولماز تنوير وانقروى .

۶۰۷ ماده شرحنده بيان قلنديغى اوزره امام اعظم حضر تالرينك مذهبجه اجير مشترکده کی حکم دخی بوجه مذکوردر . يعنى يدنده بغير صناعه تلف اولان مالى ضامن اولماز . وان تلف في يده بغير عمله بان زحمه الناس لا يضمن عند ابى حنيفه خلافا لهما شلبي . كرك ممكن التحرز اولان برسيددن طولاي تلف اولسون وكرك ممكن التحرز اوليان برسيددن طولاي تلف اولسون .

بناءً عليه سالف الذكر ۶۰۷ ماده شرحنده بيان اولنديغى اوزره بوجه ده امام مشار اليه حضر تالرينك مذهبي ترجيح

واختیار قلندیغندن بوماده نك بوفقره سی اجیر خاصه تخصیص  
ایدلیوب « اجیر امیندر الخ » دینیلهر ك فقره آیه اجیر خاصه  
تخصیص ایدلملیدی . زیرا فقره مذکوره اجیر خاصه مخصوص  
اونوب اجیر مشترکده جاری اولماز . نته کیم آتی ۶۱۱ ماده دن  
اکلاشیلور هندیه فی الباب الثامن والعشرون .

[ و کذا بالاتعد کندو عملیه ] یعنی کندوسنه اذن ویرلمش  
اولان ایشی پامقله [ تلف اولان مالی دخی ضامن اولماز . ]  
بزازیه واجرتی تکمیلآ آلور . زیرا اجیر خاصه منافی  
مستاجر ك ملک اولوب مستاجر ماجورده تصرفله اجیره امر  
ایستدکده صحیح واجیر تصرف مذکورده مستاجر مقامنه قائم  
وکویا مستاجر کندوسی پامش اوور درر .

مثلا اجیر خاص اولان چوبان حیوانلری رعی ایدر ایکن  
ویا سواررکن تلف اولسه ضامن اولماز در مختار .  
کذا اجیر خاص اولان چوبان حیوانلری معتاد اوزره  
سوررکن حیوانلری یکدیگرینی تلف اینسه لر ضامن اولماز بزازیه  
ورد مختار .

کذلک برکیمسه نك چارشودن مبايعه ایستدیکی متاعی خادمه  
بالاعطا خانه سنه ارسال ایستدیکی حائده یولده آياغی قایوبده دو-  
شهر ك متاع قیرلسه ضامن اولماز .

اما اجیر مستاجر ك امر ایستدیکی واذن ویردیکی عملك  
غیر یسفی عمل ایدوبده بوندن او مال تلف اولسه ۶۰۸ ماده په

مبنى ضامن اولور رد مختار . مثلا بر كيمسه چارشودن ايكي متاع آلوب يالكلز بريسنك خانه يه نقلنى خادمه امر ايتديكي حالمه خادمى بلا امر ولا اذن ديكر متاعى نقل ايتسه ده يولده سورچكله دوشوب قرلسه خادم آنى ضامن اولور . زيرا افنديسنك امر ايتديكي عملك غيريسنى ايشلمش اولمغله متغدى اولور .

مجلده بلا تعد دينلدى . زيرا اجير خاص قصدا وتعديا مالى اتلاف ايتسه ضامن اولور . نته كيم وديعه ده دخی بويله در . مثلا اجير خاص رعى ايتمكده اولدينى قيونلرى يالكلز اوله رق يعنى حافظى اولمقسرين ترك ايتمكده بر مقدارى ضايع ضامن اولور تنقيح .

كذا عمدا اوروب قيونك اياغنى قيرسه ويا خود كوزينى چيقارسه ضامن اولور عبد الحليم . بو تقديرده اياغنى قيردقدن بر مدت صكره حيوان تلف اولسه اياغنى قيردينى كونده كى قيمتى ضامن اولور . يوقسه تلف اولدينى كونده كى قيمتى دكل خيريه . كذلك اجير حيوانى ذبح ايتسه ضامن اولور . فقط خسته . لكندنطولايى اجير يا اجنبى ذبح ايتدكده نظر اولنور .

اكر قورتولمى مأمول ويا مشكوك ايسه ضامن اولور . واكر موتى متيقن ايسه ضامن اولماز . للاذن دلالة هو الصحيح شوقدر واركه اتى ينمز حمار واستر مثللو حيوانات ذبح ايديله من رد مختار . زيرا ات ايله انتفاع ايجون كسدم دينلمكه محل يوقدر .

ولا يذبح الحمار ولا البغل اذ لا يصلح لحمها ولا الفرس عنده لكرامته  
تجرى ما رد مختار.

اجير موتى تيقن ايتمكله حيوانى كسدم ديدكده صاحبي  
موتى تيقن ايتديكنى تصديق ايتدكجه اجير قولنده تصديق  
اولماز. لاقراره اسبب الضمان بو تقديرده سوز موتى تيقن  
ايتديكنه يمئيله حيوان صاحبك اولوب ذابح موتى متيقن  
ايدوكنه اقامه يينهيه محتاجدر رد مختار وانقروى. بو حلاله ذابح  
اقامه يينه ايدهميوب مالك دخى يمين ايديجك يوم ذبحده كى قيمتى  
ضامن اولور. ومقدار قيمتنده اختلاف اولندقدده سوز مع البمين  
« ۸ » مادهيه مبنى ذابحك اولوب زياده ادعا ايدن مالك اقامه  
يينهيه محتاجدر خيريه. اما چوبان حيوان كندولكنندن اوله رق  
تلف اولدى ديو ادعا ايتسه يمئيله تصديق اولنور. نته كيم  
« ۶۰۷ » ماده شرحنده بيان اولندى. ولو كه مستأجر حيوانك  
دريسى كى علامت كتورمسنى وكتورمديكى صورتده ضمانى  
شرط ايتمش اولسون رد مختار.

كذلك چوبان بر كسمنهك قيونى ديكر شيخصه ویرسه ده  
او شيخص استهلاك ايتسه چوبانه ضمان لازم كلور. اكر چوبان  
آنى اقرار ايدرسه. اما چوبان مذكور قيون اول شخصك  
اولديغنى اقرار ايتديكى حلاله چوبان او شخصه تضمين ايتديره من  
مجمع الانهر.



﴿ ٦١١ مادة ﴾

[ اجير مشترك كرك تعديسى ] يعنى قصدى وماذونيته مخالفتى [ يا تقصيرى اولسون وكرك ] تعديسى وماذونيته مخالفتى [ اولسون ] وكرك معتادى تجاوز ايتسون وكرك ايتسون [ كندوسنك فعل وصنعتدن تولد ايدن ضرر وخسارى ضامن اولور. ] زيرا عقد اجاره تحتنده داخل اولان عمل سليم اولوب اما عمل مفسد اجاره تحتنده داخل دكلدر. لان الاذن ثبت فى ضمن العقد على التسليم لان مطلق عقد المعاوضة يقتضى سلامة الممقود عليه عن العيوب فاذا تلف كان التلف حاصلًا بما ليس بمأذون له فيه زيلعى . فيضمن القصار ما تخرف من دقه اومن مده اومن غمزه اوبسطه وكذلك الصباغ فى ذلك كله شلى . وبوحالده مستاجر مخير اولوب ديلرسه غير معمول اولدينى حالدهكى قيمتى تضمين ايتديررده اجرتى ويرمز .

زيرا اجير منفعتى ايفا ايتيوب بلكه مضرت ويرمشدر رد مختار. وديلرسه معمول اولدينى حالدهكى قيمتى تضمين ايتديررده اجر مثلى ويرر هندية فى الباب الثامن والعشرون فان قيل كيف يضمه فى موضع الحمل ولم يوجد منه سبب الضمان ثم قلنا لانه كما انكسر فى الطريق والحمل شئ واحد حكما اذا حمل المستحق بالعقد ما ينتفع به وهو ان يجعله محمولا الى موضع عينه ظهرا نه وقع تعديا ابتداء وفى الحقيقة ابتداؤه سليم وانما صار تعديا عند



الكسر فان مال الى الوجه الحكمي فلا اجر له لانه ما استوفى من عمله اصلا وان مال الى الوجه الحقيقي فله الاجر بقدر ما استوفى والاجر والضمان اما لا يجتمعان في حالة واحدة وقد اختلفت الحالة ههنا وهذا لانه اذا ضمنه في مكان الكسر فقد جعل المتاع امانة عنده من حيث حمل الى موضع الكسر والاجر يجب في حالة الامانة وانما صار مضمونا في حالة الكسر وهذه حالة اخرى شلي.

مجلده عمل مطابق اوله رق ذكر اولنديغندن آ كلاشيلوركه مذكور عمل كرك معتادي تجاوز ايتمش اولسون وكرك ايتمشون. مثلا جامه شوي البسه يي ياقاركن پارچه لسه ويا حمالك آياغي قايوبده يوك تلف اولسه ضامن اوله جني كبي قايتجي كورك چكمسيه قايق غرق اوله رق دروننده كي اموال تلف اولسه اموالي ضامن اولوب اما انسانلري ضامن اولماز رد مختار .

وكذا مكاري حيواني سورر كن حيوان قايوبده وياخود مكاري كمندي ابديله شد ايتديكي حمالك اي قوپوبده يوك دوشوب تلف اولسه ضامن اولور. ولو كه مال صاحبي برابرنده بولنسون هندية. لان التلف حصل بتركه التوثيق في شد الحبل رد مختار. اما مذكور ايپ يوك صاحبنك ايسه وياخود ايپك انقطاعي مكارينك سوقندن اوليوب بلكه مثلا حيوان واقف ايكن روز كاراسوب حيوان اوركم كله ايپ قوپوسده يوك تلف اولسه ضمان لازم اولماز رد مختار .

و کذا حمالك آياغی قايمغله ويا کندوسی غابه لکه صو قلوب  
دوشمکه يوك تلف اولسه ضامن اولور . لانه تلف بفعله لان  
الداخل تحت العقد عمل سليم والمفسد غير داخل فيضمن على  
ما بينا زيلعي . لان التلف الحاصل من زلقه حصل من تركه  
التثبت في المشي مجمع الانهر . ومال صاحبي بخير اولوب ديلرسه  
محمولا قيمتي تضمنين ايتديروب اجرتي ويرر . وديلرسه غير  
محول اوله رق قيمتي تضمنين ايتديروب اجرتي ويرمن بزازه .  
اما غلبه لك حمالك اوستنه كلسه ده يوك تلف اولسه حماله  
ضمان لازم كلز انقروى .

كذلك اجير مشترك اولان چوبان حيوانلرى سرعتله  
سورمكه حيوانلر مهاجم ايتمليله صويه دوشسه لر ويا سائر صورته  
تلف اولسه لر ضامن اوله جنى كى اجير مشترك اولان چوبان  
حيوانى سورر كن ضرب ايدوبده تلف اولسه لر ينه ضمان لازم  
كلور هنديه فى الباب الثامن والعشرون .

كذلك اوزومى فلان محله نقل ايتك اوزره کندوسنه  
اوزوم ويريلان حال تاخير ايدوب اوزوم بوزولسه وآشيجى  
يمكى ياقسه وياخود معتاد اولدينى اوزره پشورمه ضمان لازم  
كلور بزازه وانقروى .

وكذلك مستاجر ك خانه سنده اتمك پشوريجى آدم فروندن  
اتمكى چيقارمدين اتمك محترق اولسه ضمان لازم كلور .  
وكذلك مكارى طولم ايله كتوردىكى مايعانى يعنى مثلا سرکه

ويا زيتون ياغنى حيواندن اينديرر ايكن دوشوروب طولم  
يارلمغله مايعات اقوب تلف اولسه مكارى مايعاتى ضامن اوله جنى  
كى طولمك نقصان قيمتى دخى ضامن اولور تنقيح .

وكذلك بر كيمسه محل معينه ايصال ايتك ايجون امتعه سنى  
ملاحه ووروبده اوده سفينه سنه بالوضع كيدر كن كندى مدندن  
سفينه يعنى قايق غرق اولسه ملاح امتعه سنى ضامن اولور .  
مدنده كرك معتادى تجاوز ايتسون كرك ايتسون اما روزكاردن  
وياخود طالقهدن وياخود اوزرينه بر شيئت وقوعندن طولايى  
غرق اولسه ده امتعه تلف اولسه ضامن اولماز رد مختار .

مجله ده كندو فعلمدن دينلدى . زيرا مذكور ضرر وخسار  
اجيرك فعل و صنعندن تولد ايتمز ايسه كرك ممكن التحرز  
اولان بر سيبدين طولايى تلف اولسون و كرك بيوك  
يانغين وبر فرقه خرسرك مهاجمه سى و قاينك طالع  
و روزكاردن باتمى كى ممكن التحرز اولميان بر سيبدين طولايى  
تلف اولسون امام اعظم حضرتلرينه كوره ضمان لازم كلز .  
ولو كه ضمان شرط ايدلسون . زيرا مستاجر فيك قبضى موجرك  
اذنيه اولمغله عين ينده امانت اولور . و شرط ضمان ايسه عقد  
اجارمك مقتضاسندن بولميان واحد عاقدينه نفى بولان بر شرط  
اولور هندية فى الباب الثامن والعشرون ورد مختار .

مثلا مكارى مستأجر كطوليله يوكلا ديكي مايعاتى نقل ايتكمده  
ايكن بالاتعد و لاقتصير طولم ياريابوب مايعات مذكوره تلف

اولسه ضمان لازم کاز. زیرا ضعیف طولمه قوبدیغندن طولایی  
تقصیر مستأجر طرفندن ایدلمش اولور تنقیح اما امامین هامینه  
کوره ممکن التجرز بولنان بر سبیدن طولایی تلف اولان مستأ-  
جر فیهک ضمانی کلور. نته کیم تفصیلی ۶۰۷ ماده شرحند  
چکدی.

بو مادهده ضمان اجیر مشترک یالکز فملنه تخصیص ایدلمش  
اولسندن مجتاده امام اعظم حضرت لرینک مذهبی اختیار اولندی  
استدلال اولنه بیلور. بزازیه.

معلوم اوله که اجیر مشترک اجیرینک عملی کندینه یعنی  
اول اجیر مشترک مضافدر. بناء علیه بر درزیه ویریلان البسه  
قلقه سی دیگرکن تلف اولسه اول درزی ضامن اولور.  
کذلک جامه شویه ویریلان البسه قلفه سی یعنی شاگردی  
یا یقارکن تلف اولسه ضمان جامه شویه لازم کلور. و قلفه سی  
ضماندن بریدر. زیرا قلفه اول اجیرک «اجیر وحد» یدر. ماده  
آنفیه باق رد مختار وزیله.

### {لاحقه}

(اجیرک ضمانی وسائر حقننده مسائل متفرقه)

(بیاننده در)

۱ — مستأجر استکرا ایلدیکی حیوانه یوک یوکلدوب

کندوسی دخی اوزرینه ینوب مکاری سوق ایدرکن یعنی سو-  
ررکن حیوان قایمغله اوزرنده کی یوک تلف اولسه مکارییه  
ضمان لازم کلز. زیرا صاحب متاع برابر اولمغله متاع صاحبی  
یدنده بولمنش اولور.

کذا مستأجر واجر ابکیسیده حیوانه راکب ایکن ویا  
حیوانی سورر ایکن ویا یدر ایکن بوجه مذکور یوک تلف  
اولسه حکم منوال مشروح اوزرده در لان المناع فی ایدیهمما فلم  
نیفرد الاجیر بالید رد مختار.

کذلك حال آرقه سندن متاع چالنه صاحبی برلکده اولنجه  
ضمان لازم کلز. زیرا بو نقدیرده یوک اجیره تسلیم ایدلما مشدر  
هنديه فی الباب الثامن والعشرون.

۲ — چوبان سوت مثللو حیوانانک منافعنندن انتفاع ایده-  
من بزازیه.

۳ — محله ده برشی چالندقدده محله بکجیسنه ضمان لازم کلز  
بزازیه.

۴ — برکیمسه دیگر کسنهیه دیش چکدیروبده اول کیمسه  
« چقار » دیدیکهی چیقارمیوب صاغلانی چیقاردک دیو ادعا  
واوکسنه انکار ایدیجک سوز اول کیمسه نکدر بزازیه.

۵ — برکیمسه دیگر کسنهیه بردیش چکدیررکن مذکور  
دیشله برابر دیگر بر دیش دهها چیقسه اوکسنهیه ضمان لازم  
کلز بزازیه.

{ خاتمه }

( آجر ایله مستأجر بیننده اختلافه دائردر )

۶ — طرفیندن بریسی عقد اجاره‌ی دعوی ایتدیکی حالدده  
دیگری انکار ایتدکده سوز مع‌الیمین منکر کدر. و ۱۷۴۹ ماده  
وجه‌له بوراده حاصله یمین ویریلور. شویله‌که « سنک ایله شو  
مدعی بیننده فلان مالده اجاره لازمه تانه حالا باقی و مذکور  
اجاره دن طولانی شو مدعینک سنده حقی اولمدیغنه . . . » دیو  
یمین ایتدیلور تنقیح.

۷ — مستأجر خانه مأجورده ساکن اولدقدن صکره  
اجرتسز ساکن اولدم دیو و آجر اجرت ایله ساکن اولدک دیو  
اختلاف ایتدکلرنده سوز مستأجر کدر اما یمینه آجر کدر بزازیه.  
کذا « ۱ » مستأجر ققتان دیکمک اوزره امر ایتشدم ودر-  
زی کوملک دیکمکه امر ایتشیدک دیو « ۲ » ویاخود مستأجر  
قرمزی بويا دیمشیدم دیو و بوياچی صاری بويا دیمشیدک دیو  
اختلاف ایتدکلرنده سوز مع‌الیمین مستأجر کدر مستأجر یمین  
ایتدیکی تقدیرده صورت اولاده مخیر اولوب دیلر سه غیر معمول  
اوله رق قیمتی تضمین ایتدیررده اجرتی ویرمز. دیلر سه قماش  
اول صورتله قبول ایدهرک اجر مسمای تجاوز ایتماک شرطیه  
اجر مثانی ویرر. و صورت ثانیه ده ۶۰۸ ماده شرحی او اخرنده



ذکر اولنان مسئله وجهله معامله ایدیلور تنویر و در مختار ورد  
مختار ۴۶.

۸ — اجرتك مقدارنده اختلاف ایتسهلر موجرك بینهسی  
ترجیح قلنور.

مثلا آجر تكفور طاغنه كتمك اوزره اشبو حیوانمی ایکی  
ایکیوز غروشه ایجار ایتشیدم دیه و مستأجر یوز غروشه  
استیجار ایتشیدم دیو اختلاف ایلدکرنده آجرك بینهسی ترجیح  
اولنور اما طرفینك بینهلری اولمینجه سوز مستأجرکدر بزازیه  
و منفعتده اختلاف ایتسهلر مستأجرك بینهسی ترجیح قلنور.

مثلا موجر بر آیلق ایجار ایتدم دیو و مستأجر ایکی آیلق  
ایجار ایتدك دیو اختلاف ایتسهلر مستأجرك بینهسی ترجیح  
اولنور خصالی.

۹ — هر کیله سنی شو قدر غروشه فلان محله نقل ایتك  
اوزره مکاری ایله پازارلق اولنوبده یوك نقل اولندقدده یوكك  
مقدارنده اختلاف ایتسهلر سوز یوك صاحبكدر. واجرت او  
نسبتده لازم کلور. حال دیلرسه اولچر. لانه یدعی الملاح علیه  
الاجر وهو ینکر الا ان یكون الاجر مسلما له یعنی فالقول ح  
قوله لانه منکر والاجر بحساب ذلك اشباه وحموی.

۱۰ — چوبان ایله مالک حیوانلرك عددنده اختلاف  
ایتدکرنده سوز چوبانك وینه مالککدر بزازیه.

۱۱ — یوك صاحبی اجرت همالیه ویردم و جمال المدم



دیو اختلاف ایتدکلرنده سوز حمالکدر بزازیه .

۱۲ — بر کیمسه بر بلده دن فلان قصبه ده کی سمساره تسایم ایتمک اوزره حمال ایله یوک کوندروبده یوک لدی الوزن اول کیمسه نك سمساره یازدینی مکتوبده محرر مقدار دن نقصان کلسه سمسارک حمال ایله خصومه حتی یوقدر . بلکه خصومت حمال ایله اول کیمسه بیننده اوله ییلور بزازیه .

۱۳ — جامه شوی البسه یی کتوردیکنده مال صاحبی بنم البسه بونلر اولیوب بشقه ایدی و جامه شوی بوایدی دیو اختلاف ایتدکلره سوز جامه شویکدر بزازیه .

۱۴ — بر کیمسه درزییه استاری ایله برابر قماش ویروبده دیکلدکن صکره اول کیمسه بو استار بنم دکلدرد و درزی سنکدر دیو اختلاف ایتدکلرنده سوز مع الیمین درزینکدر . و بوضورته اول کیمسه مذکور استار ایله البسه یی استعمال ایده ییلور .

۱۵ — مستأجر فیه اجیر یدنده اولدینی حالده مأجورده ایفا اولمان عملده مستأجر ایله اجیر اختلاف ایتسه لر سوز اجیرکدر .

مثلا البسه جامه شوی النده ایکن جامه شوی البسه یی یایقادم اجرت استرم دیو مستأجر البسه یی سنک اوکده بن یایقادم ویا بنم خدمتجم یایقادی اجرت آلمه حقت یوقدر دیو اختلاف ایتسه لر سوز جامه شویکدر . اما مستأجر فیه مال صاحبی ویا خارج بر شخص یدنده ایسه سوز مال صاحبکدر . شو قدر

وار که اجیر مستاجرك یمینی طلب ایدر ایسه مثلا جامه شوی یا بقامقدن طولانی اول قدر غروش بورچی اولمدیغنه مستاجر تحلیف اولنور . یوقسه جامه شوی یا بقامدیغنه تحلیف اولنه ماز بزازیه فی اول الاجاره .

۱۶ — مثلا بویاجی بر دکان استیجار ایله بر مدت انده ساکن اولدقدن صکره عرف وعادته بویاجینک احداث وانشا ایده جکی شیلرده طرفین اختلاف ایتسه لر یعنی مستاجر بن انشا ایتدم و آجر وقت اجاره ده موجود ایدی دیو اختلاف ایتسه لر سوز مستاجر کدر . شو قدر وار که اختلاف مذکور دکانک بناسنده وطوان وسائرده موضوع آغاج و دیر کدرده ویا درون دکانده بولنان حطب و کرپیج و کر مید و کرچ کبی شیلرده ایسه سوز مع الیمین آجر کدر ، هر ایکی طرف بینه اقامه ایدر ایسه سوز مستاجرك اولان مواضعده بینه آجر کدر بزازیه .

۱۷ — بر کیمسه بر شی استیجار ایتدکدن صکره هنوز تصرف ایتدین اجرتک مقدارنده و یا خود مدت و یا مسافده اختلاف ایتدکدرنده کی حکم ۱۷۷۹ ماده ده بیان اولنور انقروی .

۱۸ — مستاجر ایکی آیلنی یوز غروشه ویردک و آجر بر آیلنی یوز غروشه ویردم دیو اختلاف ایتدکدرنده هر تنغیسی اقامه بینه ایدر ایسه قبول اولنور . وایکسی سیده اقامه بینه ایدر ایسه مستاجرك بینه سی ترجیح ایدیلور .

۱۹ — طرفین اجرت ومدتده یعنی ایکسنددهه ویاخود  
اجرت ومسافدهه یعنی ایکسنددهه اختلاف ایتدکرنده هر  
قنغیسی اقامه بینه ایدر ایسه قبول اولنور وایکسیده اقامه بینه  
ایتدکده ایکی بینه ایلهده حکم اولنور . شویله که اجرتک  
زیاده لکنده موجرک بینه سیله ومدت ویاخود مسافه نک زیاده  
لکنده مستاجرک بینه سیله حکم اولنور . اما هیچ بریسی اقامه  
بینه ایده مسه تحالف جاری اولوب قنغیسی اولادعوی ایتمش  
ایسه اولآ آنک خصمنه بمین ویریلور . وایکسیده بمین ایدر ایسه  
اجاره فسخ اولنور . شو قدر وار که اختلاف مذکور مدت  
اجاره مرورندن یعنی منفعت تکمیلآ استیفا اولندقدن صکره  
وقوعبولور ایسه سوز مع الیمین مستاجرک اولوب تحالف جاری  
دکدر اقروی .

۲۰ — مدت اجاره نک بعضیسی مرور ایتدکدن ویا  
مستأجر یولک بعضیسی قطع ایلدکدن صکره بروجه بالا اختلاف  
ایتدکرنده تحالف جاری اولوب ایکسیده بمین ایدرلر ایسه  
باقی مدت حقه ده اجاره فسخ ایدیلور . اما کچن مدتده سوز  
مستاجر کدر . « ۱۸۷۱ » ماده یه باقی زد مختار .  
بکرمه تعالی تمت الاجاره . وبمنه تعالی یلیها الکفالة .

الحمد لله لاحول ولا قوة الا بالله











3 1761 07358525 9

